

K253.743
3

გამარჯ. საზოგადოების გამოცემა, № 205



დ. უზნაძე

გველი ისტორია

სისტემატორი კურსი

წ. II

ბ. მ. მ. ისტორია.

მეორე შეესებული, შესწორებული და დასურათებული გამოცემა

ბ. შიშინი.

სტამბა ბარ. კლაპისა, აშერის ქ. № 3.

1920

დ. უზნაძე


კველი ისტორია

სისტემატიური კურსი

წ. II

რომის ისტორია.

მეორე შევსებული, შესწორებული და დასურ: ებული გამოცემა.



ტფილისი.

სტამბა ბარ. კლაძისა. ამერიკის ქ. № 3.

1920

94(57)
Handwritten text at the top left of the page.



K 253.743
3

62824030206
2232020606
03385000
2022000000

წინასიტყვაობა

ჩემი „რომის ისტორიის“ მეორე გამოცემა საკმაოდ განიზრჩევა პირველისაგან (რომელიც დაახლოვებით ამ ერთი წლის წინად გამოვიდა) არა მარტო გარეგნულად (პირველი გამოცემა ილუსტრაციებს სრულებით არ შეიცავდა), არამედ შინაარსის მხრივაც. ცვლილებები განსაკუთრებით შემდეგ ნაწილებს შეეხო: იტალიის მოსახლეობა, რომელთა სარწმუნოება, რომის ძველი წყობილება, რომის რესპუბლიკის პირველი ხანების საგარეო პოლიტიკა (რომელიც სიციხადისათვის თავდაცვითი და შეტევითი ომების ხანად გაიყო), დემოკრატიული წესწყობილება (პირველი გამოცემის მცირე შენიშვნებიდან იგი მთელს თავად გადაიქცა), რევოლუციის ხანის დასაწყისი (შინაგანი პირობები, როგორც შედეგი მსოფლიო მონარქიის დამკვიდრებისა), მარიუს-სულას ხანა (მეორე გამოცემაში მე შევეცადე, ამ ხანის საშინაო ცხოვრება ცალკე დამეხასიათებია და საგარეო—ცალკე, მაგრამ ისე, რომ რომის იმდროინდელი ცხოვრების ბუნება, როგორც სინთეზი ორივე ამ მიმდინარეობისა, ჩრდილში არ დარჩენილიყო); ტრიუმფირატების ხანა გარდამავალ ხანად იქნა გამოყოფილი. მკითხველი დაინახავს, რომ „რომის ისტორიის“ შედგენის დროს მე სანიმუშოდ არც ერთს სახელმძღვანელოს არ მივსდევდი. მე ხელთ მქონდა სახელმძღვანელოდ, ერთის მხრივ, საუკეთესო გამოკვლევები ამ დარგში, ხოლო მეორეს მხრივ—ის პირადი მუშაობა, რომელსაც თავის დროზე ისეთი სპეციალისტების ხელმძღვანელობით ვაწარმოებდი, როგორიც იყვნენ პროფ. ნიზე და ვილკენი. სხვათა შორის მინდა აღვნიშნო, რომ ე. წ. ლიციანიუსის კანონები ჩემს სახელმძღვანელოში თავისებურად არის გაშუქებული. ამ შემთხვევაში ლივიუსზე

უკეთეს წყაროდ დიოდორი უნდა ჩაითვალოს, როგორც ამას
 ელ. შეიერი (Rhein. Mus. XXXVII) და ნიზე (Hermes,
 XXIII) ამტკიცებენ. ჩემს სახელმძღვანელოში ზოგი ისეთი
 ცნობებიცაა მოყვანილი, რომ შეიძლება საშუალო სკოლაში
 ყველა მათი შესწავლა საჭირო არ აღმოჩნდეს. მაგრამ შე
 ვფიქრობ, რომ ჩვენს პირობებში, როდესაც საკითხავი წიგნე
 ბი ჯერ კიდევ თითქმის სრულიად არ მოგვეპოება, ეს გარე
 პოება შეუძლებელია ნაკლად ჩაითვალოს. ასეთ შემთხვევაში
 მასწავლებელს ადვილად შეუძლია, წიგნში შესაფერი შემოკ
 ლება შეიტანოს.

ავტორი

ტფილისი, 1920, 7/VII



რომის ისტორია

აღექსანდრე მაკედონელის მსოფლიო მონარქია. მეოთხე საუკუნეში ქრისტეს დაბადებამდე საბერძნეთის კულტურის განვითარება უმაღლეს დონეზე იდგა. მაგრამ სახელმწიფოებრივად საბერძნეთი სუსტი იყო და მას ძალა არ შესწევდა, მთელი იმდროინდელი მსოფლიო თავისი გავლენის ქვეშ მოექცია. ამისთვის საჭირო იყო ჯერ თვითონ საბერძნეთის გაერთიანება და შემდეგ დანარჩენი ქვეყნების ერთსახელმწიფოებრივ ფარგალში მოქცევა. ამ ისტორიული მიზნის განხორციელება აღექსანდრე მაკედონელს ხედა წილად. სულ რამდენიმე წლის განმავლობაში მან მთელი აღმოსავლეთი დაიპყრო და საბერძნეთის კულტურულ გავლენას ფართო გზა გაუხსნა. მაგრამ დასავლეთი მაინც მისი გავლენის წრის გარეშე დარჩა. აქ ჯერ კიდევ უკულტურო ერები ბინადრობდნენ, რომელთათვისაც სახელმწიფოებრივი და საზოგადოებრივი შეგნება უცხო იყო.

მეშვიდე საუკუნიდან დაწყებული აქაც გაჩნდა ახალი კერა კულტურული აღორძინებისა, რომელსაც ისტორიულად დასავლეთი ევროპის ხალხებისა და შემდეგ მთელი იმდროინდელი კაცობრიობის კულტურული გაერთიანების ვალდებულება დაეკისრა. ეს ახალი კერა აპენინის ნახევარ-კუნძულის ერთ-ერთი ქალაქი, რომი იყო; იგი მალე მთელს მსოფლიოს მოექცა სათავეში და რომის სახელმწიფოს სახით თითქმის მთელი დასავლეთი და აღმოსავლეთი გააერთიანა.



ქველი იტალია, მისი მოსახლეობა და სარწმუნოება.

გეოგრაფიული მდებარეობა. ბალკანების დასავლეთით შორს, ზღვაში, შექრილია აპენინის ნახევარ-კუნძული. მისი აღმოსავლეთი საზღვარი ადრიატიკის ზღვაა, სამხრეთი—იონიისა და დასავლეთი—ტირენის ზღვა. ხოლო ჩრდილოეთით იგი კონტინენტს მდინარე პადუსის ველით უერთდება და ალპის მთებამდე გრძელდება, ასე რომ მის ჩრდილოეთ საზღვრად ეს ალპის მთები უნდა ჩაითვალოს. დღეს მთელს ამ მიდამოს იტალია ეწოდება; წინად იგი ორ ნაწილად იყო გაყოფილი: თვით ნახევარ კუნძულს იტალია ეწოდებოდა, ხოლო კონტინენტალურ ნაწილს (მდ. პადუსის ველს) აქეთა მხრის გალია ანუ გალია ციზალპინა.

ბალკანების ნახევარ-კუნძული აღმოსავლეთისაკენაა მიბრუნებული, ხოლო დასავლეთი ნაწილი კარიჩაკეტილია და თითქმის მთელ მსოფლიოს მოწყვეტილია. ამიტომ ბალკანეთს თითქოს თვით ბუნებისაგან ჰქონდა დაკისრებული აღმოსავლეთით კულტურის მიღება, მისი გადაბრუნება და უმთავრესად იმავე მიმართულებით გავრცელება.

სულ სხვაგვარია იტალია. იგი აპენინის მთაგრეხილით ორს ნაწილად, აღმოსავლეთსა და დასავლეთ ნაწილად იყოფა. აღმოსავლეთის ნაპირი სწორხაზოვანია და ამიტომ მიმოსვლისათვის გამოუსადეგარი, ხოლო დასავლეთი თავისი უსწორმასწორო ზღვისკიდურით და მრავალი ნავთსადგურით აღმოსავლეთ საბერძნეთს მოგვეგონებს. ამგვარად, მისვლა-მოსვლისთვის სწორედ ეს ნაწილია განსაკუთრებით ხელსაყრელი. ასე რომ თუ საბერძნეთს პირი აღმოსავლეთისკენ ჰქონდა მიბრუნებული, იტალია დასავლეთის ქვეყნებისაკენ იცქირებოდა. მაგრამ დასავლეთით უკულტურო ქვეყნები იყვნენ, და ამ მიმართულებით იტალიიდან თუ გავიდოდა რამე, თორემ შემოსვლით ვერაფერი შემოვიდოდა. სა-

მაგიეროდ აღმოსავლეთით იტალიის სამხრეთი იყო კარგახსნილი. აქაური ნავთსადგურები და ზღვაში კიდევ კუნძულებმა მას საბერძნეთს უახლოვებდნენ. ამიტომ საბერძნეთის კულტურის კარად სწორედ ეს ნაწილი უნდა ჩაითვალოს.

ამგვარად, იტალია თითქოს თვით ბუნებრივი აგებულების მხრივ იყო მოწოდებული, აღმოსავლეთით საბერძნეთის კულტურა მიეღო და დასავლეთით იგი მთელი იქეთ მდებარე ევროპისათვის გადაეცა. იგი ნამდვილი შუამავალი იყო დასავლეთსა და საბერძნეთს შორის, და, მართლაც, მისი უმთავრესი დანიშნულება და მნიშვნელობა ამ შუამავლობაში გამოიხატებოდა.

იტალიის ნაწილები. თვით იტალია, ისე როგორც საბერძნეთიც, სამს ნაწილად იყო გაყოფილი: 1. ჩრდილო იტალიას ანუ აქეთა მხრის გალიას მდინარე პადუსის აუზი ეჭირა და ნოციერ ველს წარმოადგენდა, რომელსაც პადუსი და მისი მრავალი შენაკადი რწყავდა.

2. ზაშვლო იტალიაში, სადაც განსაკუთრებით ორ მდინარეს, არნოსა და ტიბროს ჰქონდა მნიშვნელობა, მრავალი ნაწილი იყო. მაგრამ მათ შორის განსაკუთრებით ეტრურია, ლაციუმი, კამპანია და სამნიუმი უნდა აღინიშნონ.

3. სამხრეთი იტალია ბერძენთა ახალშენებით იყო მოფენილი და ძველად მას დიდ საბერძნეთს (*magna Graecia*) უწოდებდნენ.

იტალიის მოსახლეობა. თავისი მდებარეობით, ჰავითა და ნიადაგის ნოციერებით იტალია კარგს მდგომარეობაში იმყოფებოდა: ცხელი და ზომიერი სარტყლის უპირატესობანი, თვისებები მთებისა და ბარისა—ყველაფერი ეს იტალიის სიმდიდრეს შეადგენდა. თავისი პურით და საქონლით, თავისი ღვინითა და ხილით იტალია ყოველთვის სახელგანთქმული იყო მთელს საბერძნეთში. მეორეს მხრივ ზღვის სიახლოვე და მდიდარი ტყეები საუკეთესო პირობებს ჰქმნიდნენ იქ ზღვაოსნობის განვითარებისა და სხვა ქვეყნებთან დაახლოვებისათვის.

ასეთს გეოგრაფიულ პირობებში მოსახლეობა უძველესი დროიდანვე უნდა გაჩენილიყო. ვინ იყო ეს უძველესი მოსახლეობა, ჯერ არავინ იცის; ხოლო თუ გადმოცემას დაფუძვრებით, იტალიის პირვანდელ ბინადრებად მაშინ **ლიგურები** უნდა ჩავთვალოთ, ხალხი, რომელიც ისტორიულს ხანაში ჩრდილო აპენინებსა და სამხრეთ ალპებზე ცხოვრობდა. ყოველს შემთხვევაში იტალიის პირვანდელი ბინადრები კულტურულად საკმაოდ მაღალ დონეზე უნდა მდგარიყვნენ. ამას ის გარემოება ამტკიცებს, რომ იგინი კრეტა-მიკენის კულტურულ წრესთან საკმაოდ დაახლოებულნი ყოფილან. რა თქმა უნდა, ამ შემთხვევაში მათ შუამავლები უნდა ჰყოლოდათ, და უეჭველია ასეთს შუამავლობას მათ **ფინიკიელები** გაუწევდნენ, ერთად-ერთი ხალხი, რომელიც იმ დროს ყველგან სავაჭრო შუამავლობის საქმეს ასრულებდა.

მაგრამ შემდეგში ჩრდილოეთის მიმართულებით იტალიას ახალი ხალხი ეწვია, რომელმაც ისტორიული დროის იტალიური მოსახლეობა შეჰქმნა. თუ მხედველობაში არ მივიღებთ ბერძენთა ახალშენებს, რომელთა რიცხვიც სამხრეთ იტალიასა და სიცილიაში განსაკუთრებით დიდი იყო, იტალიის ისტორიული მოსახლეობა შეიძლება ორს დიდ ჯგუფად გავყოთ.

პირველ ჯგუფს იმ ხალხთა შორის, რომელთაც მეცნიერება იცნობს, სრულიად განსაკუთრებული ალბაგი უპყრია. ამ ჯგუფში პირველი ადგილი **ეტრუსკელებს** უნდა დაეთმოს. მათი თავისებურება ისე დიდია, რომ დღემდის არავინ იცის, თუ რომელ ხალხთა ტომს ეკუთვნიან იგინი. სხვათა შორის ისეთი აზრიც არსებობს, რომლის მიხედვითაც ეს ხალხი ქართველების მონათესავე უნდა იყოს.

ეტრუსკელები ჩრდილო იტალიაში ცხოვრობდნენ, განსაკუთრებით მდინარე პადუსის აუზში, და მათი მიწაწყალი ერთი ზღვიდან მეორემდე წვდებოდა. პომეროსის მოწმობით, იგინი ადრე გაეცნენ ბერძნებს და მათთან განცხოველებული სავაჭრო ურთიერთობა დაამყარეს. ეტრუსკელებმა ადვილად შეითვისეს ბერძნების კულტურული ზეგავლენა და ძალიან მალე

მთელს იტალიაში ყველაზე უფრო კულტურულ ხალხად გარდაიქცნენ. მწერლობა, ფულის ხმარება, მრეწველობა და ხელოვნება ეტრუსკელებმა ბერძნებისაგან ისწავლეს და იტალიის დანარჩენ მკვიდრთა შორის გაავრცელეს. ასეთს პირობებში იგინი ძლიერ გამდიდრდნენ და უზრუნველსა და ფუფუნებითი ცხოვრებას მიეჩვივნენ. ამის მიუხედავად ერთი მთლიანი სახელმწიფოს დაარსება მაინც ვერას დროს ვერ შესძლეს. მათს თორმეტს საქალაქო თემს არაფერი არ აერთებდა, გარდა სარწმუნოებრივი კულტისა. თუმცა იყო ისეთი შემთხვევებიც, როდესაც იგინი საერთო მტრის საწინააღმდეგოდ დროებით კავშირს ჰკრავდნენ ხოლმე. თავისი სიმდიდრისა და ფუფუნების მიუხედავად ეტრუსკელები შვენიერი მემორები იყვნენ, და ერთ დროს მახლობელ ზღვებზე ბატონობა მათ ხელთ იყო; ხოლო როდესაც სამხრეთ საბერძნეთში გადავიდნენ, აქ მათ წინააღმდეგ სიცილიელი ბერძნები (სირაკუზელები) დაირაზნენ და ბოლოს და ბოლოს ზღვაზე ბატონობა ხელიდან გამოჰგლიჯეს. *)

იტალიის მოსახლეობის მეორე ჯგუფის ტომები მკიდრო ნათესავობაში იმყოფებოდნენ ურთიერთთან და ხალხთა ინდოევროპიულ ჯგუფს ეკუთვნოდნენ. უნდა ვიფიქროთ, რომ იგინი კელტებთან უფრო ახლო იდგნენ, ვიდრე ბერძნებთან. ეს ჯგუფი, რამდენადაც ეს მათი ენის ნაშთებიდან ჩანს, ორს დიდ ტომად იყოფოდა. ერთს შეადგენდნენ ე. წ. **უმბრო-საბელეზი**, ხოლო მეორეს, უფრო მცირეს—**ლათინები**. უმბრები პირველად ადრიატიკის ზღვის ნაპირას, პადუსის შესართავთან ცხოვრობდნენ, მაგრამ შემდეგ, გალებისა და ეტრუსკელების ზეგავლენით, იძულებულნი შეიქმნენ, ზღვის ნაპირი მიეტოვებიათ და ახლო მდებარე მთები დაეკავებიათ.

საბელეზი უფრო **სამნიტების** სახელით არიან ცნობილნი და საკმაოდ დიდ ხალხს წარმოადგენდნენ. ჯერ კიდევ მებუთე საუკუნიდან ქრ. დაბადებამდე სამნიტელებმა სამხრეთით იწყეს მოძრაობა

*) ეტრუსკელებს გარდა იტალიაში მოსახლე ხალხთა შორის განსაკუთრებული ალავი იაპიგებს, ლიგურებსა და ვენეტებს ეპყროთ. იაპიგები, რომელნიც სამს ტომად იყოფოდნენ, სამხრეთით ცხოვრობდნენ; ხოლო ლიგურები და ვენეტები ეტრუსკელების ჩრდილო მესობლები იყვნენ.

და იქ ახალი ხალხების მთელი რიგი შეჰქმნეს, რომელთა შორისაც განსაკუთრებით მნიშვნელოვანნი კამპანელები (მათი მთავარი ქალაქი კაპუა იყო) შეიქმნენ. ყველა ეს საბელური ხალხები ერთს ენაზე (ოსკური ენა) ლაპარაკობდნენ, ხოლო კულტურის მხრივ ორ ჯგუფად იყოფოდნენ: ის ტომები, რომელნიც სამხრეთ იტალიაში ბერძნების ახალშენების სიახლოვეს ან მათ აღვილას ბინადრობდნენ, ბერძნული კულტურის ზეგავლენას დემორჩილდნენ; მაგ., კამპანელებმა რამდენიმე მდიდარი ქალაქი შეჰქმნეს, მწერლობა შემოიღეს და ვაჭრობა-მრეწველობა გააცხოველეს; ხოლო ის ტომები, რომელნიც ნახევარკუნძულის შიდა ნაწილებში ცხოვრობდნენ, უმთავრესად ძველს სასოფლო მეურნეობასა და ცხოვრებას ეწეოდნენ. ისე როგორც ეტრუსკელებს, არც ამათ ჰქონიათ ურთიერთშორის სახელმწიფოებრივი კავშირი: იგინი პოლიტიკურად მუდამ განცალკევებით ცხოვრობდნენ და თავისი მეომრობის მიუხედავად დიდს საშიშროებას არავისთვის არას დროს არ წარმოადგენდნენ.

სულ სხვა იყვნენ ლათინები, რომელნიც მდინარე ტიბროსის შესართავთან მდებარე ზღვისკიდურის ველზე ბინადრობდნენ. ამ მიდამოებს განსაკუთრებით ხელსაყრელი გეოგრაფიული პირობები ჰქონდა. ჯერ ერთი— მათ მთელი იტალიის ცენტრალური ადგილი ეკავათ. ამიტომ საკმარისი იყო აქაურ მცხოვრებთა გაერთიანება და შემდეგ მეზობლად მდებარე ქვეყნების დაპყრობა, რათა მთელი იტალია მათს განკარგულებაში გადასულიყო. მეორე კიდევ ისა, რომ თვით ამ მიდამოების დაპყრობა სხვების მიერ ძლიერ ძნელი იყო, რადგანაც გარშემო მაღლობები იყო, რომელნიც აქაურ მკვიდრთათვის უძლეველ საფარს წარმოადგენდნენ. ალბად ამით აიხსნება ის გარემოება, რომ მთელი იტალიის გაერთიანება სწორედ აქედან დაიწყო: ქალაქი რომი, რომელიც მთელს ამ მიდამოებს ჰფლობდა, სულ მოკლე ხნის განმავლობაში მთელი იტალიის ბატონ-პატრონად გადაიქცა. მაგრამ რაკი ამგვარად მთელი იტალია ერთის მთლიანი სახელმწიფოს ფარგლებში

გაერთიანდა, აღვილი შეიქმნა, რომის მახვილი ეხლა კპენინეულის დასავლეთითა და აღმოსავლეთით მდებარე ქვეყნებისა ცენტრალურ მიმართულიყო. ამას იტალიას მისი ცენტრალური მდებარეობა უკარნახებდა.



ძველი რომაელი ცოლქმარი (ე. წ. კატონი და პორცია)

სარწმუნოება. სარწმუნოების მხრივ იტალიელები ბერძნებს მოგვაგონებენ. მაგრამ მათ, განსაკუთრებით კი ეტრუსკელებს, მრავალი თავისებურებაც ჰქონდათ. დამახასიათებელი იყო მათთვის გარდაცვალებულთა სულის და იმევე დროს ცეცხლის თაყვანისცემა, რომელიც ყოველ ოჯახს უქრობი უნდა დაეცო. მაგრამ ყველაზე უფრო ცნობილი კერძოდ რომაელების სარწმუნოებაა.

მათი ღმერთები სასარგებლოს თუ მავნებელ მოვლენას აღნიშნავენ: არსებობდენ, მაგ., ღმერთები ვაჟკაცობისა, იმედისა, მორცხვობისა, თანხმობისა, შიშისა, საზღვრისა, კარისა და სხვა.

ასეთი განყენებული ხასიათი რომაელთა ღმერთებისა საკლებით ეთანხმებოდა იმ გარემოებასაც, რომ ეს ხალხი პირველ ხანებში თავის ღმერთებს არავითარ გამოხატულებას არ აღეცა.

ღამოკიდებულება ადამიანებსა და ღმერთებს შორის რომაელებს მარტივად ჰქონდათ წარმოდგენილი: მათის აზრით, ღმერთებსა და ადამიანთ შორის თითქოს ერთგვარი ხელშეკრულება იყო დადებული, რომელიც ადამიანთ ღმერთების პატივისათვის განსაკუთრებული ცერემონიების აღსრულებას ავალებდა, მაგრამ თუ ეს ცერემონიები შესრულებული იყვნენ, მაშინ ღმერთებიც მოვალედ ითვლებოდნენ, ადამიანისათვის თავისი მფარველობა არ მოეკლოთ.

აღმოსავლეთის ხალხებს და განსაკუთრებით ბერძნებს სარწმუნოებრივ ნიადაგზე მრავალი მითი და თქმულება ჰქონდათ შექმნილი. რომაელებს-კი ამის მსგავსი არაფერი არ ჰქონიათ: ქვეყნის წარმოშობის საკითხი ან სხვა რამ ამგვარი მათს ფანტაზიას სრულიად არ ამოძრავებდა.

ყველა ამის მიხედვით, რომაელთა სარწმუნოების ბუნება მარტო ცერემონიების ზედმიწევნითს განვითარებას უწყობდა ხელს.

რაკი ამგვარად რომაელთა სარწმუნოებრივ გრძობას თავისი შინაგანი თავისებური შინაარსი არ ჰქონია, ამიტომ მათთვის ყოველთვის ადვილი იყო, სხვა ხალხების სარწმუნოების გავლენას დაქვემდებარებოდნენ და თავისი რელიგიისათვის თანდათანობით სახე შეეცვალათ. ამ გარემოებამ თავიდანვე იჩინა პირი. პირველად იგინი განსაკუთრებით ბერძნებისა და ეტრუსკელების გავლენას დაემორჩილენ: რომში ძველადვე ძლიერ გავრცელებული იყო ე. წ. **აუსპიცები**, რომელიც მასში მდგომარეობდა, რომ რომაელთა ქურუმები ყოველი მნიშვნელოვანის სახელმწიფო და კერძო საქმეების დროს ფრინველთა ფრენის დაკვირვების საშუალებით ხალხს ღვთის ნებას ამცნობდნენ. მაგრამ რომაელების ხელში აუსპიცებს საფუძვლად იმდენად ღვთის ნამღვილი ნების გაგების სურვი-

ლი არ ჰქონიათ, რადენადაც ერთგვარი ცერემონიის ხასიათი, რომლის ასრულებაც ღვთის წინაშე განსახდურული მოვალეობის მოხდას ნიშნავდა. აუ ეს მოვალეობა მოხდელი იყო, მაშინ, რომაელების აზრით, ღმერთს თავისი დახმარების აღმოჩენა ეცალეობდა; ამიტომ იყო, რომ აუსპიციუმს მანამდე იმეორებდენ, სანამ მასში თავისთვის ხელსაყრელ ნიშნებს არ ამოიკითხავდენ.

აღსანიშნავია აგრედვე ე. წ. ჰარუსპიციებიც, რომელთაც ასეთივე ხასიათი ჰქონდათ. იგი სამსხვერპლო ცხოველთა შიგნეულობის დაკვირვებაში მდგომარეობდა, და უეჭველია, რომში ეტრუსკელების ზეგავლენით იყო შემოსული.

შემდეგში, როდესაც ბერძნების გავლენა განსაკუთრებით განმტკიცდა, რომაელების საოწმუნოების სახე შესამჩნევად შეიცვალა: ეხლა ძველის, განყენებული ღმერთების ადგილი ბერძნების ღმერთებმა დაიკავეს, და რომშიც თითქმის ისეთივე მთავარი ღმერთები გაჩნდნენ, როგორც საბერძნეთში იყვნენ ცნობილნი. ეხლა რომაელებმა ბერძენთა თითოეულს ღვთაებას თავისი რომაული შესატყვისი გამოუჩინეს: მათი იუპიტერი იგივე იყო, რაც ძველი, იუნონა იგივე, რაც ჰერა, ვენერა იგივე, რაც აფროდიტა, მარსი იგივე, რაც არესი და სხვა.

II

მეფეების ხანა (753—510)

რომაელების აღრინდელი წარსულის შესახებ დანამდვილებით არავინ არაფერი იცის, და ეს მიტომ, რომ იმდროინდელი ცნობები ყველა დაიკარგა. ამისი მიზეზი ის ცეცხლი იყო, რომელმაც მეოთხე საუკუნეში ქრისტ. წინ მთელი რომი გადასწვა და რომელსაც გალების შემოსევას უკავშირებენ, ასე რომ ყველაფერი, რაც რომში გალების შემოსევამდის მომხდარა, ჩვენთვის ბურუსით არის მოკლული. მართო ვადმოცემები და ლეგენდები მოიპოვება რომის ძველი ისტორიის

შესახებ, და ამ გადმოცემით მიხედვით რომის ისტორიის პირველი ხანი 753-იდან 510 წლამდე გრძელდება. ამ ხნას განმავლობაში რომის სათავეში მეფეები მდებარან, რომელთა რიცხვსაც გადმოცემა შვიდით განსაზღვრავს.

რომის დაარსება და რომულუსი. ლაციუმის ძველი მთავარი ქალაქის ალბალონგას მეფე ნუმიტორი, შთამომავალი ენკას შვილის, იულიუსის (აქედან gens julia), თავისი უმცროსი ძმის ამულიუსის მიერ ტახტიდან იქნა ჩამოგდებული, ხოლო მისი ვაჟი მოკლულ და ასული, რეა-ნილვია, ვესტას ქურუმქალად შეწირულია, რათა იგი არ გათხოვილიყო და მის შთამომავლობას ნუმიტორის ტახტი უკანვე არ დაებრუნებია. მაგრამ რეა-ნილვიას ღვთას ნებით ტყუში ეყოლა, რომულუსი და რემუსი. ამულიუსის ბრძანებით ორივე კალათაში ჩასვეს და შინ. ტიბრში გადასროლეს. მაგრამ ადიდებული წყალი რომ დავარდა, კალათა ბავშობათურთ ლეღვის ტოტზე (რომელსაც შემდეგში თავიანთ სტუმრად) დარჩა დაკიდებული. ზირველად ბავშვები ძუ მტელს ჩაუვარდა ხელთ, რომელმაც იგიები თავისი ძუძუთი გამოკვება, და შემდეგ — მწვემს, ფაუსტულს. როდესაც ბავშვები გაიზარდნენ, გაიგეს თავისი შთამომავლობა და ამულიუსი მოჰკლეს, ხოლო ნუმიტორის ტახტი დაუბრუნეს. თვითონვე უფრო ხელსაყრელ პირობებში ახალი ქალაქის აკება გადაწყვიტეს. როდესაც საქმე ახალი ქალაქის სახელწოდებაზე მიდგა, ძმებს უთანხმოება მოუვიდათ, რისი შედეგიც ის იყო, რომ რომულუსმა რემუსი მოჰკლა და ქალაქს თავისი სახელი უწოდა. რომის დაარსება, გადმოცემის თანახმად, 21 აპრილს 753 წ. ქრისტეს დაბადებამდე მოხდა.

რომულუსის მართვა-გამგეობა. ზირველი საზრუნავი რომულუსისა ის იყო, რომ როგორმე თავისი ქალაქისათვის მოსახლეთობა ემოტნა. ამ მიზნით მან თავშესაფარი მისცა ვეკლას, ვისაც ამა იუ იმ მიზნით თავის სამშობლო ქალაქში დარჩენა ან არ შეეძლო და ან არ უნდოდა. ამგვარად, მოსახლეთობა რომისა დღითიდღე იზრდებოდა. მაგრამ რომში ქალები არ იყვნენ და მანაც ერთ ხერხს მიმართა: რაკილებით მისი მოქალაქეების ცოლობა არავის არ უნდოდა, ამიტომ მან ერთ-ერთი ლიკორის პატრიუსსმად დღე-

სასწაულა მოაწყო და მეზობლები მოიწვია. ხალხი მრავლად გამო-
ცხადდა. აქ იყვნენ სხვათა შორის საბინელებიც. დღესასწაულს დროს
რომულუსმა თავის მოქალაქეებს ნიშანი მისცა, და მათაც დაავლეს ხე-
ლი სტუმარ ქალებს და თავის საცოლეებად გამოაცხადეს. ამ გარე-
მოებაში მეზობლებში დიდი უკმაყოფილება გამოიწვია, და იგინი
რომს დაეცნენ.

მაგრამ რადგანაც ომა შეუკავშირებლად დაიწვეს, რომულუსმა
სათითად უგულს დაამარცხა და მათა ქალაქები თავის ქალაქს შეუ-
ერთა, ხოლო მისახლეობა ნაწილობრივ რომში გადმოიყვანა. ამ-
გვარად, მარტო საბინელები დარჩნენ, რომელთანაც ომი განსაკუთრე-
ბით სასიფათო აღმოჩნდა. თავისი შვივის ტიტუს ტაციუსის ხელ-
მძღვანელობით, იგინი რომს დაეცნენ და კინდამ სავსებით დაიპყრეს.
მაგრამ ბოლოს საქმეში მოტაცებული საბინელო ქალები, რომელთა
ცოლები, ჩაერეონ და მებრძოლნი შეარიგეს. დადებული პირობის
მიხედვით ორივე ხალხი ერთ ხალხად შეერთდა და ახალი სახელი
მიიღო: *populus romanus quirites* (*quirites* საბინელებს ეწო-
დებოდა, რადგანაც იგინი ქალაქ *Cures*-ის მცხოვრებნი იყვნენ;
დღევანდელი მუნციერების აზრით *quirites* რომაელების პირველი
სახელწოდება იყო). შეუდ რომულუსი და ტიტუს ტაციუსი ორივე
დარჩა. მაგრამ ეს უკანასკნელი მალე მოკვდა, და მთელი რომის
მმართველად ისევ მარტო რომულუსი დარჩა. მან კიდევ შეუერთა
ახალი ქალაქები თავის რომს და მალე იგი საკმაოდ ძლიერ სახელ-
მწიფოდ გადააქცია.

მთელი შინაური ცხოვრების წესებიც რომულუსმა შექქინა:
ხალხი ორ ნაწილად გაჰყო; პირველს სრულყოფილებიანი მოქალაქენი,
ნამდვილო რომაელები, ე. წ. პატრიციები შეადგენდნენ, რომელნიც
თავის მხრივ სამ ტრიბად (ტოტად) იყოფოდნენ (რამნები, ტინციები
და ლუცერები), ხოლო თითოეულ ტრიბაში 30 კურია შედიოდა.

მოქალაქობრივი და პოლიტიკური უფლებები მარტო ამთ
ქტონდათ. იგინი ცალკე აკრიბებოდნენ კურიაების-და-მანკლეთ
(*comitia curiata*) და შეფას კანონებს იხილავდნენ, რომელთა ბე-
დიც იმაზე იყო დამოკიდებული, თუ კურიაების უმრავლესობა რა-
გორ შეხვდებოდა მას.

მეორე დაწესებულება სენატი იყო, რომელშიაც 300 მატრიცი შედიოდა და მეფის საზღოს შეადგენდა.

დანარჩენი მოსახლეობა ამ სრულყოფილებიან მოქალაქეთა ჯგუფის გარეშე იდგა და ამიტომ თავისი თავის უზრუნველსაყოფად რომელსავე მოქალაქეს უნდა მიეკედლებოდა; ამისთვის იგი მოვალე იყო თავისი მიწარველისთვის დანსაზღვრული სამსახური გაეწია. ამიტომ მატრიციებს პატრონებსაც უწოდებდნენ, ხოლო უბრალო ხალხს კლიენტებს.

რომულუსმა ჯარის ორგანიზაციასაც ჩაუყარა საფუძველი. *) თვითონ მთავარსარდლად, უმაღლესი მსჯულისა და ღვდელმთავრის უფლებები დაიტოვა. სხვა მოქალაქეთაგან განსასწავლებლად იგი ძოწულ მოსახლეობაში დადიოდა და სჯარო გამოსვლას დროს, ეტრუსკელი მეფეების მკალთიან მიხედვით, მას წინ 12 დიკტორი მიუძღოდა, რომელთაც ხელთ ხაჯახიანი წნელების კონა ეჭურათ, როგორც ნიშანი მეფის შეუზღუდველი ძალაუფლებისა. 37 წლის მეფობის შემდეგ რომულუსი, რომელების რწმენით, ზეცად იქმნა აუგანელი, და ამიტომ იგინი მას ქვირინის სახელით აღმერთებდნენ.

დანარჩენ მეფეთა შორის განსაკუთრებული უურადლების დარსათ ნუმს პომპილიუსი, სერვიუს ტულიუსი და უკანსკნელი მეფე, ტარქვინიუს ამაუ (superbus) უნდა ჩათვალოს.

ნუმა კომპილიუსი, შთამომავლობით საბინელი, რომულუსის შემდეგ გაშეიქცა. თუ რომულუსი უმთავრესად თავისი ქვეყნის საზღვრების გაფართოებისთვის ზრუნავდა და ამიტომ გამუდმებულ ომიანობაში ატარებდა დროს, სამაგეროდ ნუმს მშვიდობიანი ცხოვრების მოწყობისთვის იყო დაინტერესებული. გადმოცემის სატყვეთ, ნუმამ ახალი სარწმუნოებრივი კულტი შექმნა და ახალი სამღვდლო კოლეგიები დააწესა (1. ავგურები, რომელნიც აუსპიციების ე. ი. ფრინველთა ფრენის დაკვირვებით დმერთების ნებას ტუობილობდნენ, 2. პონტიფიცები ე. ი. ღვდელმთავრები, რომელნიც შთელს სარწმუნოებრივ ცხოვრებას მეთვალყურეობდნენ;

*) შექმნა ერთი ლეგიონი ქვეითა ჯარისა, 3000 კაცისაგან, და ცენსორინთა სამი ცენტურიონი (თითო ცენტურიონში 100 კაცი შედიოდა).

შემდეგ განსაკუთრებული სამდღეო თანამდებობაში ამ თუ ამ დემოკრატის მსხვერპლის შესწავლად). იმავე ნუმამ ახალი ვალები დარიც დაწესა, რომლის მიხედვითაც წელიწადი თორმეტ თვეთ იყო გაყოფილი. ამასთანავე მთელი მიწაწვლილი მოქალაქეთა შორის გაჭულ და ამგვარად შექმნილის კერძო საკუთრების დასაცავად ერთ-ერთ ბორცვზე (კაპიტოლინზე) საზღვრის დემოკრატის (Terminus) ტაძარი ააგებინა.

სერვიუს ტულიუსის მოღვაწეობა ახალი სახელმწიფო წეს-წყობილების შემოღებაში გამოიხატა, რომლის მიზანიც ის იყო, რომ მოქალაქეთა სამხედრო და თინანსიურ ფაქტობულებათა და მათს ზოლიტიკურ უფლებათა შორის სამართლიანი წინასწორობა დაეზარებოდა. ამ მხრივ სერვიუსის კონსტიტუცია სოლონიასს მოგვაგონებს.

K 253. 493

მთელი მოსახლეობა ხუთ კლასად იქმნა გაყოფილი, რომელთაც განსაზღვრული გადასახადი დაეკისრათ, ხოლო ვისაც ძლიერ ცოტა შემოსავალი ჰქონდა, იგი ხუთივე ამ კლასის გარეშე დარჩა (შემდეგში ამით პროლეტარები ე. ი. შეიღებოთ დაჯილდოებულნი უწოდეს). ზოლიტიკური უფლებებიც ამ კლასებს შორის შესაფერისად იქმნა განაწილებული: ვისაც მეტი გადასახადი ჰქონდა დაკისრებული, იმს უფლებებიც მეტი მიენიჭა. ამგვარად, შთამომავლობას-კი ადარ უნდა ჰქონოდა სახელმწიფოს მართვა-გამგეობის საქმეში გადაწყვეტი მიიღებოდა, არამედ სიმდიდრეს. მაგრამ რადგანც მალე შთამომავლობის ხალხი იმავე დროს მდიდრებიც იყვნენ, ამიტომ ნამდვილად სახელმწიფო უფლებები ისევ ზატრიციების ხელში დარჩა.

უკვლავ ეს ხუთი კლასი მოვალე იყო, სამხედრო სამსახური მოეხდა, ისე რომ თითოეული კლასი თავისი რიცხვის შესაფერ ცენტურიონებს იძლეოდა. ამგვარად სულ 193 ცენტურიონი შედგა. თითოეულ ცენტურიონს, იმის მიხედვით, თუ რომელი კლასიდან გამოდიოდა, განსაკუთრებული იარაღი ჰქონდა. პროლეტარები სავსებით თავისუფალი იყვნენ სამხედრო სამსახურისაგან.

სერვიუსმა ხალხის ახალი დანაწილების მიხედვით ახალი სა-

სამართლებლო
პარლამენტის
მართვული
გინჯილითება

ხალხს კრებებიც შეშადა. თითოეული ცენტურიონი ცალკე იკრიბებოდა (comitia centuriata) და ვველა სავითს ცენტურიონების უმეტესობა სწევდა.

სერვიუსმა ამის გარდა მუდმივი კავშირი შექმნა რომის გარშემო მცხოვრებ ლათინებთან და თავისი სახელი მითაც უკვდავ ქო, რომ დიდი გალავანი ააგო, რომელიც რომის შვიდსავე ბორცვს ქადაქს უერთებდა.

ტარქვინიუს ამაყი (superbus) უკანასკნელი მეფე იყო, რომელიც, გადმოცემის მიხედვით, სასტიკსა და უღმობელ ტირანს წარმოადგენდა. იგი არაერთარ ურადლებას არ აქცევდა სენატს და უბრალო ხალხს შიშე გადასახადებით აწუხებდა. მართალია, გარეშე შტრებთან საქმეები კარგად მიჰყავდა, მაგრამ შიგნით, თვითონ რომში, მისი შტრების რაცხვი დღითი-დღე იზრდებოდა. შედეგი ამისა ის იყო, რომ 510 წელს ქ. დ. ტარქვინიუსი რომიდან განდევნეს და სახელმწიფოში მართვამკეობის ასალი წესები შემოიღეს.

უთუოდ ვველა ეს გადმოცემა რომის მეფეებთან და მათი მოღვაწეობის შესახებ მხოლოდ მუხუთე სუგუნეში არის ჩაწერილი. მხამდი კა იგი ზეპირგადმოცემას შეადგენდა. ცხადია, ის ცნობები, რომელთა შესახებაც გადმოცემა მოგვითხრობს, სარწმუნოდ ვერ ჩათვლება. სერთოდ უნდა ითქვას, რომ ეს გადმოცემები ხალხის ფანტაზიის ნაყოფს შეადგენენ; იგინი განსაზღვრული მიზნით არიან შედგენილი: რაკი სხვა-და-სხვა დაწესებულების ნამდვილი წარმოშობის მიზეზი არ იცოდენ, ამიტომ ვველა ამ დაწესებულების შესახებ თქმულებებს ქქმნიდენ და ამა თუ იმ მეფის მოღვაწეობას აწორდენ. ამიტომაც, თუკი რაიმე მნიშვნელობა აქვთ ამ თქმულებებს, ეს მხოლოდ ის, რომ იგინი ცხადად გვიხევენ, თუ თვითონ რომაელებს თავისი ადრინდელი ისტორიის შესახებ რა წარმოდგენა ქქონდათ, როგორ აზროვნობდენ იგინი რომის ჩასახვას და მის თანდათანობით განვითარებას, როგორ ესმოდათ მათ სხვა-და-სხვა დაწესებულებების ისტორია და სხვა-და-სხვა ჩვეულების წარმოშობა.

უძველესი რომის წესწყობილება. რომის უძველესი ისტორიის შესახებ დანამდვილებით მხოლოდ შემდეგი შეიძლება ითქვას.

თვითონ რომს გეოგრაფიულად ხელსაყრელი პირობები ჰქონდა. იგი გაშენებული იყო მდ. ტიბროსის ნაპირას, რომელიც ამ ადგილას საკმაოდ ღრმა იყო და ზღვაოსნობისათვის ხელსაყრელი. ზღვის ნაპირი დაახლოვებით 25 მეტრის მანძილზე იყო. ეს გარემოება ადვილად ხსნის რომის განვითარებასა და გაძლიერებას: ლაციუმში იგი უძველესი დროიდანვე უდიდეს ქალაქად ითვლებოდა და მას თავიდანვე გაცილებით მეტი მიწაწყალი ეპყრო, ვიდრე ეს რომულუსის თქმულებიდან ჩანს: მარტო პალატინის ბორცვი რომს არასდროს არ ჰკავებია. შემდეგში იგი გაფართოვდა და ყველაზე ადრე ტიბროსის ქვედა ნაწილი დაისაკუთრა; ამით მან ადრიდანვე კავშირი გააბა ზღვასთან.

ლათინებთან რომაელები იმთავითვე მჭიდრო კავშირში იყვნენ: ენა, ზნეჩვეულება, ტანთსაცმელი და სარწმუნოება — ყველა ეს რომაელებსა და ლათინებს მუდამ საერთო ჰქონდათ. შესაძლებელია, რომი ლათინთა ქალაქების კავშირის ერთ-ერთი წევრი იყო, რომელიც შემდეგში გაძლიერდა და მთელ კავშირს დაებატონა.

ხალხი უმთავრესად მიწადმოქმედებას მისდევდა. მაგრამ ხელოსნობაც და ვაჭრობაც საკმაოდ იყო განვითარებული. ფულის მაგიერ პირველად საქონელს (pecunia) ხმარობდნენ, შემდეგ სპილენძზე გადავიდნენ, ხოლო აქა-იქ უცხოელი ფულიც იყო ხმარებაში.

რომაელებს სარწმუნოებრივი გრძნობა ძლიერ განვითარებული ჰქონდათ: მათი აზრით ყოველი მოვლენა ღმერთებზე იყო დამოკიდებული. აქედან წარმოიშვა წინასწარმეტყველობის ჩვეულება. სარწმუნოების სახელმძღვანელოდ ქურუმთა კოლეგიები იყვნენ შექმნილნი, რომელნიც საქმეს სახელმწიფოს ინტერესების მიხედვით განაგებდნენ.

რომის საზოგადოების შემადგენლობა ასეთი იყო: ხალხი ორს შთავარ წოდებად იყოფოდა. პირველს, უმაღლეს წოდებას, ე. წ. პატრიციები შეადგენდნენ, რომელნიც სამს ტომად (ტრიბად) იყვნენ გაყოფილნი (რამნები, ტიციები და ლუსცი-

რები) და თითოეული ტრიბა—30 კურიად. პატრიციები, გორც ჩანს, რომის აღრინდელი მოსახლეობის წრიდან მომდინარეობდენ, და სახელმწიფოს საქმეები არსებითად მარტო ამ წოდების წარმომადგენელთა ხელში იყო.

მეორე წოდებას ე. წ. პლებეები შეადგენდენ, რომელნიც თუმცა პირად თავისუფლებას მოკლებულნი არ იყვნენ, მაგრამ პირველ ხანებში სახელმწიფო საქმეებში ჩარევის უფლება არ ჰქონდათ. პლებეები მოსახლეობის დაპყრობილი ნაწილების წრიდან გამოდიოდენ. აღსანიშნავია, რომ რომელებს სახელმწიფოებრივმა აღლომ უკარნახა, მოსახლეობის ეს დიდი ნაწილი სამუდამოდ თავისი სახელმწიფოს ორგანიზმის გარეშე კი არ დაეტოვებიათ, როგორც ამას, მაგ., სპარტაში ჰქონდა ადგილი, არამედ მალე იგინიც ამ სახელმწიფო ორგანიზმის წრეში შეეყვანათ.

იყო მესამე ჯგუფიც, ე. წ. კლიენტები, რომელნიც ამათუ იმ პატრიცის პირად მფარველობას (პატრონობას) ეძიებდენ და ამგვარად კერძო პირის (პატრონის) მფარველობის ქვეშ იმყოფებოდენ. სამაგიეროდ იგინი მოვალენი იყვნენ თავისი პატრონებისათვის განსაზღვრული სამსახური გაეწიათ.

რომში პირველად ჯაღამწყვეტი მნიშვნელობა ტომებს ჰქონდათ, მაგრამ ეს მნიშვნელობა თანდათანობით შესუსტდა და თავისი ადგილი სახელმწიფოს ინტერესებს დაუთმო.

სახელმწიფოს სათავეში მეფე ედგა, რომლის მთავარ ფუნქციებს, როგორც ჩვეულებრივ, აქაც უმაღლესი მთავარსარდლობა, მსაჯულობა და ღვდელმთავრობა შეადგენდა. მეფეს არა მარტო აღმასრულებელი ძალაუფლება ჰქონდა, მის ხელთ იყო აგრედვე კანონმდებლობაც.

მაგრამ მეფის გვერდით ერთგვარი სათათბირო დაწესებულება არსებობდა, რომელიც მნიშვნელოვანი სახელმწიფო საკითხების გადაჭრის დროს მეფეს დახმარებას უწევდა. ეს დაწესებულება სენატის სახელით იყო ცნობილი. მისი შედგენილობა ჩვეულებრივ სამასი კაცით განისაზღვრებოდა და, რათქმა უნდა, პატრიციების წრიდან იკრიბებოდა.

მეფისა და სენატის მიერ შემუშავებულ კანონებს განსაზღვრავდა. მათგან უმთავრესი კანონები იყვნენ: **კომიციას წარუდგენდნენ**. პირველ ხანებში კომიცია პატრიციელთა კურიების ყრილობებით განისაზღვრებოდა და **კურიატკომიციის** სახელით იყო ცნობილი. ხმის მიცემა თითოეული კურიის მიხედვით წარმოებდა, ასე რომ თითოეულ კურიას ერთი ხმა ჰქონდა. ამგვარად, ხალხის მიერ მოწონებულად მხოლოდ ისეთი საკანონმდებლო წინადადება ითვლებოდა, რომელსაც კურიათა ყრილობების მეტი რიცხვი აძლევდა ხმას. მაგრამ კურიატკომიციების გადაწყვეტილება მეფისათვის არ იყო სავალდებულო: უმთავრესი გადაწყვეტი ხმა მაინც მას ეკუთვნოდა.

ამგვარად, რომის მთელი სახელმწიფოებრივი წესწყობილება შთამომავლობის პრინციპზე იყო აგებული: იგი პატრიციელთა წოდებას ეყრდნობოდა. მაგრამ აღსანიშნავია, რომ ჯერ კიდევ მეფეების ხანაში (გადმოცემით სერვიუსის ტულიუსის დროს) რომის სახელმწიფოს ორგანიზაციაში სრულიად ახალი და უფრო ჯანსაღი პრინციპი შეიქრა. საქმე ის არის, რომ რომში სახელმწიფო საკითხების განხილვის უფლება ეხლა შთამომავლობის გარდა იმასაც დაუკავშირეს, თუ **ქონებრივის მხრივ** ვის რა სამსახურის გაწევა შეეძლო სახელმწიფოსათვის. ამგვარად, ამ ახალი თვალსაზრისის მიხედვით, მოსახლეობის ხელახალი განაწილება მოხდა და რომში ახალი ერთეულები გაჩნდნენ, რომელნიც ქონების მიხედვით იყვნენ შედგენილნი. ამ ერთეულებს უწინარეს ყოვლისა სამხედრო სამსახური ევალებოდათ. მათი რიცხვი ხუთით განისაზღვრებოდა, და ყოველი რომაელი, შთამომავლობის მიუხედავად, ამა თუ იმ ჯგუფს ეკუთვნოდა, თუ რომ მას, რასაკვირველია, იმდენი ქონებრივი შეძლება მაინც ჰქონდა, რომ სამხედრო სამსახურის გაწევა შესძლებოდა. ვისაც მინიმალურად მიჩნეული ქონებრივი ცენზი არ ჰქონდა, იგი ამ ჯგუფებს გარეშე იდგა და, მაშასადამე, ისეთად იყო ცნობილი, რომელსაც სახელმწიფოსათვის აუცილებელი სამსახურის გაწევა არ შეეძლო. ასეთებს **პროლეტა-**

რები (ან capite censi) ეწოდებოდათ. ეს ხუთი ჯგუფი სამხედრო მოსაზრებით მცირე ჯგუფებად ე. წ. ცენტურიებად (ასეულებად) იყო გაყოფილი. მაგრამ რადგანაც სიმდიდრე უმთავრესად ეხლაც პატრიციების ხელთ იყო, ამიტომ ცენტურიათა უმეტესობას მაინც ამ წოდების ხალხი შეადგენდა. თითოეულს ცენტურიას ცალკე ყრილობის უფლება მიენიჭა, ასე რომ რომში ახალი, არა წოდებრივ პრინციპზე აგებული სახალხო კრების სახე ე. წ. ცენტურიატკომიცია გაჩნდა, რომელსაც სახელმწიფოებრივ ცხოვრებაში ახალი სიო შეჰქონდა.

მაგრამ ძირითადი საფუძველი რომის სახელმწიფოებრივი წესწყობილებისა ჯერხნობით მაინც ძველი დარჩა: გადამწყვეტი მნიშვნელობა სახელმწიფოს საქმეებში კლავინდებურად წოდებრიობის პრინციპს შერჩა, და დაახლოვებით 510 წლისათვის პატრიციელთა გავლენა ისე გაიზარდა, რომ მათ მეფობის დამხობა შესძლეს და სახელმწიფოს სათავეში თვითონ მოექცენ.

ამგვარად, რომში მონარქიის ნაცვლად რესპუბლიკური წესწყობილება იქმნა შემოღებული.

III

რომი რესპუბლიკა (510—27 ქ. წ.)

1. სახელმწიფოებრივი წესწყობილება. რესპუბლიკის დამყარება პატრიციელთა ძალაუფლების სრულ გაბატონებას ნიშნავდა. თუ წინად უმაღლესი მართვამგეობა მეფის ხელში იყო, ხოლო სხვა მხრივ მთელი სახელმწიფოს მესვეურობა პატრიციებს ევალებოდათ, ეხლა რესპუბლიკის შემოღებასთან ერთად ეს უმაღლესი მართვამგეობის ძალაუფლებებიც სავსებით პატრიციების ხელში გადავიდა. ამიტომ რომის სახელმწიფოებრივ წესწყობილებაში მხოლოდ ისეთი ცვლილებები

იქმნა შემოდებული, რომელნიც პატრიცების ამ ახალი ძალა-
უფლების მოპოებასთან იყვნენ დაკავშირებულნი.

ძველს დაწესებულებათა შორის, ამის მიხედვით, უდიდესი
ცვლილებები მეფობას უნდა განეცადა. მეფეს ეხლა ყოველ-
გვარი პოლიტიკური მნიშვნელობა განეძარცვა და იგი მხო-
ლოდ **ღვდელმთავრის** სახელით დარჩა ცნობილი (*rex sacrorum*).
მას ზოგი სარწმუნოებრივი ცერემონიის აღსრულება ევალე-
ბოდა, რომელიც მეფის პიროვნებასთან იყო დაკავშირებული.
მაგრამ რომ სახელმწიფოებრივი გავლენის მოპოების შესაძ-
ლებლობა მისთვის საეცებით მოესპოთ, ამიტომ იგი ამ მხრივაც
არჩეული თანამდებობის პირს ე. წ. **უმაღლეს ღვდელმთავარს**
(*pontifex maximus*) დაუქვემდებარეს.

დანარჩენი მისი უფლებები ორს თანამდებობის პირს ე. წ.
კონსულებს გადაეცათ (45 I-წლამდი ამათ პრეტორებს უწო-
დებდენ). კონსულს ერთი წლის ვადით ირჩევდენ და სამსახუ-
რის გათავების შემდეგ სახალხო კრებისთვის თავისი მოქმედე-
ბის ანგარიშის წარმოდგენას ავალებდენ. ამით მათ თავისი
მოღვაწეობის სიავკარგის პასუხისმგებლობა ეკისრებოდათ. ფი-
ნანსების საქმეს კონსულების მიერ დანიშნული თანამდებობის
პირნი ე. წ. **ქვესტორები** განაგებდენ.

განსაკუთრებულ შემთხვევებში, როდესაც სახელმწიფო
უკიდურეს ვაჭირვებაში ჩავარდებოდა, მთელს ძალაუფლებას
შაინც ერთ კაცს ანიჭებდენ, რომელსაც **დიკტატორს** უწოდებ-
დენ, და, სულ დიდი, მხოლოდ ექვსი თვით ირჩევდენ. მისი
არჩევა სენატის განკარგულებით კონსულს ჰქონდა დავალებუ-
ლი. დიკტატორი თავის თანაშემწეს (ე. წ. *magister equitum*,
მხედართა უფროსი) თვითონ ნიშნავდა, და როგორც კი თავის
საქმეს გაათავებდა, თავის თანაშემწესთან ერთად დიკტატორო-
ბაზე ხელს იღებდა და ძალა-უფლებას კონსულებს უბრუნებ-
და, ხოლო თვითონ ისევ ჩვეულებრივ მოქალაქედ რჩებოდა.

შემდეგში ზოგი უფლება კონსულებსაც ჩამოართვეს და
განსაკუთრებული თანამდებობანი (ე. წ. **მაგისტრატები**) შეპ-
ქნეს.

ძველ დაწესებულებათაგან განსაკუთრებული მნიშვნელობა სენატს მიენიჭა. ეს ასეც უნდა მომხდარიყო, ვინაიდან სახელმწიფოს უაღრესუფლებიანობის მატარებელი დაწესებულება, კონსულატი, თავისი შემადგენლობის მხრივ ცვალებადი იყო. სამაგიეროდ სენატის წევრები არ იცვლებოდნენ, თუ რომ რომელიმე მათგანის საწინააღმდეგოდ რაიმე განსაკუთრებული ბრალდება არ არსებობდა.

სენატში ეხლა კონსული თავმჯდომარეობდა. მასვე ჰქონდა უფლება სენატის წევრთა სიის ოთხ წელიწადში ერთხელ გადასინჯვისა და აუცილებელ შემთხვევებში მისი შესწორებისა. სენატის წევრებს კლავინდებურად ძველი სახელი, მამები (patres) ეწოდებოდათ.

არსებობს აზრი, რომლის მიხედვითაც უკვე რესპუბლიკის დამუარებასთან ერთად სენატში ზოგი პლებეიც უნდა ყოფილიყოს მიწვეულია. მაგრამ მათ სრული უფლებები არ უნდა ჰქონოდათ და თავისი აზრის გამოთქმა მხოლოდ ამ შემთხვევაში შესძლებოდათ, თუ რომ თავმჯდომარე მათ სკანკებოდ შეეკითხებოდა. ასეთებს „მაწერილებს“ (conscripti) ეწოდებოდა.

2. წოდებათა ურთიერთშორის დამოკიდებულება. მონარქიის დაცემასა და რესპუბლიკის შემოღებას პლებეებისათვის პირველ ხანებში არავითარი სარგებლობა არ მოუტანია. მათი უფლებრივი მდგომარეობა იგივე დარჩა: არც სენატის წევრობა, არც მაგისტრატების ან მაგისტრატად არჩევის უფლების განხორციელება, არც სხვა რამ მნიშვნელოვანი თანამდებობის დაკერა მათ არ შეეძლოთ. მთელი სახელმწიფოებრივი ძალაუფლება, რომელიც წინაჲ პატრიციებს ჰქონდათ, ისევ მათ ხელში დარჩა, და ამას აგრედვე ის უფლებებიც დაემატა, რომელნიც წინაჲ, მონარქიის დროს, მეფეთა ხელში იყვნენ. ამგვარად, რომის სახელმწიფო ცხოვრების სადავეებმა ყველამ პატრიციების ხელში მოიყარა თავი. პლებსი-კი თითქმის სავსებით სახელმწიფო ცხოვრების გარეშე დარჩა.

ასეთი უფლებრივი მდგომარეობა ხალხის უმრავლესობისა სრულიად არ შეეფერებოდა მის ნამდვილ მნიშვნელობას სა-

ხელმწიფოს ცხოვრებისა და წარმატებისათვის. საქმე ეს არის, რომ რესპუბლიკის პირველსავე წლებში რომი გამუდმებულ ომში იყო თავის მეზობლებთან. ომს-კი უწინარეს ყოვლისა ორი რამ ესაჭიროებოდა: ფული და ჯარი. პლებეები, როგორც ვიცით, სახელმწიფო გადასახადებს „ყოველთვის იხდიდნენ, და გაზრდილი საომარი ხარჯები ეხლა მათ, პატრიციებზე მეტათ თუ არა, ნაკლებად მაინც არ აწევებოდა. ამასთანავე ჯარში პლებეებიც არა თუ შედიოდნენ, არამედ მასში უმრავლესობასაც წარმოადგენდნენ. ასე რომ ომის სიმძიმე თითქმის მარტო მათ კისერზე იყო, და რომის სახელმწიფოს დაცვა და გაძლიერება მათი ხელით ხორციელდებოდა; ამავე დროს-კი მათ სახელმწიფოს მართვაგამგეობაზე არაფერი ეკითხებოდათ.

ცხადია, ასეთ პირობებში თავისი უფლებრივი მდგომარეობის შეუფერებლობას პლებეები ნათლად იგრძნობდნენ. ეს მით უფრო მოსალოდნელი იყო, რომ პატრიციები თავისი განსაკუთრებული უფლებებით ბოროტად სარგებლობდნენ და პლებსის ხარჯზე თავისი პირადი მდგომარეობის გაუმჯობესებას ცდილობდნენ.

პლებეები გამუდმებული ომების გამო ჯარში იყვნენ და, მაშასადამე, ყანების დათესვას ვეღარ ახერხებდნენ. ამიტომ იგი-ნი იძულებულნი იყვნენ ხშირად, სესხის ასაღებად მდიდარი პატრიციებისათვის მიემართათ და დავალიანებულიყვნენ. ვალს გადახდა უნდოდა, ამას-კი პლებეები იმავე მიზეზების გამო ზოგჯერ ვერ ახერხებდნენ. პატრიციები-კი მოვალეების მიმართ ულმობელობას იჩენდნენ: არსებული კანონების მიხედვით მოვალეს ციხეში აგზავნიდნენ და ხშირად მონადაც იყვანდნენ.

ასეთი მდგომარეობა მშვენიერი ნიადაგი იყო, რათა ხალხში უკმაყოფილება დაბადებულიყო და გაზრდილიყო. და ამ უკმაყოფილებამ მალე იჩინა თავი. პლებსი სახელმწიფოებრივი უფლებების გაზიარებას მოითხოვდა, ვინაიდან ხედავდა, რომ პატრიციები სახელმწიფო ძალა-უფლებას თავისი ინტერესების-და-მიხედვით იყენებდნენ. პატრიციები ყოველ ღონეს ხმარობდნენ, თავისი უპირატესობანი არავისთვის გაეზიარებიათ; რომში წოდებრივი ბრძოლა დაიწყო.

3. პლებეების უფლებათა თანდათან გაფართოება

რომი ტერიტორიალურად განსაკუთრებულ ერთეულად ე. წ. ტრიბებად იყო გაყოფილი; მათი რიცხვი ოცდაერთს უდრიდა, და გადასახადების აკრება მათი მიხედვით წარმოებდა. ტრიბებში დიდ უმეტესობას, რა თქმა უნდა, პლებეები შეადგენდნენ და იგინი თავისი საზოგადო საქმეების განსახილველად და გადასაწყვეტად ხშირად ტრიბების მიხედვით იკრიბებოდნენ. ამგვარად, რომში სახალხო ყრილობის ახალი სახე, ე. წ. ტრიბუტკომიცია ჩნდებოდა, რომელიც თავისი შემადგენლობით თითქმის წმინდა წოდებრივს, სახელდობრ პლებეურ ხასიათს ღებულობდა. რადგანაც ზოგჯერ ტრიბუტკომიციები ზოგს სახელმწიფოებრივი მნიშვნელობის საკითხსაც ეხებოდნენ, ამიტომ ტრიბუტკომიციების შემოღებით პლებეებს პოლიტიკური საკითხების გადაწყვეტის დროს ერთგვარი ხმის უფლება მიენიჭა.

აღსანიშნავია მეორე ნაბიჯიც, რომელიც პლებეებმა თავისი მდგომარეობის შესამსუბუქებლად გადასდგეს. პატრიცი მოსამართლენი პლებეების საქმეში მუდამ თვითნებობასა და უკანონობას იჩენდნენ, და რაკი მათი განაჩენის გასაჩივრება არ შეიძლებოდა, პლებეები იძულებულნი იყვნენ, უკანონობას უსიტყვოთ დამორჩილებოდნენ. რესპუბლიკური წესწყობილების დამკვიდრების პირველსავე წელში მათ ე. წ. პროვოკაციის უფლება მოიპოვეს (lex de provocatione), ე. ი. მაგისტრატის განაჩენზე ზოგს მნიშვნელოვან სისხლის სამართლის საქმეში (სასტიკი სასჯელი, სიკვდილით დასჯა, დიდი ჯარმის დადება) ნება დართული შეიქმნა სახალხო ყრილობაში (ცენტურიების ყრილობაში) აპელაციის გადატანა (ე. ი. განსაჩივრება).

მაგრამ გაცილებით მეტი მნიშვნელობა იმ უფლებას ჰქონდა, რომელიც პლებეებმა დაახლოვებით 494 წელს მოიპოვეს. როდესაც ერთ-ერთი ომის გათავების შემდეგ პლებეები სახლში დაბრუნდნენ, წინააღმდეგ დაპირებისა, გამარჯვებულები, ვალის გადაუხდელობის გამო, ციხეში ჩასვეს. ეს

იმდენად შეუფერებლად მოეჩვენათ პლებეებს, რომ მათ აშკარა აჯანყება მოაწყვეს. აღსანიშნავია, რომ ამ აჯანყებას უფრო საერთო გაფიცვის სახე ჰქონდა: პლებეებმა რომის სამუდამოდ დატოვება გადაწყვიტეს და ე. წ. წმიდა მთაზე გაიხიზნენ, სადაც თავისი სახელმწიფოს დაარსებას აპირებდნენ (*secessio plebis in montem sacrum*).*) ამას ის შედეგი მოჰყვა, რომ პატრიციები იძულებულნი შეიქმნენ, ნება დაერთოთ პლებეებისათვის თავისი წრიდან ორი ახალი თანამდებობის პირი ე. წ. ტრიბუნები აერჩიათ, რომელთა დანიშნულებაც მხოლოდ იმაში მდგომარეობდა, რომ პლებსი პატრიციების უსამართლობისაგან დაეცვათ. ამისთვის ტრიბუნებს საქმეში ჩარევის უფლება (*jus intercessionis*) მიეცათ და მათი პიროვნება ხელშეუხებლად იქნა ცნობილი (*sacrosancti*). შემდგომში ტრიბუნების უფლებები კიდევ უფრო გაფართოვდა, და მათი მნიშვნელობა სახელმწიფოში გადამწყვეტი ხასიათის შეიქმნა: მათი *veto*-ს უფლება, რომლის ძალითაც მათ ყოველი საკანონმდებლო წინადადების ვაბათილება შეეძლოთ, პლებსის უზენაესუფლებიანობის საუკეთესო გამოხატულებად უნდა ჩაითვალოს.

471 წელს, თანახმად პუბლილიუს ვალერიოს საკანონმდებლო წინადადებისა, ტრიბუნების ყრილობა წმინდა პლებეურ დაწესებულებად გადაიქცა, და მას ორი მთავარი უფლება მიენიჭა: ტრიბუნების არჩევისა და სხვა-და-სხვა საკითხის შესახებ თავისი გადაწყვეტილების პეტციის სახით სენატში წარდგენისა. ეს უკანასკნელი გარემოება მით არის საყურადღებო, რომ იგი პლებეების საკანონმდებლო უფლების პრინციპიალურ აღიარებას ნიშნავდა.

არ გასულა დიდხანი, რომ პლებეებს ავენტინის დასახლების უფლება (*lex icilia de aventino publicando*) მიენიჭათ და კონსულების უფლებები ჯარიმის დადების მხრივ შეზღუდულ იქმნა (*lex Tarpeia Aternia*).

*) ეს მთა რომზე 3/4 გეოგრაფიული მილით იყო დაშორებული.

დეცემვირატი. პლებები მაინც არ იყვნენ კმაყოფილნი. ისე, როგორც საბერძნეთშიც, სამართალი პატრიციების ხელთ იყო, და ის კანონები, რომლებითაც იგინი ხელმძღვანელობდნენ, მათს საიდუმლოებას შეადგენდა, რადგანაც ჩაწერილი არ იყვნენ. ეს, რა თქმა უნდა, პლებების ინტერესს არ შეეფერებოდა, და იგინი კანონების ჩაწერასა და გამოქვეყნებას მოითხოვდნენ. ამ მიზნისათვის ათი წლის ბრძოლის შემდეგ, როგორც იქმნა 451 წელს ცალკე კომისია იქმნა არჩეული, რომელიც ათი კაცისაგან შესდგებოდა (*decemviri legibus scribundis*). დეცემვირებს ამავე დროს თითქმის მთელი სახელმწიფო ძალაუფლებაც გადაეცათ, გარდა სამხედრო უფლებისა. პირველი წლის განმავლობაში 10 მუხლი შემუშავდა. მაგრამ რადგანაც საქმე ჯერ კიდევ არ იყო გათავებული, მომავალი წლისათვის ხელახალი არჩევნები მოხდა, და კომისიაში ეხლა ხუთი პლები შევიდა, რომელთაც კიდევ ორი ახალი მუხლი შეიმუშავეს. ამგვარად, სულ 12 მუხლი იყო, რომელიც ცალკე ფირფიტაზე იქმნა ამოკრილი და ყველასათვის გასაცნობად გამოკიდებული. ყველა ეს კანონი ახალს თითქმის არაფერს არ შეიცავდა. იგი სამოქალაქო სამართალს ეხებოდა და არსებული ადათის მიხედვით იყო შედგენილი. ერთ-ერთი მუხლი სხვათაშორის პლებებსა და პატრიციებს შორის ქორწინების აღკრძალვას ადასტურებდა. პლებსი, რომელიც მეტს მოელოდა, უკმაყოფილო იყო, და დეცემვირატის წინააღმდეგ ამხედრდა. 449 წელს ჯარის დახმარებით დეცემვირატი ჩამოაგდეს და ძველი წესწყობილება აღადგინეს.

ამ ახალს გამარჯვებას, რა თქმა უნდა, უფლებათა ახალი გაფართოება უნდა მოჰყოლოდა, და 449 წელსვე პლებების სახალხო კრებებს ე. წ. ტრიბუტკომიციებს ძალიან მნიშვნელოვანი უფლება მიენაქა: „რასაც პლებსი ტრიბუტკომიციებში გადასწყვეტს, მთელი ხალხისათვის არის სავალდებულო“-ო (*ut, quod tributim plebs jussisset, populum teneret*), ამბობდა ახალი კანონი, და ამით პლებების პოლიტიკურ გავლენას ფართო გზა ეხსნებოდა.

ორიოდე წლის შემდეგ ამავე ტრიბუტკომიციებს **ქვესტორების** არჩევის უფლებაც მიენიჭათ (წინედ თვითონ კონსულები ნიშნავდნ მათ). მართალია, ქვესტორად არჩევის უფლება ჯერ კიდევ მარტო პატრიციებს ჰქონდათ, მაგრამ სამაგიეროდ პლებსი თავის კომიციებში ყოველთვის თავისი ინტერესების დამცველის კანდიდატურას დაუჭერდა მხარს.

445 წელს, **კანულეის კანონის** (Lex Canuleia) მიხედვით, **ქორწინება** პატრიციელთა და პლებეებს შორის ნებადართულ იქმნა, და ამასთანავე პლებეებს უფლება მიენიჭათ **კონსულის თანამდებობის დაკავებისა**. ეს დიდი გამარჯვება იყო პლებეებისათვის, მაგრამ პატრიციებს არაფრისთვის არ სურდათ, უმაღლესი სახელმწიფო თანამდებობა პლებეებისათვისაც გაეზიარებიათ და ამიტომ კანონი გაატარეს, რომლის მიხედვითაც ნებადართულ იქმნა, კონსულის მაგიერ ახალი თანამდებობის პირნი ე. წ. „**სამხედრო ტრიბუნები**“ (tribuni militum consulari potestate) აერჩიათ. მათი რიცხვი სხვა-და-სხვა დროს სხვა-და-სხვა იყო (3, 4, 6, 8, 9). ამგვარად, რაკი სახელმწიფოს უმაღლესი მართველის ძალაუფლება პლებეებსაც გაუზიარეს, პატრიციებმა მისი შესუსტება ეხლა მიზანშეწონილად დაინახეს, და ამით აიხსნება კონსულობის ადგილას ამ ახალი თანამდებობის შემოღება. სამაგიეროდ, ეხლა **დიკატორის** დანიშვნა უფრო ხშირად შეიქმნა საჭირო, და დიკატატორობა-კი მხოლოდ პატრიციების ხელში იყო, რაც მას დიდ უპირატესობას ანიჭებდა. ამასთანავე 443 წელს, პატრიციების ზეგავლენით, ახალი თანამდებობა ე. წ. **ცენზორობა** შეიქმნა, რომელსაც მოქალაქეთა ქონების შეფასება, მათი კლასებად დაყოფა და ბოლო ხანებში მთელი სახელმწიფო ქონების მართვაგამგეობა და ძველი ზნეჩვეულების სიწმინდის შესახებ ზრუნვა დევალა. წინად ეს უფლება კონსულებს ჰქონდათ, და ეხლა, რაკი კონსულატში პლებეების მონაწილეობა იქმნა ნებადართული, ამიტომ პატრიციებისათვის ხელსაყრელი იყო, ასეთი ახალი თანამდებობა შეექმნათ და ცენზორის მნიშვნელოვანი უფლებები თავის ხელში დაეტოვებიათ.

ბრძოლა უფლებისათვის მაინც არ შენელებულა, და 421 წელს პლებეებმა სახელმწიფოს ფინანსიური მართველობისათვის მნიშვნელოვანი თანამდებობის პირების, **ქვესტორების** თათვისი წრიდან არჩევის უფლება საბოლოოდ მოიპოვეს.

პლებეები, რაც დრო გადიოდა, უფრო მეტს უკმაყოფილებას იჩენდნენ იმის გამო, რომ კონსულების არჩევა თითქმის სავსებით ხმარებიდან გამოდიოდა. ამ დროს სახელმწიფოს მეზობლებთან გამუდმებული ომები ჰქონდა, რომელიც თითქმის ყოველთვის რომაელების გამარჯაებით თავდებოდა. ყოველს ასეთს გამარჯვებას პლებეების მხრივ ახალ-ახალი უფლებების მოთხოვნის წამოყენება სდევდა თან.

დროებით, როდესაც რომს ვალები დაესხნენ თავს და დაიპყრეს იგი, სამოქალაქო ბრძოლა შეჩერდა. მაგრამ როდესაც მტერი უკუგდებულ იქმნა და ხალხი ხელ-ახლა წელში გაიმართა, პლებეებმა შენელებული ბრძოლა თანასწორუფლებიანობის მოსაპოვებლად ხელახლა გააცხოველეს. მეოთხე საუკუნის პირველ ნახევარში პლებებმა კატეგორიულად მოითხოვა, სამხედრო ტრიბუნების მაგიერ ხელახლა კონსულები აერჩიათ. საქმე იმდენად გამწვავდა, რომ სამოცდაათიან წლებში მთელი წლის განმავლობაში უმაღლესი თანამდებობის პირნი სრულიად არ აურჩევიათ. ანარქია თითქმის ოთხ წელს გაგრძელდა, და ბოლოს პატრიციები იძულებულნი შეიქმნენ, დათმობის გზაზე დამდგარიყვნენ: შინ წელს გამოქვეყნდა ე. წ. „**ლიცინიუსის კანონები**“, რომლის მიხედვითაც კონსულატი აღდგენილ იქმნა, ხოლო ერთ-ერთ კონსულად პლებეის არჩევა იქმნა დადასტურებული. სამაგიეროდ, პატრიციების დასაკმაყოფილებლად შექმნილ იქმნა მათთვის ახალი თანამდებობა ე. წ. **პრეტორა**, რომლის კომპეტენციასაც უმთავრესად სამოქალაქო სამართლის წარმოება შეადგენდა. ამავე დროს პატრიციებს საპოლიციო უფლებებიც დაუტოვეს, რომლისთვისაც მათი წრიდან ე. წ. **ედილებს** ირჩევდნენ.

მაგრამ სამოქალაქო ბრძოლა ამით არ დასრულებულა. პლებეები ასეთი კომპრომისებით მხოლოდ დროებით კმაყო-

ფილდებოდენ. თანდათანობით პატრიციების უპირატესობანი სათითაოდ ისპობოდენ, და მეოთხე საუკუნის დასასრულს წოდებათა სრული უფლებბრივი გათანასწორება ფაქტი შეიქმნა.

ამგვარად, თითქმის ორასი წლის ბრძოლა შეიქმნა საკირო, რათა რომში არისტოკრატიულ რესპუბლიკას დემოკრატიულისათვის დაეთმო ადგილი. წოდებბრივ ბრძოლას ეხლანიადავი გამოეცალა, მაგრამ სამაგიეროდ საზოგადოებაში ახალი გადაჯგუფება მოხდა: წოდებათა მაგიერ კლასები გაჩნდენ და სახელმწიფოს ცხოვრებას ამიერიდან შინაარსსა და მიმართულებას ამ ახალი ჯგუფების ბრძოლა აძლევდა.

ხაგარეო პოლიტიკა. იმ დროს, როდესაც შიგნით წოდებბრივი ბრძოლა სწარმოებდა, გარედ რომს თავის მეზობლებთან გამუდმებული ომები ჰქონდა. ეს გარემოება ძლიერ ართულებდა ახალგაზრდა სახელმწიფოს ცხოვრებას. ერთის მხრივ, თვით გარეშე მტრებთან ომების წარმოებას საკმაოდ აფერხებდა შიგნით გამეფებული უთანხმოება; მეორეს მხრივ, შინაგანი ცხოვრების წარმატებითი განვითარება მუდმივი ომების ზეგავლენით ხშირად სცდებოდა ხოლმე თავისს ბუნებბრივ გზას და დროებით საგრძნობლად ნელდებოდა.

ამგვარად, რომის სახელმწიფოებბრივი ცხოვრების თავისებურება ამ ორი საწინააღმდეგო გარემოების ზეგავლენით მუშავდებოდა.

რომის დამოკიდებულება მეზობლებთან შეიძლება ორს მთავარ ხანად გაიყოს. პირველი იყო ის ხანა, როდესაც ახალგაზრდა სახელმწიფოს თავისი არსებობისათვის უხდებოდა ბრძოლა: რომს ახლობელი მეზობლები ესხმოდენ თავს და თუ ყოველთვის მისს სრულ დაპყრობას არა, მისს საბოლოოდ დასუსტებას მაინც ესწრაფოდენ. რომს მაშინ თავდაცვითი ომების წარმოება უხდებოდა.

მეორე ხანა მას შემდეგ დაიწყო, როდესაც პირველი წარმატებით დასრულდა. თავდაცვით ომებმა რომს ახალი მიწა-წყალი შესძინეს, რადგანაც რომი აკტიურ თავდაცვას აწარმოებდა, მისი სამხედრო ძალა გააძლიერეს და ბუნებბრივად

კვლავ ახალი მიწა-წყლის შექმნის სურვილი აღუძრეს. ამგვარად, მეორე ხანა შეტევითი ომების ხანა იყო, რომელსაც შედეგად მთელი იტალიის გაერთიანება მოჰყვა რომის ბატონობის ქვეშ.

1. თავდაცვითი ომების ხანა. ცნობები. რომელიც ამ ომების შესახებ მოგვებოვება, თითქმის ყველა ლეგენდარული ხასიათის არის. მაგრამ ამის მიუხედავად მათს შესახებ ზოგი რამ მაინც გადაწყვეტილად შეიძლება ითქვას; ცხადად სჩანს, რომ ეს ომები მეზობელი ლათინების, ეტრუსკელების, ვოლსკების და ექვების დამარცხებით და მათი მიწა-წყლის ნაწილის შემოერთებით დასრულდებულან.

ა. ომები ლათინებთან. როგორი იყო მიმდინარეობა ამ ომებისა, ძნელი სათქმელია. ხოლო მათი შედეგი ცხადად ჩანს იმ ხელშეკრულებიდან, რომელიც 509 წელს რომაელებმა კართაგენელებთან დასდეს. აქ ნათქვამია, რომ კართაგენელებს ნება არა აქვთ იმ ლათინების ქალაქებზე გაილაშქრონ, რომელნიც რომაელებთან შეკავშირებულნი არიან, ხოლო დანარჩენი ლაციუმის საწინააღმდეგო მოქმედება კართაგენელებს ნება დართული აქვთ. ცხადია, რომი უკვე რესპუბლიკის პირველსავე წლებში ლათინების ქალაქთა კავშირის წარმომადგენლადა და მეთაურად გრძნობდა თავს. ხოლო ლაციუმის რამდენად საგრძნობი ნაწილი შედიოდა ამ რომის ხელქვეით კავშირში, ეს მეორე დოკუმენტიდან სჩანს, რომელიც 493 წელს არის შედგენილი და სადაც ჩამოთვლილია სულ 30 ქალაქი, რომელიც ლათინთა კავშირში შედიოდა. ამგვარად, რომს ლაციუმის უდიდესი ნაწილის მეთაურობა შეუძენია, ასე რომ ახალი რესპუბლიკის მხრივ გარეშე პოლიტიკაში ლაციუმის სახელით ლაპარაკი აღვილი გასაგებია.

ამ კავშირს რომის საგარეო პოლიტიკაში დიდი მნიშვნელობა ჰქონდა. მისი მიზანი ერთის მხრივ ეტრუსკელებთან და მეორეს მხრივ მეზობლად მოზინადრე ექვებთანა და ვოლსკებთან წარმატებითი ომის წარმოება იყო. ეს ხალხები მოსვენებას არ აძლევდენ რომსა და მთელს ლაციუმს, ძალიან



ხშირად ესხმოდნენ თავს და ახალგაზდა სახელმწიფოს მშვიდობიანი ცხოვრების შესაძლებლობას არ აძლევდნენ.

ბ. პირველს ხანებში ომები ეტრუსკელებთან ძლიერ სახიფათო სახეს ღებულობდნენ.

ის თქმულებები, რომელნიც ამ ომის შესახებ მოგვითხრობენ, ნათლად ამტკიცებენ, თუ რამდენი და რა მწვავე დამარცხება უგემებიათ რომაელებს. მაგრამ შემდეგში გამარჯვება მაინც რომაელების მხარეზე დარჩა.

ჰორაციოს კოკლეს. როდესაც ტარქვინიუსი რომიდან განდევნეს, მან ეტრუსკელების ძლიერ შეფეს **პორსენას** მიმართა. ეს უკანასკნელი მას რომში დაბრუნებას დაჰირდა და დიდი ჯარით რომისაკენ გამოილაშქრა. ბორცვი **იანიკულუსი** უკვე მის ხელში იყო, ასე რომ პორსენას მარტო ხიდი დარჩა ასადები, რათა რომი ხელში ჩაეგდო. ხილზე **ჰორაციუს კოკლესი** ჩადგა და, სანამ რომაელები ხიდს ღაადღეუდნენ, მტერს ჯარ უშვებდა. მუქდევ თვითონ მდინარეში გადავარდა და მეორე ნაპირს უგნებლად მიადწია. ამგვარად, რომი გადარჩენილ იქმნა.

მუციუს სცევოლა (მარცხენა). მაგრამ პორსენა თავისას არ იშლიდა და რომს უველა გზები შეუკრა. ქალაქში მიმშდილი და გაჭირვება ჩამოვარდა; დღეს თუ ხვალ იგი მტერს უნდა დასებებოდა. მაშინ გამოჩნდა ვინმე ახალგაზდა **მუციუსი**, რომელმაც პორსენას ბანაკში გადასვლა და მისი მოკვლა გადასწყვიტა. მიიღო თუ არა ამის დასტური სენატისგან, იგი მდინარის მეორე ნაპირზე გადავიდა და პორსენას სენაკში შეიპარა. მაგრამ როდესაც შეფეს ვერ იცნობდა, მის მაგიერ მისი მდივანი, რომელიც მდიდარი ჩემულობის გამო შეფედ მიიღო, მოჭკლა. მუციუსი დაჭირეს. მან პორსენას თავისი გასწრაზვა თამამად გაუმედაფნა და დაუმატა, შესწინააღმდეგე შეთქმულებაა და შენი მოკვლა გადაწყვეტილია. შეფემ მუქარის სსუვლებით შეთქმულების გამომედაფნება მოსთხოვა, მაგრამ მუციუსმა, იმის დასმტკიცებლად, რომ მას მუქარის არ ემანთა და, იქვე დასთებულ სამსხვერპლო ნენხში ხელი ჩასდო და გულგრილად უუერებდა, როგორ სწავდა ხელს ნენხლი. ასეთი ამტანე-

ღობით გათვალისწინებულმა ზორსენმა მუცლის კანთაყისუფელმა ბრძანა. მაშინ მან, თითქოს მადლობას ნიშნად, შეიფარა მთავრის ხელის ქვეშა მისთანა ახალგაზდას აქვს შერი მოკვლა განზრახული; შირველი ჯერი მე შერგო, მაგრამ ჩემს შემდეგ თითოეული მათგანი მოვა, სანამ თავის განზრახვას რომელიმე მათგანი სასრულეში ვერ მოიყვანოს. შეიფარე შექმნიდა და რომელიმე სახით შევერა. ასე გადარჩა რომი სრულს დაუბრუნდა და კურსკელების მონობას.

გ. რომის სამხრეთით მობინადრე ვოლსკებს, რომელთაც საკმაოდ ძლიერი ქალაქები ჰქონდათ, ლათინების კავშირში შესვლა არ უნდოდათ. ამ ნიაღვრე დაიწყო ომი მათსა და რომაელებს შორის. თქმულებებიდან სჩანს, რომ რომაელებს საქმე აქაც ძლიერ გასჭირვებით და არა ერთხელ დამარცხებაც-კი უგემებიათ.

კორიოლანი. ერთ-ერთი ახალგაზდა პატრიციელი, რომელსაც ქალ. კორიოლის დაუბრუნების დროს არჩევულებრივ გმირობის გამოჩენისათვის კორიოლანი უწოდეს, რომიდან, ჰდებუებთან მტრული განწყობილების გამო, გააძევეს. იგი ვოლსკებს შეუერთდა და მალე იგინი რომის დასაუბრებლად წამოიყვანა. ცამეტადი ქალაქი მტერს ჩუყვარდა ხელში, და რომი უამუდობამ მოიგვა. რაკი მოლაპარაკებამ ვერ გასჭრა, რომელიც სენატორებმა დაიწვეს, გადასწვეიტეს უგანსკენელი ზომისთვის შეემართათ: ვოლსკების ბანაკში კორიოლანთან ქალების დედეგაცია გაგზავნეს, რომელსაც კორიოლანის დედა, ვიტუვია და შეუდღე, ვოლუმნია შეთაურობდენ. რადესაც კორიოლანმა გაიგო, დედეგაციაში დედა ჩემიც არისო, იმ წამსვე მის შესახვედრად გაეშურა; მაგრამ დედამ შეიღი ახლოს არ მიუშვა: ვინა ხარ, ჩემი შვილი თუ ჩემი სამშობლოს მტერიო? ამან ასეთი ძლიერი შთაბეჭდილება მოახდინა კორიოლანზე, რომ მან საპასუხით წამოიძახა: „დედა, შენ შეიღს რომი არჩიო!“ და მოსსნა ვოლსკების ბანაკი და ჯარი უკან გაბრუნა. რამდენიმე ხნის შემდეგ იგი მოკლულ იქმნა.

დ. არა ნაკლებ სასტრუქი უნდა ყოფილიყო ის ომი, რომელიც რომაელებს ექვეუბანა და საბანელებთან ჰქონდათ. ამას ის გარემოება ამტკიცებს, რომ სწორედ ექვებთან ბრძო-

ლის დროს რომაელებმა, სხვა საშუალება რომ ვეღარაფერად გამოიხატეს, დიკტატორობა შემოიღეს და მხოლოდ ამიტომ შეძლეს თავს. თქმულების მიხედვით, პირველი დიკტატორობა პატრიციელს ცინცინატის ხელს წილად, რომელსაც ყანის მუშაობის დროს მოუვიდა ამბავი მისი დიკტატორად დანიშვნის შესახებ.

2. შეტვეითი ომების ხანა. იტალიის გაერთიანება. თუ პირველ ხანაში ახალ სახელმწიფოს ყოველ მხრივ მტრების მოგერება უზღებოდა, მეხუთე საუკუნის მეორე ნახევრიდან დაწყებული, იგი შეტვეაზე გადავიდა და თავისი საზღვრების გაფართოებას მიჰყო ხელი. თანდათანობით მან მთელი იტალია დაიპყრო: პირველად შუა იტალია, შემდეგ სამხრეთი და დასასრულს ჩრდილო იტალია.

ა. საშუალო იტალიის დაპყრობა. რომის უახლოესი მეზობლები, ვოლსკები და ექვები, რომელნიც ახალ სახელმწიფოს მოსვენებას არ აძლევდნენ, უკვე პირველ ხანაში შეიქმნენ იძულებულნი, იარაღი დაეყარათ და რომს დამორჩილებოდნენ. მათს საბოლოოდ დასაპყრობად რომაელებმა მათს მიწაწყალზე თავისი კოლონიები დააარსეს; ეს კოლონიები ახლად დასახლებულ ადგილებს როდი წარმოადგენდნენ, არამედ დაპყრობილი ქალაქი თავისი ტერიტორიის ნაწილს ათავისუფლებდა და მასზე რომაელები სახლდებოდნენ. პირველი ასეთი კოლონია (არდეა) რომაელებმა ვოლსკების მიწაწყალზე დააარსეს. იგივე ბედი ეწვია ექვების რამდენსამე ქალაქსაც. თუ რომელიმე ქალაქი კიდევ სცდიდა რომაელების წინააღმდეგ აჯანყებას, მაშინ ასეთს ქალაქს სრულიად სობდნენ, მისს მიწაწყალს სახელმწიფოს საკუთრებად (ager publicus) აცხადებდნენ და სავსებით რომაელებით ასახლებდნენ.

რომაელები ამგვარად თანდათანობით ეტრურის მნიშვნელოვან ქალაქს, ვეის უახლოვდებოდნენ, რომელიც თავისი სიძლიერით რომს მეტოქეობას უწყევდა. 406 წელს ამ ორ ქალაქს შორის გადამწყვეტი ომი დაიწყო, რომელსაც საბოლოოდ უნდა გადაეწყვეტა საკითხი, ვის უნდა ხედომოდა ბატონობა საშუალო იტალიაში, რომს თუ ვეის. ომი 10 წელს

გაგრძელდა და ვეის სრული განადგურებით დასრულდა, ემიერ-
რიდან რომს საშიში მეტოქე ჩამოშორდა და მას იტალიის მსა-
ზღვრების გაფართოება ახლა უდრო ადვილად შეეძლო.

აღსანიშნავია, რომ ვეელებთან ომის დროს რომაელები
იძულებული შეიქმნენ, თავის სამხედრო სისტემაში ერთგვარი
ცვლილება შეეტანათ, რომელიც შემდეგში პოლიტიკურადაც
ძლიერ მნიშვნელოვანი აღმოჩნდა: ომის ხანგრძლივობისა და
განუწყვეტლობის გამო საჭირო შეიქმნა ჯარისკაცებისათვის
ჯამაგირი შემოეღოთ. მდიდარი პატრიციებისა და პლებეების
წრეებში ბევრი აღმოჩნდა ისეთი, რომელიც ესეთ ჯამაგირზე
უარს ამბობდა; ამგვარად, ჯარის ახალი ერთეულები გაჩნდნენ,
რომელნიც ჩვეულებრივი ცენტურიების გარეშე იღვენ და
თავისი წებით მსახურებდნენ. მალე მათი წრიდან ახალი წოდე-
ბა, ე. წ. **მხედართა წოდება** შეიქმნა, რომელმაც შემდეგში
საკმაოდ დიდი როლი შეასრულა.

გალების თავდასხმა. სრულიად მოულოდნელად რომის
შეუღარებელი წინსვლა ახალი ხალხის, **კელტების** (რომაე-
ლები მათ **გალებს** უწოდებდნენ) თავდასხმამ შეაჩერა. ივინი,
გერმანელების მოძრაობის გამო, დასავლეთით წამოვიდნენ და
შემდეგ ჩრდილო იტალიაში ეტრუსკელებს დაეჯახნენ. ბრძო-
ლა მათ შორის მდინ. პოს ქალების გამო რამოდენიმე ათეულ
წელს წარმოებდა. ბოლოს 387 წელს, სწორედ ისინი, როდე-
საც საბერძნეთს ანტალკიდას ზავის სახით სპარსელები ებატ-
რონებოდნენ, გალები ალიასთან რომაელებს შეხვდნენ და სას-
ტიკი ბრძოლის შემდეგ ივინი ისე დაამარცხეს, რომ თავზარ-
დაცემულმა რომაელებმა თავისი დედა-ქალაქი დასცალეს და
ახლო-მახლო ქალაქებში გაიხიზნნენ. სამი დღის შემდეგ გა-
ლებმა მოგდეს რომს ცეცხლი მოუკიდეს. თავდაცვა მხოლოდ
რომის სიმაგრემ, კაპიტოლიმ სცადა. შეიდი თვის ალყის
მიუხედავად, ციხეების აღებაში გამოცდრლმა გალებმა სიმაგრის
აღება მიინც ვერ მოახერხეს და ბოლოს რომაელებისაგან
1000 გირვანქა ოქრო აიღეს და ქალაქს თავი დაანებეს. გა-
დამწვარი რომი მალე გამობრუნდა, და რომაელებმა თავისი
მეზობლების წინააღმდეგ ბრძოლის ხელაღება ხელი მოჰკიდეს.

კავშირი სამნიტელებთან. ამ ბრძოლის წარმატებას ძალიან შეუწყო ხელი იმ გარემოებამ, რომ რომაელებმა მეოთხე საუკუნახევარში კავშირი შექმნეს თავის მეზობელ სამნიტელებთან (სამხრეთ-აღმოსავლეთით ლაციუმიდან), რომელნიც თუმცა კულტურულად ჩამორჩენილნი იყვნენ, მაგრამ სამხედრო ძლიერებას მხრავ რომს არ ჩამოუფარდებოდნენ. ამ გარემოებამ რომს ხელი გაუხსნა და მან ადვილად დაასრულა თავისი ახლო მეზობლების დამორჩილება.

ლათინების კავშირის დაშლა. ლათინელებმა, რომელნიც ომების დროს რომს დიდ დახმარებას უწევდნენ, მაგრამ არავითარი უფლებებით არ სარგებლობდნენ, ეხლა მოთხოვნილება წამოაყენეს, რომლის მიხედვითაც ერთ-ერთი კონსული და სენატორთა ნახევარი რიცხვი მათი წრიდან უნდა ყოფილიყვნენ არჩეულნი. რომაელებმა ეს ომის გამოკახადებად ჩასთვალეს და მოკავშირეებს შეესივნენ. მაგრამ რადგანაც ლათინებთან კამპანია იყო შეკავშირებული, ამიტომ რომაელები, სტრატეგიულად მოსაზრებით, პირდაპირ როდი შეიჭრენ ლაციუმში. არამედ ლაციუმსა და კამპანიის შორის მდებარე ქალა დაიკავეს, და ამით მოკავშირეები ერთმანეთს დააშორეს. ბრძოლა რომის სასარგებლოდ დასრულდა: რომმა არა მთელ კავშირთან, არამედ თითოეულ ქალაქთან ცალკე გამართა მოლაპარაკება და ყველას სხვა-და-სხვა პირობებით შეეკრა: ერთი ნაწილი რომის მოქალაქეებად გამოაცხადა, მაგრამ ხმის უფლება არ მისცა (*civitates sine auffragio*) ე. ი. მოქალაქის ყველა მოვალეობა დააკისრა, ხოლო არც ერთი უფლება არ დაუთმო; მეორე ნაწილი რომის ტრიბად გამოაცხადა და ზოგჯერ კიდევ კოლონიები გაგზავნა.

ამგვარად, ლათინთა კავშირი დაიშრა და რომის ბატონობას დაექვემდებარა. აღსანიშნავია, რომ ამავე დროს კამპანიაც იძულებული შეიქმნა, რომს შეკავშირებოდა: მისი ქალაქების დამოუკიდებლობა ხელუხლებელი დარჩა, ხოლო სამაგიეროდ მათ რომის სამხედრო დახმარება დაეკისრათ. ამ გარემოებამ, რა თქმა უნდა, რომს დიდი ძალა შესძინა.

ომი სამნიტელებთან (326—290 წ.). რომის გავლენის გაძლიერებამ კამპანიაში რომაელებისა და სამნიტელების კავშირი დაარღვია. სამნიტელები ნათლად ხედავდნენ, რომ კამპანიაში რომის მტკიცედ დამკვიდრება მათ დიდ ხიფათს უშვავდებდა და ამიტომ საომარ მზადებას მიჰყვეს ხელი. სამნიტელები თავისი სიძლიერით საშუალო იტალიაში ერთად-ერთი ხალხი იყო, რომელიც პირველობაში რომს ეცილებოდა. მომავალ ომზე იყო დამოკიდებული, თუ ვის უნდა დარჩენოდა პირველობა, სამნიუმს თუ რომს. სამნიტელებს, რომელნიც როგორც მემომარნი სახელგანთქმულნი იყვნენ, ერთი სუსტი მხარე ჰქონდათ: იგინი მრავალ დამოუკიდებელ თემებად იყვნენ დაყოფილნი და ამიტომ ერთს მთლიანს, შეკავშირებულ ძალას არ წარმოადგენდნენ.

მართალია, ომის მიმდინარეობაში მათ არა თუ ერთმანეთს შორის სცადეს შეკავშირება, არამედ რომის ყველა მტერს, განსაკუთრებით-კი გალებს, ეტრუსკელებსა და საშუალო იტალიის ზოგ მცირე ხალხებსაც შეუთანხმდნენ და რამდენიმე წლის განმავლობაში რომაელებს არა იშვიათად ამარცხებდნენ, მაგრამ გამარჯვების სასწორი ბოლოს და ბოლოს მაინც რომაელებისაკენ გადაიხარა. სამნიტელები იძულებულნი გახდნენ, თავისი მთავორიანი სამშობლოს საზღვრებით დაკმაყოფილებულიყვნენ და კამპანიასა და ახლო მდებარე მიწებზე რომის გავლენისა და ბატონობის განმტკიცებას შერიგებოდნენ.

ახლად შემოერთებულ ადგილებში რომაელებმა მრავალი კოლონია დააარსეს, და, ამგვარად, თავის გაფართოებულ ტერიტორიას გარშემო გამაგრებული ქალაქების სალტე შემოაარყეს. სამნიტელებთან ომის დროს მათ პირველად შეჰქმნეს სამხედრო ფლოტიც და ლაციუმის ზღვის ნაპირის უზრუნველსაყოფად პონტიის კუნძულზე რომაული კოლონია გააშენეს. ამ ომის შემდეგ რომის სრული ბატონობა საშუალო იტალიაში დასრულებულ საქმედ იყო მიჩნეული, და ეხლაჯერი სამხრეთ იტალიაზე მიდგა.

ბ. სამხრეთი იტალიის დაპყრობა. სამხრეთი იტალია

ბერძენთა ახალშენების ხელში იყო. მეზობელი ადგილობრივი ხალხები გამუდმებულ ომებში იმყოფებოდნენ ამ ახალშენებთან, და ეს უკანასკნელნი დახმარებას თითქმის ყოველთვის საბერძნეთში ეძიებდნენ. როდესაც რომი თანდათანობით სამხრეთს მიუახლოვდა, მაშინ ბერძენთა აქაურმა კოლონიებმა თავისი მტრების, ადგილობრივი ხალხების საწინააღმდეგოდ დახმარებისათვის რომს მიმართეს. რომაელები სიამოვნებით ხვდებოდნენ ასეთს წინადადებას და სამხრეთი იტალიის საქმეებში ბერძენთა ახალშენების სასარგებლოდ ერეოდნენ. ამით იგინი, რა თქმა უნდა, თავის საქმეს აკეთებდნენ, რადგანაც მათთვის თავი და თავი ჯერ ადგილობრივ ტომთა დასუსტება იყო და შემდეგ ბერძენებსაც ადვილად გაუსწორდებოდნენ. ასე იყო თუ ისე, რომაელებმა მჭიდრო კავშირი გააბეს სამხრეთი იტალიის ბერძენთა ახალშენებთან, სადაც საბერძნეთის განვითარებული კულტურა ყვაოდა. ამ კავშირს მათზე დიდი გავლენა ჰქონდა, იგინი პირველად ეხლა გაცეცნენ ბერძენების კულტურას და თანდათანობით მის გავლენას დაემორჩილენ.

ამ ახალშენთა შორის ყველაზე უფრო მნიშვნელოვანი, მდიდარი და ძლიერი ტარენტის იყო. მას საკმაოდ დიდი ჯარი ჰყავდა და იმ თავითვე თავისი გავლენის ქვეშ ახალშენთა გაერთიანებას სცდილობდა. ახალშენები არ იყვნენ კმაყოფილნი ტარენტის ასეთი მისწრაფებით, და როდესაც ერთ-ერთს ახალშენს თურჩოსს ადგილობრივი ტომი ლუკანები დაესხენ თავს, მან ტარენტის მაგიერ დახმარებისთვის რომს მიმართა. რომაელებმა თურჩოსს დასახმარებლად ჯარი გაგზავნეს და ლუკანელების დაპყრობისაგან უზრუნველჰყვეს. რომაელებმა თურჩოსთან კავშირით მთელი სამხრეთის დასაპყრობად სარგებლობა გადასწყვიტეს. ამ მიზნის განსახორციელებლად უწინარეს ყოვლისა უძლიერესი ახალშენის, ტარენტის და მორჩილება იყო საჭირო, და მათ ტარენტისაკენ თავისი ფლოტის ნაწილი გაგზავნეს. ტარენტმა ამაში ომის დაწყების ნიშნები დაინახა და რომაელების წინააღმდეგ მტრულად განწყობილის სამნიტელებთანა და ლუკანებთან კავშირი შეჰკრა და



ომი დაიწყო. თვით ახალშენთა შორის ზეგონებულნი რომის მხარეზე დარჩა. პირველი წლის განმავლობაში (281 წ.) გამარჯვება რომაელების მხარეზე იყო. მაშინ ტარენტმა კლავინდებურად დახმარების ძიება აღმოსავლეთით დაიწყო და ეპირის მეფე პიროსი მოიწვია. მაგრამ ბოლოს და ბოლოს საქმეს ვერც ამან უშველა და 266 წელს სამხრეთი იტალიაც რომს დაემორჩილა.

ზირსია იქ დროს უქესანიშნავესა სარდალი იყო. მან დაქსაქსული ეპირის გაერთიანება და ძლიერა სახელმწიფოს შექმნა მთა-სერსა, მაგრამ რადგანაც მაკედონიაში საქმეები იმგვარად მოქმედო, რომ იქ დიდი სახელმწიფოს დაარსება ზირსისათვის საძნელო შეიქმნა, ამიტომ მან ტარენტის მოწოდება სამთავნებათ მიიღო. მას იმედი ჰქონდა, სამხრეთ იტალიას დამატრონებოდა, იქიდან სიცილიაში გადასულიყო, რომელზეც მას, როგორც სიცილიის ერთერთ მშეობელს სიძეს, პრეტენზიები ჰქონდა, და ამ სახით თავისი სურვილებისა და ძლიერების შესაფერისი ფართო სახელმწიფო დასავლეთში მაინც დაეარსებია. ამ მიზნებით იგი 20000 ქვევითა ჯარისკაცით, 3000 თესლიელი ცხენოსნით და სპილოებით, რომელნიც წინად იტალიას არ ეხსნა, ტარენტის დასამარებლად წამოვიდა. 280 წელს ჰერაკლესთან პირველად დაეჯახა იგი რომაელებს. ბრძოლა რომაელების სასტაკი დამარცხებით დასრულდა (ამბობენ, სწავლების ბრძოლაში მონაწილეობამ რომაელებში ზნაიკა გამოაწვიათ).

ზირსია სამხრეთი იტალიიდან ლაციუმისაკენ დაძრა და თვით რომის აღებას აპირებდა; იგი უკვე ახლო იყო რომთან, როდესაც რომაელებმა საკმაოდ დიდი ძალების შეკროვა მოახერხეს. ზირსია იძულებული შეიქმნა, უკანვე გამობრუნებულაყო. 279 წელს იგი აპულიას შეესია, რათა ეს ქვეყანა რომაელებისაგან გაეთავისუფლებოდა და მას თვითონ დამატრონებოდა. აუხკულთან იგი რომაელების ჯარს დაეჯახა და, ორა დღის უღმობელი ბრძოლის შემდეგ, გაიმარჯვა. მაგრამ გამარჯვება ისეთი იყო, რომ ზირსია, თქმულების მიხედვით, იძულებული უნდა ყოფილა ეთქვა: „ერთი ასეთი გამარჯვება კიდევ, და მე დავიღუპე!“ („ზირსის გამარჯვება“).

ამ დროს მაკედონიაში დიდი ცვლილებები მოხდა, და ჰეროდოტეს უკანვე უნდოდა გაბრუნება. ამას გარდა, მას სიცილიაშიაც იწვევდნენ, სადაც მუზობელი ძლიერი კართაგენი თავის გაუფლანკარებლობას გამოჰყოფდა. ამიტომ ჰეროდოტეს რომაელებთან ამის დასრულება ეწადა და მათთან მოლაშრავდა დაიწყო. კართაგენელები გრძობდნენ, რომ რომაის ჰეროდოტის ამის გათავებს ამ უკანასკნელის სიცილიაში გადასვლა და მათთან შეტოვლება მოეწყობოდა. ამიტომ მათ რომაელებს კავშირი და დახმარება შესთავაზეს, და რომის სენატმა ჰეროდოტის შეთანხმებაზე უარი განაცხადა. ამის მიუხედავად ჰეროდოტე მაინც სიცილიაში გადასვლა არჩია; სულ ცოტა ხნის განმავლობაში იქიდან კართაგენელები განდევნა და მთელი კუნძული დაიმორჩილა. მაგრამ სიცილიელებს ჰეროდოტე მალე შეუმთავრებელი იმანთა თავი, და ჰეროდოტე იძულებული შეიქმნა კუნძულისათვის თავი დაეხებოდა. იგი ისევე სამხრეთ იტალიას დაუბრუნდა და უკანასკნელად რომაელებს ბენევენტთან ბრძოლა გაუმართა (275 წ.), რომელიც რომაელების გამარჯვებით დასრულდა. ჰეროდოტის მაკედონიის საქმეების ხელაღიანი გაშვება არ უნდოდა, ამიტომ იგი თავითონ ბალკანეთს გაემგზავრა, ხოლო თავისი ჯარის ნაწილი იტალიაში დასტოვა. ამ იმედით, რომ შეიძლება მალე უკანვე დაბრუნება მოხდამოდა. მაგრამ რადგანაც ჰეროდოტე ხანებში მაკედონიაში მისი საქმეები კარგად წავიდა, მან იტალიაზე სავსებით ხელა აიღო და აქური თავისი მოკავშირეები დუთის ანბარა დასტოვა. რომაელებს ხელა გაესხნათ და მალე ტარენტო დაიბრუნეს. 266 წელს სამხრეთი იტალია უკვე სავსებით რომის ხელთ იყო. ¶

ჩრდილო იტალიის დაპყრობა კოტა უფრო გვიან დასრულდა. გალები, რომელნიც აქ ბატონობდნენ, ხშირად ესხმოდნენ თავს საშუალო იტალიას. აქ მათ ყოველთვის დახმარებას უწევდნენ რომის შეურიგებელი მტრები ეტრუსკელები და სამნიტელები. 295 წელს შემდეგ, როდესაც რომაელებმა თავისი მტრების შეკავშირებული ძალების დამარცხება შესძლეს, მათი საქმე უკეთ წავიდა. მაგრამ ათი წლის შემდეგ (285 წ.) გალებმა (სენონის გალებმა) ერთი ბრძოლის დროს (არეციუმთან) რომაელების ძალები სრულებით გაანად-



გურეს; ამისი შემდეგი ის იყო, რომ რომაელებმა უკანასკნელის ძალის ხმევას მიმართეს და მალე ისეთი სისასტიკით განადგურეს სენონების მიწა-წყალი, რომ იტალიის ხალხთა შორის მათი ხსენებაც კი აღმოიფხვრა. ვალებმა ამის შემდეგ ეტრუსკელებთან ერთად კიდევ უფრო მეტის სიფხიზლით განაგრძეს რომაელებთან ბრძოლა, მაგრამ მალე მათი კავშირი დაირღვა და იგინიც იძულებულნი შეიქმნენ, ჩრდილოეთისაკენ დაეხიათ, ასე რომ რომაელების ბატონობა ამ მიმართულებით არიმინუმამდე მივიდა.

ამგვარად, შესაძენ საუკუნის პირველ ნახევარში რომი უძლიერეს სახელმწიფოდ გარდაიქცა, რომელიც ტარენტიდან დაწყებული ვიდრე არიმინუმამდე მთელს იტალიას ფლობდა, და ხმელთაშუა ზღვის დიდ სახელმწიფოთა შორის საპატიო ადგილი დაიპყვიდრა; ამიერიდან მისი პოლიტიკა იტალიის საზღვრებს უნდა გასცილებოდა და მას მსოფლიო მიმართულება მიიღო. ეს პირველი შემთხვევა იყო, რომ მთელი ნახევარკუნძული პოლიტიკურად გაერთიანდა. წინად მხოლოდ სამხრეთის ნაწილს ეწოდებოდა იტალია. ეხლა ეს სახელი მთელს კუნძულზე გავრცელდა.

იტალიის მართვა-გამგეობის მოწესრიგება. იტალიის მოსახლენი, რღგორც ერთი სახელმწიფოს წევრნი, სხვადასხვაგვარ მდგომარეობაში იმყოფებოდნენ.

1. დიდს უმრავლესობას რომის მოქალაქენი შეადგენდნენ; მთელს საშუალო იტალიაში მიწა-წყლის დიდი ნაწილი მათ ჰქონდათ დაკავებული; ამას გარდა იგინი კოლონიებშიაც ცხოვრობდნენ. ამგვარად, მოქალაქეთა უმრავლესობა მთელს იტალიაში იყო გაბნეული. თითოეული მათი ოლქი სასამართლოს მხრივ დამოუკიდებელი იყო და მას პრეფექტურა ეწოდებოდა, რომელსაც სამართლის საწარმოებლად ან არჩეული ან რომიდან დანიშნული პრეტორი ჰყავდა.

2. ზოგი ოლქი, რომელიც წინად დამოუკიდებლობით სარგებლობდა, ეხლა რომის ნაწილად იქნა გამოცხადებული, და მისი მოსახლენი რომის ქვეშევრდომებად ითვლებოდნენ. მათ

დაკისრებული ჰქონდათ ყველა ის მოვალეობა, რომელსაც ამ უკანასკნელთ ჰქონდათ, უფლებებს-კი სავსებით მოკლებულნი იყვნენ. ასეთ ოლქებს მუნიციპიები ეწოდებოდათ, ხოლო მათ მოქალაქეებს „cives sine suffragio“.

3. იტალიის დანარჩენი ნაწილები „მოკავშირეებად“ ითვლებოდნენ (socii). გამუდმებული ომების დროს რომი მათ სხვადასხვა პირობებით ეკვროდა, მაგრამ ბოლოს მათი მდგომარეობა გათანასწორდა და საერთოდ შემდეგი სახე მიიღო: თითოეული მათგანი განსაზღვრულ ფარგლებში დამოუკიდებლობით სარგებლობდა; სამაგიეროდ ყველას სამხედრო ბეგარა ჰქონდა დაკისრებული; ივინი ჯარს აგროვებდნენ და თავისი ხარჯით ინახავდნენ. მის უფროსებს თვითონვე ნიშნავდნენ, მაგრამ უმაღლესი სარდლობა რომაელების ხელში უნდა ყოფილიყო.

ამ მოკავშირეთა შორის სამხრეთი იტალიის ბერძნული ქალაქები განსაკუთრებულ მდგომარეობაში იმყოფებოდნენ იმ მხრივ, რომ ივინი ქვევითა ჯარის გამოყვანისაგან განთავისუფლებულნი იყვნენ, მაგრამ სამაგიეროდ გემების განსაზღვრული რიცხვი უნდა წარმოედგინათ. ამიტომ მათ „socii navales“ ეწოდებოდათ.

თავის შინაურ ცხოვრებას მოკავშირენი ძველებურად განაგებდნენ; რომაელები მათ ამ მხრივ არ ავიწროებდნენ, ხოლო პარტიული ბრძოლის დროს იმ პარტიას უჭერდნენ მხარს, რომელიც რომის მომხრეობას იჩენდა.

იტალიის გაერთიანების უახლოესი შედეგები. იტალიის გაერთიანებას რომის ბატონობის ქვეშ საკმაოდ მნიშვნელოვანი შედეგები მოჰყვა თან. აპენინის ნახევარკუნძულზე ახალი ძლიერი სახელმწიფო გაჩნდა, რომლისთვისაც იმდროინდელ დიდ სახელმწიფოთ უთუოდ ანგარიში უნდა გაეწიათ. ეს ის ხანა იყო, როდესაც ალექსანდრე მაკედონელის მსოფლიო მონარქია დაირღვა და სამს დიდ სამეფოდ გაიყო: პირველი, ყველაზე უფრო რიგიანად მოწყობილი და მდიდარი ეგვიპტი იყო, რომელსაც პტოლომეიდები ფლობდნენ; მეორე ალავი

სირიას ეპყრა და მესამე — მაკედონიას. ხანგრძლივი ომების შემდეგ ამ სახელმწიფოთა შორის ძალების ერთგვარი წონა და სწორობა დამკვიდრდა და ამისგამო თანდათან მშვიდობიანი ცხოვრება მყარდებოდა. იტალიის სახელმწიფო, რომი სრულიად ახალ ძალად შეიქრა არსებულს პოლიტიკურ ურთიერთობაში და, ეჭვი არ არის, მისს პოლიტიკაზე ერთგვარ გავლენას მოიპოვებდა.

ამ დიდ სახელმწიფოთა გარდა ჯერ კიდევ არსებობდა დამოუკიდებელი საბერძნეთის ქალაქები, რომლის კულტურა თანდათანობით, ალექსანდრე მაკედონელის წყალობით, მთელს მისს დიდ მონარქიას მოეფინა და შეჰქმნა ერთგვარი კავშირი, რომელიც ყველა დასახლებულ სახელმწიფოებს თანაბრად ენებოდა. ეს იყო ე. წ. ელინისტური კულტურა, რომელიც ქვეყნად საბერძნეთის გენიის გაბატონებას ნიშნავდა. როდესაც რომი იმ დროინდელ დიდ სახელმწიფოთა წრეში შეიქრა, ცხადია, იგიც ძალაუნებურად იმავე კულტურულ ზეგავლენას უნდა დამორჩილებოდა, რომელსაც იქ ჰქონდა ფეხი მოკიდებული. ჩვენ ვხედავთ, რომ მართლაც რომში იმ დროიდან დაწყებული ელინისტური კულტურა ფეხს იკიდებს. მაგრამ რომისათვის ამ კულტურის წყარო მისი საკუთარი ტერიტორიის საზღვრებში მოიპოვებოდა. სამხრეთი იტალიის ბერძენთა ახალშენებიდან მიმოსვლა რომში გაზვირდა და რომაელებიც სარგებლობდნ მათი კულტურული უპირატესობით. ბერძნული ენა რომში მალე გავრცელდა და მისი ცოდნა განათლებული რომაელისათვის აუცილებელ მოთხოვნილებად გადაიქცა. საბერძნეთის კულტურის ძლიერი ზეგავლენა ისე შორს მიდიოდა, რომ მან რომაელების სარწმუნოებაშიც-კი თავისებური ცვლილებები გამოიწვია. ამას გარდა, ამავე გავლენით აიხსნება ის გარემოებაც, რომ რომაული ლიტერატურის დასაწყისი პირველად ამ ხანაში ჩაისახა.

გაერთიანებულმა იტალიამ იმდროინდელს დიდ სახელმწიფოებთან ეკონომიური ურთიერთობაც გააჩაღა. რომი ამ ურთიერთობას სათავეში ჩაუდგა და ამგვარად საერთაშორისო

ვაქრობის საბიუჯეტზე გამოვიდა. ეს იყო მიზეზი, რომ პრემიერი 268 წლიდან იძულებული შეიქმნა, იმ დროს გავრცელებული ატიკური ფულის სისტემა შემოეღო. თავისი სპილენძის ფული ხურდა ფულად გარდაქცევა, წხოლო ფულის ერთეულად ვერცხლის დენარი შემოიღო, რომელიც ღირებულებით ატიკურ დრახმას გაუთანასწორა.

დემოკრატიული წესწყობილება რომში. მეორე საუკუნისათვის რესპუბლიკანური წესწყობილება რომში საერთოდ უკვე საბოლოოდ იყო ჩამოყალიბებული.

აღსანიშნავია, რომ ბერძნები რომის რესპუბლიკას სავსებით დემოკრატიულად არას დროს არ სთვლიდნენ; მათი აზრით, იგი მონარქიის, არისტოკრატიისა და დემოკრატიის ნარევის უფრო წარმოადგენდა, ვიდრე წმინდა დემოკრატიულ სახელმწიფოს.

რამდენად სამართლიანი იყო ეს შეხედულება? რომის სახელმწიფოებრივი ძალა-უფლება ორი მთავარი ძალის, ხალხისა და სენატის ხელში იყო; მათ შორის საშუალო ადგილი რომის მოხელეობას ე. წ. მაგისტრატურას ეკავა.

კომიტეები. მას შემდეგ, რაც წოდებათა შორის უფლებრივი გათანასწორება მოხდა, სახალხო ყრილობის სამივე სახეს შორის განსაკუთრებით მნიშვნელოვანი ე. წ. ტრიბუტკომიტეები შეიქმნენ. მაშინ როდესაც კურატკომიტეებში გადამწყვეტი მნიშვნელობა წამომავლობას ჰქონდა, ხოლო ცენტურიატკომიტეებში კონებრივ ცენზს, ტრიბუტკომიტეებში მთელი მოსახლეობა თანაბარ მონაწილეობას იღებდა და ხმის უფლების მხრივ ყველა გათანასწორებული იყო. მდიდარი და ღარიბი, პატრიცი და პლებეი—აქ ყველა ერთი იყო, და ყველა ერთად ბჭობდა, თუ-კი იგინი ერთსა და იმავე ტრიბუტში ცხოვრობდნენ; სამაგიეროდ კურატკომიტეები თანდათანობით ყოველგვარს პოლიტიკურ მნიშვნელობას ჰკარგავდნენ; იგივე ბედი ეწვიათ ცენტურიატკომიტეებსაც, რომელთაც საშინაო პოლიტიკისათვის თითქმის აღარავითარი მნიშვნელობა აღარ შერჩათ და რომელნიც, მეორეს მხრივ, თანდათან უფრო

და უფრო დემოკრატიულ სახეს ღებულობდენ. ამგვარად, ცენტრალური ადგილი სახალხო ყრილობის იმ სახეს მიეკუთვნა, რომელიც როგორც თავისი შემადგენლობის, ისე უფლებების მხრივაც ყველაზე უფრო დემოკრატიული ხასიათის იყო.

სახალხო ყრილობის უფლებები განუსაზღვრელი იყო: როგორც მაგისტრატების არჩევა, ისე მათი უფლებების შეკვეცა ან განგრძობა, მათი და სენატის გადაწყვეტილების შეჩერება და შეცვლა, ომისა და ზავის ხაკიფი, მოხელეების გასამართლება და სხვა ამგვარი—ყველაფერი ეს ხალხის უფლებას შეადგენდა. ამიტომ თამამად შეიძლება ითქვას, რომ რომის სრული ბატონ-პატრონი ხალხი იყო, რომელიც თავის განუსაზღვრელ უფლებას თავის კამიციების საშუალებით ახორციელებდა.

ამ მხრივ რომის რესპუბლიკა შეიძლება სავსებით დემოკრატიულად ჩაითვალოს. მაგრამ იყო ზოგი გარემოება, რომელიც ფაქტიურად ხალხის უაღრესუფლებიანობას საგრძნობლად ჰფარავდა და რესპუბლიკას დემოკრატიულ ხასიათს უზღუდავდა:

1. მიუხედავად იმისა, რომ მთელი ძალაუფლება სახალხო ყრილობათა ხელში იყო, იგინი მაინც მოკლებულნი იყვნენ მოქმედების თავისუფლებასა და ინიციატივას და ამიტომ, რა თქმა უნდა, შეძლება არა ჰქონდათ თავიანთი განუსაზღვრელი უფლებებით სათანადოდ სარგებლობისა: საქმე ის არის, რომ სახალხო ყრილობა მხოლოდ იმ შემთხვევაში იკრიბებოდა, როდესაც მას კონსული ან ტრიბუნა მოიწვევდა, და მართა იმ საკითხებს არჩევდა, რომელნიც მაგისტრატების მიერ იყვნენ წამოყენებულნი. საკმარისი იყო, მაგისტრატებს საქიროდ არ დაენახათ სახალხო კრების დანიშვნა, რათა იგი სრულიად არ შეეკრებლიყო. ამგვარად, მართალია, ხალხი უაღრესი, ძალაუფლებით იყო აღჭურვილი, მაგრამ თავის უფლებას იგი მხოლოდ მაშინ ახორციელებდა, თუ რომ მას შეეკითხებოდნენ. ხოლო პირდაპირ, თავისი საკუთარი თაოსნობით ხალხი სახელმწიფოს საქმეებში არ ერეოდა, და ამიტომ სახელმწიფოს ფაქტიური ბატონ-პატრონობა უფრო მაგისტრატებისა და სენატის ხელში იყო, ვიდრე ხალხის ხელში.

2. საარჩევნო უფლების მხრივ ყველა თანასწორი იყო. მაგრამ სინამდვილეში ისეთი წესი იყო დამკვიდრებული, რომ

ხმის უფლების თანასწორობა ფაქტიურად იშვიათად ხორციელდებოდა. როდესაც, მაგალ., კონსულს¹ ირჩევდნენ (რაც ცენტურიატორია ცკომიტეებში ხდებოდა), წილისყრით პირველად ერთ-ერთ ცენტურიას ასახელებდნენ, რომელსაც პირველად უნდა მიეცა ხმა (centuria praerogativa—უპირატესი ცენტურია). მას შემდეგ, რაც ამ ცენტურიის წევრთა ხმის მიცემა დასრულდებოდა, არჩეულის სახელს საყოველთაოდ აცხადებდნენ და დანარჩენ ცენტურიებზე გადადიოდნენ. მაგრამ ნამდვილად არჩევნების ბედი უკვე უპირატესი ცენტურიის ხმის მიცემით წყდებოდა; ვინაიდან დანარჩენი ცენტურიები თითქმის ყოველთვის მის მიერ დასახელებულ კანდიდატს აძლევდნენ ხმას. ამგვარად, ფაქტიურად საყოველთაო და თანასწორი ხმის უფლებით ამა თუ იმ შემთხვევაში მარტო ერთი ცენტურია სარგებლობდა.

3. 139 წლამდე რომში ფარული ხმის მიცემა არ არსებობდა. ამიტომ ხალხის დამოკიდებული ნაწილი თავისი ნამდვილი შეხედულებისა და სურვილის თანახმად ხმის მიცემას ვერ ბედავდა და, მაშასადამე, თავის დემოკრატიული უფლებებით ვერ სარგებლობდა.

4. მაგრამ ფარული საარჩევნო უფლების შექოლების შემდეგაც ვერ ხორციელდებოდა ნამდვილი დემოკრატიული პრინციპი. საქმე ის არის, რომ რომში მალე ამომრჩეველთა მოსყიდვის ჩვეულება დამკვიდრდა: მდიდარი კანდიდატები ფრიად სარგებლობდნენ ამ ცუდი ჩვეულებით და მთელი ცენტურიებისა და ჯგუფების საარჩევნო ხმებს ჰყიდულობდნენ. ეს სენი ბოლო ხანებში ისე ფართოდ გავრცელდა, რომ საყოველთაო და თანასწორი საარჩევნო უფლება რომისთვის უდიდეს უბედურებად გარდაიქცა.

5. დასასრულ უნდა აღინიშნოს ის გარემოებაც, რომ სახალხო ყრილობებზე მონაწილეობას თითქმის მარტო ქალაქის (რომის) მოსახლეობა იღებდა. ხალხის დიდი უმრავლესობა-კი რომს გარედ ცხოვრობდა და მისთვის პოლიტიკურ ცხოვრებაში მონაწილეობის მიღება ძნელი საქმე იყო. ამი-

ტომ სახელმწიფო საქმეები ფაქტიურად არა მთელი ხალხის, არამედ მოქალაქეთა შედარებით მცირე რიცხვის ხელში იმყოფებოდა.

მაგისტრატები. რომის მოხელეობას, ე. წ. მაგისტრატებს (ცენზორი, კონსული, პრეტორი, ედილები, ტრიბუნები, ქვესტორები) ყველას სახალხო კრებაზე ირჩევდნენ. ამ მხრივ იგინი სავესებით ხალხის ნებასურვილზე იყვნენ დამოკიდებულნი. მაგრამ ფაქტიურად აქაც ისეთი მდგომარეობა შეიქმნა, რომ ნამდვილი დემოკრატიზმიდან, რომელიც რომის მაგისტრატურას საფუძვლად ჰქონდა დადებული, ცხოვრებაში ბევრი აღარათფერი რჩებოდა.

1. მაგისტრატები განსაზღვრული ვადით ირჩეოდნენ და ამ ხნის განმავლობაში იგინი თითქმის სავესებით უპასუხისმგებლონი იყვნენ; მათი გადაყენების უფლება არავის არ ჰქონდა; მხოლოდ ვადის გასვლის შემდეგ აბარებდნენ იგინი ანგარიშს სახალხო ყრილობას და თავისი მოღვაწეობისათვის პასუხს აგებდნენ.

2. მართალია, მაგისტრატებს შორის ზოგი უფრო მაღალი საფეხურის იყო და ზოგი დაბალის, მაგრამ იგინი ურთიერთს არ ექვემდებარებოდნენ და თავის სფეროში თითოეული მათგანი სრულ ბატონად გრძნობდა თავს: პრეტორი სრულიად არ იყო მოვალე კონსულის მოვალეობა შეესრულებია ან და თავის მხრივ სხვა მაგისტრატის საქმეში ჩარეულიყო. ისეთი იერარქიული ურთიერთობა მოხელეთა შორის, როგორიც ზოგს თანამედროვე სახელმწიფოში არსებობს, რომში სრულიად უცნობი იყო. ამიტომ რომაელი მოხელე თავის განკარგულებებს მხოლოდ თავისი საკუთარი ძალით ასრულებდა. ამ პირობებში თითქმის ერთად-ერთი გარემოება, რომელიც მაგისტრატის უფლებას საზღვრავდა, ეს ის კოლევიალობა იყო, რომელიც რომის მაგისტრატურას ახასიათებდა: ერთი კონსული იმავე უფლებით იყო აღჭურვილი, როგორც მეორე, და ამიტომ იგი ყოველთვის იძულებული იყო, თავის კოლეგისათვის ანგარიში გაეწია.

3. რაკი თვითონ ხალხს ინიციატივის უფლება არ ჰქონდა, ეს გარემოება განსაკუთრებით დიდ ავტორიტეტს მნიშვნელობას რომის მაგისტრატურას ანიჭებდა. საერთოდ მაგისტრატების ავტორიტეტი და პატივისცემა დიდი იყო: თუ მამა თავის შვილს, კონსულს ცხენით შეხვდებოდა, იგი ძირს უნდა ჩამომხდარიყო; თუ იგი თავისი შვილის, კონსულის შემოსვლის დროს იჯდა, უნდა ამდგარიყო: „უკეთესია, ამ ადგილას რომის მოხელე დაბრძანდესო“ (sedeat hic potius magistratus populi Romani), ამბობდა იგი.

ამგვარად, რომში მაგისტრატურას არაჩვეულებრივ დიდი მნიშვნელობა ჰქონდა და იგი სახელმწიფოში უფრო მონარქიულ ელემენტს შეადგენდა, ვიდრე დემოკრატიულს.

ამასთანავე უნდა აღინიშნოს ის გარემოებაც, რომ მოხელეობას არსებითად არისტოკრატიული ხასიათი ჰქონდა: მართალია, პლებეებს სრული უფლება მიენიჭათ ყოველი თანამდებობის დაკავებისა, მაგრამ ამის მიუხედავად პატრიციებმა მაინც განსაკუთრებული უპირატესობანი შეინარჩუნეს: ერთი კონსული, ერთი ცენზორი, ორი ედილი უთუოდ მათი წრიდან უნდა ყოფილიყო არჩეული; ამას გარდა პატრიციელ სენატორებს ტანისამოსზეც განსხვავებული ნიშნები ჰქონდათ. რაც შეეხება პლებეებს, ყველა დიდი თანამდებობის პირი, რომელსაც მათი წრიდან ირჩევდენ, უკვე შორდებოდა თავის წოდებას და არისტოკრატის უახლოვდებოდა, ხოლო თანამდებობას ბუნებრივად თავის შთამომავლობას თითქოს სამემკვიდროდ უტოვებდა. ამ სახით პლებეების წრიდან ახალი არისტოკრატია ე. წ. ნობილები ჩნდებოდა, რომელსაც დემოკრატიულ სახელმწიფოში ახალი, არისტოკრატიული ნაკადი შეჰქონდა.

რაკი ასეთი იყო რომის მოხელეობის ორგანიზაცია, მოსალოდნელი იყო, რომ სახელმწიფოში მათი უფლება-მოვლეობისა და ურთიერთ დამოკიდებულების მოუწესრიგებლობის გამო სრული არეუ-ღარევა და მკვიდრდებოდა. მაგრამ სი-

ნამდვილეში საქმე სხვაგვარად მიმდინარეობდა: რომში ძალიან დიდი გავლენა ჰქონდა ტრადიციასა და ჩვეულებას, შეიძლება მეტი გავლენა, ვიდრე თვით კანონს, და ამ სწორედ ეს იყო, რომ საქმეში წესრიგი შეჰქონდა: მართალია, კონსულს სრული უფლება ჰქონდა პირდაპირ ხალხისათვის მიემართა ამა თუ იმ საკითხის გადასაწყვეტად, ან და კიდევ ტრიბუნს ესა თუ ის კანონი შეეჩერებია, მაგრამ ფაქტიურად არც კონსული სარგებლობდა ამ უფლებით და არც ტრიბუნი: პირველს ჯერ სენატისათვის უნდა ეკითხა და მხოლოდ შემდეგ მოეწვია სახალხო კრება, ხოლო მეორე — ჯერ ხალხს უნდა შეეკითხებოდა და მხოლოდ შემდეგ დაედო კანონისათვის თავისი veto. ამ მხრივ რომი თანამედროვე ინგლისს ჰგავდა, სადაც ტრადიციასა და ჩვეულებას დღესაც დიდი მნიშვნელობა აქვს.

სენატი. რომის სახელმწიფოს უმნიშვნელოვანესი დაწესებულება, რომელიც სახელმწიფოებრივი საქმეების მსვლელობაზე გადამწყვეტ გავლენას ახდენდა, სენატი იყო. რომის პოლიტიკური სიბრძნე, გამოცდილება, ენერჯია და სამშობლოს სიყვარული — ყველაფრის ამის განხორციელებას სენატი წარმოადგენდა. იგი იყო თავი და ტვინი რომის რესპუბლიკისა.

სენატი თავისი საფუძვლით დემოკრატიული დაწესებულება იყო: მასში მონაწილეობას იღებდნენ როგორც პატრიციები (patres), ისე პლებეებიც (conscripti). წევრთა რიცხვი ჩვეულებრივ სამასით განისაზღვრებოდა, ნამდვილად-კი ხან ცოტა მეტი და ხან ცოტა ნაკლები იყო. ვინ ირჩევდა და ვის ირჩევდნენ სენატორებად? ყოველს ხუთს წელიწადში ერთხელ სენატორების სიის განხილვა და შევსება ცენზორებს ჰქონდათ დავალებული; მაშასადამე, სენატორებს ცენზორი ნიშნავდა და თითქოს ხალხს აქ საქმე არ ჰქონდა. ნამდვილად-კი ეს ასე არ ყოფილა: საქმე ის არის, რომ სენატორად მხოლოდ ყოფილი მაგისტრატი ინიშნებოდა, ხოლო როგორც მაგისტრატი, იგი საყოველთაო, თანასწორი, ფარული და პირდაპირი ხმის მიცემით იყო არჩეული. მაშასადამე, ცენზორის არჩევანი მხოლოდ ისეთ პირზე უნდა შეეჩერებულიყო, რომე-

ლიც ერთხელ უკვე ხალხის მიერ იყო არჩეული და მისი სრული ნდობით აღჭურვილი. ცენზორს ამ სახით არჩეულს ყოფილ მაგისტრატა შორის მხოლოდ ისეთის დანიშვნა შეეძლო, რომელმაც თავისი მაგისტრატობის დროს სავესებით შესძლო ხალხის ნდობის გამართლება და სრული სახელმწიფოებრივი უნარი და პატიოსნება გამოიჩინა; დანარჩენებს სენატორობაზე ჩვეულებრივ ოცნებაც-კი არ შეეძლოთ. ამგვარად, სენატორების არჩევნები არსებითად მაინც ხალხის ხელში იმყოფებოდა, და სენატორობა მხოლოდ მისი ნდობით აღჭურვილს ყოფილ მაგისტრატებს შეეძლოთ.

ამ მხრივ სენატიც სავესებით დემოკრატიულ დაწესებულებად უნდა ჩაითვალოს. მაგრამ მისი სახე მაინც არისტოკრატიული იყო: სენატორი ხალხის წინაშე უკვე აღარ იყო პასუხისმგებელი, ერთხელ არჩეული სენატორის გამოცვლა უკვე შეუძლებელი იყო (თუ მხედველობაში არ მივიღებთ განსაკუთრებულ შემთხვევებს); სენატის სხდომებს საჯარო ხასიათი არ ჰქონდათ და ხმის მიცემა იქ ერთგვარი იერარქიული წესით ხდებოდა (ჯერ ყოფილი კონსულები, მერე პრეტორები და სხვ.). პირველად ხმის მიცემის უფლება მხოლოდ პატრიციელ სენატორს ჰქონდა (*princeps senatus*).

სენატის ფუნქციები მრავალფეროვანი იყო: იგი სახელმწიფო ცხოვრების ყველა დარგსა და მხარეს ეხებოდა, და სენატის გადაწყვეტილებას (*senatus consultus*) კანონის ძალა ჰქონდა. სენატი მხოლოდ მაგისტრატებს ინიციატივით იკრიბებოდა და მათ მიერ დასმულ საკითხებზე მსჯელობდა: „რომელ ხალხის, ქვირიტების ინტერესების-და-მიხედვით, მამა სენატორებო, მე ვაყენებ თქვენდა განსახილველად შემდეგ საკითხს“-ო, იწყებოდა სენატის თავმჯდომარის წინადადება და „როგორ უნდა მოვიქცეთ ამ შემთხვევაში“-ო, თავდებოდა იგი. მაგრამ რადგანაც თავმჯდომარეს უფლება არ ჰქონდა ორატორის შეჩერებისა, ამიტომ სენატორებს საშუალება ეძლეოდათ თავის სიტყვაში ყველაფერს შეხებოდნენ, რაც-კი მათ საგულისხმოდ მიაჩნდათ, თუნდ მათ მიერ აღქმულ საკითხს

არაფერი საერთოდ არ ჰქონოდა დასმულ საკითხებთან. ამასთანავე აიხსნება, სხვათა შორის, ის გარემოება, რომ ერთ-ერთი სენატორი (კატონი) ყოველს თავის სიტყვას, რა საგანზეც არ უნდა ყოფილიყო იგი თქმული, ასე ათავებდა: „მე მაინც ვფიქრობ, რომ კართაგენი უნდა მოსპობილ იქმნესო“.

როგორი იყო დამოკიდებულება სენატსა და მაგისტრატებს შორის? ჩვეულებრივ მთავრობის წევრთა და წარმომადგენლობითი დაწესებულებებს შორის ბრძოლა სწარმოებს ხოლმე. რომში ასე არ იყო: სენატი, როგორც ყოფილ მაგისტრატთა კრებული, პატივისცემით ეპყრობოდა მაგისტრატებს, რადგანაც გამოცდილებით იცნობდა მართვა-გამგეობის მთელ სიძნელეს, ხოლო მაგისტრატები სენატის საწინააღმდეგოდ და მის დასამცირებლად ვერაფერს ბედავდნენ, ვინაიდან იცოდნენ, რომ სამსახურის ვადის შემდეგ შესაძლებელი იყო, თვითონ გამხდარიყვნენ სენატის წევრებად.

ამგვარად, რომში მთავრობის წევრთა და სენატს შორის ჩვეულებრივ შვიდობიანი დამოკიდებულება არსებობდა. მდგომარეობა მხოლოდ რესპუბლიკის უკანასკნელ ხანებში შეიცვალა.

სასამართლო. რომში სამართლის საქმე რიგიანად არასდროს არ ყოფილა მოწყობილი: რომაელებს ჯერ კიდევ ვერ შეეგნათ ის ქეშმარიტება, რომ ნამდვილი, მიუდგომელი სამართალი მხოლოდ მაშინ არის შესაძლებელი, თუ რომ მომსამართლე იმ პირების ან დაწესებულებების გავლენის გარეშე სდგას, რომელთაც ეს თუ ის დანაშაული ეხებათ. ამიტომ სასამართლოს დამოუკიდებლობა იქ არასდროს არ სწამდათ: სამართალი იმავე პირებისა და დაწესებულებების ხელში იყო, რომელნიც საერთოდ სხვა სახელმწიფოებრივ საქმეებსაც განაგებდნენ.

განსაკუთრებული თანამდებობა, რომელსაც მხოლოდ სამართლის წარმოება ჰქონდა დავალებული, რომის რესპუბლიკამ არ იცოდა.

სამართალი უმთავრესად ორი დაწესებულების ხელში იყო: მაგისტრატურისა და სახალხო ყრილობის. კონსული და პრე-

ტორი თანაბრად სარგებლობდნენ როგორც ადმინისტრატორული, ისე სასამართლოს უფლებებითაც. მართალია, სამართლის წარმოება ხშირად პრეტორებს ევალებოდათ, მაგრამ პრეტორობა სრულიად არ ნიშნავდა მართო მოსამართლეობას: პრეტორი იმავე დროს სარდალიც იყო და მართველიც.

გარდა მაგისტრატებისა სამართალს სახალხო ყრილობაც აწარმოებდა: 1. როდესაც მაგისტრატის სასამართლოს გადაწყვეტილება შეუფერებლად მიაჩნდათ, დამნაშავეს სახალხო ყრილობაზე შეეძლო მისი გასაჩივრება; მაგრამ რადგანაც აქ იგივე მაგისტრატი თავმჯდომარეობდა, ასეთ გასაჩივრებას არავითარი მნიშვნელობა არ ჰქონდა. 2. სახალხო კრებას თვითონ უშუალოდაც შეეძლო დანაშაულის გარჩევა, მაგრამ რადგანაც ეს ყრილობა უფრო პოლიტიკური დაწესებულება იყო, ამიტომ საქმის სამართლიანი გადაწყვეტილება აქაც შეუძლებელი იყო.

სამხედრო ორგანიზაცია რომში. მაშინ, როდესაც რომი იტალიაში თავის ბატონობას აერცვლებდა, შიგნით წოდებათა შორის უფლებრივი ბრძოლა სწარმოებდა. პლებებისა და პატრიციების გათანასწორება სწორედ ამ ხანაში დასრულდა. ამ ბრძოლაზე დიდი გავლენა ჰქონდა იმ გარემოებას, რომ სახელმწიფოს წარმატება სავსებით მის სამხედრო ძლიერებას ეყრდნობოდა, და აქ კი გადამწყვეტი მნიშვნელობა ხალხის უმრავლესობას, პლებს ჰქონდა.

საერთოდ, რომის მთელი სახელმწიფო ცხოვრება ჯარის ორგანიზაციაზე იყო დაფუძნებული. იგი სამხედრო სახელმწიფოს ტიპს წარმოადგენდა.

სერვიუს ტულიუსის სამხედრო რეფორმების დროიდან დაწყებული, სამხედრო ძალების ორგანიზაციამ შემდეგი სახე მიიღო: რადგანაც ჯარს რომში უაღრესი მნიშვნელობა ჰქონდა, ამიტომ იქ საყოველთაო სამხედრო ბეგარა იყო შემოღებული. ამ მიზნით, როგორც ვიცით, ხალხი თავისი ქონების (ცენზის) მიხედვით ხუთ კლასად იყო გაყოფილი. როგორც სამხედრო ბეგარა, ისე პოლიტიკური უფლებებიც ცენზზე

იყო დამოკიდებული: ვისაც არაერთი ქონება არ გააჩნდა, იგი სამხედრო სამსახურისაგან განთავისუფლებული იყო და ფაქტიურად არც პოლიტიკური უფლებებით სარგებლობდა. თითოეული კლასი ასეულების (centuriae) განსაზღვრული რიცხვისაგან შესდგებოდა, რომელთა მიხედვითაც ე. წ. ცენტურიალური კომიტეები იკრიბებოდნენ და უმაღლესი საკანონმდებლო და სასამართლო უფლებებით სარგებლობდნენ.

ე. წ. მხედრები ამ ხუთი კლასის კარეში იყვნენ და თავის კრებებს ცალკე მართავდნენ. სამხედრო სამსახურისათვის მხედრები ჯამაგირს არ იღებდნენ; თუმცა აღსანიშნავია, რომ სახელმწიფო მოვალე იყო მათთვის ცხენები შეეძინა და მათ მოსავლელად განსაზღვრული ხარჯი გაეწია.

ჯარი ორ ნაწილად იყოფებოდა: უმცროსნი და უფროსნი (juniores et seniores); პირველ ჯგუფში 46 წლისაზე უმცროსი მამაკაცები შედიოდნენ, მეორეში 46-დან 60 წლამდე, და ამ უკანასკნელთ ჯარში მარტო ქალაქის დასაცავად იწვევდნენ ხოლმე. ქვეითა ჯარის ერთეულს ე. წ. ლეგიონი შეადგენდა (4000 კაცი), რომელშიც მსუბუქად და მძიმედ შეიარაღებულნი შედიოდნენ და რომელიც მანიპულიებისა და ცენტურიებისაგან შესდგებოდნენ. თითოეულ კონსულს 2 ლეგიონი ჰყავდა. სულ ოთხივე ლეგიონი დიდი ომების დროს გამოჰყავდათ საბრძოლველად. ამას გარდა არსებობდა აგრედვე მოკავშირეთა ჯარებიც, რომელნიც საერთო რიცხვით რომაელებს არ ჩამოუვარდებოდნენ და უფრო მცირე ერთეულებად (კოჰორტებად) იყოფოდნენ. ცენოსანი ჯარი ცალკე ერთეულებს შეადგენდა.

ცხადია, ცენუს რომში დიდი მნიშვნელობა ჰქონდა, და ამიტომ იყო, რომ დეცემვირატის გაუქმების შემდეგ პატრიციებმა თავისთვის ცალკე თანამდებობის ე. წ. ცენზორობის დაწესება მოითხოვეს და დააწესეს კიდევ.

გამუდმებული ომები დიდ ხარჯებს მოითხოვდნენ, მით უმეტეს, რომ 406 წლიდან, როგორც ვიცით, ჯარისკაცებს განსაზღვრული ჯამაგირი დაენიშნათ. ამის მიუხედავად პირდა-



რომაელი ლეგიონერი (რომ.-გერმ. მუზ. მაინცში)

პირი ვადასახალი რომში მაინც იშვიათ მოვლენას შეადგენდა. სამაგიეროდ თითოეული გამარჯვება ახალი შემოსავლის წყაროდ იქცეოდა, და მალე რომს სახელმწიფო ხაზინა გაუჩნდა, რომლის სამართავადაც ახალი მაგისტრატურა — ქვებტურა იქმნა შემოღებული. მთავარი შემოსავლის წყაროდ მაინც

ე. წ. ager publicus (საზოგადო მიწები) გარდაიქცა ერთდროულად რომაელები ახალ ტერიტორიას იქერდენ, ნაწილი მიწისა საზოგადოების საკუთრებად ცხადდებოდა*) და სასარგებლოდ, განსაზღვრული გადასახადით, რომის მოქალაქეებს ურიგდებოდათ.

IV

მსოფლიო ბატონობის მოპოვება და რეპუბლიკის ხანა.

კართაგენი. აფრიკის ჩრდილოეთ ნაპირზე 800 წ. ქ. წინედ ფინიკელთა ქალაქის ტირის მცხოვრებთა ერთმა ნაწილმა თავისი ახალშენი, კართაგენი დააარსა. ხელსაყრელი გეოგრაფიული მდებარეობისა და მცხოვრებთა მომჭირნეობის გამო V საუკუნის განმავლობაში კართაგენი ძლიერ სახელმწიფოდ გარდაიქცა. მან მალე დაიბურო მებობლად მცხოვრები ლიბიელთა ტომები და ამავე დროს ჩრდილოეთ-დასავლეთი აფრიკის, ისპანიის, სიცილიისა და სხვა ახლო მდებარე კუნძულების ფინიკელთა ახალშენები თავისი მფლობელობის ქვეშ მოაქცია. 480 წელს მან მთელი სიცილიის დაპყრობა სცადა, მაგრამ თუმცა მიზანს ვერ მიაღწია, კუნძულის დასავლეთი ნაწილი მაინც ხელში ჩაიგდო. იმის მიუხედავად, რომ ადგილობრივი ბერძნები კართაგენელთა წინააღმდეგ ყოველ ღონეს ხმარობდნენ, მათ მაინც შეინარჩუნეს მთელი დასავლეთი სიცილია მდინ. ჰალიქსამდე და კუნძულის ჩრდილოეთი ნაწილი. დამოუკიდებლობა მარტო სირაკუზსა და მამერტინელების მესანას შერჩათ. აქაურ ბერძნებთან მუდმივი ურთიერთობის გამო მათ მალე შეითვისეს ელინების კულტურა და მის გავლენას დაემორჩილნენ.

კართაგენის მთავარი მასაზრდოვებელი ძარღვი ვაჭრობა იყო, და სახელმწიფოს მართვა-გამგეობაც მდიდარი ვაჭრების ინტერესების-და-მიხედვით იყო მოწყობილი. ტიმოკრატიული წესწყობილება, რომელიც აქ იყო შემოდებული, მდიდარ ვაჭრებს სახელმწიფოში დიდ უპირატესობას ანიჭებდა. სახელმწიფოს სათავეში ორი თითო წლით არჩეული მსაჯული

*) ეს ენება განსაკუთრებით საბინელებისა და გალების მიწებს.

ე. წ. შოფეტი უდგა, რომელთა ხელშიც აღმასრულებელი ძალაუფლება იყო.

პირველ ხანებში კართაგენს თითქმის უკლებლივ ერთი მდიდარი გვარეულობა (მაგო) განაგებდა, მაგრამ ბოლოს და ბოლოს არისტოკრატთა თავისი უფლებების უზრუნველყოფა შესძლო და კართაგენში ახალი დაწესებულება **სენატი** შემოიღო, რომელიც 104 კაცისაგან შესდგებოდა და სახელმწიფოს მდიდარი ვაჭრების ინტერესების მიხედვით განაგებდა. ხალხის ფართო მასა პოლიტიკურ უფლებებს არ იყო სავსებით მოკლებული, მაგრამ მას არავითარი გავლენა არ ჰქონდა, ხოლო რადგანაც ნივთიერის მხრივ იგი ხშირად უზრუნველყოფილი იყო, ამიტომ თავს კმაყოფილად გრძობდა და პოლიტიკურ ბრძოლას არ აწარმოებდა.

კართაგენში სამხედრო ბეგარა არ არსებობდა. მდიდარი სახელმწიფო დაქირავებული ჯარითკმაყოფილდებოდა და თავის კეთილდღეობას სხვისი სისხლით განამტკიცებდა. მაგრამ კართაგენი იმდენად ხმელეთზე არ იყო ძლიერი, რამდენადაც ზღვაზე: თავისი ძლიერი ფლოტით იგი შთელს ხმელთაშუა ზღვას ფლობდა, ასე რომ, როგორც იქ ამბობდენ, „რომანელებს მათ ნებადაურთველად ზღვაში ხელის დაბანაც არ შეეძლოთ“.

სულიერი კულტურის მხრივ იგინი დაბალ საფეხურზე იდგენ: მწერლობა თითქმის სრულიად არ არსებობდა, სარწმუნოება ძველი ფინიკური იყო: ადამიანის მსხვერპლად შეწირვა ჩვეულებრივ მოვლენად ითვლებოდა. ამ მხრივ განსაკუთრებით სახელგანთქმული მათი ღმერთი **მოლოხი** იყო.

რომანელებთან კართაგენს ჯერ ხნობით უმეტეს ნაწილად მშვიდობიანი დამოკიდებულება ჰქონდა, ვიდრე რომი ჯერ კიდევ იტალიის გაერთიანების საკითხით იყო დაინტერესებული. მაგრამ როგორც-კი დასრულდა იტალიის გაერთიანების საქმე, რომი ბუნებრივად ახლო მდებარე კუნძულზე, **სიცილიაზე** უნდა გადასულიყო და აქ მტკიცედ გაბატონებულიყო. ეს-კი კართაგენთან შეჯიბრებას ნიშნავდა. გარდა ამისა, რომს, როგორც დიდ სახელმწიფოს, თავისი ინტერესები ჰქონდა



ხმელთაშუა ზღვაში, რომელიც თითქმის სავსებით იმავე კართაგენის ვავლენის ქვეშ იმყოფებოდა. ეს იყო მიზეზი, რომ მეგობრულმა კავშირმა რომსა და კართაგენს შორის მალე შეურიგებელ მტრობას დაუთმო ადგილი. თუ იტალიაში ჯერ ვეი, შემდეგ სამნიტელები და ბოლოს ტარენტინელები ჰყავდა რომს სამკვდრო მტრებად გადაკიდებული, რომელნიც მან თანდათანობით ერთიმეორეზე გასრისა, იტალიის გარედ ასეთსავე შეურიგებელ მტრად მას იმთავითვე კართაგენი მოეგლინა.

ომის საბაბად მათ შორის მარტივი მოვლენა შეიქმნა. სირაკუზელების შიშით მამერტინელებმა მესანაში კართაგენელები მოიწვიეს. მაგრამ მალე ფრონტი იცვალეს და თავისს მონათესავე რომს წამართეს. რომის სენატმა მათ დასახმარებლად ჯარი გაუგზავნა, რომელმაც მესანა კართაგენელების დამხმარე გარნიზონისაგან გასწმინდა. სამაგიეროს გადასახდელად კართაგენი სირაკუზს შეუერთდა და რომაელების წინააღმდეგ საომარი მოქმედება დაიწყო. ეს იყო იმ ომების დასაბამი, რომელიც 264 წლიდან 146-ამდე გაგრძელდა და რომში პუნიური ომების სახელით იყო ცნობილი, ვინაიდან რომაელები კართაგენელებს ფინიკიელებს ანუ „პუნიელებს“ (pu-ni) უწოდებდნენ.

პირველი პუნიური ომი (264-21) სიცილიის გამო. სწარმოებდა, და ამიტომ აქაური დამოუკიდებელი სამთავრონი ამ ომის მსვლელობის გულგრილ მაყურებლებად ვერ დარჩებოდნენ. ამიტომ როგორც-კი გამოირკვა, რომ ომის პირველი ორი წლის განმავლობაში კართაგენელები რომაელებს ვერ უმკლავდებოდნენ, სირაკუზის მართველი, რომელიც კართაგენელებთან ერთად რომს ებრძოდა, ამ უკანასკნელს მიეკედლა. ის დაინტერესებული იყო, რომ კართაგენის ბატონობას სიცილიაზე ბოლო მოეღებოდა. ამის შედეგი მალე გამოაშკარავდა: კართაგენელები იძულებულნი შეიქმნენ უკან დაეხიათ და დასავლეთი სიცილიის თითქმის მიუღღგომელი სიმაგრეებისათვის (პანორმუსი და ლილიბეუმი) შეეფარებიათ თავი.

სამაგიეროდ ამავე ხნის განმავლობაში რომაელები ზღვის მხრივ განიციდნენ კართაგენელებისაგან დიდ გაქირვებას. ამ უკანასკნელთა ფლოტი თვით იტალიის ნაპირებს ესხმოდა თავს და იქ შიშის ზარს ავრცელებდა. რომაელები იძულებულნი

ბულნი შეიქმნენ თავისი სამხედრო ფლოტის შესახებაც ეზრუნა-
ნათ. ნულ კოტა ხნის განმავლობაში მათ საკმაოდ ძლიერი
ფლოტი შექმნეს; მაგრამ რადგანაც ზღვის ბრძოლის არაფე-
რი გაეგებოდათ, ამიტომ უპირატესობა ზღვაზე მათ მხარეს
მხოლოდ მას შემდეგ გადავიდა, რაც მათმა სარდალმა **მარკუს
დულიუსმა** თავისი მოძრავი ხიდის გენიალური გამოგონე-
ბით საზღვაო ომის ხმელეთის ომად გარდაქცევა მოახერხა.
260 წელს რომაელებმა პირველად დაამარცხეს კართაგენე-
ლის ძლიერი ფლოტი (**მილესთან**).



მოძრავი ხიდი რომაელების გემებზე.

ასეთ წარმატებათა მიუხედავად, ომის დასასრული მაინც
არ სჩანდა, მაგრამ მას შემდეგ, რაც 256 წელს რომაელებმა
თავისი ჯარის გადასხმა თვით აფრიკაში მოახერხეს, რომაე-
ლებს ექვი აღარ ჰქონდათ, რომ მათი გამარჯვება უზრუნველ-
ყოფილი იყო. მაგრამ კარზე მომდგარმა ხიფათმა კართაგენე-
ლები გამოათხიზლა და მათ, გაღვიძებული პატრიოტული
გრძნობის ზეგავლენით, უკანასკნელი ძალების ხმევა სცადეს.
სპარტანელის, **ქსანტიბოს** დახმარებით კართაგენმა თავისი
სამხედრო წყობილება შესცვალა და რომაელები მალე აფრი-
კიდან განდევნა. თვით სიცილიაში, მას შემდეგ, რაც იქ კარ-
თაგენელთა ჯარებს სათავეში სარდალი **ჰამილკარ ბარკა**
ჩაუდგა, რომაელების საქმე უკუღმა დატრიალდა. მაგრამ ომი
იმდენად მნიშვნელოვანი იყო, რომ რომაელები ასე ადვილად
მასზე უარს ვერ იტყოდნენ, და მდიდარი მოქალაქეების დახ-
მარებით რომმა დიდი ფლოტი შექმნა, რომელმაც **ეგატის**

კუნძულებთან კართაგენელები დაამარცხა და იძულებულჲ ჰყო ისინი, სიცილია დაეცალათ. კართაგენელები იძულებულნი შეიქმნენ თავი დამარცხებულად ეცნოთ და სიცილიასთან ერთად რომისათვის დიდი სამხედრო კონტრიბუცია გადაეცათ.

სიცილია, როგორც პირველი „პროვინცია“. წინად, სანამ რომი ჯერ კიდევ იტალიის ნიადაგზე მოშობდა, იგი ახლად შემოერთებულ მიწებს ტრიბებად ჰყოფდა და რომის საერთო ტერიტორიას უერთებდა. ამგვარად იტალიის ნიადაგზე სულ 37 ტრიბა შეიქმნა, რომელიც მთელი ნახევარ კუნძულის ტერიტორიას შეიცავდა. ამით დასრულდა ის გაერთიანების პროცესი, რომელსაც რომი მეთაურობდა. სიცილია, რომელიც (სირაკუზის სახელმწიფოს გარდა) პირველად გადავიდა რომაელთა ხელში, ტრიბების რიცხვში აღარ იქმნა მოქცეული და ამით იგი რომის ბუნებრივი ტერიტორიის საზღვრებს გარეშე მდებარე სამფლობელოდ იქმნა აღსარებული. რომაელები ამიერიდან ასეთ სამფლობელოთა დაპყრობის პოლიტიკაზე გადავიდნენ და მათ ტრიბების გარეშე მდებარე ტერიტორიად ე. წ. „პროვინციებად“ თვლიდნენ. სიცილია, მაშასადამე, პირველს ასეთ პროვინციად უნდა იქმნას მიჩნეული. ახალს ერთეულს ახალი მართველობის ფორმა ესაჭიროებოდა, და რომაელებმაც პროვინციის სათავეში პრეტორი ჩააყენეს, რომელსაც განსაკუთრებით უმაღლესი სასამართლოს უფლებები ჰქონდა დაკისრებული. გადასახადებისა და ხაზინის საქმეებს ე. წ. ქვესტორები განაგებდნენ. უფლებრივი მდგომარეობა „პროვინციალებისა“ არ იყო ცუდი: თავის შინაურ საქმეებში იგინი თავისუფლებით სარგებლობდნენ, მიწის საკუთრება მათ ხელში იყო, მაგრამ სამაგიეროდ მათ შემოსავლის მეთაფი უნდა გადაეხადათ და ამასთანავე ნავთსადგურებს შემოტანილ-გატანილი საქონლისათვის 5% უნდა გადაეხადათ.

მალე სიცილიას ორი ახალი პროვინცია, სარდინია და კორსიკა დაემატა. ორივე ეს კუნძული კართაგენელებს ეკუ-

თვნოდა, და როდესაც პირველი ომის შედეგი გამოიჭყვება სხვა დამორჩილებულ ქვეყნებთან ერთად იგინი კარსაგუნელებს აუჯანყდენ. რომაელებმა ამით ისარგებლეს და ჯერ სარდინია და შემდეგ კორსიკა დაიკავეს.

გალიის შემოერთება. ამავე დროს დასრულდა ჩრდილოეთ იტალიის შემოერთების საქმეც. კელტების ახალი მოძრაობის გამო, რომელიც იმ ხანებში ჩრდილოეთში დაიწყო, გალები ხელახლა სამხრეთისაკენ დაიძრენ. რომაელები მაშინ კორსიკისა და სარდინიისათვის ომობდენ, და ამიტომ საქმის ამ ახალი გართულებით უკმაყოფილონი იყვნენ. მათდა საბედნიეროდ, ავით გალების ჯარში უთანხმოება ჩამოვარდა და ამ გზობით რომი თავისთავად განთავისუფლდა მათგან. მაგრამ როდესაც რომაელებმა თავიანთ შორის გალების მეზობლად მდებარე პიცენუმის გაყოფა დაიწყეს, 50000 გალიელი რომის საზღვრებში შეიჭრა. დაიწყო ომი, რომელიც 222 წლამდე ცვალებადი წარმატებით ვითარდებოდა; ხოლო როდესაც რომის ჯარმა მილანი დაიჭირა, ომი უკვე დასრულებულად უნდა ჩათვლილიყო. შედეგი ის იყო, რომ გალა რომს შეუერთდა და ამ ახალი შენაძენის უზრუნველსაყოფად რომაელებმა დიდი სამხედრო გზა გაიყვანეს, რომელიც რომიდან არიუმინიუმამდე მიიმართებოდა და აქედან მილანამდე (Via Flaminia).

სწორედ ამავე დროს რომი პირველად ჩიერია ადრიატიკის ზღვისა და ბალკანეთის საქმეებში. დალმაციის ნაპირებზე მცხოვრები ილირიელები, მაკედონელებთან ერთად, ერთის მხრივ ბალკანეთის ბერძენთა უთანხმოებით სარგებლობდენ და მათ დაპყრობას ლამობდენ, ხოლო მეორე მხრივ ადრიატიკის ზღვაზე მეკობართა რაზმებს აგზავნიდენ და ამგვარად წესიერ მამოსელისა და სავაჭრო ურთიერთობის განმტკიცებას ხელს უშლიდენ. როდესაც მათი თავდასხმის მსხვერპლად თვით იტალიელი ვაჭრებიც შეიქმნენ, რომმა მათი ალაგმვა გადაწყვიტა და თავის სამხედრო ძალები მათ წინააღმდეგ წარგზავნა. ილირიელების სასტიკი დამარცხებით რომმა იონიის, ადრიატი-




კის ზღვისა და მისი ნაპირების უსაშიშროება აღადგინა და ამით იქ მცხოვრები ბერძენთა ტომების გული მოიღრმობა. ბერძენთა ქალაქები ეპიდამნოსი, აპოლონია და კუნძული კორკირა რომაელებს შეუქავშირდა და ამით მათ აღმოსავლეთის მიმართულებით სამოქმედოთ მტკიცე ბაზა შეუქმნა. მართალია, ამ გარემოებამ ილირიელთა ამბოხება, ხელახალი ომი და ამასთანავე განსაკუთრებით მაკედონელებთან გადამტერება გამოიწვია, მაგრამ საქმე ბოლოს მიიწეოდა რომის სრული გამარჯვებით დასრულდა.

მეორე პუნიური ომი (218—201). როდესაც კართაგენმა შინაურ უთანხმოებას ბოლო მოუღო, მან დანაკარგის (სიცილიის) ანაზღაურებაზე დაიწყო ფიქრი. **ჰამილკარ ბარკა**, რომელმაც ჯერ სიცილიაში ომის დროს და შემდეგ შინაური აჯანყების ჩასაქრობად თავის სამშობლოს დიდი სამსახური გაუწია, სარდლად იქმნა არჩეული. მან თავის სამოქმედო ასპარეზად **ისპანია** აირჩია, რომელიც ნაწილობრივ კართაგენელების ხელში იყო, და სულ ცოტა ხნის განმავლობაში მთელი კუნძული მდინ. **ებრომი** ხელში ჩაიგდო. **ჰამილკარის** სიკვდილის შემდეგ კართაგენელთა წარმატება მისი მოადგილის (**ჰასდრუბალის**) ხელმძღვანელობით ვითარდებოდა, რომელმაც იქ ვერცხლის მადნებით მდიდარ ნაწილში ახალშენი, „**ახალი კართაგენი**“ დააარსა. რომაელებს ამ დროს კართაგენელებისათვის არ ეცალათ და იძულებული შეიქმნენ, იმით დაკმაყოფილებულიყვნენ, რომ მათთვის **ებროს** გადაღმა მდებარე მიწებისათვის და აგრედვე რომის მფარველობის ქვეშ მყოფ ბერძენთა ახალშენის **საგუნტისათვის** ხელის ხლება აეკრძალათ. სანამ კართაგენელთა ჯარის სარდლად **ჰასდრუბალი** ითვლებოდა, იგინი რომის მოთხოვნილებას პირნათლად ასრულებდენ, მაგრამ როგორც კი მათ ჯარს სათავეში **ჰამილკარის** შვილი **ნიკიერი** და გამოცდილი მეომარი **ჰანიბალი** მოექცა, რომელიც რომაელთა მიმართ უსაზღვრო ზიზღით იყო გაჟღენთილი, ცხადი შეიქმნა, რომ რომაელებთან ომი აუცილებელი იყო. **ჰანიბალმა** საქმე იმით დაიწყო, რომ რო-

მის მფარველობის ქვეშ-მყოფს საგუნტს თავს დაესხა და რვა თვის მძაფრი ალყის შემდეგ დაიმორჩილა. რომაელებმა კარ თავგენს სარდლის გაცემა და საგუნტის ზარალის აღდგენა მოთხოვეს, და როდესაც ამ მოთხოვნებზე უარი მიიღეს, საომარი მოქმედება დაიწყეს.

მეორე პუნიური ომის მსვლელობა ჰანიბალის ხახელთან არის მჭიდროდ დაკავშირებული. მამა მისმა ჰამილკარმა თავისი ვაჟი, ჰანიბალი, ისპანიაში წამოაყვანა და მთელი სიმძიმე საომარი ცხოვრებისა მასთან ერდად გადაიტანა. ჰანიბალი ომის ატმოსფეროში გაიზარდა და ძალაუნებურად ყველა ის თვისებები განივითარა, რომელნიც ომის მსვლელობაში ჩნდებიან და მტკიცდებიან: მისთვის უძილო ღამეები და შუიერი დღეები არაფერს შეადგენდა; ვერაგობა და გაუტანლობა, განსაკუთრე-



ჰანიბალი (ნეპ. ნაციონ. მუზეუმში)

ბით მტრის მიმართ, მის მეორე ბუნებად გარდაიქცა. ამის მიუხედავად იგი მაინც საკმაოდ განათლებული იყო და სახელმწიფო ქაღალდებს ბერძნულ ენაზე საწერდა. ამავე დროს მისი ხასიათის სიმტკიცე ზედმეტ საშუალებას აძლევდა მას, თავისი ეროვნულად ქრელი შემადგენლობის ჯარი სავსებით დემორჩილება და თავისი ნების ბრმა აღმასრულებლად გარდაექცია. ჰანიბალი ამავე დროს ნათელი გონების სარდალიც იყო, რომელსაც ძალა შესწევდა მტრის სუსტი მხარეების აღმოჩენისა და ამ უკანასკნელთა თავისი მიზნების მიხედვით გამოყენებისათვის. ჰანიბალის სახით რომს უდიდესი მოპირდაპირე გაუჩნდა, და მის წინააღმდეგ მას განსაკუთრებული სიფხიზლე მართებდა.

ჰანიბალმა ომი წინასწარგანზომილი გეგმის მიხედვით დაიწყო. მან იცოდა, რომ რომის დაძლევა მას მხოლოდ იმ შემთხვევაში შეეძლო, თუ რომ მას შიგნით მდგომარეობას გაურთულებდა. ამიტომ მან უწინარეს ყოვლისა რომისადმი ჯერ კიდევ მტრულად განწყობილ ვალებთან გამართა მოლაპარაკება და თავის მხარეზე გადმოიბირა. ამგვარად, ჩრდილო იტალიის დახმარება მისთვის უზრუნველყოფილი იყო. საშუალო იტალიაში რომის მოკავშირეების ამბოხების მოწყობის იმედი ჰქონდა და ამასთანავე ილირიის საქმეების გამო რომთან გადამტერებულს მაკედონიის მეფესთან შეთანხმება მოაწყობდა. ამავე დროს კართაგენის ფლოტს იტალიის ნაპირებზე თავდასხმით ხალხი შიშში უნდა ჰყოლოდა. ამგვარად, ომის ასპარეზად არა ისპანია ან სიცილია უნდა ყოფილიყო, არამედ იგი თვით იტალიის ნიადაგზე უნდა გადატანილიყო.

რომაელები-კი სულ სხვაგვარად ფიქრობდნენ. ამიტომ მათ ერთი კონსული ისპანიაში გაგზავნეს, ხოლო მეორე სიცილიაში. სანამ პირველი კონსული ისპანიაში ჩაასწრებდა, ჰანიბალმა უკვე გადმოლაზა პირინეის მთები და ჩრდილო იტალიაში გაჩნდა, სადაც ვალებმა მყის აჯანყების დროს ააფრიალეს. ჰანიბალმა ამასობაში ალპებიც გადაიარა და მტერს ჯერ ტინჩინოსთან და შემდეგ ტრებიასთან დაეჯახა. როგორც ბრძოლა რომაელთა სასტიკი დამარცხებით დასრულდა.

ჰანიბალს აღვილად შეეძლო რომაელთა ცოცხალი ძალების ნაშთების სრული განადგურება, რომელმაც ჩრდილო სიმაგრეებს შეაფარა თავი (კრემონა), მაგრამ მას საშუალო იტალიისაკენ მიეჭარებოდა, სადაც მას მოკავშირეთა რომის წინააღმდეგ აჯანყების მოწყობა უნდოდა, და ამიტომ იგი აქეთკენ წამოვიდა. მან 217 წელს კალსულეების ჯარს, რომელსაც სამხრეთით მომავალი გზები ჰქონდა დაკავებული, გვერდი აუარა და მას მხოლოდ ტრაზუმენის ტბასთან გაუმართა ბრძოლა, რომელიც რომაელების სასტიკი განადგურებით დასრულდა. ჰანიბალს ესლა რომის ალყის შემორტყმა შეეძლო, მაგრამ მას სამნიუმი და კამპანია უფრო აინტერესებდა და ამიტომ რომი განზე დასტოვა. მაგრამ მდიდარი კაპუა რომს არ გადაუდგა და ეს იყო მიზეზი, რომ ამ წლის განმავლობაში ჰანიბალი იძულებული შეიქმნა თავისი მოღვაწეობა რომის დიკტატორთან, ფაბიუს მაქსიმუს კონკტატორთან (ნელი) უნაყოფო მცირე შეტაკებებით შემოეფარგლა. ზამთარი მან მდიდარს აპულიაში გაატარა, სადაც თავისი ჯარი რომალს სამხედრო წესების მიხედვით გარდაქმნა. ამას ხელი შეუწყო იმ ურიცხვმა იარაღმა, რომელიც მან ბრძოლების დროს ხელში ჩაიგდო.

რომაელებმა უკანასკნელი ძალა იხმარეს და გადამწყვეტი ბრძოლისთვის მოემზადენ, რომელიც 216 წელს კანასთან (აპულიაში) მოხდა. მიუხედავად რომაელთა რიცხობრივი უპირატესობისა, ბრძოლა მათი დამარცხებით დასრულდა. შედეგი ის იყო, რომ სამხრეთი იტალიის მოკავშირეები რომს ჩამოსცილდნენ (სხვათა შორის კაპუაც) და ჰანიბალს შეუერთდნენ; მათ მაკედონიის მეფე (ფილიპე V) და ბოლოს სირაკუზიც დაემატა. თუმცა ყველაფერი ისეთს სახესღებულობდა, რომ რომის დასასრული უეჭველი ხდებოდა, მაგრამ 215 წლის განმავლობაში რომაელებს ხელახლა ბედმა გაუღიმა. თვით იტალიაში ახალგაზდა კონსული პ. სციპიონი აპულიის მოკავშირეთა ხელახლად შემოერთების საქმეს წარმატებით ახორციელებდა; სიცილიაში, რომელიც, სირაკუზის



გადადგომის შემდეგ, რომს სავსებით ხელიდან გაუსხლტა, საქმე შემოტრიალდა: 214 წელს სირაკუზი აღებულ იქმნა და 210 წელს მთელი კუნძული ისევ რომაელების ხელში გადავიდა. საბერძნეთში, სადაც რომის წინააღმდეგ მკედონიის მეფე მოქმედებდა, საქმე 205 წელს დასრულდა: ძველი შენაძენი აქ ხელახლა რომაელების ხელში დარჩა, ხოლო მკედონიის მეფე ჰანიბალს ჩამოშორდა. ისპანიაში, რომელიც ჰანიბალის ძლიერების მთავარ მკვებავ ძარღვს შეადგენდა, რომის საქმე პირველ ხანებში უკულმა მიმდინარეობდა, მაგრამ მას შემდეგ, რაც იქ მთავარ-სარდლობა ახალგაზრდა პ. კორნელიუს სციპიონის ხელში გადავიდა, საქმე გამობრუნდა, და 206 წლისთვის მთელი ნახევარ-კუნძული კართაგენელთაგან გასწმინდა.

იტალიაში, მიუხედავად იმისა, რომ კანეს გამარჯვების შემდეგ ჰანიბალს დაპირებული დახმარება არსაიდან არ მოსდიოდა, მან მაინც შესძლო ტარენტის აღება და ბერძნული ახალშენების გადმობრუნება; მაგრამ რომაელების საქმე აქ მას შემდეგ გამოსწორდა, რაც კაპუა ხელახლა მათ ჩაუვარდათ ხელში; ბოლოს და ბოლოს ჰანიბალის ბედი იმ გარემოებამ გადასწყვიტა, რომ ისპანიიდან მის დასახმარებლად მომავალი მისი ძმა (ჰასდრუბალი) რომაელების მიერ დამარცხებულ იქმნა. ისპანიიდან დაბრუნებულმა კორნელიუს სციპიონმა ბრძოლის ასპარეზი თვით აფრიკაში გადაიტანა და 202 წელს ზამასთან გადამწყვეტი ბრძოლა მოაწყო, რომელიც მისი სრული გამარჯვებით დასრულდა. კართაგენი იძულებული შეიქმნა, მისთვის ზავი ეთხოვა, რომელიც მისთვის დამღუპველი პირობებით შეიკრა: 1. კართაგენი სთმობდა რომის სასარგებლოდ მთელ ისპანიას, 2. 50 წლის განმავლობაში იხდიდა კონდრიბუციას, 3. აძლევდა რომს მთელს სამხედრო ფლოტს და 4. ჰკარგავდა უფლებას რომის ნებადაურთველად ვისმესთვის ომი გამოეცხადებოდა.

კართაგენი, როგორც დიდი სახელმწიფო, აღარ არსებობდა; მეორე პუნიურმა ომმა მას დამოუკიდებელი პოლიტი-

კის წარმოების უფლებაც-კი მოუსპო. დარჩა კიდევ ეგვიპტე, მაკედონია, სირია და საბერძნეთი. ამ უკანასკნელს კიდებელი მნიშვნელობა არ ჰქონია. იგი მხოლოდ იმდენად წარმოადგენდა საერთაშორისო დამოკიდებულებაში ძალას, რამდენადაც დანარჩენ დიდს სახელმწიფოებს, განსაკუთრებით კი მაკედონიას, უერთდებოდა და ამით რომის საწინააღმდეგოდ მომართული ძალების ბაზისად იქცეოდა.

მაკედონია და საბერძნეთი. ამ სახელმწიფოთაგან პირველად მაკედონიას ხვდა წილად, დიდ სახელმწიფოთა რიცხვიდან ამოშლილიყო. თანახმად ეგვიპტელების თხოვნისა, რომელთაც აფრიკის გარეშე მდებარე მიწების ხელში ჩასაგდებად მაკედონიამ ომი გამოუცხადა, რომაელებმა სამხედრო მოქმედება დაიწყეს. 197 წელს თესალიაში (კინოსკეფალესთან) მაკედონელები სასტიკად დამარცხებულ იქმნენ; თანახმად საზავო ხელშეკრულებისა, იგინი მთელს თავის სამხედრო ფლოტს რომს უთმობდენ და რომის ნებადაურთველად ვისმესთან ომის დაწყებაზე უარს ამბობდენ. 136 წელს, ოლიმპიის ჯარობაზე რომის კონსულმა ბერძნებს გამოუცხადა, რომ იგინი პოლიტიკურად თავისუფალნი იყვნენ, მაგრამ საბერძნეთს დამოუკიდებელი ცხოვრების უნარი აღარ შესწევდა და ამიტომ ახალი ბატონის ძიებაში მათ სირიის მეფეს ანტიოქ დიდს მიმართეს. ამ უკანასკნელმა რომაელ-მაკედონელთა ომის დროს ხელსაყრელი პირობებით ისარგებლა, მცირე აზიის ნაპირებზე მდებარე ადგილები დაიპყრო და შემდეგ ევროპის კონტინენტზეც-კი გადმოვიდა (თრაკიაში). მიუხედავად რომაელების მოთხოვნილებისა, მან საომარი მოქმედება არ შეაჩერა და დაუბრკოლებრივ წინსვლა განაგრძო. ანტიოქი რომაელების ძველი მტრის, ჰანიბალის რჩევით ხელმძღვანელობდა*), რომლის მიხედვითაც მაკედონიასა და საბერძნეთში აჯანყება უნდა

*) ჰანიბალი, რომაელების მოთხოვნით, იძულებული შეიქმნა, კართაგენი დაეტოვებია. იგი ანტოქ სირიელთან წავიდა და აქ რომის საწინააღმდეგოდ ახალ აგეშებს აწყობდა. ანტიოქის დამარცხების შემდეგ, რათა რომაელებს ხელში არ ჩაეარდნოდა, მან თავი მოიკლა.


მოწყობილიყო, შემდეგ იტალიას უნდა შესეოდენ, ახალი პუნქტური ომი დაეწყოთ და, ამგვარად, რომის ძლიერება გაესრისათ. მაგრამ ანტიოქს ამ დიდი გეგმის შესრულების ძალა არ შესწევდა. 189 წელს **მაგნეზიუმთან** (სმირნადან ჩრდილოეთ-აღმოსავლეთით) იგი ისე სასტიკად იქმნა დამარცხებული, რომ იძულებული შეიქმნა რომაელების საზავო პირობები მიეღო, რომლის მიხედვითაც იგი მცირე აზიაში ყველა დაპყრობილ ადგილებზე უარს ამბობდა, რომაელების სასარგებლოდ დიდს კონტრიბუციას იხდიდა და თავის სამხედრო ფლოტს სპობდა. ამ წლიდან დაწყებული სირია დიდ სახელმწიფოთა სიიდან სრულებით ამოიშალა.

მაკედონიამ კიდევ ერთხელ სცადა ბედი, მაგრამ 168 წელს **პიდნასთან** მისი ჯარი სრულიად განადგურებულ იქმნა, და დიდ სახელმწიფოთა რიცხვს ეს ქვეყანაც ჩამოშორდა.

ამგვარად, მეორე საუკუნის პირველ ნახევარში ხმელთაშუა ზღვაზე რომს გარდა არც ერთი დიდი სახელმწიფო აღარ არსებობდა, თუ რომ ეგვიპტეს არ მივიღებთ მხედველობაში, რომელიც ამ ხანებში იმდენად დასუსტებული იყო, რომ მისი მეფე რომის მფარველობის ქვეშ იმყოფებოდა. ამავე საუკუნის მეორე ნახევარში რომმა საქმე ამ დიდ სახელმწიფოთა სრული დაპყრობით დაასრულა.

მესამე პუნქტური ომი. განმანადგურებელი საზავო პირობების მიუხედავად კართაგენი მაინც მალე გაიმართა წელში. რომაელი პატრიოტები შიშით უცქეროდენ მის გაძლიერებას. მარკუს პორციუს კატონი, რომელიც განსაკუთრებით გრძნობდა კართაგენის მხრივ შესაძლო საშიშროებას, ყველა თავის სიტყვას სენატში ასე ამთავრებდა: „coeterum censeo, carthaginem esse delendam“ („გარდა ამისა, მე მაინც ვფიქრობ, რომ კართაგენი უთუოდ უნდა მოსპობილ იქმნეს“). როდესაც რომაელების მოკავშირემ ნუმიდის მეფემ მასინისამ კართაგენელები აიძულა, მისთვის ომი გამოეცხადებიათ, რომმა ეს ზავის პირობების დარღვევად ჩასთვალა და კართაგენის წინააღმდეგ სამხედრო მოქმედება დაიწყო.

კართაგენელები მზად იყვნენ, რომის ყოველი მოთხოვნის დასრულებით, შეესრულებიათ, მაგრამ როდესაც მათ კართაგენის სრულიად მიტოვება და მის მაგიერ ზღვის ნაპირიდან 14 ვერსის დაშორებით ახალი ქალაქის დაარსება მოსთხოვეს, მაშინ კართაგენელებმა სამკედრო-სასიცოცხლო ბრძოლა გადაწყვიტეს. ძლიერმა პატრიოტულმა გრძობამ სასწაული მოახდინა: ორი წლის განმავლობაში რომაელებმა კართაგენს ვერაფერი მოუხერხეს. ბოლოს, როდესაც სარდლად კორნელიუს სციპიონ ემილიანუსი დაინიშნა, კართაგენი აღებულ იქმნა. მაგრამ ეს კიდევ არ ნიშნავდა, რომ ქალაქი რომაელების ხელთ იყო: თვით ქალაქში სასტიკი ბრძოლა გაჩაღდა, იბრძოდნენ ყოველ ქუჩაზე, იბრძოდნენ სახლების სახურავებზეც. ბოლოს გამარჯვება მაინც რომაელებს დარჩათ. ბრწყინვალე ქალაქი დასწვეს და დაამსხვრიეს, შემდეგ რომის ქუჩუბებმა ეს აღილი დასწყველეს და აქ ქალაქის გაშენება სამუდამოდ აღკრძალეს. ამგვარად, 146 წელს ოდესღაც მძლავრი კართაგენი მოიშპო და მისი ტერიტორია რომის პროვინციად იქმნა გამოცხადებული (პროვინცია Africa, მისი მთავარი ქალაქი უტიკა იყო).



კართაგენის აღება

ამავე 146 წელს რომაელებმა მაკედონია და საბერძნეთიც თავის პროვინციად გამოაცხადეს. ისპანიაში საბოლოოდ



გაბატონდნენ, აზიაში პერგამონი შეიძინეს, რომელიც „აზიის“ სახელით თავის პროვინციად გამოაცხადეს. ამავე დროს დაჰკარგა მთელი თავისი მნიშვნელობა ორმა დანარჩენმა დიდმა სახელმწიფომაც: 1. სირიაში 162 წლიდან ენერგიული დემეტრიუსი გამეფდა და მოკლე ხნის განმავლობაში თავისი სახელმწიფო საგრძნობლად გააძლიერა. მაგრამ 150 წელს რომაელების დახმარებით სირიის სამეფო ტახტზე ახალი მეფე იქმნა დასმული, რომელმაც დასაბამი მისცა იმ დაუსრულებელ ბრძოლას სირიის სამეფო ტახტის პრედენტებს შორის, რომელმაც ეს ქვეყანა საბოლოოდ დაანაწილა და სრულიად უმნიშვნელო ძალად გარდაქცია. 2. რომაელებმა ეგვიპტეშიც შეუწყვეს ხელი შინაურ უთანხმოებას და ამით ეს ქვეყანაც დაასუსტეს. მაგრამ ეგვიპტე მაინც მნიშვნელოვან სახელმწიფოდ დარჩა, რომელიც თავისი დამოუკიდებელი პოლიტიკის წარმოებას ზოგჯერ მაინც ბედავდა; საერთოდ-კი პირველ ხარისხოვანი სახელმწიფოს მდგომარეობა მანაც დაჰკარგა.

V

რეპუბლიკის ხანა (133 - 27 წ. ქ. წ.)

შინაგანი ცხოვრების პირობების შეცვლა მსოფლიო ბატონობის მოპოვების გამო. მეორე საუკუნეში რომი ერთად-ერთ სახელმწიფოდ გადაიქცა, რომელიც მთელ ხმელთაშუა ზღვას უცილობლად ჰფლობდა. რა თქმა უნდა, ამ გარემოებას რომის ცხოვრებაში საკმაოდ საგრძნობი შედეგები უნდა მოჰყოლოდა თან.

წინააღმდეგობის მოქალაქეთა წრეში მიწის მუშა და მეურნე სპარბობდა. ეხლა მდგომარეობა სავსებით შეიცვალა. განუწყვეტელმა წარმატებით ნაწარმოებმა ომებმა რომაელებს მრავალი ახალი შემოსავლის წყარო და დიდი კაპიტალი გაუჩინეს. იგინი ენერგიულად ჩაერივნენ ვაჭრობის ფერხულში და ძალიან მალე მსოფლიო ბაზარზე მნიშვნელოვანი ალბადი დაიპირეს. რომელიც ვაჭარ-მრეწველნი ყველგან გაჩნდნენ: დასავლეთით ნუმიდიასა და ისპანიაში, ხოლო აღმოსავლეთით ათენში; დელოსზე, ეგვიპტეში და აზიაში იგინი ყველგან უდი-

დეს როლს ასრულებდენ. ამის-და-მიხედვით რომის ნაუთსად-გურები, დიკეარხია და ბრუნდიზიუმი მსოფლიო ვაჭრობის შუამავლად გარდაიქცენ, შესაფერისად გაიზარდენ და გამდი-ღრდენ. რომაელთა ვაჭრების მოღვაწეობის გაფართოებას ისიც უწყობდა ხელს, რომ იგინი როგორც პროვინციებში, ისე რომის მოკავშირეთა და ხელქვეით სახელმწიფოებშიც ხშირად ყოველი გადასახადისაგან განთავისუფლებულნი იყ-ნენ და მრავალი სხვა უპირატესობითაც სარგებლობდენ. აღსანიშნავია ისიც, რომ რომაელი საქმის ხალხი ხშირად კომპანიებად (აქციონერთა საზოგადოებად) ერთდებოდენ და სახელმწიფოს შემოსავალს იჯარით ღებულობდენ. ასე გაჩნ-დენ ე. წ. პუბლიკანები (publicani), რომელთაც შემდეგში სახელმწიფოში დიდი მნიშვნელობა მოიპოვეს.

რაკი რომაელების წინაშე ასეთი ფართო სამოქმედო სარბიელი გადაიშალა, უეჭველია იგინი კულტურულადაც უნდა განვითარებულიყვნენ; და, მართლაც, საბერძნეთის კულ-ტურის ღრმამ და ძლიერმა გავლენამ სწორედ ახლა გაშალა ფრთები. ბერძნული ხელოვნებისა, მწერლობისა და მუსიკის წარმომადგენელნი რომში ყველანი კარგ სამუშაოს შოუ-ლობდენ. ბერძნულმა მწერლობის გავლენამ თავისი მთარ-გმნელები და მიმბაძველებიც გაიჩინა: გადაითარგმნა ოდიხეა, ბერძნული ტრაგედიები რომის სცენაზე იღმებოდენ. მაგრამ საქმე ამით არ დასრულებულა: ამავე დროს რომში ორიგინა-ლური მწერლობაც ჩაისახა.

განსაკუთრებით გატაცებულნი იყვნენ ელინური კულ-ტურით საზოგადოების მაღალი წრეები, რომლებშიაც ბერძ-ნული ენის ხმარებამ ძალიან ფართო ფესვები გაიდგა. აღსა-ნიშნავია, რომ ელინურ კულტურას თავისი ცუდი მხარეებიც ჰქონდა; ეს იყო ის უზნეობა, ფუფუნება და უანგარიშო მფლანგველობა, რომელიც იმდროინდელ ბერძნებს ახასია-თებდა. გასაკებია ამიტომ, რომ რომში ძლიერი მიმართულება ჩაისახა, რომელიც ძველის, მკაცრის, ფაქიზი მამაპაპური ზნეჩვეულების აღდგენას მოითხოვდა. ამ მიმართულების მთა-



ვარი წარმომადგანელი ცნობილი მარკუს პორციუს კატონი იყო. ეს გარემოება იმის მომასწავებელი იყო, რომ რომი გადაგვარების გზაზე დგებოდა.

გამოიცვალა თვითონ დედა-ქალაქის გარეგნობაც. გაჩნდა მრავალი დიდი მრავალ-სართულიანი სახლი. მაგრამ მოსახლეების გამრავლების გამო ბინის ქირა მაინც საგრძნობლად გაიზარდა. აშენდა ფლამინიუსის დიდი ცირკი. ქუჩები მოკირწოლულ იქმნენ, გაყვანილ იქმნა პირველი ქვის ხიდი ტიბრზე. გამშვენიერეს როგორც მოედნები, ისე საზოგადო შენობებიც, რასაც ხელი შეუწყო იმ უამრავმა ხელოვნების ნაშთებმა, რომელნიც ნადავლის სახით აღმოსავლეთიდან იქნენ მოზიდული.

სახელმწიფოებრივი წესწყობილება არსებითად იგივე დარჩა. ოღონდ აღსანიშნავია ის გარემოება, რომ მეორე პუნიურ ომამდე დემოკრატიული მიმდინარეობა სქარბობდა, რისი მთავარი შედეგიც ის იყო, რომ ცენტურიები და ტრიბები გაერთიანდნენ და თითოეულმა კლასმა ხმის თანაბარი რიცხვი მიიღო (70 ხმა). მაგრამ მეორე პუნიური ომის ზეგავლენით განსაკუთრებული მნიშვნელობა სენატმა მოიპოვა. იგი ყოფილი მაგისტრატებისაგან შესდგებოდა, რომელნიც ძალაუფლებას იყენენ მიჩვეულნი და რომელთაც წარჩინებული წრე ე. წ. ნობილობა შეჰქმნეს. მთელ მართვამგებობას ფაქტიურად სენატი ხელმძღვანელობდა, და უნდა ითქვას, რომ მან აღნიშნულ ხანაში კეთილ-სინდისიერად შესძლო სამშობლოს წინაშე თავისი ვალის მოხდა. თვით ნობილების წრეშიც საქმე რიგზე ვერ მიდიოდა: შური და მტრობა ჩვეულებრივ მოვლენად გარდაიქცა ამ წრეში, და ასეთი განწყობილების მსხვერპლად მრავალი წარჩინებული პატრიოტი დაიღუპა. მაგალ., სახელოვანი კორნ. სციპიონი, პორციუს კატონის ცდით, იძულებული შეიქმნა, სამშობლო ქვეყანა დაეტოვებია.

რომის მსოფლიო მონარქიად გარდაქმნას თან მოჰყვა შინაგანი ცხოვრების პირობების ისეთი ცვლილებებიც, რომელთა თანდათანობითს განვითარებას აუცილებლად უნდა

შეერყია როგორც შინაგანი სიმტკიცე სახელმწიფოს ცხოვრებისა, ისე მისი გარეგანი ძლიერებაც.

1. წოდებრივი ბრძოლის დასრულებასთან ერთად რომში ფაქტიურად დემოკრატიული თანასწორუფლებიანობა მიიწივარ და დამკვიდრებულია. გამუდმებულმა ომიანობამ ერთის მხრივ და სრულუფლებიან მოქალაქეთა დაქსაქსულობამ მეორეს მხრივ მაგისტრატებისა (მოხელეების) და სენატის ძალაუფლებას განსაკუთრებული გავლენა მიანიჭა. სახელმწიფოს სეპტემტი თითქმის უკლებლივ მარტო ამ დაწესებულებათა ხელთ იყო. განსაკუთრებით მიმზიდველი შეიქმნენ უმაღლესი თანამდებობანი (ე. წ. კურულუური თანამდებობანი: კურულუური ედილობა, პრეტურა, კონსულობა) მას შემდეგ, რაც რომს მრავალი მდიდარი პროვინცია გაუჩნდა. პროვინციის მმართველები მათი სიმდიდრით თავისთვის სარგებლობდნენ და სახელმწიფოს ინტერესებისთვის ზრუნვა მათთვის უცხო შეიქმნა. ასეთივე სულიერი განწყობილება სასამართლოსა და სენატზეც გავრცელდა: ქრთამი და მოსყიდვა ჩვეულებრივ მოვლენად გარდაიქცა; და, ამგვარად, ეხლა მაგისტრატურა რომში არა სახელმწიფოს სამსახურად ითვლებოდა, როგორც ძველად, არამედ პირადი შემოსავლის ერთ-ერთ ძლიერ დაუშრეტელ წყაროდ, ამიტომ ორივე ძველი წოდებიდან გამოსული მდიდრები ყოველ საშუალებას ხმარობდნენ მაგისტრატურის ხელში ჩასაგდებად და თავის პრივილეგიად გადასაქცევად. ამ მიზნისთვის იგინი თავის ქონებრივ შეძლებას არ ზოგავდნენ, რადგანაც მისი ანაზღაურების სრული იმედი ჰქონდათ. ისე მოხდა, რომ რომში ძველი პატრიციატის ადგილი ახლად ჩამოყალიბებულმა მოხელეთა წრემ ე. წ. ნობილებმა დაიკავეს. მეორე საუკუნის მეორე ნახევარში ეს მდგომარეობა იმდენად განმტკიცებული იყო, რომ ე. წ. *homines novi*-ს (ე. ი. არა ნობილის) მიერ უმაღლესი თანამდებობის დაკავების შემთხვევა იშვიათი შეიქმნა. მათი ინტერესების დამკველი პარტი-ობტიმატების სახელით იყო ცნობილი. რომის ნობილების ასეთი მდგომარეობის გამო სახელმწიფოს საზღვრების გაფარ-

თოება მარტო მათთვის შეიქმნა ხელსაყრელი. საზოგადოების ღარიბი ნაწილი-კი სავსებით მოკლებული დარჩა იმ უპირატესობას, რომელიც წარმატებით ნაწარმოებ ომებს მოჰქონდა რომისათვის. იგინი, ე. წ. პროლეტარები უკმაყოფილონი იყვნენ არსებული მდგომარეობისა და მის გარდაქმნას ესწრაფოდნენ. მათი ინტერესების დამცველად ე. წ. პოპულარების პარტია ითვლებოდა.

2. ამ წინააღმდეგობას განსაკუთრებით აგრარული საკითხიც ართულებდა. რომის ჯარების მთავარ ძალას, როგორც ყველგან, მიწის მუშა, გლეხი შეადგენდა. გამუდმებული ომების გამო საზოგადოების ეს ნაწილი მოკლებული იყო თავისი მიწების დამუშავების შესაძლებლობას, და ამიტომ მისი მეურნეობა თანდათანობით ქვეითდებოდა. ამავე დროს პროვინციებიდან (მაგალ., მდიდარი სიცილიიდან) რომში აუარებელი პური შემოდინოდა, რომელიც ჩალის ფასად იყიდებოდა და ზოგ შემთხვევაში ხალხს უფასოდაც კი ურიგდებოდა. ასეთ პირობებში გლეხისთვის არა თუ თავისი განადგურებული მეურნეობის აღდგენისათვის ზრუნვა იყო ყოველ აზრს მოკლებული, არამედ იაფ პურთან მეტოქეობის გაწევა კარგად მოწყობილ მცირე მეურნეობასაც არ შეეძლო. ამიტომ რომაელი გლეხი თავის მიწას ჰყიდდა და ქალაქში უმიწაწყლო ღარიბ ხალხს, ე. წ. პროლეტარიატს უერთდებოდა. მიწის მყიდველი-კი ბევრი იყო. რომის სენატორებს ვაჭრობა აღკრძალული ჰქონდათ, და თავისი კაპიტალის დაბანდვა მათ ძალაუვნებურად მიწაში უხდებოდათ: იგინი წვრილ მესაკუთრეთა მიწებს ყიდულობდნენ და, ამგვარად, თანდათანობით თითქმის მთელი რომის მიწა მათ ხელში იყრიდა თავს.

პირველ საუკუნის განმავლობაში ქრისტეს დაბადებამდე რომში წვრილი მიწის საკუთრება თითქმის სრულიად მოისპო და მისი ადგილი მსხვილმა მფლობელობამ ე. წ. ლატიფუნდიებმა დაიკავეს. ეს გარემოება წვრილი საკუთრების მოსპობას კიდევ უფრო უწყობდა ხელს: ლატიფუნდიების წარმოებასთან წვრილ მეურნეს სრულიად არ შეეძლო კონკურენციის გაწევა. რომის პროლეტარიატის რიცხვი დღითი-დღე იზრდებოდა, და, ამგვარად, სა-

ხელმწიფოს ის ერთად-ერთი საფუძველი ეცლებოდა, რომელიც ზეც მთელი მისი ძალა იყო დაყრდნობილი. ჯარის შედგენა მესაკუთრე გლეხთა წოდების შემცირების გამო თანდათან უფრო ძნელდებოდა, და რომის გულწრფელი სახელმწიფო მოღვაწენი ნათლად ხედავდნენ, რომ სახელმწიფოს მხოლოდ საშუალო მიწათმფლობელი კლასის, გლეხობის აღდგენა თუ დაიცავდა სრული დაღუპვისაგან.

იტალიის დაპყრობის დროს რომაელები მტერს საკმაოდ დიდ მიწას ართმევდნენ. ეს მიწა „საზოგადო მიწის“ (ager publicus) სახელით ან იყიდებოდა, ან ცალკე პირებს და ახალშენებს საკუთრებად ეძლეოდათ, ან და იჯარით იცემოდა. ამის მიუხედავად სახელმწიფოს მაინც ბევრი რჩებოდა, რე არა წერილ მიწის მფლობელთა კლასის აღსადგენად ეს მიწა წერილ მესაკუთრეებს ურიგდებოდა. მაგრამ მდიდრების ვავლენის გამო საქმე ბოლოს და ბოლოს ისე ეწყობოდა, რომ მიწა მაინც მსხვილ მესაკუთრეთა ხელში გადადიოდა. ამიტომ მეორე პუნიური ომის შემდეგ შემოღებულ იქმნა კანონი, რომლის მიხედვითაც არავის არ ჰქონდა უფლება 500 იუგერზე მეტი მიწა მიეღო ager publicus-იდან. მაგრამ რაკი ეს კანონი თვითონ მმართველი წრეებისათვის არ იყო ხელსაყრელი, იგი მალე მივიწყებულ იქმნა, და პროლეტარიატის რიცხვის ზრდა კვლავინდებურად სწრაფად ვითარდებოდა.

3. განუწყვეტელი ომების გამო რომში სამხედრო ტყვეთა რიცხვი ძლიერ გაიზარდა. ივინი მოკლებულნი იყვნენ ყოველგვარ უფლებებს და მონებად ითვლებოდნენ. რაკი რომში ფართო წარმოება განვითარდა, მონათა სამუშაოდ გამოყენება განსაკუთრებით ხელსაყრელი შეიქმნა, და ივინი განცხოველებული ვაჭრობის საგნად გადაიქცენ, რომლის ცენტრსაც მაშინ კუნძული დელოსი შეადგენდა. რომის ლატიფუნდიებზე ყველგან მონები მუშაობდნენ, და თავისუფალ მოქალაქეს მათთან მეტოქეობა, რა თქმა უნდა, არ შეეძლო. ამიტომაც რომაელი როგორც სოფელში, ისე ქალაქშიც მუშაობას თავს ანებებდა და უსაქმურ პროლეტარიატს უერთდებოდა, რომელიც სახელმწიფოსაგან უფასო პურსა და სანახაობას (panem et circenses) მოითხოვდა.



მეორეს მხრივ მონათა რიცხვის გამრავლება თვით სახელმწიფოს არსებობისათვის შეიქმნა საშიში. 140 წელს, მაგალ., სიცილიაში, სადაც განსაკუთრებით ბევრი ლატიფუნდია იყო, მონების აჯანყება მოხდა. ვინმე სირიელის, მონის ევნუსის ხელმძღვანელობით 200000 მონა აჯანყდა და მოკლე ხნის განმავლობაში რამდენიმე გამაგრებული ქალაქი დაიპყრო. რომაელებს მათ წინააღმდეგ ნამდვილი ომის წარმოება მოუხდათ, რომელიც მხოლოდ რვა წლის შემდეგ, 132 წელს, დამთავრდა.

4. რომში არსებული წესწყობილების უკმაყოფილოთა წრეს ე. წ. მოკავშირენიც ეკუთვნოდნენ. იგინი ნათლად ხედავდნენ, რომ სახელმწიფოს ძლიერება მრავალი მხრით მათზე იყო დამოკიდებული, რომ თუ არ მათი დახმარებით, რომს ამდენი ხალხების დაპყრობა მარტო თავისი ძალებით არ შეეძლო. ამავე დროს-კი იგინი სრულს მოქალაქობრივ უფლებებს მოკლებულნი იყვნენ. ასეთ პირობებში, ცხადია, უკმაყოფილება მათ შორისაც იჩენდა თავს, და ამიტომ რომს მოკავშირეთა საკითხის გადაჭრაც მართებდა.

დემოკრატიული მოძრაობა. ყველა ამ წინააღმდეგობის გამო რომის წესიერი განვითარება შეუძლებელი იყო. საჭირო იყო დროზე ზომების მიღება და სახელმწიფოში ისეთი რეფორმების შემოღება, რომელიც მას დაღუპვისაგან იხსნიდა. ოპტიმატები თავისი კლასის ინტერესებით იყვნენ დაბრმავებულნი და არსებული წესების შეცვლაზე სრულიად არ ფიქრობდნენ. სამაგიეროდ ხალხის ფართო მასა არ იყო არსებული მდგომარეობით კმაყოფილი და ამიტომ სახელმწიფოში სათანადო ცვლილებების შეტანისათვის ზრუნვა მარტო მას შეეძლო. მაგრამ კატონის სიკვდილს შემდეგ დემოკრატიულ პარტიას ისეთი ბელადი აღარ ჰყავდა, რომელსაც ნათლად შეეძლო გათვალისწინება დემოკრატიისა და სახელმწიფოს ინტერესების იგივეობისა და შესაფერი რეფორმების შემუშავების საჭიროებისა. მალე ძმათა გრაქხების სახით მას ასეთი ბელადიც გაუჩნდა.



გრაკები დიდი გვარის შთამომავალი იყვნენ. მათი მამა ორჯერ იყო არჩეული კონსულად და განსაკუთრებით საგარეო პოლიტიკაში დიდ როლს ასრულებდა. დედა, კორნელია მთელ თავის ძალღონეს თავისი შვილების, ტიბერიუსისა და გაიუსის აღზრდას ამდომებდა. როდესაც ის დაქვრივდა, ეგვიპტეს მეფემ მას ხელი სთხოვა, მაგრამ კორნელიამ უარი შეუთვალა. ტიბერიუსი და გაიუსიც ძლიერ განათლებულნი იყვნენ და მათ ნათლად შეიგნეს, რომ სახელმწიფოს შევლა საშუალო მიწათ-მფლობელთა კლასის აღდგენით, მაშასადამე, დემოკრატიული პარტიის დახმარებით-ღა შეიძლებოდა.

პირველად სამოქმედო სარბიელზე უფროსი ძმა, ტიბერიუსი გამოვიდა. როდესაც იგი სახალხო ტრიბუნად აირჩიეს, მან განაახლა კანონი შესახებ საზოგადო მიწის მფლობელობის მაქსიმუმისა: მისი წინადადებით არავის არ უნდა ჰქონოდა უფლება, 500 იუგერზე მეტი მიწა ჰქონოდა საზოგადო მიწებიდან, ხოლო მოზრდილ შვილთაგან ორს უფლება ეძლეოდა თითოეულს 250 იუგერი მიეღო. ვისაც ამ მაქსიმუმზე მეტი ჰქონდა, მას მიწა უნდა ჩამორთმეოდა, ხოლო მიწის გაუმჯობესებისათვის სამართლიანი ჯილდო მისცემოდა. დანარჩენი მიწებისაგან ფონდი უნდა შემდგარიყო, რომელიც, თანახმად აღნიშნული ნორმისა, სრულ საკუთრებად მოქალაქეთა შორის უნდა განაწილებულიყო. მიუხედავად იმისა, რომ ოპტიმატებმა კანონ-პროექტის საწინააღმდეგოდ ყოველი საშუალება იხმარეს, იგი მაინც მიღებულ იქმნა, და მის ცხოვრებაში გასატარებლად სამი კაცისაგან შემდგარი კომისია იქმნა არჩეული (ორივე ძმა გრაკები და ტიბერიუსის სიმამრი, აპიუს კლავდიუსი). ოპტიმატები მაინც არ უთმობდენ, და ტიბერიუსმა განიზრახა, თავისი კანდიდატურა ტრიბუნის თანამდებობაზე მეორე წლისათვისაც (132) წამოეყენებია. მაგრამ არჩევნების დღეს მას თავს დაესხნენ და მოჰკლეს, ხოლო მისი მიმდევრები სამართალში მისცეს და დასაჯეს. ამგვარად, ოპტიმატები თითქოს გამარჯვებულნი დარჩნენ, მაგრამ კანონის მოსპობა მაინც ვერ მოახერხეს. სამაგივროდ მის შესაჩერებ-

ლად ყოველი საშუალება იხმარეს და, სანამ საქმეს გაიუს კრაცხი არ ჩაუდგა სათავეში, მისი ცხოვრებაში სრული გატარება შეაფერხეს.

გაიუს ბრაკხი თავის ძმაზე უფრო ენერგიული და მკვერმეტყველი იყო. მან მიზნად დაისახა, სახელმწიფოს მართვა-გამგეობა სრულს დემოკრატიულ საფუძვლებზე დაემყარებია. ამიტომ მას განსაკუთრებით სენატთან უნდა ჰქონოდა ბრძოლა. ტიბერიუსის სიკვდილის დროს იგი ძლიერ ახალგაზდა იყო და ერთხანს სახელმწიფო საქმეებს განზე უდგა. მაგრამ როდესაც 124 წელს იგი ტრიბუნად იქმნა არჩეული, მან ენერგიული მოქმედება დაიწყო, რომელიც სრული დემოკრატიზმისაკენ იყო მიმართული. ამ მიზნით მან ახალი კანონების მთელი რიგი შემოიღო; აღსანიშნავია უწინარეს ყოვლისა, რომ მან მცირე ცვლილებით თავისი ძმის ტიბერიუსის მიწის კანონი განაახლა და მის ცხოვრებაში გატარებას ენერგიულად შეუდგა. ამას გარდა მან „პურის კანონი“ (*lex frumentaria*) შემოიღო, რომლის ძალითაც სახელმწიფო ვალდებული იყო მოქალაქეთათვის იაფ ფასებში პური დაეროგებია. ყვალაფერი ეს ოპტიმატების წინააღმდეგობას იწვევდა, მაგრამ განსაკუთრებით დიდი ბრძოლა მას „სასამართლოს კანონის“ (*lex judiciaria*) გამო მოუხდა. რომში სასამართლო არასდროს არ იდგა სათანადო სიმაღლეზე. მეორე საუკ. ქრ. დაბ. ერთი მნიშვნელოვანი ცვლილება იქმნა შეტანილი: შემოღებულ იქმნა მუდმივი სასამართლო კომისიები (*quaestiones perpetuae*), რომელთაგანაც თითოეულს 30 წევრი ჰყავდა და განსაკუთრებული დარგის დანაშაულთა გარჩევა ჰქონდა დავალებული (ხაზინის გაქურდვა, მექრთამეობა, უდიდებულესობის შეურაცხყოფა და სხვა) ეს კომისიები მთელი წლის განმავლობაში მოქმედებდნენ და ერთი წლის შემდეგ ახალი წევრებით ივსებოდნენ. პირველი შეხედვით ამ სასამართლოებს სრული დემოკრატიული სახე ჰქონდათ: მათ წევრებს წილის ყოით ირჩევდნენ. მაგრამ რადგანაც არჩევა მხოლოდ განმზადებულ სიაში მოქცეულ პირთა შორის უნდა

მომხდარიყო, ხოლო ამ სიაში მარტო სენატორები იყვნენ მოქცეულნი, ამიტომ ფაქტიურად ეს კომისიები მარტო ერთი წოდების ხელში იყვნენ და საქმის გარჩევის დროს ყოველთვის ამ წოდების ინტერესებით ხელმძღვანელობდნენ: სჯიდენ ყველას, ვინც სენატორების წოდებას მტრობდა, და ამართლებდნენ ყველას, ვინც ამ წოდებას ეკუთვნოდა. მხედრები ამ მდგომარეობას ვერ ურიგდებოდნენ: მათ თვითონ სურდათ, სასამართლო თავის ხელში ჩაეგდოთ და თავისი ინტერესების უზრუნველსაყოფად გამოეყენებიათ. გაიუს გრაკხი მხედრობას მიემხრო და მუდმივი კომისიები უმეტეს ნაწილად მათ გადასცა. ამით მან დიდი ზიანი მიაყენა სენატორებს, და მისი მიზანიც ხომ მათს დასუსტებას ესწრაფოდა.

ცოტა უფრო ადრე მიღებულ იქმნა კანონი, რომლის მიხედვითაც მხედართა ცენტურიონების შემადგენლობა იკვლებოდა; იმ დროს მხედართა ცენტურიონებს სამხედრო მნიშვნელობა აღარ ჰქონდათ და მხოლოდ საარჩევნო ერთეულებს წარმოადგენდნენ, რომელთა შემადგენლობასაც მდიდრები, განსაკუთრებით-კი სენატორები ავსებდნენ. გაიუსის კანონის ძალით სენატორებს ამ ცენტურიონებში მონაწილეობის მიღება აღეკრძალათ, და, ამგვარად, სრულიად დამოუკიდებელი მხედართა წოდება შეიქმნა, რომელსაც მნიშვნელოვანი პოლიტიკური უფლებებიც მიენიჭა და რომელიც ამის გამო სენატორთა წოდებას მეტოქეობას უწევდა და მის გავლენას ასუსტებდა.

გაიუსი შემდეგი წლისათვისაც აირჩიეს ტრიბუნად (ახლა ამ გარემოებას დიდი წინააღმდეგობა აღარ გამოუწვევია) და მან ახალი მნიშვნელოვანი კანონი შეიმუშავა: მოკავშირეებისათვის (განსაკუთრებით ლათინებისათვის) მან მოქალაქობრივი უფლებების მინიჭება მოითხოვა. მაგრამ ოპტიმატებმა მუშაობა განაცხოველეს; ახლა მათ დემოკრატიულ პოლიტიკას თვითონ მოჰკიდეს ხელი, რა თქმა უნდა, იმ მიზნით, რომ გაიუსის გავლენა შეემცირებიათ. 121 წელს საქმე იმდენად გამწვავდა, რომ გრაკხის მომხრეთა და მოწინააღმდეგეთა შო-

რის შეიარაღებული შეტაკება მოხდა. გრაკები ავენტინის ბორცვზე გამაგრდა. როდესაც გამარჯვების სასწორი საბოლოოდ ოპტიმატებისაკენ გადაიხარა, გაიუსმა თავის მოძრე მონას მოკვლა უბრძანა. ამგვარად, დემოკრატიული მოძრაობა დამარცხდა. ოპტიმატებმა გრაკების 300 მომხრე დასაჯეს და რეგულიაციის გათავების ნიშნად ქალაქის გაწმენდისათვის ზემი მოაწყვეს და თანხმობის ტაძარი ააგეს.

გრაკების კანონთაგან მხოლოდ მიწისა და მხედრების კანონი დარჩა ძალაში. დანარჩენი თითქმის ყველაფერი მოსპეს. დემოკრატიული პარტია დასუსტდა; მას ენერგიული ბელადი აღარ ჰყავდა და სახელმწიფო ცხოვრებაზე გავლენას ვეღარ ახდენდა.

II უკიდურები დემოკრატიული პარტია. ეს გარემოება არა მარტო დემოკრატიული წრეების დამარცხება იყო, იგი იყო დამარცხება რომის სახელმწიფო იდეისაც, ვინაიდან გრაკების მიზნებში დემოკრატიისა და სახელმწიფოს განშტკივების ინტერესები ერთმანეთს განუყრელად შეუერთდნენ. გონიერ ბელადებს მოკლებულმა დემოკრატიულმა პარტიამ ეხლა სახე იცვალა: იგი გრაკების მიერ ნაჩვენებს, საღს სახელმწიფოებრივ გზას ასცდა და, ოპტიმატების არ იყოს, პირველ რიგზე თავისი ჯგუფური ინტერესები წამოაყენა; დემოკრატიის ახალი ბელადები სახელმწიფოს ინტერესებს აღარათრად აგდებდნენ. მათთვის მთავარი ღარიბი ხალხის მოთხოვნილებების დაკმაყოფილება იყო, თუნდ ამ გარემოებისათვის სახელმწიფოს ინტერესების ზვარაკად მიტანაც-კი უოფილიყო აუცილებელი. პარტიის ბელადებად **სატურნინუსი** და **სერვილიუს გლაუცი** ითვლებოდნენ. ამ დროს რომს დიდი საგარეო ომების წარმოება უზღებოდა. მაგრამ კონსულის **გაიუს მარიუსის** ნაყოფიერი მოღვაწეობის გამო მან შესძლო, თავისი ძველი დიდება უკლებლივ შეენარჩუნებია. ამ გარემოებამ მარიუსს დიდი პოპულარობა შესძინა და რომში მასზე უფრო გავლენიან პირად არავინ არ ითვლებოდა. ძალიან დიდი მნიშვნელობა ჰქონდა, თუ შინაურს პარტიულ ბრძოლაში რომელ პარტიას

მიეკედლებოდა იგი. უკიდურესი დემოკრატიული პარტიის ბელადებს ეს კარგათ ესმოდათ, და ამიტომ მათ მაროუსის თავის მხარეზე ვადმოსაბირებლად ზომები მიიღეს.

მარიუსი მხედართა შთამომავლობის იყო და, მაშასადამე, სენატორთა წოდების გარეშე იღვა. იგი თავისი მოღვაწეობის დასაწყისიდანვე ხალხის ფართო მასის ძალას დაეყრდნო: მისი კონსულად არჩევა, როგორც პირველად, ისე შემდეგშიც, ამ მასის ზეგავლენით აიხსნება. მისი პოლიტიკა იმ თავითვე გრატებების გზას ასცდა. თუ ეს უკანასკნელი საშვალო მიწად-მომქმედი კლასის განმტკიცების მიმართულებით მიდიოდა და ამით სახელმწიფოს სამხედრო ძლიერების მთავარ წყაროს შენახვას ესწრაფოდა, მარიუსმა სულ სხვა გზა აირჩია: რად-განაც მიწადმფლობელთა კლასი ძალიან შემცირდა და ჯარს ველარ ავსებდა, მარიუსმა ძველი წესი ცენზის მიხედვით ჯარების შევსებისა მოსპო და პროლეტარებს მისკენ პირ-დაპირი გზა გაუხსნა. ეს ზომა თავისი შედეგების მხრივ რომისათვის საბედისწერო შეიქმნა, ვინაიდან წინაღ სამხედრო სამსახური მოქალაქობრივი მოვალეობა იყო, და ახლა კი ჯარში მონაწილეობას ასეთი მოვალეობის ხასიათი სრულიად აღარ ჰქონდა; იქ ყველას შეეძლო სამსახური, ვისაც უნდო-და, და ამისათვის განსაზღვრულ ქირას ღებულობდა: რომის ჯარში მოქალაქის ადგილი დაქირავებულმა ჯარისკაცმა დაიკავა, რომელიც სავსებით თავის წინამძღოლზე იყო და-მოკიდებული. ამიტომ შესაძლებელი შეიქმნა რომაელების სამ-ხედრო ძალების ამოძრავება თითოეული სარდლის სურვილე-ბის და, მაშასადამე, მისი პატივმოყვარეობის გრძნობების-და-მი-ხედვით. ამ პირობებში შინაური ბრძოლა შეიარაღებული ძალების დახმარებით აუცილებელი უნდა ყოფილიყო, და ჩვენ დავინახავთ, რომ თითქმის მთელი შემდეგი დროის ის-ტორია რომისა კერძო პირების ასეთი შინაური ომებით ისაზღვრება.

როდესაც სატურნინუსმა და სერვილიუსს გლაუციამ მა-რიუსს მიმართეს, ამ უკანასკნელმა მათთან შეთანხმება მოახდი-

ნა, რომლის მიხედვითაც 100 წლისათვის ყველა შემთავრების თანამდებობანი მათ შორის უნდა ყოფილიყო განაწილებული. შედეგი ამ შეთანხმებისა ორი მთავარი კანონი იყო, რომელიც უფრო დემაგოგთა ინტერესებს ემსახურებოდა, ვიდრე სახელმწიფოსას: a. პურის კანონის მიხედვით სახელმწიფოს მიერ გასასყიდი პურის ფასი ნულამდის იქმნა დაყვანილი, რაც სახელმწიფო ფინანსებს საშინელ ტვირთად აწვებოდა; b. ახალშენების კანონის ძალით, მარიუსის ჯარისკაცების დასაკმაყოფილებლად, იტალიის გარედ დიდძალი ახალშენები უნდა მოწყობილიყვნენ. ამ ზომებმა არა თუ ოპტიმატების, არამედ თვით მხედართა წოდების მხრივ გამოიწვიეს წინააღმდეგობა, ასე რომ საქმე შეიარაღებულ შეტაკებამდე მივიდა, რომლის შედეგი დემაგოგების სრული დამარცხება იყო. მარიუსი ამ ბრძოლის დროს ყოყმანში იყო, თავის ამხანაგებთან მას უთანხმოება ჰქონდა, მაგრამ ვერც ოპტიმატებთან მოახერხა შერიგება. ამიტომ მან მთელი თავისი გავლენა დაჰკარგა და ერთხანს პოლიტიკურ ცხოვრებას სრულიად ჩამოშორდა.

დემოკრატიულ პარტიას ეხლა სახალხო ტრიბუნი ლივიუს დრუზუსი ჩაუდგა სათავეში. იგი ნათლად ხედავდა, რომ მხედართა წოდებამ გრაკხის მოლოდინი ვერ გაამართლა და თავის სასამართლოებში სპეკულაციას ხელს აფარებდა. მან გადაწყვიტა, თავის მიზნების განსახორციელებლად მხედართა წოდების ხარჯით სენატორები თავის მხარეზე გადმოეპირებია: მან წინადადება შეიტანა, სასამართლო საქმეები ისევ სენატს დაბრუნებოდა და ამას გარდა საზოგადო მიწებზე მოქალაქეთა ახალშენები მოწყობილიყო. მისი შორეული მიზანი უფრო ძირითადი იყო. მას სურდა მოკავშირეთათვის მოქალაქობრივი უფლება მიენიჭებია და, ამგვარად, ეს მნიშვნელოვანი ძალაც დაეწყნარებია. მაგრამ მისმა მოწინააღმდეგებმა სწორედ ამ მისი შორეული მიზნით ისარგებლეს და ხალხში ხმა გაავრცელეს, დრუზუსი მოკავშირეთათვის მოქალაქობრივ უფლებათ მოითხოვსო. ეს კი არც ნობილები-

სათვის იყო ხელსაყრელი. და არც რომის მოქალაქეთაღვის, რომელთაც თავის უპირატესობათა გაზიარება არავეისთვის უნდოდათ, და დრუზუსი მოკლულ იქმნა. ამგვარად, დემოკრატია და რომმა კიდევ ერთი შეგნებული და გულწრფელი პატრიოტი და სახელმწიფო მოღვაწე დაჰკარგა.

მოკავშირეთა ომი. მოკავშირენი ნათლად ხელადდენ, რომ რომაელებს მშვიდობიანი გზით მათთვის არაფერი არ ემეტებოდათ. ამიტომ ეხლა მათ ერთად-ერთი გზა და დარჩენოდათ: ეს იყო აშკარა ბრძოლა თავისი უფლებებისათვის. 90 წელს აჯანყება დაიწყო და მარსელთა ხელმძღვანელობით შუა იტალიისა და ქვედა იტალიის მოკავშირენი გაერთიანდნ. მათ თავისი სახელმწიფოს დაარსება სცადეს, რომლის მთავარ ქალაქად კორფინიუმი (მდ. პესკარაზე) აირჩიეს. კონსტიტუცია რომისებური შეიმუშავეს და ყველას, ვინც-ც მათ შეუერთდებოდა, სრული მოქალაქობრივი უფლებების მინიჭება აღუთქვეს. დაიწყო ომი, რომელიც საშინელი სიმძაფრით სწარმოებდა. რომაელები იძულებულნი შეიქმნენ, ჯერ კიდევ შერჩენილ მოკავშირეებისათვის მოქალაქობრივი უფლებები მიენიჭებიათ. ამგვარად, ომს საფუძველი გამოეცალა და მალე იგი რომის გამარჯვებით დასრულდა: კორფინიუმი დაეცა, მაგრამ მოკავშირეების დიდ ნაწილს მოქალაქობრივი უფლებები მაინც მიენიჭათ, და, ამგვარად, ის პროცესი დაიწყო, რომელმაც ბოლოს ჯდა ბოლოს მთელი რომის სახელმწიფოს მოსახლეობა უფლებრივად გაათანასწორა.

ამ გარემოებას უდიდესი მნიშვნელობა ჰქონდა. რაკი რომის მოქალაქეობა მთელი იტალიის მცხოვრებლებზე გავრცელდა, რომაელთა სახელმწიფომ მთელი თავისი ხასიათი გამოიკვალა: თუ წინად რომაელ მოქალაქეთ მარტო ერთი ქალაქი, რომი ჰქონდათ, ეხლა მათ მრავალი ქალაქი გაუჩნდათ, და რომი მხოლოდ დედა-ქალაქად ითვლებოდა. თითოეულმა ქალაქმა სრულ მოქალაქობრივ უფლებებთან ერთად ერთგვარი თვითმართველობა მიიღო, ასე რომ მთელი იტალია ეხლა ასეთი თვითმართველი ქალაქებით იყო დაფა-



რული (*municipia civium romanorum*). ამ უფლებებიც ვადა-
თანასწორებას მალე თითოეული იტალიელი ტომის ეროვნუ-
ლი თავისებურების დასუსტებაც მოჰყვა და მალე მთელი
იტალია ნაციონალურადაც გაერთიანდა.

ოპტიმატები. სულა. არისტოკრატია თავის მოწინააღმ-
დეგეთა დასამარცხებლად არავითარ ზომას არ ერიდებოდა.
იგი საოცარი სისასტიკით უსწორდებოდა დემოკრატებს. მაგრამ
მტკიცე გამარჯვებისათვის მას ერთი რამ აკლდა: ეს იყო ჯა-
რის კეთილგანწყობილება. მაგრამ მას შემდეგ, რაც ჯარს კონ-
სული სულა ჩაუდგა სათავეში, საქმე ამ მხრივაც უზრუნველ-
ყოფილი შეიქმნა.

არისტოკრატის ბელადად სულა ითვლებოდა. იგი დიდი
გვარისშვილი იყო, მაგრამ დაწინაურება შედარებით გვიან
მოახერხა. პირველად მარიუსის თანაშემწედ ითვლებოდა, ხოლო
განსაკუთრებული სახელი მოკავშირეებთან ომის დროს მოი-
ხვეჭა; თანდათანობით მარიუსის ადგილს ის იკავებდა. სულა თავი-
სი წოდებისა და თავისი დროის ნამდვილი შვილი იყო. ქეიფი
და დროს ტარება ძალიან უყვარდა; საკმაოდ განათლებული იყო
და ლიტერატურასა და ხელოვნებას დიდად აფასებდა. სულა
ნამდვილი არისტოკრატი იყო, დემოკრატიულ მოძრაობასა და
მის ბელადებს ზიზლით და სიამაყით ეპყრობოდა. მკაცრმა და
შეუბრალებელმა არისტოკრატმა მტრის პატიება იშვიათად
იკოდა. ნათელი პრაქტიკული ქკუა, რკინის ხასიათი და იშ-
ვიათი სამხედრო და საორგანიზაციო ნიჭი მისი დამახასიათებ-
ელი თვისებები იყვნენ. მეტ სახელად მას ლომ-მელას უწოდებ-
დენ, და უბრალო ხალხს იგი ქირივით სძულდა. სამაგიეროდ
სულას ჯარი აღმერთებდა. ბრძოლის დაწყებამდე იგი სასტიკ
დისციპლინას მოითხოვდა, მაგრამ ბრძოლის შემდეგ ჯარს
თავისუფალი თარეშის ნებას აძლევდა.

88 წელს იგი კონსულად იქმნა არჩეული და აჯანყებუ-
ლი აზიის წინააღმდეგ განმზადებული ჯარის მთავარსარდლობა
ჰქონდა დაკისრებული.

სწორედ ამ დროს რომში ტრიბუნის, სულპიციუს რუფუსის მეთაურობით დემოკრატიული მოძრაობა გაძლიერდა. ტრიბუნის წინადადებით სრული მოქალაქობრივი უფლება განთავისუფლებულ მონებსაც უნდა მიანიჭებოდათ. მას შემდეგ, რაც მარიუსის სამხედრო რეფორმის მიხედვით მათ ჯარში შესასვლელი კარები გაეღოთ, ბუნებრივი იყო, რომ მათთვის სრული მოქალაქობრივი უფლებებიც მიენიჭებიათ; მაგრამ სულა მოულოდნელად გამოცხადდა რომში და ტრიბუნს სასტიკი წინააღმდეგობა გაუწია. სამაგიეროდ სულპიციუს რუფუსმა იმდენი მაინც მოახერხა, რომ მისი წინადადების თანახმად სულას აზიაში გასაგზავნი ჯარის მთავარსარდლობა ჩამოართვეს და მარიუს გადასცეს. მაგრამ სულამ დამორჩილების მაგიერ ისეთი რამ ჩაიდინა, რაც რომში მანამდე არ მომხდარიყო: მან ისარგებლა თავისი ჯარის კეთილგანწყობილებით და რომისაკენ წამოიყვანა, გამართა ნამდვილი ბრძოლა თავის მოწინააღმდეგებთან, მოაკვლევინა სულპიციუსი და ჯარის მთავარსარდლობა თვითონ დაიბრუნა. მარიუსი იძულებული შეიქმნა, საშობლოდან გაქცეულიყო; დიდი ხნის ხეტიალის შემდეგ მან, როგორც იქმნა, თავშესაფარი აფრიკაში იპოვა. ამგვარად, პირველად სწორედ მარიუსი შეიქმნა იმ რეფორმის მსხვერპლად, რომელიც თვითონ შემოიღო და რომელმაც რომში ჯარის ბატონობის შესაძლებლობა შექმნა.

სულამ ზოგი რამ განკარგულება მოახდინა, რომელსაც სახელქიფოს მართვაგამგეობის ოპტიმატების ინტერესების-დამიხედვით შეცვლა ჰქონდა მიზნად, და სწრაჟად აზიისაკენ გაეშურა, სადაც მტერი უკვე დიდის წარმატებით მოქმედებდა.

ცინა და მარიუსი. სულას რომში არ ყოფნით დემოკრატებმა მშვენიერად ისარგებლეს და 87 წლის ერთ-ერთ კონსულად კორნელიუს ცინა იქმნა არჩეული, რომელმაც სულპიციუსის მსგავსად მოკავშირეთა და განთავისუფლებულ მონათვის მოქალაქობრივი უფლებების მიანიჭება მოითხოვა. მაგრამ ოპტიმატებმა ამას სასტიკი წინააღმდეგობა გაუწიეს და ცინა თავისი მიმდევრებით რომიდან განდევნეს. მაგრამ დემოკრატებს ერთის მხოვე მოკავშირეები ეხმარებოდნენ, ხოლო

მეორეს მხრივ სწორედ ამ დროს გაჩნდა ეტრურიაში მოხუცი მარიუსი, რომელმაც თავის გარშემო უკმაყოფილო იტალიელები და მონები შემოიკრიბა და ცინასთან ერთად რომში შეიჭრა. ხუთი დღისა და ხუთი ღამის განმავლობაში რომში, მარიუსის ბრძანებით, არისტოკრატიისა და მისი მომხრეების შეუჩერებელი ხოცვა-ჟლეტა წარმოებდა. მარიუსმა ძალით ჩაივლო ძალაუფლება ხელში და თავისი თავი კონსულად აარჩევია (ეს მისი მეშვიდე კონსულობა იყო); მაგრამ იგი მალე გარდაიცვალა, და ბატონობა ცინას ხელთ დარჩა. ამ უკანასკნელმა გააუქმა სულას ყველა განკარგულებანი და სულპიცის რეფორმები განახორციელა. თვითონ-კი ჯარი შეკრიბა და სულას მოსასპობად საბერძნეთს გაემგზავრა; მაგრამ აქ მას ჯარი გადაუდგა და ერთი აჯანყების დროს იგი მოკლულ იქმნა. სულამ მუქარის ბარათი გაგზავნა რომს, სადაც მის დაბრუნებას შიშის ზარით მოელოდნენ. კონსულებმა მის საწინააღმდეგოდ 100000 კაციანი ჯარი შეაგროვეს და საბრძოლველად ემზადებოდნენ.

სულას დიქტატურა. ბრძოლა მარიუსის მომხრეთა და სულას შორის სასტიკი იყო, მაგრამ ბოლოს და ბოლოს გამარჯვება სულას ხვდა წილად, და იგი რომში შევიდა. მთელი ძალაუფლება მის ხელთ იყო, მან ამ მდგომარეობით მარიუსის მომხრეთა სრულ ამოსაწყვეტად ისარგებლა. მან გამოსცა ე. წ. **პროსკრიფციები**, სადაც მარიანელთა გვარები იყო ჩამოწერილი. ამათი მკვლელობა ყველასათვის ნებადართული იყო. მაგრამ უფრო საშინელი ის იყო, რომ სულამ განაცხადა, ეს პროსკრიფციები ჯერ კიდევ არ არიან სრულნი, მათ თანდათანობით შევავსებო. მკვლელობა რომიდან პროვინციაშიც გადავიდა და თითქმის მთელი სახელსწიფოს მიწაწყალი დემოკრატიული პარტიის მიმდევრების სისხლით მოიფარა. სულამ თავისი თავი დიქტატორად აარჩევინა. მაგრამ მას ძველი დიქტატორის სახელის მეტი არაფერი დაუცავს. არსებითად იგი ნამდვილი მეფე იყო, რომლის ნებაზეც მთელი სახელსწიფოს ბედი იყო დამოკიდებული. ამგვარად, **სულა იყო პირველი, რომელმაც მონარქიული წესწყობილების**

შემოღება რომში თანდათანობით განახორციელა: ჯერ იყო და ჯარი პირველად წაიყვანა სამშობლო ქალაქის წინააღმდეგ თავისი მიზნების განსახორციელებლად, ახლაკი ქვეყნის უდავო მბრძანებლად გამოაცხადა თავი და დაუყოვნებლივ არისტოკრატიული რეფორმების განხორციელებას შეუდგა. მან დაამცირა სახალხო ტრიბუნატის დიდი მნიშვნელობა, ვინაიდან ტრიბუნებს უკონტროლო „ვეტოს უფლება“ ჩამოართვა, ჩამოაქვეითა მხედართა წოდება, რომელსაც გადასახადების იჯარით აღება აღუკრძალა და სასამართლო უფლება წაართვა, რომელიც ისევ სენატს დაუბრუნა. თვით სენატის მნიშვნელობა განსაკუთრებით გააძლიერა, ცენზორობა მოსპო, მაგრამ სამაგიეროდ სახალხო ყრილობის გავლენა შეამცირა. ყველა ეს ზომები არისტოკრატიული ხასიათის იყო. მაგრამ სულა მაინც იძულებული შეიქმნა, რევოლიუციის მონაპოვართაგან მოკავშირეთა უფლებრივი გათანასწორება ხელუხლებელი დაეტოვებია და თავის ჯარისკაცთა დასაკმაყოფილებლად ახალშენთა კანონი კიდევ უფრო გაეფართოებია. დაასრულა თუ არა თავისი მოღვაწეობა, სულამ 79 წელს თავის ძალაუფლებაზე უარი განაცხადა და კერძო ცხოვრებას დაუბრუნდა. 78 წელს იგი მოულოდნელად გარდაიცვალა.

ბრძოლა სარდლებს შორის ბატონობისათვის. მარიუსის და სულას ბრძოლა, რომელსაც ჯერ კიდევ პარტიული ბრძოლის გარეგანი სახე მაინც ჰქონდა დაცული, რომის ისტორიის ახალი ხანის დასაწყისი შეიქმნა. ეს ახალი ხანა იმაში მდგომარეობდა, რომ პარტიათა ბრძოლამ, რომელიც რესპუბლიკური წესწყობილების ნიადაგზე წარმოებდა, ეხლა ადგილი ცალკე პირებს, სარდლებს შორის ბრძოლას დაუთმო, რომლის მიზანიც ბოლოს და ბოლოს რესპუბლიკის დანგრევასა და მის ნანგრევებზე მონარქიული ძალაუფლების ხელში ჩაგდებას ესწრაფოდა. ეს ბრძოლა, რომელსაც პომპეუსი, კეისარი, ანტონიუსი და, დასასრულს, ოკტავიანუსი აწარმოებდა, რესპუბლიკის დანგრევითა და მონარქიის დამყარებით დასრულდა.

მაგრამ სანამ ეს განხორციელდებოდა და ერთი რომელიმე სარდალთაგანი სრულს მონარქად გარდაიქცეოდა, მათ შორის შეთანხმება ხდებოდა და მთელი სახელმწიფოს ბატონ-პატრონობა მათ შორის იყოფოდა.

ამიტომ ამ ხანას შეიძლება გარდამავალი ხანა ვუწოდოთ.

ს ა ზ ა რ ი მ ო მ ე ბ ი.

ა. ომები დასავლეთით. გრაკების დამარცხების შემდეგ გამარჯვებული რეაქცია ოპტიმატებისა ისევ ძველი გზით განაგრძობდა მოქმედებას. მექრთამეობა და პირადი ინტერესების სამსახური სახელმწიფო ინტერესების ხარჯით სახელმწიფოს წყობილების მოსაქე წარმომადგენლებს ძველებურად ახასიათებდა. ამ უკუღმართობამ განსაკუთრებით საგარეო პოლიტიკაში მიიღო სახიფათო მიმართულება.

ისპანიის სრული დაპყრობის შემდეგ რომაელებს ამ პროვინციის იტალიისთან შეერთება მართებდათ. რამდენიმე ხნის ბრძოლის შემდეგ მათ შესძლეს პირენეებსა და ალპებს შუა მდებარე მიწების დაპყრობა, რომელთაც „ნარბოს გალია“ (Gallia Narbonensis) უწოდეს და ამ სახით იტალიიდან ისპანიისკენ მიმავალი გზა უზრუნველჰყვეს. ამგვარად, ეს საქმე წარმატებით დასრულდა.

სამაგიეროდ რომაელ სახელმწიფო მოღვაწეთა ვარყვნილებამ აფრიკის საქმეების მოწესრიგების დროს იჩინა თავი. აქ, კართაგენის დაპყრობის შემდეგ, კიდევ დარჩა ერთი მნიშვნელოვანი დამოუკიდებელი სახელმწიფო, ნუმიდია, რომელიც რომაელებმა სამ ნაწილად გაჰყვეს. ნუმიდის ერთ-ერთი მეფე, იუგურტა წინედ რომაელების ჯარში იბრძოდა და მათს იმ დროინდელ ზნეს კარგად იცნობდა. მან მთელი ნუმიდის თავის ხელში გაერთიანება გადასწყვიტა და ერთი მეფეთაგანი მოაკვლევინა, მეორესაც ამასვე უპირებდა. მაგრამ ამ უკანასკნელმა რომს მიმართა. იუგურტამ ქრთამის შემწეობით იმდე-

ნი მოახერხა, რომ სენატმა ეხლა ნუმიდია ორ ნაწილად გაჰყო და საუკეთესო ნაწილი იუგურტას მიუსაჯა. ამის მიუხედავად იუგურტამ თავის მიზანზე მაინც ხელი არ აიღო და 112 წელს იგი მეორე მეფის სამფლობელოს შეესია და მისი სატაბტო ქალაქი აიღო. ბევრი ყოყმანის შემდეგ რომმა იუგურტას ომი გამოუცხადა. მაგრამ 109 წლამდე, როდესაც კონსულად ძველი ზნეობის წარმომადგენელი არისტოკრატი **მეტელუსი** იქმნა არჩეული, საქმე ცუდად მიდიოდა, რადგანაც იუგურტა უფრო ოქროთი მოქმედებდა, ვიდრე სამხედრო ძალებით. 108 წელს იუგურტა დამარცხებულ იქმნა, მაგრამ საქმე მაინც გაკიანურდა, რადგანაც ოპის ასპარეზის ტოპოგრაფიული პირობები ისეთი იყო, რომ გადამწყვეტი ბრძოლის მოწყობა შეუძლებელი იყო. ამით ისარგებლა მეტელუსის თანაშემწემ **გაიუს მარიუსმა**; კონსულის არჩევნებზე მან მეტელუსის წინააღმდეგ გაილაშქრა და ამგვარად მოახერხა, რომ მეტელუსის მაგიერ კონსულად იგი აერჩიათ და იუგურტასთან ომის წარმოება მისთვის მიენდოთ. 104 წელს იუგურტა დატყვევებულ იქმნა და მარიუსი რომს დაბრუნდა.

კიმბრები და ტევტონები. სწორედ ამ დროს რომი დიდ გასაქირში იყო. ჩრდილოეთიდან მას დიდი ხიფათი ელოდა. საქმე ის არის, რომ 113 წელს რომის საზღვრებს ჩრდილოეთიდან მოსული გერმანელი ტომები, **კიმბრები** მოადგენ. იგინი **ტევტონებს** შეუერთდნენ და რომას მარცხენა ნაპირზე რომაელების ჯარს დაეჯახნენ. ბრძოლა მათი სრული გამარჯვებით დასრულდა, 80000 რომაელი გაქლეტილ იქმნა, რომი შიშის ზარმა მოიცვა. იგინი გალების (კიმბრებს რომაელები გალებად თვლიდნენ) ახალ დაპყრობას მოელოდნენ. და აი სწორედ ამ დროს დაბრუნდა მარიუსი რომში; ხალხმა იგი მეორედ აირჩია კონსულად (კანონის ძალით კონსულს მხოლოდ ერთი წლით ირჩევდნენ) და კიმბრებთან ომის, წარმოება მას მიანდო.

მაგრამ როდესაც მარიუსი ტრანსალპინის ვალიაში გადავიდა, კიმბრები და ტევტონები მას იქ არ დახვდნენ; იგინი

ისპანიაში იყვნენ წასულნი. მარიუსმა ამ გარემოებით ისარგებლა და რამდენიმე წელი ჯარის გაწვრთნას მოანდომა. კიმბრების სახით პირველად გაჩნდნენ გერმანელები რომის ნიადაგზე. იგინი ახალი საცხოვრებელი ადგილების საძიებლად მოვიდნენ და მთელი თავისი ქონება, ცოლები და შვილებიც თან მოჰყავდათ. იგინი კულტურულ რომაელებს ველურებათ მიაჩნდათ და მათს საშინელ გამბედაობას ვერ უმეგრებოდნენ. კიმბრები სახიფათო მოწინააღმდეგენი იყვნენ, და მარიუსიც მათთან საბრძოლველად სათანადოდ ემზადებოდა. 100 წლამდე მას ყოველ წლივ კონსულად ირჩევდნენ. ისე დიდი იყო რომში მისი გავლენა. ბოლოს, როგორც იქმნა, კიმბრები და ტევტონები ისპანიიდან დაბრუნდნენ, იგინი ორ ნაწილად გაიყვნენ: ერთი ნაწილი, რომელსაც ტევტონები შეადგენდნენ, 102 წელს შეხვდა მარიუსის ჯარებს (აკვასეკტასთან). ერთის მხრივ რომაელთა სამხედრო გაწვრთნამ, ხოლო მეორეს მხრივ აუტანელმა სიცხებმა, რომელიც ჩრდილოელი ტევტონებისათვის უჩვეულო იყო, თავისი ჰქმნეს და ტევტონები სრულიად განადგურებულ იქმნენ. 101 წელს იგივე ბედი ეწვიათ (ვერცელასთან) კიმბრებსაც. ამგვარად მოხდა, რომ რომში მარიუსი უპირველესი კაცი შეიქმნა, მისი დამსახურება იყო, რომ სახელმწიფოს საშიშო მტერი მოესპო.

ბ. აღმოსავლეთის ომები. პირველი საუკუნის ოთხმოციან წლებში რომს ხელახლა მოუხდა დიდი ომების წარმოება. ეს იყო აღმოსავლეთის ომები, რომელთაც სახელმწიფოს ცხოვრებაზე ძლიერი ზეგავლენა მოახდინეს. აზიას რომის ეკონომიური ცხოვრებისათვის უდიდესი მნიშვნელობა ჰქონდა; იგი მთავარი ბაზარი იყო, რომელიც რომაელთა სიმდიდრის მთავარ წყაროდ ითვლებოდა, და მრავალი მდიდარი რომაელი აქ ცხოვრობდა და მოღვაწეობდა. ომის დაწყებისთანავე მრავალი აქაური რომაელი გაღატაკდა და ამას გარდათვით რომსაც კარგა ხნით სავსებით მოესპო ის მთავარი წყარო, რომელიც მის საარაკო სიმდიდრეს ჰკვებავდა. ძალზე შერყეულმა ეკონომიურმა მდგომარეობამ თავისებური გავლენა

ნა მოახდინა რომის შინაურ ცხოვრებაზეც; მდიდართა და პროლეტართა წინააღმდეგობამ უკიდურეს საფეხურს მიიღწია და შინაურმა უთანხმოებამ და ბრძოლამ რომის მშვიდობიანი ცხოვრება იმდენად შეარყია, რომ ძალიან დიდი ხანი შეიქმნა საჭირო, სანამ რომში მშვიდობიანობა ხელახლა დამყარდებოდა.

აღმოსავლეთის მდგომარეობა და მითრადატ პონტოელი. მას შემდეგ, რაც მაკედონია და აზია რომს შეუერთდა, იგი დიდის გაფაციცებით აღევნებდა თვალ-ყურს აღმოსავლეთის ამბებს და შემთხვევისა-და-მიხედვით ერეოდა კიდევ მის საქმეებში. მეორე საუკუნიდან დაწყებული აღმოსავლეთში დიდი ცვლილებები მოხდა.

ეგვიპტესა და სირიაში შინაურმა დინასტიურმა უთანხმოებამ იჩინა თავი. ერთი მეფე მეორეს ცვლიდა და სახელმწიფოს ძლიერება დღით-დღე ეცემოდა. ოთხმოციანი წლებისათვის ოდესღაც პტოლომეოს ამაყი სახელმწიფო საცვებით დასუსტდა და საერთაშორისო დამოკიდებულებაში მეორე ხარისხოვანი ალაგი დაიჭირა. ზოგი ნაწილი მას სრულიად ჩამოშორდა და ზოგი კიდევ მზად იყო პირველ შესაფერ შემთხვევისათანავე გამოყოფოდა მას.

ასეთივე ბედი ეწვია სირიასაც. დინასტიურმა უთანხმოებამ აქაც იგივე ნაყოფი გამოიღო. მეფის ძალაუფლებამ გაელენა დაჰკარგა და თვით სახელმწიფო მრავალ ერთეულად დაიყო, რომელთაც დამოუკიდებელი მეფეები ჰყავდათ*). ამით განსაკუთრებით პართებმა ისარგებლეს, რომელთაც ამ დროიდან დაწყებული აღმოსავლეთის ისტორიაში ძალიან მნიშვნელოვანი ადგილი დაიჭირეს. მაგრამ პართებს წინ გადაეღობა 98 წელს მეფე ტიგრანის დროს გაერთიანებული და გაძლიერებული სომხეთი, რომელიც მათ ეფფრატს აქეთ არ უშვებდა.

რომის პროვინცია აზია იმ ხანებში რომის პუბლიკანების თვითნებობის გამო, რომელნიც ამ ქვეყნის უსინდისო ექსპლოატაციას ეწეოდნენ, მტრულად ეპყრობოდა რომის ბა-

*) 141 წელს, მაკალითად, იუდეელებმა დამოუკიდებელი სახელმწიფო შექმნეს.

ტონობას. ამ მტრულ განწყობილებას ახლო მდებარე დამოუკიდებელი მცირე სამთავროებიც იზიარებდნენ, რომელთა შორისაც განსაკუთრებით კაბადოკიის ჩრდილო ზღვის ნაპირზე მდებარე სამთავრო პონტოსი გაძლიერდა. ამ ქვეყანამ დამოუკიდებლობა 281 წელს მოიპოვა და ძლიერ მალე შავი ზღვის ნაპირები ვიდრე ამასტიდამდე შემოიერთა. მაგრამ განსაკუთრებულ ძლიერებას მან მითრადატე VI ევპატორის დროს მიაღწია.

მითრადატე VI სულ 11 წლის იყო, როდესაც მამა მისი გარდაიცვალა (120 წ.). თავისი ახალგაზღობის დროს მან მრავალი დევნა განიცადა, ვინაიდან მისი მზრუნველები და დედაც ახალგაზრდა მეფეს მოკვლას უპირებდნენ. ამის გამო იგი იძულებული იყო, ყოველ ღამე ბინა გამოეცვალა, ერთი ადგილიდან მეორეზე გადასულიყო და სხვა-და-სხვა საშუალებათა გამოძებნით მტერთაგან თავი დაეთარა. ასეთმა ცხოვრებამ მას ხასიათის განსაკუთრებული თვისებები შეუქმნია: იგი ვერაგი და შეუბრალებელი შეიქმნა: რომ მოიზარდა, დედა, ძმა და დები მოაკვლევინა და ქვეყნის მართვა-გამგეობას თვითონ მოჰკიდა ხელი. მისი ფიზიკური ღონე საარაკო იყო, მაგრამ არც გონებრივი ძალა აკლდა; ამბობენ, მან 22 ენა იცოდაო. ასეთს რკინის კაცს, რა თქმა უნდა, არ შეეძლო, თავისი სამეფოს არსებული მდგომარეობით დაკმაყოფილებულიყო, და მყის თავისი ქვეყნის საზღვრების გაფართოებას შეუდგა.

პირველად მან ჩვენი ქვეყანა, კოლხიდა შეიერთა. საქართველოს მდგომარეობა იმ ხანებში უნუგეშო იყო. ფარნაოზ მეფიდან დაწყებული ერთის მხრივ შინაური უთანხმოებისა და მეორეს მხრივ გაძლიერებული მეზობლების მუდმივი თავდასხმის გამო მას მოსვენება აღარ უნახავს. მეორე საუკუნის მეორე ნახევარში ქრისტეს მოსვლამდი საქართველოს მეფეს მირვანს სამეგრელოს ერისთავი აუჯანყდა და მისი სამფლობელოს შუა ნაწილების აოხრება დაიწყო. ამ უთანხმოებაში სომხეთის მეფე ვალარშაკი ჩაერია და ბო-

ლოს მთელი კოლხიდა თვითონ შეიერთა. მაგრამ ეს ქვეყანა ასე ადვილად ვერ ურიგდებოდა თავისუფლების დაკარგვას და რამდენიმეჯერ აჯანყება მოახდინა. 98 წელს კოლხთა აჯანყების ჩაქრობა სომხეთის მაშინდელმა მეფემ თავის სიძეს, მითრადატე პონტოელს მიანდო, რომელიც კოლხიდას შეესია, დაიპყრო იგი და აქ თავისი მმართველები დააყენა. აქედან მითრადატე შავი ზღვის ჩრდილოეთ-დასავლეთ ნაპირებს აჰყვა და ბერძნების ახალშენებისაგან შემდგარი კიმერიელი ბოსფორი დაიპყრო. შემდეგ დიდი სომხეთის ძლიერ მეფეს ტიგრანს და ბითინიის მეფეს ნიკომედოს შეუკავშირდა, მალე პაფლაგონია და კაპადოკია დაიმორჩილა და, ამგვარად, შავი ზღვისა და მცირე აზიის დიდ ნაწილს დაეპატრონა. მისი სამეფო იმდენად ძლიერი შეიქმნა, რომ მას ერთბაშად 100000 კაცის საომარ ფეხზე დაყენება შეეძლო. ომი მითრადატესა და რომს შორის აუცილებელი იყო, და საბაბიც მალე გაჩნდა. რომაელებმა მითრადატეს თავისი მოკავშირე ბითინიის მეფე ნიკომედოსი შეუუსიეს, და პონტოს მეფეც იძულებული შეიქმნა ომი დაეწყო.

მითრადატე საომრად კარგად იყო მომზადებული: მან რამდენიმე მცირე აზიელი მეფე მიიმხრო, თავის მხარეზე გადაიყვანა იქაური ბერძნებიც, შეჰქმნა ძლიერი ფლოტი და მრავალრიცხოვანი ჯარი და ხელოვნურად ისარგებლა იმ ზიზღით, რომელიც მთელს მცირე აზიაში რომაელების წინააღმდეგ იყო გავრცელებული. დაიწყო თუ არა ომი, აზია რომს ჩამოსცილდა და, თანახმად მითრადატეს ბრძანებისა, ერთი დღის განმავლობაში 80000 იტალიელი ამოეღიტეს. რომში კი სწორედ იმ დროს შინაური უთანხმოება მძვინვარებდა. ეს ის დრო იყო, როდესაც ჯერ ერთი, მოკავშირეთა ომი ჯერ კიდევ არ იყო დასრულებული, და მეორეს მხრივ, შინაურმა პარტიულმა უთანხმოებამ უმწვერვალეს დონეს მიაღწია: დემოკრატიული პარტია და არისტოკრატიული სამკვდრო-სასიცოცხლოდ იბრძოდნ.



როგორც ვიცით, ეს ბრძოლა არისტოკრატის გამარჯვებით დასრულდა და მის ბელადს, სულას შესაძლებლობა მიეცა, მითრადატეს წინააღმდეგ გალაშქრებულიყო.

მითრადატე სათავეში ჩაუდგა მთელი აღმოსავლეთის აჯანყებას რომის წინააღმდეგ და მალე საბერძნეთიც მიიმხრო. მითრადატეს აღმოსავლეთის განმათავისუფლებლად თვლიდენ და ყველანი სიამოვნებით ეხმარებოდენ. მაგრამ გაჩნდა თუ არა იქ სულა, მითრადატეს საქმე უკუღმა დატრიალდა. იგი სასტიკად იქმნა დამარცხებული (ქერონეასა და ორქომენონთან) და იძულებული შეიქმნა, სულას სამარცხვინო ზავით შეპკვროდა, რომლის მიხედვითაც იგი ყველა თავის დაპყრობილ ადგილზე უარს ამბობდა და მთელს თავის ფლოტს რომს უთმობდა. სულა სიამოვნებით დასთანხმდა ამ პირობებზე, ვინაიდან მას რომში მიეჩქარებოდა, სადაც მისი იქ არ ყოფნის დროს დიდი ცვლილება მომხდარიყო.

პირველი ტრიუმვირატის ხანა.

პომპეიუსი. სულას გარდაცვალებასთან ერთად სახელმწიფოს მშვიდობიანობა ხელახლა შეირყა. ერთის მხრივ თვით რომში დემოკრატის ბელადებმა დრო იხელთეს და სულას არისტოკრატული წესწყობილების წინააღმდეგ შეურიგებელი ბრძოლა განაახლეს; მეორეს მხრივ, რომის ბატონობის მოსასობად, აღმოსავლეთის არ იყოს, დასავლეთი პროვინციებიც აჯანყდენ; ამას გარდა აღმოსავლეთით ხმელთაშუა ზღვაზე შეკობრობა გაძლიერდა, რომელმაც რომის ვაჭრობა სახიფათო მდგომარეობაში ჩააყენა; თვით რომში მონათა დიდი ამბოხება მოეწყო, და აღმოსავლეთით მითრადატე პონტოელი ამოძრავდა, რომელსაც დიდი სომხეთიც გვერდში ამოუდგა. მაგრამ ყველა ამ გაქირვებიდან რომი წარმატებით გამოვიდა; მის ძალებს ახალი მოღვაწე, პომპეიუსი ხელმძღვანელობდა, რომელმაც, ამგვარად, სულ მალე სულას ადგილი დაიჭირა.

a. წინად პომპეიუსი სულას უქერდა მხარს. ჯერ მხოლოდ 23 წლის ახალგაზდა იყო, როდესაც თავის ნებით სულას დასახმარებლად სამი ლეგიონი ჯარი შეჰკრიბა. არაჩვეულებრივი ვაჟეაცობა და ჭკუა მას დიდ მომავალს უქადიდა. მაგრამ მისი წარმატება განსაკუთრებული გზით ვითარდებოდა: იგი ჩვეულებრივ თანამდებობათა დაკავებას არ ესწრაფოდა და უფრო მოწადინებული იყო, რომ მისთვის საგანგებო საქმეები დაეკისრებიათ და საგანგებო უფლებებით აღექურვათ. მაგრამ, თავისი იშვიათი პატივმოყვარეობის მიუხედავად, იგი მაინც არ სარგებლობდა თავისი განსაკუთრებული მდგომარეობით, ალბად იმიტომ, რომ გამბედაობა აკლდა.

როდესაც სულას გარდაცვალების შემდეგ რომში ლეპიდუსის მეთაურობით დემოკრატიული მოძრაობა დაიწყო, სენატმა თავის ინტერესების დაცვა პომპეიუსს დაავალა. პომპეიუსმა ეს დავალება ბრწყინვალედ ასრულა და დემოკრატიული მოძრაობა მოაღრჩო. ამგვარად, სანამ ჯარი და მისი სარდალი დემოკრატიულ პარტიას ეწინააღმდეგებოდა, ამ უკანასკნელს გამარჯვების იმედი არ უნდა ჰქონოდა.

b. ისპანიის მმართველად მარიუსმა თავისი მომხრე, ნიქიერი და გამბედავი სერტორიუსი გააგზავნა. მაგრამ სულას გამარჯვების შემდეგ, სერტორიუსი იძულებული შეიქმნა, ისპანიისათვის თავი მიენებებია და მავრიტანიას გაქცეულიყო. არ გასულა დიდი ხანი, რომ ისპანიაში აჯანყებამ იფეთქა. ადგილობრივმა ტომებმა თავის ხელმძღვანელად სერტორიუსი მიიწვიეს. მის ხელქვეით რამდენიმე რომაელი ჯარისკაცი და მავრიტანელები იყვნენ. სერტორიუსი გადავიდა ისპანიაში და ბრძოლა დაიწყო. შედეგი ის იყო, რომ სულ მოკლე ხნის განმავლობაში იგი მთელს პროვინციაში გაბატონდა. აქ მან რომის მსგავსი სახელმწიფო მმართველობა შემოიღო. ადგილობრივი მკვიდრნი მას უსიტყვოდ ემორჩილებოდნენ და მასთან ერთად თავგამოდებით იბრძოდნენ. სენატი შეშფოთებული იყო; იგი დღითიდღე ელოდა სერტორიუსის თავდასხმას და დემოკრატიულ წესების აღდგენას. ამიტომ მან პომპეიუსი სა-



განგებო უფლებებით აღჭურვა და ისპანიას გაგზავნა. პირველ ხანებში პომპეიუსის საქმე კუდად მიდიოდა, მაგრამ როდესაც ერთი-ერთი წვეულების დროს სერტორიუსი ერთმა პირადმა მისმა მტერმა მოჰკლა, პომპეიუსის ბედი წალმა დატრიალდა. აჯანყებულების დამარცხება ეხლა ძნელი აღარ იყო, და 71 წელს გამარჯვებული პომპეიუსი სამშობლოში დაბრუნდა.

C. ისპანიის ომი ჯერ კიდევ არ იყო დასრულებული, რომ იტალიაში მონათა აჯანყებამ იფეთქა.

„მაგრამ ეს მონები მიწის მუშები და მწყემსები როდი ყოფილან, ესენი იყვნენ საგანგებოდ გაწვრთნილნი იარაღის ხმარებაში, მიჩვეულნი სისხლის ღვრას და წინაღვე სასიკვდილოდ გამზადებული ე. წ. გლადიატორები. გლადიატორების ბრძოლა ცირკში ისე მოსწონდათ რომაელებს, რომ ბევრი მდიდარი რომაელი საგანგებოდ წვრთნიდა და ინახავდა გლადიატორებს (რომელთათვისაც განსაკუთრებული სკოლებიც კი იყო მოწყობილი), ზოგი იმისთვის, რომ გლადიატორების წარმოდგენების გამართვით ხალხის გული მოეგო და რამე თანამდებობა მიეღო, ზოგიც პირდაპირ ფულის მოგებისათვის; ჰყიდდნენ გაწვრთნილ გლადიატორებს ან აქირავედნენ წარმოდგენებისათვის და ზოგჯერ არეულობის მოსაწყობადაც, როდესაც ეს რომელიმე გავლენიანი პირისათვის საჭირო იყო.“

აჯანყება პირველად კაპუაში დაიწყო. მალე იგი იმდენად გაფართოვდა, რომ მთელ იტალიას მოედო. საქმეს თრაკიელი გლადიატორი სპარტაკუსი მეთაურობდა, რომელმაც რომაელები რამდენიმეჯერ სასტიკად დაამარცხა; ხოლო მას შემდეგ, რაც სენატმა ჯარის უფროსობა კრასუსს მიანდო, გლადიატორების საქმე უკუღმა წავიდა. მაგრამ კრასუსი მხდელი კაცი იყო და თვითონ მოითხოვდა, რომ სპარტაკუსის საწინააღმდეგოდ ისპანიიდან პომპეიუსი გამოეწვიათ. სანამ პომპეიუსი მოვიდოდა, მან ერთ-ერთი ბრძოლის დროს სასტიკად დაამარცხა გლადიატორები, და თვით სპარტაკუსიც მოკლოლ იქმნა. აჯანყებულები გაიფანტნენ. ერთი ნაწილი ვალიაში გადავიდა და აქედან სამშობლოში დაბრუნებას აპირებდა, მაგრამ გზაზე მათ ისპანიიდან მომავალი პომპეიუსი შეეჩეხა და მთლად ერთიანად გაანადგურა. „კრასუსმა სპარტაკუსი დაამარცხა, მე-კი ამ ომის

ძირები ამოვთხარე, ასე რომ იგი არას დროს არ განმეორდება,“ სწერდა პომპეიუსი სენატს, და, ამგვარად, გლადიატორების დამარცხებას თავის თავს აწერდა. რომაელებმა სასტიკი შეუბრალებლობა გამოიჩინეს: კაპუიდან რომამღი ექვსი ათასზე მეტი ჯვარი იყო დადგმული და ზედ მონები იყენენ გაკრულნი.

დ. ხმელთაშუა ზღვაზე იმ ხანებში ისე საშინლად გავრცელდა ზღვის ავაზაკობა ანუ მეკობრობა, რომ წესიერი ვაჭრული დამოკიდებულების წარმოება შეუძლებელი შეიქმნა. რომში პური გაძვირდა, ხოლო აფრიკისა და აზიის სანაპირო ქალაქებს მუდამ დღე მეკობარეთა თევდასხმა ელოდა. მათთან ბრძოლა არც ისე ადვილი საქმე იყო, რადგანაც მათ მრავალი გემი და ძლიერი ჯარი ჰყავდათ. ბოლოს, 67 წელს ზღვაზე წესიერების აღდგენის საქმე პომპეიუსს მიანდევს, რომელსაც მთელს ხმელთაშუა ზღვაზე და მის ნაპირებზე 70 ვერსის სიგანეზე სამის წლის ვადით შეუზღუდველი უფლებები მიანიჭეს. პომპეიუსმა ენერგიულად მოჰკიდა საქმეს ხელი და სამი თვის განმავლობაში მეკობართა ძალები სრულიად გაანადგურა. ზღვაზე მშვიდობიანობა დამყარდა და წესიერი მიმოსვლა შესაძლებელი შეიქმნა. სენატი წინააღმდეგი იყო პომპეიუსის ასეთის უფლებებით აღჭურვისა, ვინაიდან მისი ზედმეტი გაძლიერების ეშინოდა: იგი ხედავდა, რომ პომპეიუსი დემოკრატიულ პარტიას უახლოვდებოდა, და მთელ მის მოღვაწეობას ექვის თვალთ უცქეროდა.

ე. მართლაც, პომპეიუსი ხალხს დაუახლოვდა. ამ გარემოებამ დემოკრატიული პარტია გაძლიერა, და ამიერიდან დემაგოგის ადგილი იქ სარდალმა დაიკავა. ცხადი იყო, რომ პარტიულ ბრძოლაში გამარჯვების სასწორი დემოკრატიისაკენ უნდა გადახრილიყო. კრასუსთან ერთად, რომელთანაც პომპეიუსი შეთანხმდა და ძალა-უფლება გაინაწილა, მან სულას რეფორმები მოსპო: მხედრობას თავისი დაკარგული უფლებები დაუბრუნა, ცენზორობა აღადგინა და სახალხო ტრიბუნებს

წინანდელი მნიშვნელობა მიანიჭა. სულას რეფორმებიდან აღარაფერი დარჩა, და პომპეიუსს საბუთი ჰქონდა ეფიქრა, რომ ხალხი ყოველთვის მის მხარეზე იქნებოდა. ის არ შესცდა, და ხალხმა მას არა თუ შეკობართა საკითხის გადაჭრა მიანდო, არამედ იგი იმ ახალ ომშიც, რომელიც მითრადატე პონტოელმა დაიწყო, მთავარსარდლად დანიშნა და ნამდვილი მეფური უფლებებით აღჭურვა (უფლება თავის ნებაზე ომის გამოცხადების, ხელშეკრულების დადებისა და კავშირის შეკერის).

F. მითრადატემ, რომელსაც მაშინ მარტო კიმერიელი ბოსფორი-ლა ჰქონდა, რომის წინააღმდეგ დიდი გეგმა შეადგინა: მას განზრახვა ჰქონდა, თრაკიაში გადასულიყო, შეერთებოდა სკვითებსა და გალებს და ჩრდილოეთ იტალიას შესეოდა. რომაელებმა პირველად მის წინააღმდეგ მდიდარი ლუკულუსი გაგზავნეს, რომელმაც ჯერ მითრადატეს მოკავშირე სომხები დაამარცხა და შემდეგ თვით მითრადატეს წინააღმდეგ წავიდა. გზად მან ტიბორენების ქვეყანა, ე. ი. საქართველოს სამხრეთ-დასავლეთი საერისთაოები გაიარა და თავისი გაუმძღარი ანგარების მოყვარების მსხვერპლად გახადა. საქართველოს მეფედ მაშინ არტაგი იყო, რომელიც რომაელთაგან თავის დასაცავად მითრადატესა და ტიგრანს, სომხეთის მეფეს, შეუკავშირდა. ამ გარემოებას დიდი მნიშვნელობა ჰქონდა, ჯერ ერთი იმიტომ, რომ არტაგს 70000 კაცის იარაღ ქვეშ დაყენება შეეძლო; ამას გარდა მისი რჩევით ალბანიის მეფეც ამ კავშირს შეუერთდა, ასე რომ მითრადატე ხელახლა საშიშ ძალად გარდაიქცა. იმ დროინდელი ქართველები ძალიან კარგ მებრძობად ითვლებოდნენ, რასაც თვითონ რომაელი მწერლები აღნიშნავენ. სწორედ ამ დროს ლუკულუსი უკან გაიწვიეს და მის ადგილას პომპეიუსი დანიშნეს, რომელმაც ჯერ მითრადატე დაამარცხა და პონტოს სამეფო ტახტზე მისი შვილი ფარნაჯომი აიყვანა, შემდეგ სომხეთი დაიმორჩილა და ბოლოს საქართველოსაკენ წამოვიდა. აქ არტაგმა მას დიდი ბრძოლა გაუმართა, რომელიც ქართველების დამარცხებით დასრულდა. პლუტარქის სიტყვით, ამ ბრძოლამ 1000 ქართველი შეიწირა,

ხოლო 9000 ტყვედ იქმნა წაყვანილი. არტაგი იძულებული შეიქმნა ზავით შეეკროდა პომპეიუსს, რომელიც ეხლა კოლხიდიხაკენ დაიძრა, დაიპყრო იგი, მმართველად არისტარქო დააყენა და იქიდან აფხაზეთით დიოსკურიას მიაშურა, რომელსაც დამარცხებულმა მითრადატემ თავი შეაფარა; მაგრამ იგი იძულებული შეიქმნა, უკან გამობრუნებულიყო, რადგანაც ჯერ ერთი, საქართველოს ტომებთან ომმა საკმაოდ დაასუსტა და მეორე აღბანიის აჯანყება შეიტყო. დააწყნარა თუ არა აღბანია, იგი ჰელეზის, ლეკებისა და ჰირვანელების წინააღმდეგ წავიდა, გაიარა სომხეთი და სირიას გადავიდა, სადაც მას მითრადატეს სიკვდილის ამბავი მოუვიდა, რომელსაც თავის შვილის მიერ ალყა შემოორტყმულს პანტიკაპეას სსახლგში თავი მოეკლა.

სირია დანაწილებული და დასუსტებული იყო და პომპეიუსმა იგი რომის პროვინციად გამოაცხადა. წინააღმდეგობა მხოლოდ იუდეელებმა გაუწიეს, მაგრამ ესენიც დასუსტებულნი იყვნენ ფარისეელებისა და სადუკეელების ბრძოლის გამო, და იძულებულნი შეიქმნენ, პომპეიუსს დანებებულიყვნენ.

პომპეიუსმა თავის გემოზე მოაწყო აღმოსავლეთის საქმეები: ზოგი სამთავრო მოსპო, ზოგი გაადიდა; საერთოდ-კი ყველა მთავარს შორის ურთიერთისადმი მტრული განწყობი-



ტრიუმფი.

ლება შეჰქმნა და იგინი ურთიერთს დარაჯად დაუყენა. პონტოს სამეფო ბითინიისას შეუერთა, ხოლო ფარნაჯომს კიმერიელი ბოსფორი დაუტოვა. თვით რომის საკუთარი მიწებიდან ხუთი პროვინცია შეჰქმნა: აზია, ბითინია და პონტოსი, კილიკია, სირია და იუდეა, კრეტა. 61 წელს პომპეიუსი რომს დაბრუნდა, მან არაჩვეულებრივი ტრიუმფი გადაიხადა, მაგრამ მაინც სჩანდა, რომ მისი როლი გათავებული იყო.


რომი პომპეიუსის აზიიდან დაბრუნებამდე. რომის მდგომარეობა იმ ხანებში საგრძნობლად შეიცვალა. სახელმწიფოს სათავეში სულას რეფორმების მოსპობამდი სენატი იდგა. მაგრამ მის სხდომებს მხოლოდ წევრთა მცირე ნაწილი ესწრებოდა. ამის გამო სახელმწიფოს ბედი მხოლოდ რამდენიმე პირის სურვილისა და შეზღუდულების მიხედვით წყდებოდა: რომში ნამდვილი ოლიგარქია დამკვიდრდა, რომელიც გაცილებით უფრო თავისი პირადი უზრუნველობის შესახებ ფიქრობდა, ვიდრე სახელმწიფოს ინტერესების შესახებ დემოკრატიული პარტია სულას რეფორმებმა იმდენად დაასუსტა, რომ მისი გამობრუნება ძნელი შეიქმნა. სამაგიეროდ განსაკუთრებით დიდი მნიშვნელობა ჯარმა მოიპოვა, სადაც საზოგადოების გაღატაკებული ელემენტები ერთადერთ თავშესაფარს პოულობდნენ. ასეთები კი იმდროინდელ იტალიაში მრავალნი იყვნენ; საქმე ის არის, რომ მოკავშირეთა ომმა, მონათა აჯანყებამ, შინაურმა სამოქალაქო ომებმა. განსაკუთრებით სულას პროსკრიფციებმა, და, დასასრულ, მსხვილი კაპიტალის გაძლიერებამ იტალია ძლიერ ჩამოაქვეითეს: მრავალი პირი გაღატაკდა, ქალაქის პროლეტარიატის რიცხვი საშინლად გაძლიერდა, მცირე შესაკუთრეობა კიდევ უფრო დასუსტდა და ლატიფუნდიებმა და მონათა მეურნეობამ ფართო ფრთა გაშალეს. უამრავი გაღატაკებული ხალხი ახალსა და ახალს მოთხოვნილებებს უყენებდა სახელმწიფოს, რომლის დაკმაყოფილებაც მას არ შეეძლო; ჯარის შემწეობით კი, რომლის შემადგენლობაც ასეთი ელემენტებისაგან იესებოდა, მას ძალა შესწევდა, სახელმწიფო ცხოვრებაზე გადამწყვეტი

გავლენა მოეხდინა. მაგრამ ჯარს თავისი სარდალი ჰყავდა, რომელზეც დამოკიდებული იყო თვით ჯარისკაცების მდგომარეობა. ამიტომ წინანდელი დემავაგის ადგილი სარდალმა დაიჭირა, რომლის მოქმედებაზეც ეხლა მთელი სახელმწიფოს ბედი შეიქმნა დამოკიდებული.

კათილანას შეთქმულება. გაძლიერებული კაპიტალიზმის ბატონობის გამო, ერთის მხრივ, და შინაური სამოქალაქო ომების გამო, მეორეს მხრივ, რომში მრავალი წარჩინებული წოდების შვილნიც დაღარობდნენ. მათი ერთად-ერთი იმედი ეხლა რაიმე სახელმწიფო თანამდებობის მიღება იყო, რომელიც მათ რომის რომელისამე პროვინციის ექსპლოატაციის საშვალებას მისცემდა და ამგვარად საქმეს გაუსწორებდა. ასეთი პირი მრავლად იყო რომში, და აი განსაკუთრებით მათ შორის სხვა-და-სხვა გვარი ფარული საზოგადოებები გაფრცვლდა, რომელნიც აღნიშნული მიზნებისათვის მუშაობდნენ. ერთ-ერთს ასეთს საზოგადოებას სამოციან წლებში არისტოკრატი სერგიუს კათილინი უდგა სათავეში. მას მრავალი მიმდევარი ჰყავდა, რომელთა დახმარებითაც მას კონსულად არჩევა ეწადა. მაგრამ არჩევნებზე იგი დამარცხდა. და მის მაგიერ მარკუს ტულიუს ციცირონი იქმნა არჩეული (63 წ.).

ციცირონი მხედართა წოდების შთამომავალი იყო და 106 წ. დაიბადა. თავისი მოღვაწეობა ვექილობით დაიწყო და პირველ ხანებში სახალხო პარტიას ეკუთვნოდა. მაგრამ როდესაც მისი კანდიდატურა კონსულის თანამდებობაზე კათილინას წინააღმდეგ იქმნა წამოყენებული და ოლიგარქებმა მას დაუჭირეს მხარი, იგი ოპტიმატების პარტიას მიეკედლა და მთელი თავისი შემდეგდროინდელი მოღვაწეობა სენატის ინტერესებს დაუჭევმდებარა. ციცირონის პოლიტიკური მოღვაწეობა არც ისე მნიშვნელოვანი იყო; სამაგიეროდ ძალიან დიდი მნიშვნელობა მის ლიტერატურულ მოღვაწეობას ჰქონდა: მისი სიტყვები, ერთის მხრივ, და მისი ფილოსოფიური და რეტორიული ნაწერები, მეორეს მხრივ, დიდს გავლენას ახდენდნენ რომის მწერლობაზე: რომის პროზის შექმნელად და ორიგინალური მხატვრული მწერლობის მამამთავრად ციცირონი ითვლება.

კათილინამ გადაწყვიტა, ძალით ჩაეგდო ხელში ძალაუფლება, და ამისათვის მზადება დაიწყო. მაგრამ ციცირონმა



ციკერონი (რომის ვატიკ. მუზეუმში)

შეთქმულება აღმოაჩინა, მეთაურები დაატუსაღა და, სენატის გადაწყვეტილების თანახმად, სიკვდილით დასაჯა. თვით კატილინა-კი რომიდან გაიქცა და თავისი ჯარით ციზალპინის გალიისაკენ წავიდა, მაგრამ აქ მას რომის კონსული შეხვდა, რომელმაც მას ბრძოლა გაუმართა. კატილინას ჯარი დამარცხდა, ხოლო თვითონ კატილინა მოკლულ იქმნა.

ბ. კეისრის მოღვაწეობა.

გაიუს იულიუს კეისარი. ამ დროს რომში განსაკუთრებით დიდ როლს კრახუსი და იულიუს კეისარი ასრულებდენ. კრახუსი მომპიეუსს არასდროს არ შერიგებია და ამ უკანასკნელის აღმოსავლეთში ყოფნის დროს მის წინააღმდეგ მუშაობდა. იგი ახალგაზრდა კეისარს დაუახლოვდა, რომელმაც შემდეგ დიდი როლი შეასრულა, და მასთან ერთად კატილინას შეთქმულებით გამოწვეული ანარქიით სარგებლობას ლაშობდა. კეისარი მარიუსის ნათესავი იყო და სულას დიკტატორობის დროს ჯარში მსახურობდა. როდესაც სულა გარდაიცვალა, იგი პოლიტიკურ ასპარეზზე გამოვიდა და თავისი მჭერმეტ-

ყველობითა და ხალხის გულის მოსაგებად მოწყობილი ზეიმებით საერთო ყურადღება დაიმსახურა. იგი დემოკრატიულ პარტიას მიემხრო და კრასუსთან ერთად ძალაუფლების ხელში ჩაგდებას ლამობდა. მაგრამ ყველაზე უფრო საშიშად არა თუ მას, სენატსაც მომპიუსი მიაჩნდა, რომელმაც თავისი საქმეები აღმოსავლეთში სწორედ ახლა დაასრულა და თავისი სახელოვანი ჯარით შინ ბრუნდებოდა.



იულიუს კეისარი (ნეაპოლში).

პირველი ტრიუმვირატი (60 წელს). ყველანი და განსაკუთრებით სენატი გულის ფანჯალით ელოდა პომპეიუსის დაბრუნებას. საქმე ის არის, რომ სენატმა, რომელშიც დიდ როლს უმცროსი კატონი ასრულებდა, ეს უკანასკნელი პატიოსანი წარმომადგენელი ძველი რესპუბლიკის ინტერესებისა, უარპყო პომპეიუსის მომხრეების წინააღმდეგ შესახებ მისი 61 წლისთვის კონსულად არჩევისა და მისი ჯარის რამდენიმე ხნით შენახვისა. პომპეიუსმა ეს იცოდა, მაგრამ ამის მიუხედავად, გადმოვიდა თუ არა ბრუნდიზიუმში, ჯარი მაშინვე დაითხოვა, როგორც ამას კანონი მოითხოვდა. ამ გარემოებამ პომპეიუსი ერთბაშად უმნიშვნელო პირად გარდააქცია, რომლისაც აღარავის ეშინოდა, და ამიტომ სენატმა არც ერთი მისი აღმოსავლეთის მოსაწყობად მიღებული განკარგულება არ დაამტკიცა და არც მისი ყოფილი ჯარისკაცები (ვეტერანები) დააკმაყოფილა. პომპეიუსი ნანობდა ჯარის დათხოვნას, მაგრამ გვიანლა იყო.

ამასობაში იულიუს კეისარი, რომელიც ისპანიაში იყო პრეტორად, სამშობლოში დაბრუნდა და კრასუსსა და პომპეიუსს საიდუმლოდ შეუთანხმდა საერთო მოქმედებისა და

ქვეყნის ბატონობის განაწილების შესახებ. ეს იყო ე. წ. პირველი ტრიუმფირატი, რომლის პირობების მიხედვითაც კეისარი 59 წლის კონსულად უნდა აერჩიათ და შემდეგ რომელი-სამე პროვინციის მმართველად გაეგზავნათ; პომპეიუსის ვეტერანებს მიწები უნდა დარიგებოდათ და ყველა ის განკარგულებანი დაემტკიცებიათ, რომელნიც პომპეიუსმა აზიაში მოახდინა. ამის გარდა, კავშირის განსამტკიცებლად კეისარმა თავისი ქალი იულია პომპეიუსს მიათხოვა. მიუხედავად ოპტიმატების წინააღმდეგობისა, კეისარი მართლაც კონსულად იქნა არჩეული, და იგიც ენერგიულ მოქმედებას შეუდგა. მან სრულიად გვერდი აუარა სენატს და ყველაფერს სახალხო კრების საშუალებით სწყეტდა. თანახმად დაპირებისა, მან დაამტკიცებია სახალხო კრებას პომპეიუსის განკარგულებანი აზიაში და მიაღებია აგრარული კანონი, რომელიც უმთავრესად პომპეიუსის ვეტერანების დასაკმაყოფილებლად იყო განზრახული. სენატმა წინააღმდეგობის ვაწევა სცადა, მაგრამ კეისარმა თავიდან მოიშორა ორივე მნიშვნელოვანი ძალა სენატისა, კატონი, რომელიც განსაკუთრებული დავალებით კვიპროსზე გაგზავნა, და ციცერონი, რომელიც რომიდან გადაასახლა, და გამოარჯვება მის მხარეზე დარჩა. იქვე, სახალხო კრების დადგენილების თანახმად, კეისარს ციხალპინის გალია მიეცა სამართავად და იქაური ჯარის მთავარსარდლობა დაეკისრა. სენატმა თავის მხრივ ციხალპინისას ტრანსალპინის გალია დაურთო, ე. ი. ეხლანდელი სამხრეთი საფრანგეთი, რათა შემდეგში მისი ჩამორთმევის უფლება თავისთვის დაეტოვებია.

ამის შემდეგ პომპეიუსი და კრასუსი ხელახლა შეუთანხმდნენ კეისარს, და პირველმა ისპანია მიიღო, ხოლო მეორემ — სირია. პომპეიუსი ისპანიაში არ წასულა, იქ მან თავისი წარმომადგენლები (ლეგატები) გაგზავნა, ხოლო თვითონ ოპტიმატებს დაუახლოვდა და ერთხანს თითქმის სრული დიკტატორული ძალაუფლება მიიღო; კრასუსი-კი, რომელიც ასედაც ძლიერ მდიდარი იყო (მისი ფული თვითონ სენატსაც-კი ემართა) დაუყოვნებლივ გაემგზავრა სირიას და აქ თავისი ქონების

გასაძლიერებლად მუშაობდა. როგორც ვიცით, იმ ხანებში აღმოსავლეთში განსაკუთრებით ძლიერ ხალხად პართები ითვლებოდნენ. კრასუსმა ომი დაიწყო მათთან, წააგო ბრძოლა და მოკლულ იქმნა. ამგვარად, ტრიუმვირატი დაიშალა: კრასუსი აღარ იყო, პომპეუსი კეისარის მტერს სენატს შეუთანხმდა, ხოლო თვითონ კეისარი განმარტოებული დარჩა.

კეისარი გალიაში (58—49). გალიის მოსახლეობას კელტები ანუ გალები შეადგენდნენ, რომელნიც ხალხთა ინდოევროპიულ ჯგუფს ეკუთვნიან და უხსოვარი დროიდან აქ ცხოვრობდნენ. მათი რიცხვი დაახლოებით რვა მილიონს უდრიდა. იგინი რომში სასტიკ მემორებად იყვნენ ცნობილნი. მათი იარაღი დაახლოვებით ისეთი იყო, როგორც რომაელების. სამაგიეროდ პოლიტიკურად გაერთიანებულნი არ იყვნენ. თითოეული ტომი ცალ-ცალკე თემებად იყოფოდა და დამოუკიდებელ ცხოვრებას ეწეოდა. საერთო საქმეებს მდიდართა საბჭოები განაგებდნენ, რომელნიც ერთის წლის ვადით ე. წ. **ვერგობრეტს** ანუ მოსამართლეს ნიშნავდნენ. ვერგობრეტის ძალა-უფლება რომის კონსულისას წააგავდა. ზოგიერთ თემში არსებული წესწყობილების წინააღმდეგ დემოკრატიული მოძრაობა წარმოებდა, რომელსაც სათავეში რომელიმე პატივმოყვარე შეძლებული პირი უდგა. გალიაში ღარიბი ხალხის რიცხვი ძალიან დიდი იყო; იგი ამა თუ იმ შეძლებულისა და ძლიერი პიროვნების მფარველობას ეძიებდა, ეკვროდა მას ფიცით, მასთან იყოფდა ჭირსა და ლხინს და მის ჯარში სამსახურს ივალებდა. მდიდრები, რომელნიც მეტი ძალა-უფლებისაკენ მიისწრაფოდნენ, სარგებლობდნენ ასეთი მდგომარეობით და თავის გარშემო მეტად თუ ნაკლებად მნიშვნელოვან ძალას ჰკრებდნენ. ასეთი პირები არსებული წესწყობილების დამხობას და თავის გაბატონებას ესწრაფოდნენ, ერთმანეთს შორის-კი მუდმივი ჭიშპობა და შეურიგებელი მტრობა ჰქონდათ.

ეს იყო მიზეზი, რომ გალია ძლიერ დასუსტებული იყო, და მისი დაპყრობა რომისთვის ადვილი შეიქმნა. სამაგიეროდ, კელტების ერთობის იდეის წარმომადგენლად მათი სამღვდე-



ლოება ე. წ. დრიუდები ითვლებოდნენ. უმათოდ არც ერთი სახალხო კრება არ ხდებოდა და, ამას გარდა, მთელი ვალიის დრიუდები საერთო კრებებსაც მართავდნენ. მათი გავლენა ხალხზე დიდი იყო, რადგანაც ღმერთებსა და ხალხს შორის შუამდგომლებად იგინი ითვლებოდნენ. ვალების სარწმუნოება ბუნების ძალთა გაღმერთებაზე იყო დაყრდნობილი და, თითოეული თემის კერძო ღმერთებს გარდა, საერთო ღმერთებსაც სცემდნენ თაყვანს.

ვალიაში ვაქრობაც წარმოებდა, რამდენიმე ქალაქი არსებობდა და ზოგ ტომს გემებიც ჰყავდა. მთავარი საქმე ვალებისა-კი მესაქონლეობა და მიწის დამუშავება იყო. წერაკითხვა ვალიაში ახალი შემოღებული იყო: ბერძნების მახლობლად ბერძნულ ანბანს ხმარობდნენ, ხოლო რომაელების მეზობლად — რომაულს.

როდესაც ვალიაში კეისარი გამოცხადდა, ეს ქვეყანა შინაური განხეთქილების გამო მეტად დასუსტებული იყო, და თუმცა კეისარს წლეგიონზე მეტი იქ არას დროს არ ჰყოლია, იგი მაინც მხნედ შეუდგა მისი დამორჩილების საქმეს. მისი მიზანი აქ ორგვარი იყო: პირველი — ვალიის სრული დამორჩილება, და მეორე — ომებში გამოწვრთნილი ჯარის შექმნა, რომელიც მას რომში გასაბატონებლად უნდა გამოდგომოდა. სულ რვა წელიწადი შეიქმნა საქირო, რომ კეისარს ორივე ეს მიზანი განეხორციელებია.

პირველად მას ჰელვეტებთან მოუხდა შეტაკება, რომელთაც თავისი საშობლო (შვეიცარია) მიეტოვებიათ და ვალიაში შემოჭრილიყვნენ. კეისარმა იგინი დაამარცხა და უკანვე განდევნა. განსაკუთრებით სახიფათო იყო მისი ბრძოლა გერმანელ ტომებთან, რომელთაც არიოვისტის მეთაურობით რენი გადმოლახეს და ვალიას შემოესივნენ. კეისარმა არა თუ უკანვე გააბრუნა იგინი, არამედ თვითონ გადავიდა რენის მეორე მხარეზე და გერმანელ ტომებს შიშის ზარი დასცა. უფრო ადვილი იყო ვალების მცირე ტომების დამარცხება; ხოლო როდესაც ვალიაში პუბლიკანები გაჩნდნენ და თავისე-

ბური მოღვაწეობა დაიწყეს, მთელი გალია გაერთიანდა და მძლავრი აჯანყება მოაწყო, მაგრამ კეისრის სამხედრო გენიოსობის წინაშე გალების მამაცობა უნაყოფო აღმოჩნდა, და მათი წინამძღოლი ვერცინგეტორიგსი იძულებული შეიქმნა კეისრის წინაშე თავისი ნებით გამოცხადებულიყო და მორჩილების ნიშნად თავისი ხმალი, შუბი და მუხარადი მის წინ დაემხო. იმ დროიდან დაწყებული რომის გავლენამ გალიაში თანდათან მოიკიდა ფეხი და მალე მთელი ეს ქვეყანა წმინდა რომაულ პროვინციად გახდა. აღსანიშნავია, რომ კეისარი თავისი გალიაში ყოფნის დროს ბრიტანიაშიც გადავიდა და რომის იარაღის შიში იქაც გაავრცელა.



რეინის გადალახვა კეისრის დროს.

კეისრისა და პომპეიუსის ბრძოლა. კეისარმა მეორე მიზანსაც საეცებით მიადწია. მისი ჯარი რვა წლის განუწყვეტელი ომების გამო იშვიათად გაიწრთენა და თავისი სარდალი შეიყვარა: იგი მზად იყო, მისთვის თავი დაედო. პომპეიუსი ხედავდა, რომ თუ კეისარს ამ ძალას ხელიდან არ გამოაღლიდა, მისი სრული გაბატონება რომში აუცილებელი იყო, და ამიტომ მან წინადადება მისცა სენატს, კეისრისათვის ჯარის დათხოვა მოეთხოვა. კეისარი მიხვდა, რომ სენატის ბრძანების ასრულებით იგი თვითონ დაარღვევდა იმ საქმეს



რომელსაც ამდენი ხნის განმავლობაში ემსახურებდა და სენატს უარი შეუთვალა. მან იცოდა, რომ ამით რომს ომს უცხადებდა, მაგრამ იმედი ჰქონდა როგორც თავისი ჯარის, ისე რომაელების კეთილგანწყობილებისაც და, მიუხედავად სენატის მუქარისა, რომ მას საშობლოს მტრად გამოაცხადებდნენ, შეჰკრიბა ჯარი ციხალპინის გალიაში და შემდეგ, მასთან ერთად, საზღვარი, მდ. რუბიკონი გადალახა (*alia iacta est*) და იტალიაში შეიჭრა. მისი ლოზუნგი იყო: განთავისუფლება ხალხისა სენატის ბატონობისაგან და დემოკრატიული წესების აღდგენა. სენატი და პომპეიუსი სრულიად არ ფიქრობდნენ, რომ საქმე ასეთ მიმართულებას მიიღებდა და საომრად მომზადებულნი არ იყვნენ. ამიტომ იგინი ისე სწრაფად გაიქცნენ რომიდან, რომ სახელმწიფო ხაზინის თან წაღებაც-კი ვერ მოასწრეს. სულ მოკლე ხნის განმავლობაში რომი და მთელი იტალია კეისრის ხელში იყო. პომპეიუსი-კი აღმოსავლეთისაკენ გაიქცა, სადაც იგი კეისრის საწინააღმდეგოდ აჯანყების მოწყობას აპირებდა. ამას გარდა ფლოტი მის ხელთ იყო და იმედი ჰქონდა, რომსა და იტალიაში ზღვით არაფერს შეუშვებდა და ქვეყანას დაამშვედა. მაგრამ კეისარს ყოველთვის სწრაფი მოქმედება უყვარდა: იგი ჯერ ისპანიაში წავიდა, სადაც პომპეიუსს ჯარი ჰყავდა, რათა აქ, როგორც თვითონ სთქვა, „უსარდლო ჯარი დაემარცხებია“ და შემდეგ პომპეიუს დაედევნა, რათა ეხლა „უჯარო სარდალი დაემარცხებია“. 48 წელს ფარსალთან (თესალიაში) მოხდა ბრძოლა, რომელიც კეისრის სრული გამარჯვებით დასრულდა. პომპეიუსი ეგვიპტეს გაიქცა, მაგრამ აქ იგი, კეისრის გულის მოსაგებად, ვერაგულად მოჰკლეს. ასე დასრულდა ამ კაცის ცხოვრება, რომელსაც ბედმა გაცილებით მეტი როლის შესრულება დააკისრა, ვიდრე ძალები მისცა; სამაგიეროდ, ეს ბედი მას მუდამ ეხმარებოდა და ჩვეულებრივი, არც თუ ისე დიდი ნიჭის კაცი, ისტორიულ პიროვნებად გახადა.

რამდენიმე ხნის შემდეგ კეისარი ეგვიპტეში ჩავიდა, და როდესაც პომპეიუსის ვერაგული მკვლელობის ამბავი გაიგო,

მისი საპატიოდ დასაფლავება ბრძანა. თვითონ-კი ეგვიპტის შინაურ საქმეებში ჩაერია, რომელიც უკანასკნელი მფუფუნის შვილების, პტოლომეოსისა და კლეოპატრას მეტოქეობის გამო ძლიერ აწეწილ-დაწეწილი იყო. ორივე მოწინააღმდეგე საომრად ემზადებოდნენ, მაგრამ კეისერმა სადავო საკითხი მათი მამის ანდერძის თანახმად გადაწყვიტა, რომლის მიხედვითაც სამეფო ტახტზე ორივე და-ძმა უნდა ასულიყო, და რომის სენატის მფარველობის ქვეშ ქვეყნისთვის ეპატრონებიათ. მაგრამ კეისრის წინააღმდეგ ქალაქ ალექსანდრიის მცხოვრებნი აჯანყდნენ, და მას რომ მოულოდნელად დამხმარე ჯარი არ მოსვლოდა, ნამდვილად დაღუპავდნენ. მაგრამ გამარჯვება მაინც კეისარს დარჩა, და მან სამეფო ტახტზე კლეოპატრა აიყვანა, რომელსაც რომის სენატის უმაღლესი მფარველობის ქვეშ უნდა ემეფა.

დასავლეთში კიდევ არ იყო საქმე დამთავრებული, და კეისარი უკანვე უნდა დაბრუნებულიყო, მაგრამ მითრადატეს შვილი, ფარნაჯომი, რომელიც ხელახლა ძლიერი სამეფოს შექმნას აპირებდა, რომაელებს ეომებოდა. კეისარმა სწრაფად დაამარცხა იგი (veni, vidi, vici) და რომისკენ გაბრუნდა.

აქ მისი მოწინააღმდეგენი ჯერ კიდევ ძლიერნი იყვნენ: რესპუბლიკანელი ოპტიმატები და მათ შორის კატონ უმცროსი აფრიკაში, ნუმიდის მეთევსთან ერთად, საბრძოლველად ემზადებოდნენ. ხოლო პომპეიუსის შვილებს დიდი ჯარი შეეკრიბათ ისპანიაში და გამაგრებულიყვნენ. კეისერმა ჯერ რესპუბლიკელები დაამარცხა მათ მოკავშირესთან, ნუმიდის მეთევსთან ერთად, და ნუმიდია რომის პროვინციად გამოაცხადა; კატონ უმცროსმა რესპუბლიკის დამხობის დანახვას საკუთარი სიკვდილით აჩრია და ქ. უტიკაში თავი მოიკლა. შემდეგ კეისარი ისპანიას მიუბრუნდა და კორდოვას ახლოს მუნდასთან 45 წელს რესპუბლიკანელთა უკანასკნელ ძალებს დაეჯახა, 30000 კაცი ბრძოლაში დახოცა და გამარჯვებული რომს დაბრუნდა. ახლა მას მოწინააღმდეგე აღარავინ ჰყავდა.

და რომის ბატონპატრონობაში აღარავინ ეცილებოდა. არსებითად იგი მონარქი იყო, და, მაშასადამე, რესპუბლიკის მონარქიად გარდაქმნა სწორედ ამ ხნიდან უნდა ითვლებოდეს.

გამარჯვების მიზეზები. რა იყო ასეთი ცვლილების მიზეზი, ამის გათვალისწინება ადვილია. რომის მსოფლიო სახელმწიფოდ გარდაქცევამ, ამასთან დაკავშირებულმა მსხვილი ვაჭრობისა და წარმოების გაფართოებამ და მონათა რიცხვის გამრავლებამ საზოგადოების ერთის ნაწილის უსაზღვრო გამდიდრება და მეორე უდიდესი ნაწილის ვალატაკება გამოიწვია. ამგვარად, საშუალო და წვრილი მესაკუთრეობის დასუსტებამ და თითქმის სრულმა მოსპობამ მარიუსის ჯარის რეფორმა წარმოშვა, რამაც საზოგადოების ვალატაკებულ ნაწილს არსებობის მთავარი წყარო შეუქმნა. ხალხის უდიდესი ნაწილის ბედი ამგვარად ჯარის წინამძღოლების ბედს დაუკავშირდა და წინანდელი პარტიული ბრძოლა დემოკრატიათა და არისტოკრატიათა შორის ჯარსა და სენატს შორის ბრძოლად გარდაიქცა. ამ ბრძოლაში, რა თქმა უნდა, ჯარს უნდა გაემარჯვებია; ეს-კი არსებითად ჯარის მთავარსარდლის გამარჯვებას და, მაშასადამე, მის სრულ გაბატონებას ნიშნავდა. ამიტომ იყო, რომ შემდეგში, როდესაც რომში მონარქია საბოლოოდ დამკვიდრდა, მონარქებს „იმპერატორებს“ უწოდებდნენ. ეს პროცესი მარიუსმა დაიწყო, სულამ და პომპეიუსმა განაგრძეს და კეისარმა თითქმის დაასრულა. აღსანიშნავია, რომ არისტოკრატი სულაც ამ ძალას ეყრდნობოდა, მაგრამ კიდევ უფრო აღსანიშნავია, რომ სულა, აღადგინა თუ არა ძველი არისტოკრატიული რესპუბლიკა, პოლიტიკურ მოღვაწეობას ჩამოშორდა. აქ თითქოს ის ფაქტი გამომქლავნდა, რომ არისტოკრატიული რესპუბლიკის მომხრეობა და ჯარის-უფროსობა ერთსა და იმავე დროს რომში შეუძლებელი საქმე იყო. სულას რომ თავისნებით არ დაენებებია თავი პოლიტიკურ მოღვაწეობისათვის, იგი, სულ ერთია, აღრე თუ გვიან მაინც იძულებული შეიქმნა

ნებოდა, ან ჯარის ღალატის გამო სრულიად დამარცხებულიყო, ან და ისეთი ზომები მიეღო, რომელიც არსებითად დემოკრატიული ხასიათის იქმნებოდა; ჩვენ ვიცით, რომ შის რეფორმათა შორის დემოკრატიულ ზომებსაც ჰქონდა დათმობილი არა მცირეოდენი ადგილი.

კეისრის ბატონობის ხანა. 46 წელს კეისარი დიქტატორად იქმნა არჩეული, ჯერ ათი წლის ვადით, შემდეგ სამუდამოდ. იგი ენერგიულად შეუდგა საკანონმდებლო მოღვაწეობას და უწინარეს ყოვლისა თავისი ვეტერანების დასაკმაყოფილებლად ახალშენთა კანონი გაატარა, რომლის ძალითაც არა თუ მთელ იტალიაში, არამედ თითქმის ყველა პროვინციაშიც თავისი ვეტერანების ახალშენები მოაწყო: 80000 მოქალაქე მარტო იტალიის გარედ დაასახლა და ამგვარად პროვინციათა რომანიზაციას მტკიცე საფუძველი ჩაუყარა. თვით ქალაქში ხალხის დასაწყნარებლად სახელმწიფო პურის დარიგების საქმეში წესიერება შეიტანა: იმ პირთა რიცხვი, რომელთაც პურის მიღების უფლება ჰქონდათ (ე. წ. ანონა), მან საგრძობლად შეამცირა. სამაგიეროდ იგი ცდილობდა, ღარიბი ხალხისათვის სამუშაო ეშოვნა და მონათა მეურნეობის შესაზღვდველად მამულის პატრონებს დაავალა, მუშათა მესამედი მინც თავისუფალ მოქალაქეთა წრიდან დაექირაფებიათ. ამას გარდა რომის გასამშვენებლად საზოგადო სა-მუშაოები მოაწყო და მრავალს მოქალაქეს საქმე გაუჩინა.

პროვინციელების დასაწყნარებლად კეისარმა მრავალს მათგანს სრული მოქალაქობრივი უფლებები მიანიჭა: ციზალპინის გალიაში ასეთი უფლებები მთელმა ოლქებმა მიიღო, ხოლო კერძო პირთაგან, ვინც-კი გონებრივი შრომით ცხოვრობდა (ექიმი, მასწავლებელი და სხვა) და რომში მოღვაწეობდა, ყველა სრულ მოქალაქეთა წრეში შეიყვანა. მაგრამ პროვინციებს განსაკუთრებით რომის მმართველთა თვითნებობა და ანგარება ავიწროებდა; ას გარდა არა ნაკლებ სამძიმო იყო მათთვის ის გარემოება, რომ სახელმწიფო გადასახადს პირდაპირ სახელმწიფო ხაზინას როდი აძლევ-



დენ, არამედ პუბლიკანებს, რომელთაც გადასახადების აკრეფა იჯარით ჰქონდათ აღებული. კისარმა ორსავე ამ გარემოებას სათანადო ყურადღება მიაქცია, ერთის მხრივ, პროვინციის მმართველნი სახელმწიფო კონტროლს დაუქვემდებარა და ვისაც თვითნებობას შენიშნავდა, სასტიკად სჯიდა; ხოლო, მეორეს მხრივ, გადასახადთა იჯარით გაცემის წესი მოსპო და მისი აკრება პირდაპირ თავის მოხელეთ დაავალა.

აღსანიშნავია აგრედვე, რომ რომში, დეცემვირთა დროიდან დაწყებული, დროის აღნიშვნის ერთეულად წინანდელი მთვარის წლის მაგიერ მზის წელი იყო შემოღებული, მაგრამ რადგანაც მზის წლის ხანგრძლივობა საკმაოდ გამოკვლეული არ იყო, აიტომ ზოგჯერ საჭირო იყო, წელიწადში შესაფერი ცვლილებები შეეტანათ. ამ საქმეს ლველმთავრები განაგებდენ, ლომელნიც ამა თუ იმ თანამდებობის პირის ინტერესების-და-მიხედვით ხან აგრძელებდენ წლის ხანგრძლიობას და ხან ამოკლებდენ. კეისარმა გადასწყვიტა, საქმის ეს მდგომარეობა ძირიანად მოესპო და ამ მიზნით რომის კალენდრის შესწორება მეცნიერს, სოზიგენს მიახლო; მან ე. წ. იულიანური კალენდარი შემოიღო, რომელსაც დღემდე ძველს სტილად სთვლიან (ვინაიდან 1582 წლიდან დაწყებული, თანახმად პაპის გრიგოლ XIII განკარგულებისა, ახალი შესწორებული აღრიცხვა შემოიღეს, რომელსაც გრიგორიანული კალენდარი („ახალი სტილი“) ეწოდება).

კეისარი განსაკუთრებით განათლებაზეც ზრუნავდა. იგი თვითონ ეწიოდა სამწერლო მოღვაწეობას. მისმა *Commentarii de bello gallico* რომის მწერლობის ისტორიაში საპატიო ადგილი დაიკავა; მეორე მხრივ მას განზრახვა ჰქონდა, რომში დიდი ბიბლიოთეკა დაეარსებია, რომელშიც რომაული და ბერძნული ხელთნაწერები უნდა დაეგროვებია, რაც აგრედვე მისი განათლებისათვის მზრუნველობის დამტკიცებელ საბუთად უნდა ჩაითვალოს.

ყველა ამ ზომების ცხოვრებაში გასატარებლად და სახელმწიფოში საბოლოოდ წესიერების ჩამოსაგდებად კეისარს მა-

რიუსსა და სულასავით თავის მოწინააღმდეგეთა სასტიკი დევ-
ნა და მათი ქონებისა და სიცოცხლის მითვისება საჭიროდ არ
მიიჩნდა. პირიქით, მოწინააღმდეგეთა დევნის მაგიერ მან
ამნისტია გამოაცხადა და ყველას სამშობლოში დაბრუნებისა
და მუშაობის უფლება მისცა. ძველი რესპუბლიკანური დაწე-
სებულებანი ხელუხლებელი დასტოვა, მაგრამ მათ ძველი
მნიშვნელობა დაუკარგა: სენატის წევრთა რიცხვი 900-მდე
აიყვანა და უმრავლესობა თავის მომხრეთაგან შეადგინა,
ასე რომ სენატი ყოველთვის მის ნებაზე მოქმედობ-
და; ხანდახან თვითონ აქვეყნებდა ე. წ. „**სენატუხ
კონსულტუსს**“ (სენატის გადაწყვეტილებას); მაგისტრატურები
ძველი დატოვა, მაგრამ მათ რიცხვის გამრავლების გამო ყვე-
ლას მნიშვნელობა დაუკარგა. ერთი სიტყვით, რესპუბლიკის
პოლიტიკური წესწყობილება გარეგნულად იგივე დარჩა, არსე-
ბითად-კი რომში ნამდვილი მონარქია დაწესდა. ამას შესაფერის
გამოხატულებაც მიეცა: რომის ფულებზე კეისრის სახე იყო ამო-
ჭრილი, ერთ-ერთი თვე მის სახელს ატარებდა, თვით კეისარი
სენატში ოქროს სვარძელში ჯდებოდა და საზეიმო შემ-
თხვევებში პორფირის მოსასხამით გამოდიოდა.

კეისარმა საგარეო პოლიტიკასაც სათანადო ყურადღება
მიაპყრო. ამ დროს გარეშე მტერთა შორის განსაკუთრებით
საშიშნი აღმოსავლეთში პართები შეიქმნენ, ხოლო ბალკა-
ნეთის მხრივ—ე. წ. გეტები. კეისარი მათ საწინააღმდეგოდ
აპირებდა გამგზავრებას, მაგრამ უეცრად და მოულოდნელად
44 წლ. 15 მარტს სენატის სხდომის დროს იგი მოკლულ
იქმნა. საქმე ის არის, რომ კეისრის რეჟიმით განსაკუთრებით
სენატი იყო უკმაყოფილო. იგი ხედავდა, რომ ძველი მნიშვ-
ნელობა დღითიდღე ხელიდან ეცლებოდა, რომ კეისარი მას
საჭირო პატივისცემით არ ეპყრობოდა, რომ მისი დიკტატურა
არსებითად სენატის მნიშვნელობის სრულს მოსპობას უდრიდა.
იყო შემთხვევები, რომელიც ბევრს იმის მომასწავებლად მია-

ჩნდა, თითქოს კეისარი სამეფო გვირგვინის შესახებ ოცნებობდა. ამასთან ერთად ასეთი ხმებიც-კი გავრცელდა: კეისარი სატანტო ქალაქის ალექსანდრიაში გადატანას აპირებსო. მის მომხრეთა შორისაც ბევრი იყო უკმაყოფილო: მათ არ მოსწონდათ, რომ კეისარი თავის მოწინააღმდეგეთ არ სდევნიდა და ბევრს მათგანს ძველი მდგომარეობა და უფლებებიც-კი აღუდგინა. მართალია მან იმ ხანებში გავრცელებული საიდუმლო საზოგადოებანი დახურა, მაგრამ მის წინააღმდეგ შეთქმულების მოწყობა მაინც მოხერხდა, რომელსაც მისი მეგობარი იუნიუს ბრუტუსიც შეუერთდა. საერთოდ შეთქმულობაში 60 სენატორი იღებდა მონაწილეობას. 15 მარტს სენატში კეისარს შეთქმულები შემოეხვედნენ გარს, ვითომ რაღაც თხოვნისათვის, ნამდვილად-კი თავისი განზრახვის სისრულეში მოყვანა ეწადათ. პირველი მახვილი კასკამ ჩაჰკრა მას გულში, და როდესაც კეისარმა ხანჯალ მომარჯვებული ბრუტუსიც დაინახა, მიამხა: „შენც, ბრუტუს!“ და წინააღმდეგობას თავი დაანება. შეთქმულებმა კეისარი სრულიად აკუწეს და თავისი განზრახვის სისრულეში მოყვანა ხალხს ამცნეს. მაგრამ ხალხი ამ ამბავს მტრულად შეხვდა.


კეისრის პიროვნება. „იულიუს კეისარი ერთი უდადეგი ბენიოსთაგანი იყო: დადებული და ჰირგვალხარისთვისანი ჰოლიტიკოსი, არაჩვეულებრივი ნიჭის სარდალი და დახელოებული მწერალი. ერთი სიტყვით კეისარი უველაფერი იყო, და მასზე უფრო ნიჭიერი ჰიროვნება ისტორიამ არ იცის. ძლიერი, ნათელი და მტკიცე გონება ჰქონდა, შორს გამჭვრეტი და გარემოებათა ამწონდამწონი შესანიშნავი სისწორით; თუ ფართო და დადებული განზრახვების შედგენა იცოდა, მისი ასრულების ნიჭიც ჰქონდა; ეთველთვის იცოდა, რა სურდა; და რაც სურდა, ასრულა კიდეც. კეისარი არ დაკმაყოფილებულა სიმხედრო ასპარეზზე ბრწინვადე გამარჯვებით; კეისარი მოკვდა, მაგრამ საქმენი მისნა მის შემდგომაც დიდხანს ცოცხლობდენ. რომის იმპერიის საძირკველი მან ჩაჰყარა; გამოსცა განხლება, რომელნიც იუსტინიანეს დროსაც ძალაში იუვნენ, და, რაც განსაკუთრებით მნიშვნელოვანია, რომაულ-ბერძნული კულტურის გაუფანას ახალი ფრცვლი ასპარეზი მოუშვა: რომაულ განათლებას

გალიისა და ისპანიის ბარბაროსები საბოლოოდ დაუმორჩილა და კულტურული განვითარების გზაზე დააყენა. და მთელი ამ უზარმაზარი საქმის შესრულება ოთხი-ხუთი წლის განმავლობაში მოასწრო, და ისიც ამ დროის სავსე შეთხუდა მოწინააღმდეგეთან ბრძოლაში გაატარა. კეისრის საქმიანობის სისწრაფე და სიადვილე სსწრულადაა იყო.

კეისარი საოცარი მიმზიდველობის მატრონი იყო, და ამ მიმზიდველობის ძალას იშვიათად თუ ვინმე გადაურჩებოდა მოუხიბლავი. ბუნებთ ფაქიზა იყო და ღირსებით აღსავსე, და ეს საფაქიზე და ღირსება იყო მისეზი, რომ კეისარი მტერს ნამდვილი. დიდსულოვნობით ეპურობოდა, თუ, რასაკვირველია, უკადურესი სჭირდება სიმკაცრეს არ მოითხოვდა. სულა სისხლით ვერ გაძდა გამარჯვების შემდეგ; ოქტავიუსი, კეისრის შემკვიდრე, შეუბრალეული იყო, კეისარი კი თავის სულგრძელობით უველას იზიდავდა. უველა ამის გამო კეისარი შეიძლება მთელ ისტორიაში უსრულეს კაცად ჩათვალოს (პროფ. გარო).

პარტიული ბრძოლა კეისრის სიკვდილს შემდეგ. კეისრის სიკვდილს შემდეგ რომში ისეთი გამოურკვევლობა დამყარდა, რომ არავინ იცოდა, რა ექნათ. ერთის მხრივ, კეისრის მომხრენი შურის საძიებლად ემზადებოდნენ, ხოლო მეორეს მხრივ, მისი მოწინააღმდეგენი ირახმებოდნენ. ამ მდგომარეობით ხელოვნურად ისარგებლა კონსულმა მარკუს ანტონიუსმა, რომელმაც ხელში ჩაიგდო კეისრის ქონება და ქალაქები, დანიშნა სენატის სხდომა და აქორ პარტიას შორის შერიგება მოახდინა: სენატმა დაამტკიცა კეისრის ყველა განკარგულება და კანონი, გადაწყვიტა მისი სახელმწიფოს ხარჯზე დამარხვა, და ამასთანავე მისი მკვლელების უფლებებიც აღადგინა. მაგრამ კეისრის დაკრძალვის დღეს ანტონიუსმა ძლიერი სიტყვა წარმოთქვა, სადაც იგი განსვენებულის მოღვაწეობას ეხებოდა და მისი ანდერძის შესახებ ისე ლაპარაკობდა, რომ აღშფოთებული ხალხი კეისრის მკვლელებს მიუცვივდა და რამდენიმე დღის შემდეგ აიძულა, რომიდან გაქცეულიყვნენ. ქალაქი ამის შემდეგ სავსებით ანტონიუსის ხელში გადავიდა. ასეთი

მოულოდნელი წარმატების უზრუნველსაყოფად ანტონიუსმა გადასწყვიტა, კეისრის მკვლელები, ბრუტუსი და კასკა თავისი მომხრეებით სრულიად მოესპო და რომში საბოლოოდ გაბატონებულიყო. ამ მიზნით მან 6000 მკველი გამოითხოვა და შეეცადა, დეციმუს ბრუტუსისათვის, კეისრის ერთ-ერთი მკვლელისათვის ციხალობის გარეშე წაერთმია. მაგრამ რომში სწორედ ამ დროს კეისრის მემკვიდრე, ახალგაზდა ოქტავიუსი დაბრუნდა, რომელიც სწავლის მისაღებად საბერძნეთში იყო გაგზავნილი.



მარკუს ანტონიუსი (ვატიკ. მუზ.)

მეორე ტრიუმვირატის ხანა.

გაიუს იულიუს კეისარი ოქტავიუსი კეისრის დისწულის შვილი იყო. კეისარმა იგი იშვილა და, როგორც ჩანდა, თავის მემკვიდრედ ამზადებდა. აგებულიებით ოქტავიუსი სუსტი იყო და ხშირად ავადმყოფობდა, მაგრამ, ბუნებრივ ნიქს გარდა, მას შვენიერი აღზრდა ჰქონდა მიღებული, და ძლიერ მალე იშვილათი პოლიტიკური შორსმჭვრეტელობა გამოიჩინა. ანტო-

ნიუსი მას მტრულად შეჰხვდა და კეისრის ქონების მემკვიდრეობაზე უარი უთხრა. ოკტავიუსი მომხრეებს ეძებდა: კეისრის ვეტერანები მის მხარეზე იყვნენ, ამას გარდა იგი ციცერონსაც დაუახლოვდა და მისი დახმარებით სენატის სრული ნდობა მოიპოვა. როდესაც ანტონიუსი თავისი გეგმის განსახორციელებლად ვალიას გაემგზავრა, სენატმა, ციცერონის წინადადების თანახმად, ანტონიუსს ბრძოლა გამოუქვანდა და მის საწინააღმდეგოდ გასაგზავნი ჯარის სარდლად ოკტავიუსი დანიშნა. ბრძოლა ანტონიუსის დამარცხებით დასრულდა, და ოკტავიუსმა ჯილდოდ კონსულობა მოითხოვა. სენატი მას არაფრად ავდებდა და ცივი უარი შეუთვალა. მაშინ ოკტავიუსმა სენატის მორჩილების ნიღაბი მოიხსნა და თავისი რვა ლეგიონით რომში შეიჭრა: ხალხმა იგი კონსულად აირჩია.

მეორე ტრიუმვირატი 43 წ. ამასობაში ანტონიუსმა საკმაოდ დიდი ჯარი შეჰკრიბა და საომრად მზადება დაიწყო. ოკტავიუსი უკვე აღრე შეუთანხმდა ანტონიუსს და მეორე კეისრის მიმდევართან, მისი ცხენოსანი ჯარის ყოფილ უფროს ლეპიდუსთან ერთად, მას კავშირით შეეკრა, რომლის მიხედვითაც ამ სამს პირს მთელი რომის ბატონ-პატრონობა ურთი-ერთ შორის ოფიციალურად ხუთი წლის ვადით უნდა გაენაწილებიათ. ეს კავშირი მეორე ტრიუმვირატის სახელით არის ცნობილი და, როგორც ოფიციალური კავშირი, პირველისაგან ძირითადად განსხვავდება: ტრიუმვირობა ეხლა თითქმის სახელმწიფო თანამდებობად გარდაიქცა, რომელიც თითოეულს მოკავშირეს განსაზღვრული ვადით სახელმწიფოს მართვაგამგეობის ნაწილს ანიჭებდა. პროვინციები ტრიუმვირებმა შემდეგნაირად გაინაწილეს: აფრიკა, სიცილია და სარდინია ოკტავიუსს მიეცა, ორივე ვალია—ანტონიუსს, ხოლო ისპანია და ნარბო—ლეპიდუსს. თავისი გადაწყვეტილება ტრიუმვირებმა სახალხო კრებას დაამტკიცებინეს და შემდეგ თავის მოწინააღმდეგეთა განადგურებას შეუდგნენ. მათი პროსკრიფციები სულასაზე უფრო შეუბრალებელნი იყვნენ, და მოკლე ხნის განმავლობაში რომში მეთოდური და სისტემატიური მკვლელობა გაამეფეს:



ორასი სენატორი (მათ შორის ცაცერონიც) და ორი-ათასი მხედარი შეუბრალებლად წუთისოფელს გამოასალმეს.

კეისრის ამ სამი მთავარი მემკვიდრის შეკავშირება იმ გარემოებაშიც გააადვილა, რომ რესპუბლიკის მომხრეებმა, კასიუსის და ბრუტუსის მეთაურობით, აღმოსავლეთში დიდძალი ჯარი შეაგროვეს და საომრად ემზადებოდნენ. მათი მთავარი ბაზისი მაკედონია იყო, და ოქტავიუსი და ანტონიუსი სწორედ აქეთ წამოვიდნენ. მთავარი ბრძოლა ფილიპისთან მოხდა, სადაც ბოლოს და ბოლოს ტრიუმფირებმა გაიმარჯვეს. კასიუსმა და ბრუტუსმა, კატონ უტიკელის არ იყოს, ორივემ თავი მოიკლა. ოქტავიუსი საშინელი სისასტიკით გაუსწორდა მტერს, სამაგიეროდ თავისი ჯარისკაცები მეფურად დაასაჩუქრა.

უკანასკნელი იმედი რესპუბლიკის აღდგენისა მოისპო, და ეხლა საკითხი ის-ღა იყო, ვის უნდა შერჩენოდა ბატონობა, ოქტავიუსს თუ ანტონიუსს?

ტრიუმფირატის დაშლა და ოქტავიუსისა და ანტონიუსის ბრძოლა ბატონობისათვის. ფილიპის ბრძოლის შემდეგ ანტონიუსი აღმოსავლეთში დარჩა და აქ ეგვიპტის საქმეებში გაერთო. იგი ძლიერ დაუახლოვდა თავისი მშვენიერებითა და მომზიბვლევლობით სახელგანთქმულს ეგვიპტის დედოფალს, კლეოპატრას, და მასთან განცხრომით ცხოვრებაში დროს ატარებდა. ოქტავიუსი კი პომპეიუსის შვილს, სექსტუსს ებრძოდა, რომელსაც ხმელთაშუა ზღვაზე ძლიერი ფლოტი ჰყავდა და რომს დამშევას უქადდა. ბრძოლაში გამარჯვება, როგორც იქმნა, ოქტავიუსს დარჩა, და სექსტუსი აღმოსავლეთისაკენ გაიქცა, სადაც იგი მოკლულ იქმნა.

მაგრამ სექსტუსის დამარცხებამ ლეპიდუსი გააძლიერა, რადგანაც მისი სიცილიის ჯარი ამ უკანასკნელს შეუერთდა. გათამამებულმა ლეპიდუსმა ოქტავიუსს სიცილიის დათმობა მოსთხოვა, მაგრამ ოქტავიუსმა არ დაუთმო და მთელი მისი ჯარი თავის მხარეზე გადმოიბირა. ლეპიდუსი იძულებული შეიქმნა, ოქტავიუსის მოთხოვნით ტრიუმფირობაზე უარი განეცხადებია და თავისი უფლებები მისთვის გადაეცა.

ოკტავიუსსა და ანტონიუს შორის შეტაკებას ეხლა წინ ვერაფერი დაუდგებოდა. მაშინ როდესაც ოკტავიუსს ნამდვილს სახელმწიფო მოღვაწეობას ეწეოდა, ყველგან წესიერებასა და მშვიდობიანობას ამყარებდა, ანტონიუსი თავის-სა და კლეოპატრას სიამოვნების მეტზე არაფერზე ზრუნავდა. მან იმდენი წინდაუხედავობაც კი გამოიჩინა, რომ თითქმის ყველა აღმოსავლეთის პროვინციები კლეოპატრასა და მის შვილებს დაურიგა, თითქოს რომი აღარც კი არსებობდა. ასეთი გიჟური საქციელი თვითონ ოკტავიუსისათვის ხელსაყრელი შეიქმნა: იგი ანტონიუსს ადრე თუ გვიან, სულერთია, უნდა შებრძოლებოდა, და ეხლა ამ ბრძოლის წარმოება მას რომის ინტერესების სახელით უხდებოდა, რასაც უკვე თავის თავად თითქმის გადამწყვეტი მნიშვნელობა ჰქონდა. გადამწყვეტი ბრძოლა აქციუმის კონცხთან მოხდა, რომელიც ოკტავიუსის გამარჯვებით დასრულდა (31 წ.). ანტონიუსმა და კლეოპატრამ ეგვიპტეს შეაფარეს თავი, ეხლა კლეოპატრა მხოლოდ იმაზე ფიქრობდა, თუ როგორ მოეშორებია თავიდან ანტონიუსი და ოკტავიუსს შერიგებოდა. მან მოტყუილებით შეატყობინა ანტონიუსს, თითქოს თავი მოიკლა; ნამდვილად კი ერთ-ერთ კოშკში დაიმალა: ამ ამბის გაგებაზე ანტონიუსმა თვითონ მოიკლა თავი. მაგრამ როდესაც კლეოპატრას ოკტავიუსის მოხიბვლის იმედი გაუცრუვდა, მანაც თავის მოკვლა გადაწყვიტა (ამბობენ, მხამიან გველს ძუძუზე აკბენია).

ამგვარად, რომის ერთად-ერთ ბატონად ოკტავიუსი შეიქმნა. მან დაასრულა ის პროცესი, რომელიც მარიუსის დროიდან დაიწყო და რომი მონარქიულ სახელმწიფოდ გარდაქცია.

VI

ივპარასტოკრატის ხანა რომში

მართალია, 30 წლიდან დაწყებული რომი მონარქიულ სახელმწიფოდ ითვლება, მაგრამ ნამდვილი მონარქია არსებითად 285 წლიდან ქრისტეს შემდეგ დაიწყო, როდესაც საიმპერატორად

ტორო ტახტზე დიოკლეტიანე ავიდა. მანამდე, მართალია, ძალაუფლების მატარებლად ყოველთვის იმპერატორი გამოდიოდა, მაგრამ ამ ძალაუფლებას იგი ხალხისაგან იღებდა და სახელმწიფოს სენატთან ერთად განაგებდა, რომლის გვერდითაც თითქმის ყველა ძველი მაგისტრატურა განაგრძობდა არსებობას. დიოკლეტიანეს დროიდან დაწყებული კი რომში ნამდვილი აბსოლუტური ერთმეფობა დამკვიდრდა. ამგვარად, რომის იმპერიის ხანა ორ ეპოქად იყოფა: რომი დიოკლეტიანემდე და რომი დიოკლეტიანეს შემდეგ.

A. რომის იმპერია 285 წლამდე ძ. შ.

1. ავგუსტუსი და მისი მმართველობა. მისი მემკვიდრენი. რომი ოკტავიუსის გაბატონების დროს.

სამოცი წლის განუწყვეტელმა საგარეომ და, განსაკუთრებით, საშინაო ომებმა სრულიად შეუცვალეს რომს სახე. თვით იტალია და რომი სავსებით გამოიცვალენ: წინანდელი არისტოკრატია ომებში ამოწყდა და მისი ადგილი ახალმა ხალხმა დაიკავა, რომელთა შორისაც მრავალი პროვინციელი გაჩნდა. იგივე ბედი ეწვია საერთოდ რომის მოქალაქეთა შემადგენლობასაც. მაგრამ კიდევ უფრო თვალსაჩინო ის ცვლილებები, იყვნენ, რომელნიც პროვინციამ განიცადა: აღმოსავლეთის პროვინციები თითქმის სრულიად გავერანბულნი იყვნენ; მრავალი ქალაქი ან სრულიად მოსპობილი ან გადატაკებული იყო, და ყველაფერი ეს შინაურისა და საგარეო ომების მიზეზით მოხდა. ასეთ პირობებში, ცხადია, ხალხს მშვიდობიანი და მოსვენებული ცხოვრება ენატრებოდა. მას აღარც თავი ჰქონდა აღარც ნება კვლავ სამოქალაქო ომების წარმოებისათვის. ოკტავიუსმა სწორედ ამ მშვიდობიანობის დამყარება დაისახა მიზნად, და ეს იყო მიზეზი, რომ მის ძალაუფლებას მტკიცე ნიადაგი მოუშალა.



ავუსტუსი (ვატიკ. მუზ.)

ოკტავიუსი, როგორც პრინციპსი. თავისი მიზნის განხორციელებას ოკტავიუსი თანდათანობით შეუდგა. რადიკალური ცვლილებების შემოღება სახელმწიფო მართვა-გამგეობის წესებში მას მიზან-შეუფერებლად მოიჩნდა. ამიტომ იგი ყოველთვის გაურბოდა ისეთი ნაბიჯების გადადგმას, რომელიც რომის ძველი წესწყობილების ღრმა ცვლილებას თვალსაჩინოდ გახდიდა: მიუხედავად მრავალგზის წინადადებისა, იგი არ თანხმდებოდა, თავისი ძალაუფლებისათვის მუდმივი ხასიათი მიეცა. თანდათანობით მან ისე მოაწყო საქმე, რომ მთელი ძალა-უფლება მისსა და სენატს შორის იქმნა განაწილებული. ამავე დროს ძველი რესპუბლიკანური მაგისტრატურები თითქ-

მის ყველა ხელუხლებელი დასტოვა, ასე რომ გარეგანი შეხედულებით რომში თითქოს ბევრი არაფერი შეცვლილა, ნამდვილად-კი მთელი სახელმწიფოს ფაქტიური ბატონ-პატრონი მარტო ოკტავიუსი იყო. ასეთი მდგომარეობა მან შემდეგის თანდათანობით შექმნა.

27 წელს ოკტავიუსმა უარი განაცხადა ტრიბუნის უფლებაზე, რომლითაც უკვე 15 წლის განმავლობაში სარგებლობდა. მაღლობის ნიშნად სენატმა ავგუსტუსის სახელწოდება შესთავაზა, და იმპერატორობის ხანაც რომში სწორედ ამ დროიდან იწყება. მაგრამ რაკი მთელი მისი ძალა ჯარზე იყო დაფუძნებული, აუცილებელი შეიქნა, რომ იგი მთავარ-სარდლადაც ანუ იმპერატორად დაენიშნათ და, ამას გარდა, მისთვის განაპირა პროვინციების მართვა-გამგეობაც გადაეცათ, სადაც ჯარები იყვნენ თავმოყრილნი. ამ სახით, სირია, გალია და ისპანია ყველა ოკტავიუსის ხელში გადავიდა. დანარჩენი პროვინციები-კი სენატს დაუბრუნდა.

ამგვარად, მთელი სახელმწიფო სენატსა და ოკტავიუსს შორის იქნა განაწილებული. გარდა სამხედრო უფლებებისა, ავგუსტუსმა სამოქალაქო ძალაუფლებაც თავის ხელში შეიერთა: 23 წ. ქ. მოსვლამდი მან უარი განაცხადა კონსულის უფლებებზე და ტრიბუნის თანამდებობა დაიკავა, რომელიც სიკვდილამდი შეინარჩუნა. ეს გარემოება მას დიდ უპირატესობას ანიჭებდა: პროვინციების ხელშეუხებლობა, კანონპროექტების წარდგენისა და სენატის გადაწყვეტილების შეჩერების უფლება, რომლითაც ტრიბუნის ძალაუფლება ხასიათდებოდა, მას კანონმდებლობაზე გადაწყვეტ გავლენას ანიჭებდა. თანდათანობით მას სხვა უფლებებიც მიეცა, ასე რომ თუმცა ძველი თანამდებობანი რჩებოდნენ, მაგრამ რაკი ივინი ავგუსტუსის ხელში იყრიდნ თავს, ამის გამო თითქმის მთელი სახელმწიფო ძალაუფლების მატარებლად მარტო ავგუსტუსი გამოდიოდა. სახელმწიფო მართვა-გამგეობის მეორე მეთაურად სენატი ითვლებოდა, რომელსაც სახელმწიფო ხაზინის, **ერარჩუშის** გამგებლობა და თავისი პროვინციების გამგეთა დანიშვნის უფლება ჰქონდა.

მაგრამ რაკი ოქტავიუსი სენატის პირველ წევრად (princeps senatus) ირიცხებოდა, მან სენატის წევრთა ნაწილის დანიშვნის, მაგისტრატების თანამდებობაზე კანდიდატების წამოყენებისა და თავისი განკარგულებების ე. წ. ედიქტების გამოქვეყნების უფლება მიიღო. ამით იგი, რა თქმა უნდა, სენატსაც თავის ნებაზე ატრიალებდა, თანამდებობის პირებსაც შესაფერისს ნიშნავდა და დამოუკიდებელ კანონმდებლობასაც ეწეოდა. ავგუსტუსი თავის თავს „პრინციპს“-ს უწოდებდა, და ჩვენ ვხედავთ, რომ, სახელის მიუხედავად, ოქტავიუსის პრინციპატი თუმცა არა აბსოლუტური, მაგრამ მაინც მონარქია იყო. 12 წლიდან ქ. წ. იგი უმაღლეს სამღვდელთა პირადაც იქნა დანიშნული, და თუ ამას იმასაც დავუმატებთ, რომ მას, თავის პროვინციებში მაინც, საკუთარი სასამართლო ჰქონდა, ჩვენ დავინახავთ, რომ ძველ მეფეთა სამი ძირითადი უფლება: — უფლება მთავარსარდლისა, მღვდელმთავრისა და მთავარი მოსამართლისა — ყველა მის ხელში მოგროვდა და ამით იგი ნამდვილ მეფედ შეიქმნა.

ამისდამიხედვით, მართვა-გამგეობის მთავარ ცენტრად თვით იმპერატორის სახლი გადაიქცა; აქ მისი კანცელარია იყო მოთავსებული, რომელსაც უმთავრესად ლიბერტინები (განთავისუფლებული მონები) აწარმოებდნენ. გარდა იმპერატორის კანცელარიისა განსაკუთრებული მნიშვნელობა პრინციპის საბჭოსაც ჰქონდა, რომელშიც რამდენიმე სენატორი, უმაღლესი თანამდებობის პირნი და თვით იმპერატორი შედიოდნენ. ავგუსტუსის მართვა-გამგეობის მეორე ნახევარში ამ საბჭოს გადაწყვეტილებებს „სენატუს-კონსულტუს“-ების მნიშვნელობა მიენიჭათ, ასე რომ იგი თანდათანობით სენატის ადგილს იკავებდა.

ოქტავიუსის მოღვაწეობა. წესიერებისა და მშვიდობიანობის და აგრედე თავისი გავლენის უზრუნველსაყოფად იმპერატორმა საკუთარი გვარდია გაიჩინა, რომელიც ცხრა კოჰორტისაგან შესდგებოდა (ე. ი. 9000 კაცისაგან) და საუკეთესო მეომართა კრებულს წარმოადგენდა. ამ სამხედრო ძალას,

მას პრეტორიანთა გვარდია ეწოდებოდა, სათავეში ორი პრეტორი ედგა; ეს თანამდებობა იმპერატორობის შემდეგ უმადლეს თანამდებობად ითვლებოდა.

ქალაქში წესიერების დასაცავად პრეფექტის თანამდებობა იქმნა დაწესებული, რომლის განკარგულებაშიც საპოლიციო მოვალეობათა აღსასრულებლად 6 კოჰორტი (6000 კაცი) იყო. ცეცხლის მჭრობელთა რაზმი და ღამის პოლიცია 7000 კაცისაგან შესდგებოდა. მათს უფროსად ე. წ. სიფხიზლის პრეფექტი ითვლებოდა. პურის დარიგების მოსაწესრიგებლად განსაკუთრებული უმაღლესი თანამდებობა იქმნა შემოღებული, რომელსაც ანონას პრეფექტურა ეწოდებოდა. თვით ქალაქის საზოგადო დაწესებულებების, როგორც, მაგალ. ძველების, წყალსადენის და გზების შესახებ განსაკუთრებული კურატორების კოლეგია ზრუნავდა. იტალიაში წესრიგს მთავარ პუნქტებში ჩაყენებული ჯარისკაცები იცავდნენ. იტალიის ნაპირებს-კი ფლოტი ადევნებდა თვალყურს. ხოლო შინაურ საქმეებში ძველებური თვითმართველობა იყო დატოვებული.

პროვინციები, როგორც ვიცით, ორგვარი იყო: სასენატო და საიმპერატორო. სამხედრო ძალა-უფლება იქაც და აქაც იმპერატორის ხელში იყო. ხოლო საადმინისტრაციო მართვა-გამგეობისთვის სენატის პროვინციებში ძველ კონსულთა და პრეტორთა წრიდან არჩეული პროკონსული ინიშნებოდა. საიმპერატორო პროვინციის მახლობელი გამგებლობა კი იმპერატორის მიერ დანიშნულის, განსაზღვრული ჯამაგირიანი ლეგატის ხელში იყო, რომელიც ერთსა და იმავე დროს ჯარის უფროსიც იყო და ადმინისტრატორიც, და იმპერატორის ინსტრუქციების მიხედვით მუშაობდა. ეს გარემოება საბოლოოდ სპობდა იმ ბოროტმოქმედებას, რომელიც წინად ყოველი პროვინციის მართველს ახასიათებდა, ხოლო პროვინციას მისი გაუმძღარი მადის საგნად ხდიდა. მუდმივი კონტროლი იმპერატორისა, ერთის მხრივ, და ყოველწლიურ საპროვინციო ყრილობათა შემოღება, მეორეს მხრივ, რომელიც სხვათა შორის მართველის მოღვაწეობასაც აფასებდა, საუკეთესო გარანტია იყო

იმისა, რომ რომის პროვინცია კლავინდებურად მართველთა პირადი გამდიდრების წყაროდ ველარ გადაქცეულიყო.

განსაკუთრებული გულისყურის ღირსი ის სამხედრო რეფორმაა, რომელიც ავგუსტუსმა შემოიღო. წინად ჯარისკაცობა მხოლოდ სრულუფლებიან მოქალაქეთა მოვალეობა იყო, და ამოვალეობას იგინი თავისი ქონებრივი შეძლების-დამხედვეთ იხდიდენ. მარიუსმა ეს წესი შესცვალა: მან ჯარში ყველა მსურველს გაუღო კარი და განსაზღვრული ჯამაგირი დაუნიშნა. ამით სამხედრო სამსახურს სამოქალაქო მოვალეობის ხასიათი დაეკარგა. ავგუსტუსმა სრულიად მოუსპო ეს ხასიათი ჯარში სამსახურს და სამხედრო ბეგარისაგან ყველა გაანთავისუფლა: ეხლა ჯარი მოქალაქეთა წრეს სრულიად გამოეყო და, როგორც შეიარაღებული ძალა, მას დაუპირდაპირდა; ეს გარემოება რომის მოქალაქეობას ყოველგვარ ძალას ართმევდა და ჯარის ხელში სათამაშო საგნად აქცევდა. ადვილი გასაგებია ამიტომ, რომ ამიერიდან რომის ცხოვრების მიმდინარეობა სავსებით ჯარის ხელთ გადავიდა.

თითოეული ჯარისკაცი განსაზღვრულ ჯამაგირს და ამასთანავე სრულს მოქალაქობრივ უფლებებს იღებდა. მთელი ჯარი ავგუსტუსის დროს 25 ლეგიონისაგან შესდგებოდა, თითოეულს მათგანს პროვინციაში მოკრებილი „დამხმარე“ ლეგიონი ჰყავდა (antilia), ასე რომ, თუ გავიხსენებთ, რომ ლეგიონში 5-6 ათას კაცამდე ითვლებოდა, მთელი ჯარი რამდენიმე ასი ათასი კაცისაგან შესდგებოდა და მტრის უკუსაგდებადა და წესიერების დასაცავად საკმარისი ძალა იყო.

სახელმწიფო ცხოვრების ასეთი გარდაქმნა, რა თქმა უნდა, საფინანსო რეფორმასაც მოითხოვდა. ერთი მხრით ჯარი, მეორეს მხრით მოსახლეობის გამოსაკვები და ქალაქის გასამშვენებლად საზოგადო სამუშაოთა ხარჯები ძლიერ ტვირთად დააწვა სახელმწიფო ხაზინას. ამ ხარჯის დასაფარავად გარდა ძველი შემოსავლის წყაროებისა (სახელმწიფო მიწების იჯარა, მადნეულობის შემოსავალი და ბაჟი), იმპერატორმა ახალიც აღმოაჩინა. პროვინციების ნატურალური გა-

დასახადი ფულით შესცვალა, მთელს სახელმწიფოში (პროვინციებში) ყველა გაყიდული საქონლის ასისტავი და ნაანდერძებისა და მემკვიდრეობის ოცისთავი შემოიღო. ამას გარდა მდიდრებიც დიდძალ ქონებას უტოვებდნენ ანდერძით იმპერატორს.

ყველა ამ შემოსავლისათვის სამგვარი ხაზინა იქნა დაწესებული: წინანდელი სახელმწიფო ხაზინა, ერაიუმში სენატის განკარგულებაში იყო; ხოლო ორი ახალი ხაზინა (სამხედრო, რომელშიც გაყიდულის ასისტავი და მემკვიდრეობისა და ნაანდერძების ათისთავი შედიოდა, და პირადი კასა იმპერატორისა ე. წ. ფისკუსი (fiscus Caesaris), სადაც პროვინციის გადასახადი და იმპერატორისათვის ნაანდერძები ქონება იყრიდა თავს) იმპერატორის გამგეობაში იმყრებოდა. ყველა ამ გადასახადის მოსაწესრიგებლად საერთო აღწერა იყო საჭირო, და იმპერატორმა 25 წლ. განუწყვეტელი შრომის შემდეგ ეს უძნელესი საქმეც წარმატებით დაავიჯინა. აღსანიშნავია, რომ ავგუსტუსი სახელმწიფოს შემოსავალ-გასავლის ანგარიშებს ყოველწლიურად აქვეყნებდა.


გარდა აღნიშნული სახელმწიფოებრივი მნიშვნელობის ზომებისა იმპერატორი დიდი ყურადღებით ეპყრობოდა აგრეთვე საზოგადოების ზნეჩვეულებათა განსპეტაკებას და მისს კულტურულად განვითარებას.

რომის საზოგადოება და მისი ზნეჩვეულებანი. რომში უმთავრეს წოდებად იმპერიის დროსაც სენატორები ითვლებოდნენ. მაგრამ როგორც თავისი შემადგენლობის, ისე ტრადიციების მხრივაც ეს წოდება ძირიანად შეიცვალა. იგი ეხლა ძველ პატრიციელთა ამაყ შთამომავალთა მაგიერ უბრალო ლიბერტინების შეილების, პროვინციელებისა და მხედრების წრიდან ივსებოდა და იმპერატორის ყურ-მოჭრილ მონობას ეწეოდა. ამის მიუხედავად სენატორობას მაინც დიდი ფასი ჰქონდა, ვინაიდან უმაღლეს თანამდებობათა დაკავება ამ წოდების გარეშე შეუძლებელი იყო.

მაგრამ მხედრობასთან შედარებით სენატორობა მაინც მხოლოდ

საპატიო წოდება იყო, ვინაიდან ქონებრივი სიმდიდრე თითქმის უკლებლივ მხედართა წოდების ხელთ იყო, და თითქმის ყველა შემოსავლიანი და მნიშვნელოვანი ადგილები, როგორც მაგალ, პრეფექტობა, მარტო მხედრების უპირატესობას შეადგენდა. დიდ-დიდი ვაჭრები და ბანკირები ყველა ამ წოდების წრიდან გამოდიოდნენ.

იყო აგრედვე მესამე წოდებაც, რომელიც საშეალო ინტელიგენციის წრეს შეადგენდა და ქრელი შემადგენლობის იყო: მასწავლებელნი, მემუსიკენი, ადვოკატები, დაბალი სახელმწიფო მოხელენი, — ასეთი იყო შემადგენლობა ამ მესამე წოდებისა.




რომელის საბოლოო

გაცილებით უფრო მრავალრიცხოვანი ე. წ. კლიენტების წრე იყო, რომელიც შეთვლს თავის სიცოცხლეს უსაქმურობაში ატარებდა. მათს ერთად-ერთს მოვალეობას პატრონების მი-სალმება და ხლება შეადგენდა, ხოლო მათს სარჩოს—პატრონების საჩუქარი, რომელსაც ივინი ყოველდღიური უღლუფის ან ფულის სახით ღებულობდენ. რომის მცხოვრებთა ამ დიდი ნაწილის რჩენა, მათს პატრონებს გარდა, სახელმწიფოსაც კისერზე აწვა: panem et circenses მათი ძირითადი მოთხოვნილება იყო, და ქვეყნის მშვიდობიანობის დასაცავად იმპერატორები ყოველთვის მათს გამოკვებასა და გართობაზე ზრუნავდენ. ოკტავიუსმა ცადა, ხალხი მიწის მუშაობისათვის მიეჩვიო, მაგრამ ამაოდ: მიუხე-დავად პოეტის ჰორაციუსის ცდისა, რომელმაც თავის „გეორ-გიკა“-ში ხალხს განვითარებული მეურნეობის სურათები გა-დაუშალა, რომის მოსახლეობის უმეტესობა უპირატესობას მაინც მცონარე ცხოვრებას აძლევდა.

ამგვარად რომში აღარ იყო არც ერთი წოდება, რომელიც მწარმოებელ შრომას ეწეოდა. უსაქმობასა და მცონარეობას-კი ყოველთვის ზნეობის დაცემა სდევს თან, და იმდროინდელი რომაელების უზნეობა მართლაც საშიშ სახეს ღებულობდა. ოჯახი რომში თითქმის სრულიად დაირღვა; ცოლქმრული სიყვარუ-ლი და პატივისცემა სანთლით საძიებელი შეიქმნა, ოჯახს ბევრი აღარავინ ეკიდებოდა, ასე რომ ავგუსტუსმა, მისს აღსადგენად, განსაკუთრებული კანონებიც კი გამოსცა, რომელიც ცოლ-შვილიანობას დიდ ქომავობას უწევდა: უცოლო კაცს მემკვიდ-რეობის მხილოდ ნახევარი ეძლეოდა; თუ ასი დღის განმავ-ლობაში უცოლო ცოლს შეირთავდა, მთელი მემკვიდრეობა უკან დაუბრუნდებოდა. ზნეობის ასეთ დაცემასთან ერთად რომში სარწმუნოებაც ქვეითდებოდა: ღმერთების არავის არა-ფერი სწამდა, ასე რომ ურწმუნოება ჩვეულებრივ მოვლენად გარდაიქცა.

ამ უსაქმოს, უზნეოსა და ურწმუნო ხალხს ყველაფერზე უმეტესად გახართობები იტაცებდა. რომში მაშინ სამგვარი გა-სართობი იცოდენ: პირველი იყო ცირკი, სადაც ეტლების დო

ლები იმართებოდა. მეეტლეებს თავ-თავისი პარტიები ჰყავდათ და ერთმანეთისაგან ტანისამოსის ფერით განსხვავდებოდნენ (თეთრნი, წითელნი, ცისფერნი, ლურჯნი). გამარჯვებულ მეეტლეს დიდ საჩუქარს აძლევდნენ და ზოგჯერ ძეგლებსაც უღდამდნენ. რომში ამ მიზნისთვის ისეთი დიდი შენობა იყო აგებული, რომ იგი ასორმოცდაათიათას კაცს იტევდა. ეს იყო ცნობილი „დიდი ცირკი“ (circus maximus), რომლის აშენებაც აუარებელი ქონება დაიხარჯა.



Circus maximus.

მეორე ალაგი გლადიატორთა ასპარეზობას ეკავა, რომელიც საგანგებო ამფითეატრებში ხდებოდა. საგანგებოდ გაწვრთნილი მონები ე. წ. გლადიატორები რომაელთა გასართობად მაყურებელთა წინაშე სამკვდრო-სასიცოცხლო ბრძოლას მართავდნენ, რომელიც დამარცხებულის სიკვდილით თავდებოდა, ან და მხეცებს (ლომებს, ვეფხვებს და სხვათ) ებრძოდნენ და, რასაკვირველია, უმეტეს ნაწილად ხალხის წინაშე მათ სხეერპლად ეცემოდნენ.



180

ՀԱՅԿԱՍՏԱՆԻ
ՆԱԽԱՐԱԿԱԿԱՆ
ԳՐԱԴԱՐԱՆ

ՅԵՐԱՅԱՆԻ
ԳՐԱԴԱՐԱՆ




Հ. Գ. Գրադարան

მესამე ალაგი „თეატრს“ ეჭირა, მაგრამ მას რომში ინცლამაინც დიდი გასავალი არასდროს არ ჰქონია. რომაელებს იმდენად სერიოზული ტრაგედიები არ მოსწონდათ, რამდენადაც მსუბუქი შინაარსის კომედიები და უზნეო ფარსები.

ავგუსტუსი იძულებული იყო, ხალხის ასეთი სულისკვეთებისათვის ანგარიში გაეწია და მისი გართობის შესახებაც ეზრუნა.

ხელოვნება, ლიტერატურა და ფილოსოფია. მაგრამ კადევ უფრო მეტად იგი ქალაქის გამშვენებების შესახებ ზრუნავდა. მისი განკარგულებით რომში მრავალი ხელოვანი ამუშავდა: პანთეონი, მარცელუსის თეატრი და მრავალი წყალსადენი მის დროს აშენდა; მისი უახლოესი მემკვიდრენიც მის გზას მისდევდნენ, და რომი ხუროთმოძღვრების მრავალი ძეგლით აივსო. ამათ შორის განსაკუთრებით აღსანიშნავი, **პანთეონს** გარდა, დიდი ამფითეატრი, ე. წ. **კოლიზეუმი** სრის, რომელშიაც 90 ათასი მაყურებელი ეტეოდა. იგი სამი სართულისაგან შესდგებოდა: პირველს სართულს დორიული სვეტები ამშვენებდნენ, მეორეს—იონიური და მესამეს—კორინთული. შუაში ასპარეზი იყო, რომელსაც, როდესაც ნავების შეჯიბრების (ნავმაქიას) მოწყობა უნდოდათ, ერთბაშად საგანგებოდ მოწყობილი წყალსადენის შემწყობით წყლით ავსებდნენ და, ამგვარად, ნამდვილ ტბად აქცევდნენ. ხუროთმოძღვრებაში რომაელებმა თავისებურება განსაკუთრებით სატრიუმფო თაღებისა და რომაული სვეტების შენებაში გამოიჩინეს, მაგრამ კიდევ უფრო დიდი იყო მათი ორიგინალობა წყალსადენებისა და სხვა პრაქტიკულად სასარგებლო შენობათა აგების საქმეში.

ხელოვნების სხვა დარგთა შორის განსაკუთრებით მხატვრობა იყო განვითარებული. რომაელების სახლები, ხშირად სულ უბრალო ხალხისაც. შიგნით სხვა-და-სხვა სურათებით იყო გალამაზებული. ფერადებში მეტწილად წითელი და ყვითელი სქარბობდა; ნახატების შინაარსი კი უმეტესად მითოლოგიური ხასიათის იყო.



ქოლიზეუმი (დღევანდელი საბოთი).

განსაკუთრებით დიდ მფარველობას იმპერატორი მწერლობას უწევდა, რომელმაც მის დროს თავისი განვითარების უმწვერვალეს დონეს მიაღწია და თავისი არსებობის „ოქროს ხანას“ განიცდიდა. გარდა ავგუსტუსისა, მწერლობისა და ხელოვნების მფარველობით რომში განსაკუთრებით ცნობილი იმპერატორის მეგობარი და თანამშრომელი მეცენატი შვიქმნა, რომელიც კულტურის ამ დარგთა განვითარებისათვის თავის ქონებას არ იშურებდა (ე. წ. „მეცენატობა“). მართალია, რომის მწერლობის ისტორიის ამ ხანაშიც ძლიერი იყო

ბერძნული გავლენა, მაგრამ სალიტერატურო ნაწარმოებთა ფორმა, სტილი და კომპოზიცია რომაელი მწერლების უდავო ნიჭისა და დახელოვნების ბეჭედს ატარებენ.

პოეტთა შორის პირველი ალაგი ვერგილიუსს უკავია (79-19). თითქმის ყველა მისი ნაწარმოები ტენდენციური ხასიათისაა და იმპერატორის მიზნების განხორციელებას ემსახურება: „ენეიდა“-ში ვერგილიუსი იმპერატორის გვარის (იულინთა გვარის) დამაარსებლის, ენეას მოგზაურობას, და იმ ომებზე მოგვითხრობს, რომლითაც მან იტალიაში გაბატონება მოახერხა. „გეორგიკაში“ პოეტი მიწის მუშაობისა და ღმერთების სამსახურის პროპაგანდას ეწევა, ხოლო „ბუკოლიკა“-ში — უბრალო მწყემსური ცხოვრებისას (თეოკრიტოს მიბაძვით).

ჰორაციუსი (65-8) უფრო წმინდა ხელოვნების წარმომადგენელია; ხელოვნებას პოლიტიკისა და ზნეობის მოთხოვნილებებს არ უკავშირებს. იგი ოდესა და სატირებს სთხზავდა და ამ დარგში საუკეთესო წარმომადგენელად ითვლება.

ოვიდიუსის ნაწარმოებთა შორის განსაკუთრებით „მეტამორფოზები“-ა ცნობილი, რომელთა შინაარსადაც მითოლოგიური ამბები არის აღებული. იმპერატორი ყოველ ღონეს იღებდა რომაელთა ზნეობის აღსადგენად; ხოლო რადგანაც ოვიდიუსი სატრფიალო ლექსებსაც სწერდა, იმპერატორი საზოგადოების გარყვნილების მიზეზად პოეტის ნაწარმოებთ თვლიდა, და ეს იყო მიზეზი, რომ იგი რომიდან გაძევებულ იქმნა.

პროზაში უწარჩინებულესი ალაგი ისტორიკოსს ტიტუს ლივიუსს უკავია (59 ქ. წ.-18 ქრ. შ.), რომელმაც რომის ისტორია დასწერა სახელმწიფოს დაარსებიდან რესპუბლიკის დაცემამდე. მთელი შრომა მრავალ წიგნად იყო გაყოფილი და ძვირფასს ისტორიულ მასალას შეიცავდა. მაგრამ ჩვენამდე მხოლოდ 35 წიგნმა მოაღწია.

აგუსტუსის დროს რომში ბერძნული მწერლობაც ჰყვაოდა. რომში სცხოვრობდა მაშინ დიოდორ სიცილიელი, მსოფლიო ისტორიის ავტორი („ისტორიული ბიბლიოთეკა“). იქვე

მოღვაწეობდა შესანიშნავი გეოგრაფოსი **სტრაბონიც**. მწერლობის განვითარებას თან მოჰყვა ბიბლიოთეკების ვაჭენაც; პირველი ბიბლიოთეკა აფგუსტუსის დროს დაარსდა. აღსანიშნავია აგრედვე, რომ ამავე დროს შემოიღეს ახალ ნაწარმოებთა საჯარო კითხვაც ე. წ. რეციტაციონეს, რომელმაც მალე მწერალთა შორის კონკურსის სახე მიიღო. გამარჯვებული ჯილდოდ იმპერატორისაგან ზეთისხილისა და მუხის ტოტების გვირგვინს ღებულობდა.

ფილოსოფიაში განსაკუთრებით ზნეობის ფილოსოფია განვითარდა. ეპიკურეიზმი და შემდეგ სტოიციზმი, რომლის წარმომადგენლაც აფგუსტუსის დროს სენეკა ითვლებოდა, არსებული ზნეობრივი მდგომარეობის შეფასებისაგან გამომდინარეობდა.

სტოიციზმის დამაარსებლად ფილოსოფოსი ძენონი ითვლება, რომელიც მესამე საუკუნეში ათენში მოღვაწეობდა. მან შეჰქმნა მთელი ფილოსოფიური სკოლა, რომელსაც შემდეგში სტოიციზმის სახელით საკმაოდ დიდი გავლენა ზედა წილად. სტოიციზმი მრავალს ფილოსოფიურ საკითხს ეხებოდა, მაგრამ მისი მთავარი საკითხი, რომლის გაშუქებასაც იგი ცდილობდა, იმდენად სინამდვილის რაობას არ ეხებოდა, რამდენადაც იმას, თუ რაში მდგომარეობს ადამიანის მოქმედების მიზანი. მისი ფილოსოფია უმთავრესად პრაქტიკული, ზნეობრივი ფილოსოფია ანუ ეთიკა იყო.

ბუნებაში, სტოელების აზრით, მარადიული წესრიგი არის განხორციელებული; ეს იმას მოწმობს, რომ ყველგან ღვთაებრივი გონება მოქმედებს. ადამიანის ცხოვრების მიზანი, ისე, როგორც ყოველივე არსებულის, ამ ყოვლადი ბუნების წესრიგისადმი დამორჩილებაში მდგომარეობს: ჩვენი მოქმედება მხოლოდ ამ მხრივ უნდა იყოს მიმართული. ყველაფერი, რაც ამ მიზნის გარეშე არსებობს, უმნიშვნელოა და ყოველს ზნეობრივ ღირებულებას მოკლებული. მაშასადამე, სიამოვნება ყველა თავისი ნაირ-ნაირი სახით, სიმდიდრე, სიღარიბე, ავადმყოფობა, ჯანსაღობა და სხვა ამგვარი, ყველაფერი ეს ისეთი

რამ არის, რასაც არაფერი ზნეობრივი ღირებულება არა აქვს. ამიტომ ნამდვილი ზნეობრივი ადამიანი მხოლოდ ის არის (ასეთს სტოელები ბრძენს უწოდებდნენ), ვინც ყველაფრის ამის უარყოფა და მთელი თავისი ცხოვრების მარტოდ-მარტო გონების მიერ ნაკარნახევი გზით მიმართვა შესძლო, ვინც თავისი სურვილებისა და გულისთქმის ჩაკვლა მოახერხა და ვინც ამ სახით ნამდვილი მეფე შეიქმნა თავის თავისა, მეფე, რომელსაც არავითარი სხვა კანონი არა სწამს, გარდა გონების კანონისა, და ყოველს კანონსა და ჩვეულებაზე მაღლა სდგას.

თვითონ სტოელები თავისი საკუთარი ცხოვრების მაგალითით ცდილობდნენ თვალსაჩინოდ გაეხადათ საზოგადოებისათვის ნამდვილი ბრძენის ტიპი, თუმცა მის სრულ განხორციელებას სავსებით ვერას დროს ვერ ახერხებდნენ.

ეპიკურიზმი მეორე მიმართულება იყო, რომელიც იმავე დროს შემუშავდა, როდესაც სტოიციზმი ვითარდებოდა. მისი დამაარსებელი ათენელი ეპიკური იყო (დაიბადა 342 წ. ქ. დ.). ისე როგორც სტოიციზმი, ეპიკურიზმიც პრაქტიკულ ფილოსოფიის, ეთიკის საკითხებს ამუშავებდა, და ამის მიხედვით მისი მთავარი საკითხიც ადამიანის მოქმედების უმთავრესი მიზნის განმარტებაში მდგომარეობდა. სტოელებისა არ იყოს, ადამიანის ცხოვრების მიზანს ეპიკურიც უმაღლეს ნეტარებაში სჭვრეტდა, მაგრამ ეს ნეტარება, მისი აზრით, სიამოვნებაში მდგომარეობდა.

მაგრამ როგორ ესმოდა მას ეს სიამოვნება?

ადამიანმა შეიძლება მრავალგვარი სიამოვნება განიცადოს, მაგრამ მათ შორის დიდი განსხვავებაა: ზოგი სიამოვნება უფრო ხანგრძლივი და მტკიცეა, ზოგი კიდევ ხანმოკლე და ცვალებადი; არის სიამოვნება, რომელსაც შედეგად უსიამოვნება მოჰყვება ხოლმე, და არის მცირე უსიამოვნება, რომელიც ზოგჯერ დიდ სიამოვნებას გვიშადნებს. ეპიკურის აზრით ნეტარებას მხოლოდ ხანგრძლივი და მტკიცესი ამოვნება იძლევა. მაგრამ ასეთი სიამოვნების ამოსარჩევად ქკუა და ჩაფიქრებაა საჭირო, თორემ უამისოდ ადვილად შეიძლება, ისეთი მცირე



უსიამოვნებას იმგვარი სიამოვნების განცდა ვარჩიოთ, რომელსაც შედეგად დიდი ტანჯვა მოჰყვება. ყველაზე უფრო შტკიცედ და ხანგრძლივად ეპიკურს სულიერი სიამოვნება მიაჩნია. ამიტომაც, მისი აზრით, გაცილებით უფრო სასიამოვნოა სხვებს გაუწიო სიკეთე და სამსახური, ვიდრე თვით მიიღო მათგან ასეთი.

რაც შეეხება ჩვეულებრივს, სხეულის სიამოვნებათ, ეპიკურის აზრით, ამ შემთხვევაში საუკეთესო გზად ზომიერება უნდა ჩაითვალოს, ჩვენ უნდა შეგვეძლოს თავი შევიკავოთ იქ, სადაც ეს საჭიროა, და ამის გამო უსიამოვნება და ტანჯვა არ განვიცადოთ.

ამგვარად, დიდი შეცდომაა, როდესაც ეპიკურეიზმს აღვირახსნილი წუთიერი სიამოვნებისა და მზიარულების ფილოსოფიად სთვლიან. პირიქით, ჩვენ ვხედავთ, რომ ეპიკურეიზმის შეხედულებით, ასეთი წუთიერი სურვილების აყოლამ შეიძლება ყველაფერი მისცეს ადამიანს, ხოლო ნამდვილ ნეტარებას იგი არას დროს არ უზრუნველჰყოფს.

ავგუსტუსის საგარეო პოლიტიკა. საერთოდ ავგუსტუსის დროს იმპერიის საზღვრებზე მყუდროება იყო. გამონაკლისს ისპანია და, განსაკუთრებით, გერმანიის საზღვრები შეადგენდნენ. თავისუფლების მოყვარული ისპანიის ტომები რომის ბატონობას ვერ ურიგდებოდნენ და რამდენიმე აჯანყება მოაწყვეს. იმპერატორი მთავარსარდლობის ნიქს თვითონ ვერ დაიჩემებდა, მაგრამ, სამაგიეროდ, მას ისეთი ნიჭიერი თანამშრომელი ჰყავდა, როგორც მისი სიძე, აგრიპა იყო. ამ უკანასკნელმა, მართალია, გაჭირვებით, მაგრამ მაინც მოახერხა ისპანიის დაწყნარება.

გერმანელები ხშირად ესხმოდნენ რომის საზღვრებს. მაგრამ განსაკუთრებით სახიფათო არმინიუსის თავდასხმა იყო, რომელმაც ტევტობურგის ტყეში (9 წ. ქ. შ.) რომაელების მთელი ლაშქარი, ვარუსის მეთაურობით, სულ ერთიანად გაჟლიტა. მაგრამ ტიბერიუსისა და გერმანიკუსის ცდით გერმანელთა ურდოებაც წინსვლა კარგა ხნით შეჩერებულ იქმნა.

იყო ომები ღუნაის მხარეზეც, სადაც განსაკუთრებით **პანონე-**
ბი და **დალმატები** გაძლიერდნენ.



გერმანელ მებრძობის ბრძოლა რომელ ლეგიონებთან.

2. **ტიბერიუსი**. ავგუსტუსი 14 წელს ქ. შ. გარდაიცვალა. მას ამ შემთხვევისათვის არავითარი განკარგულება არ მოუხდენია, და სენატმა იმპერატორობა ოკტავიუსის ნაშვილევს, ნაწილის **ტიბერიუსს** მიაწოდა. ტიბერიუსი თავისი მამობილის გზას დაადგა. იგი განსაკუთრებული პატივისცემით

და ყურადღებით ეპყრობოდა სენატს, და მისი ძალაუფლება კიდევ უფრო გაფართოვდა: სახალხო კრებას მაგისტრატების არჩევისა და კანონმდებლობის უფლება ჩამოართვა და სენატს გადასცა; ასე რომ ტიბერიუსის დროს სახელმწიფოს მთელი ძალაუფლება მარტო იმპერატორისა და სენატის ხელში იმყოფებოდა; მაგრამ რაკი თვით სენატი იმპერატორის გავლენას ემორჩილებოდა, არსებითად სახელმწიფოს ბატონ-პატრონად ტიბერიუსი უნდა ჩათვლილიყო. ამგვარად, მონარქიის განმტკიცების პროცესში ტიბერიუსმა კიდევ ერთი ნაბიჯი გადადგა წინ.

განსაკუთრებული მზრუნველობით ტიბერიუსი პროვინციებს ეპყრობოდა. თავის მოადგილეებად ყველგან სანდო პირებს ზღავნიდა, პროვინციელებს გადასახადებს არ უდიდებდა და ვაჭირების დროს ყოველგვარ დახმარებას უწევდა. პროვინციელები დიდად აფასებდენ იმპერატორის ასეთ დამოკიდებულებას, და იყო შემთხვევები, რომ სენატის ზოგმა პროვინციამ მოისურვა, რათა იგი იმპერატორის პროვინციათა რიცხვში ყოფილიყო შეტანილი.

ტიბერიუსის დროს მთელი საიმპერატორო გვარდია რომში იქმნა გადმოყვანილი. ამ გარემოებამ, რა თქმა უნდა, კიდევ უფრო ახწია გვარდიის პრეფექტის მნიშვნელობა. ამ თანამდებობაზე იმპერატორს უბრალო შთამომავლობის კაცი, სეიანუსი ჰყავდა, რომელმაც ფარულ მიზნად ტიბერიუსის მთელი ოჯახობის ამოწყვეტა და მერე იმპერატორობის მიღება დაისახა. სეიანუსი ყველას სძულდა და ტიბერიუსის მოწინააღმდეგეთა ჯგუფი დღითი-დღე იზრდებოდა. სეიანუსი, იმპერატორის წინაშე ჯაშუშობდა და ისედაც იქვიან ტიბერიუსს ეხლა ყველგან ლალატი ელანდებოდა. 26 წელს მან სრულიად მიატოვა რომი და კუნძულს კაპროზე გადასახლდა, საიდანაც თავისი მტრების წინააღმდეგ განკარგულებას ახდენდა. ტიბერიუსმა ე. წ. დიდებულების შეურაცხყოფის კანონს მიმართა, რომლის ძალითაც წინად, ვინც-კი რომის ხალხს შეურაცხყოფას მიაყენებდა, ან ულალატებდა და სხვ.,

ყველას ქონებას ართმევდენ და სამშობლოდან აძევებდენ. ტიბერიუსმა ეს კანონი ყველაზე გავრცელა, ვინც ეხლა იმპერატორის სახელს აყენებდა შეურაცხყოფას. რომში ჯაშუშობა გავრცელდა, და დიდებულების შეურაცხყოფის კანონის მსხვერპლად მრავალი რომაელი შეიქმნა.

ბოლოს ტიბერიუსი სეიანუსს განზრახვებს მიუხვდა და მისი სიკვდილით დასჯა ბრძანა. სენატმა ეს განკარგულება სიამოვნებით შეასრულა. ტიბერიუსის რომიდან წასვლამ ერთი მნიშვნელოვანი შედეგი გამოიწვია. მის დროს სენატმა „ქალაქის კოპორტების“ (პოლიციის) უფროსობაც იმპერატორს გადასცა. ქალაქის ფრეფექტი ამის შემდეგ მეფის უახლოესი თანაშემწე შეიქმნა, ხოლო როდესაც იმპერატორმა რომი მიატოვა, ქალაქში ეს პრეფექტი ითვლებოდა მის მოადგილედ; ასე რომ ქალაქის პრეფექტურა უმნიშვნელოვანეს თანამდებობად გარდაიქცა.

საგარეო პოლიტიკა. როდესაც გერმანიისა და ღუნაის საზღვრებზე მდგარმა ჯარმა ტიბერიუსის გაიმპერატორობის ამბავი გაიგო, თავისი მდგომარეობის გასაუმჯობესებლად აჯანყება მოახდინა; მაგრამ ღუნაიზე იგისეიანუსმა დააწყნარა, ხოლო რეინზე იმპერატორის დისწულმა გერმანიკუსმა, რომელსაც ლეგიონებმა ტიბერიუსის ჩამოგდება და გაიმპერატორობა შესთავაზეს. გერმანიკუსმა, რომელსაც ხალხიც და ჯარიც დიდის სიყვარულით ეპყრობოდა, ლეგიონები გერმანიისაკენ წაიყვანა და არმინიუსს ტევტობურგის ტყის დამარცხების სამაგიერო გადაუხადა.

ამ დროს რომს პართებთან გაუჩნდა საქმე, და გერმანიკუსი, ტიბერიუსის განკარგულებით, მათ წინააღმდეგ იქმნა გაგზავნილი. თვითონ გერმანულ ტომთა შორის არსებულმა განხეთქილებამ საშიში სახე მიიღო, და ეს ხალხი ერთი ხნით ძლიერ დაუძლურდა. ასე რომ ტიბერიუსს ამ მხრივ დიდი ჯარი აღარ ესაჭიროებოდა.

აღმოსავლეთში კი პართების ძლიერება დღითიდღე იზრდებოდა და ტიბერიუსს მეტი სიფხიზლე სწორედ ამ მხრივ

ემართა. გერმანიკუსიც, რომელიც უნიჭიერეს სარდლად ითვლებოდა, სწორედ აქეთ იქმნა გაგზავნილი. მაგრამ მას აქ მოღვაწეობა დიდხანს არ დასცალდა; რომში ფიქრობდენ, თითქოს იგი, ტიბერიუსის ბოძანებით, აღმოსავლეთის მმართველმა პიზომ მოაკვლევინა, ნამდვილად-კი დღესაც არავინ იცის, რამდენად მართალი იყო ეს ხმა.

3. კალიგულა, კლავდიუსი, ნერონი. ტიბერიუსის მმართველობის დროს დაწყებული პროცესი იმპერატორთა ძალაუფლების ბოროტად ხმარებისა მისი მემკვიდრეების, კალიგულას, კლავდიუსისა და ნერონის ბატონობის დროს დასრულდა. კალიგულა, გერმანიკუსის შვილი, რომელიც ტიბერიუსის ერთად-ერთ მემკვიდრედ ითვლებოდა, პირველ ხანებში ყველას კარგ იმედებს უღვიძებდა: დიდებულების კანონის შეჩერება, პატიმართა განთავისუფლება და ლარიბ-ლარტაკთა დახმარება, — აი ის საქმეები, რომლითაც კალიგულამ თავისი მოღვაწეობა დაიწყო; მაგრამ არ გასულა დიდი ხანი, რომ იმპერატორის პოლიტიკა ძირიანად შეიცვალა. ეხლა მის ერთად-ერთ მიზანს თავისი ძალაუფლებიანობის განუსაზღვრელობის განმტკიცება შეადგენდა, და მისმა სისასტიკემა და ბოროტმოქმედებამ ყველას თავხარი დასცა. კალიგულა ნამდვილი გიეი იყო. თუ რა მდგომარეობაში იყო მაშინ სახელმწიფო, ეს იქიდანაა სჩანს, რომ იმპერატორმა თავის ცხენს სპილოს ძვლის ბაგა გაუკეთა და მისს კონსულად დანიშვნას აპირებდა.

კალიგულას შემდეგ, რომელიც შეთქმულების მსხვერპლი შეიქმნა, კლავდიუსი შეიქმნა იმპერატორად. მთელი მისი ბატონობის ხანას მისი ცოლის, ჯერ გარყვნილი მესალინასი და შემდეგ აგრიპინას ინტრიგები ახასიათებენ, რომელსაც თავისი შვილის, ნერონის გამეფება ჰქონდა მიზნად დასახული. გადამწყვეტი მნიშვნელობა, მის დროს აგრედვე **ლიბერტინების** გავლენასაც ჰქონდა: აგრიპინას გარდა რომის ფაქტიურ მმართველად ოთხი რჩეული ლიბერტინი იყო: სუსტი და უმოქმედო კლავდიუსი მათ ხელში უსულო სათამაშო საგანს შეადგენდა.



კლავდიუსი, აგრიპინა. უმცრ. ლივია, ტიბერიუსი (ვენაში).

ამის მიუხედავად კლავდიუსის დროს მაინც რამდენიმე მნიშვნელოვანი საკმე გაკეთდა: 1. პონის მოკვლა ადამიანის მკვლევლობად იქმნა მიჩნეული და დამნაშავე შესაფერისად უნდა დასჯილიყო. 2. რომში რამდენიმე მნიშვნელოვანი შენობა იქნა აგებული ან დაწყებული, მაგალ., ოსტიუმის ნავთსადგურის გადაკეთება, ახალი წყალსადენის გაყვანა და ფუცინუმის ტბის ნაწილის დაშრობა. 3. განსაკუთრებით საყურადღებო იყო კლავდიუსის მზრუნველობა პროვინციების შესახებ: 47. წ. მან გაღებებს ხენატორობა მიანიჭა და მოქალაქეთა რიცხვი თითქმის ერთი მილიონით გაამრავლა; პროვინციები ხელახლა გამდიდრდნ და თანდათანობით რომის ბატონობას შეუერთდნ. რომის მოქალაქეობის გავრცე-



ლებამ და რომაული ადგილობრივი მმართველობის დამკვიდრებამ პროვინციების სწრაფ რომანიზაციას ხელი შეუწყო რომის კულტურა დასავლეთითა და აღმოსავლეთით სულ უფრო შორსა და შორს ვრცელდებოდა. აღსანიშნავია, რომ კლავდიუსის დროს პროვინციათა რიცხვს ახალი პროვინცია, მავრიტანია შეუერთდა. ამას გარდა ბრიტანიის სამხრეთი ნაწილიც რომის მფლობელობაში გადავიდა.

როდესაც აგრიპინამ კლავდიუსი მოაწამელინა, ძალაუფლება იმპერატორის გვარდიის ხელში გადავიდა, რომელმაც იმპერატორად 17 წლის ნერონი გამოაცხადა. ნერონს ორი მნიშვნელოვანი აღმზრდელი ჰყავდა: სენეკა და ბურუსი. სენეკა სტოიციზმის ფილოსოფიური სისტემის მიმდევარი იყო და თავის მოწაფეზე ამ სისტემის მიხედვით ახდენდა ზეგავლენას. მის ნაწარმოებთა შორის განსაკუთრებით მისი დიალოგები (12 წიგნი) და წერილებია (20 წიგნი) აღსანიშნავი; სადაც სენეკა მუდამ ზნეობრივი საკითხების შესახებ მსჯელობს; მისი მორალი საერთოდ არსებული ზნეობის წინააღმდეგ არის მიმართული და ხშირად ქრისტეს მოძღვრებას უახლოვდება: ბტრის პატიება და მისთვის სიკეთის ყოფა, გლადიატორების ასპარეზობის და ომის უარყოფა, ადამიანთა თანასწორობა და, მაშასადამე, მონათა სრულ-ღირებულიან ადამიანად აღსარება, — აი ის ზნეობრივი პრინციპები, რომელსაც სენეკა აღიარებდა და თავის მოწაფეს უთვალისწინებდა. გარდა ფილოსოფიური განათლებისა, ნერონმა ესთეტიური და ფიზიკური აღზრდაც მიიღო. ასე რომ მოსალოდნელი იყო, რომ რომს მისი სახით ხელახლა ღირსეული იმპერატორი მოევლინებოდა. მაგრამ მთელმა მისმა მოღვაწეობამ მალე დაამტკიცა, რომ აღზრდას მისი ხასიათის სუსტი მხარეები სრულიად ვერ შეეწელებია.

ნერონი თვითნება, უღმობელი დესპოტის ნიმუშად ითვლება. მისი მმართველობა ორ ხანად იყოფა: პირველი ზუთეული წლის განმავლობაში იგი კარგ მთაბეჭდილებას სტოვებდა, თუმცა თავისი ხასიათის მთავარი მიმართულება, უღმობელობა და უმადურობა უკვე მაშინაც საკმაოდ გამოიჩინა: 18

წლის იყო, როდესაც კლავდიუსის შვილი, ბრიტანიკუსი მოაწამვლინა და შემდეგ საკუთარი დედა აგრძობა მოაკვლევინა. მაგრამ საერთოდ მაინც მისი პირველი სიტყვის შთაბეჭდილების ქვეშ იმყოფებოდნენ, რომელიც მან თავის იმპერატორად არჩევის შემდეგ სენატში წარმოთქვა და რომელშიც სენატს ავგუსტუსის პოლიტიკის განახლებას პირდებოდა. პირველად თითქოს საქმე რიგზე მიდიოდა: გლადიატორების ასპარეზობის დროს მან გლადიატორის მოკვლა აღკრძალა, ხოლო როდესაც ერთხელ სიკვდილის განაჩენი მიუტანეს ხელმოსაწერად, პათეტიურად წამოიძახა: „რა ბედნიერი ვიქნებოდი, რომ წერა არ მკოდნოდაო!“ მაგრამ მდგომარეობა მალე შეიცვალა: ნერონმა სენეკა თავიდან მოიშორა და გარყვნილ ლიბერტინს, ტიჭელინს დაუახლოვდა, რომელსაც, ნერონის მეორე ცოლთან, პოპეია საბინასთან ერთად, იმპერატორზე ძლიერ კუდი გავლენა ჰქონდა.

დიდებულების კანონი რომში ხელახლა ამოქმედდა და მრავალი რომაელი მსხვერპლად შეიწირა. სახელმწიფო საქმეებზე არავინ ზრუნავდა, რადგანაც თითონ იმპერატორი განდიდების მანიამ შეიპყრო და თავს დიდებულ არტისტად და გლადიატორად აცხადებდა: სხვა-და-სხვა გასართობებში იგი პირად მონაწილეობას ღებულობდა და ხალხის წინაშე ცირკსა და ამფითეატრში გლადიატორებთან იბრძოდა. 64 წელს რომში დიდი ცეცხლი გაჩნდა, რომელმაც თითქმის მთელი ქალაქი გაანადგურა. ხალხში ხმა გავრცელდა, ნერონმა თითონ ბრძანა ცეცხლის გაჩენა, რათა დიდებული სანახაობით დამტკბარიყო და შემდეგ ქალაქი თავის გემოზე გადაეკეთებიაო. თვით მთავრობამ-კი ცეცხლის გაჩენა ქრისტიანებს დააბრალა და ამ მიზეზით ყველა ქრისტიანის დატუსაღება ბრძანა. ბევრი მათგანი ხალხის გასართობათ არენაზე მხეცებთან ბრძოლაში დაიღუპა, ხოლო დანარჩენები ნერონმა კუბრში ამოავლენია და მათგან თავის ბაღში საჯარო სეირნობის დროს ცოცხალი ჩირაღდნები მოაწყობია. იმპერატორი უბრალო ხალხს მოსწონდა და უყვარდა კიდევ: ერთი მხრით, მისი მტრული განწყო-

ბილება არისტოკრატიისადმი, ხოლო, მეორეს მხრივ, სწირი გასართობები, რომელსაც იგი ხალხს უმართავდა, რომის უსაქმო და ზარმაც ბრბოს სიყვარულის დასამსახურებლად სრულიად საკმარისი იყო. მაგრამ მტრები მაინც ბევრი ჰყავდა იმპერატორს; მოაწყო შეთქმულება, რომელმაც ნერონი აიძულა, რომიდან გაქცეულიყო. სენატმა მისი გადაყენება და დატყვევება გადასწყვიტა. როდესაც ნერონი დარწმუნდა, რომ მისი საქმე წასული იყო, საკუთარი ხელით და თავისი საყვარელი ლიბერტინის დახმარებით თავი მოიკლა (68 წ.).

ფ ლ ა ვ ი უ ს უ ბ ი .

ლევინთა ბატონობა. ნერონის სიკვდილის შემდეგ სახელმწიფოს ბატონ-პატრონობა პრეტორიანთა გვარდისა და ლევინების ხელში იყო. ლევინებს თავ-თავისი კანდიდატები ჰყავდათ იმპერატორის თანამდებობაზე და მთელი წლის განმავლობაში ერთმანეთს ებრძოდნენ. ერთის მხრივ ისპანიის ჯარები, მეორეს მხრივ გერმანიის ლევინები და, ბოლოს აღმოსავლეთის—ყველანი თავისი უფროსის გაიმპერატორობას ცდილობდნენ. ერთი წლის ბრძოლის შემდეგ აღმოსავლეთის ლევინებმა გაიმარჯვეს და იმპერატორად თავისი 60 წლის მოხუცი სარდალი ვესპასიანუს ფლავიუსი აირჩიეს. აღსანიშნავია, რომ ვესპასიანუსი სულ უბრალო შთამომავლობის კაცი იყო. მაგრამ რაკი იმპერატორობა ლევინთა სურვილზე შეიქნა დამოკიდებული, ცხადი იყო, რომ შთამომავლობას ეხლა აღარავითარი მნიშვნელობა არ უნდა ჰქონოდა.

ვესპასიანუსი თავის წინამოადგილეთა სრულის წინააღმდეგობას წარმოადგენდა. თუ კალიგულა და ნერონი სახელმწიფოს კეთილდღეობაზე აღარ ფაქრობდნენ და თავისი და ბრბოს უღირსი გრძობების დასაკმაყოფილებლად სახელმწიფო კონებას ფლანგავდნენ. ვესპასიანუსმა თავის მთავარ მიზნად სახელმწიფოს შერყეული ფინანსიური მდგომარეობის გაუმჯო-

ბესება დაისახა: თვითონ თავისი საქიროებისათვის იგი ძლიერ ცოტას ჰხარჯავდა და თვით სახელმწიფოს ხარჯებშიც დიდ მომჭირნობას იჩენდა. სამაგიეროდ სახელმწიფოს შემოსავალი საკმაოდ გააძლიერა: იგი პროვინციების შესახებ ზრუნავდა და მათს ქონებრივ გაძლიერებას ხელს უწყობდა; ეს-კი საუკეთესო საშეაღება იყო სახელმწიფოს ხმზინის განსამტკიცებლად. გარდა ფინანსებისა, მას ჯარის შერყეული დისციპლინის აღსადგენადც ენერგიული მუშაობა დასჭირდა.

მიუხედავად თავისი ხელმოქერილობისა, ვესპასიანუსმა რომში დიდი საზოგადო სამუშაოები მოაწყო: კოლიზეუმი მის ღროს აშენდა, რამდენიმე წყალსადენი და გზატკეცილი გაიყვანა და სხვ. ხალხის ზნეობის აღსადგენად მომჭირნეობისა და საქმიანობის მაგალითს თვითონ იძლეოდა და გასართობების მოწყობას ყოველთვის გაურბოდა.

ვესპასიანუსის ღროს საგარეო საქმეთა შორის განსაკუთრებით საყურადღებო იუდეელთა დამარცხება იყო. მათი აჯანყება ჯერ კიდევ ნერონის ღროს მოხდა, და როდესაც ლეგიონებმა იგი იმპერატორად გამოაცხადეს, ვესპასიანუსი იუდეელთა სატახტო ქალაქს, იერუსალიმს, რომელშიც მან მტრის მთელი ცოცხალი ძალა მოამწყვდია, ალყას არტყამდა; ქალაქის აღება თვითონ ვესპასიანუსმა ვერ მოასწრო და ეს საქმე თავის შვილს, ტიტუსს დაავალა. საშინელი წინააღმდეგობის მიუხედავად, იერუსალიმი მაინც დაეცა და თვით შესანიშნავი სოლომონის ტაძარიც-კი ცეცხლის მსხვერპლი შეიქმნა.

ვესპასიანუსის ღროს გერმანიაში ბატავეების მეთაურობით დიდი ამბოხება მოხდა, მაგრამ ესეც მალე იქმნა ჩაქრობილი.

ტიტუსი, რომელიც მამის მემკვიდრეობას დაეუფლა, სცდილობდა, სენატთან მუდამ კარგი განწყობილება ჰქონოდა. ამიტომაც სენატი მას კარგად ეპყრობოდა და „კაცობრიობის ნუგეშისმცემელს და სიტკბოებას“ უწოდებდა. ტიტუსის მმართველობის ღროს, რომელიც სულ ორ წელიწადს გავრძელდა, რომს ორი სტიქიური უბედურება ეწვია. ერთი იყო

ვულკანის ვეზუვის ამოხევა (79 წ.), რომელმაც ორი მშვენიერი ქალაქი: პერკულანუმი და პომპეი იმსხვერპლა. აქ დაიღუბა ბუნების-მეტყველი პლინიუსი, რომელიც მეცნიერული ცნობისმოყვარეობით გატაცებული, ვულკანთან მეტად ახლო მივიდა; ხოლო მეორე უბედურება ის დიდი ცეცხლი იყო, რომელმაც პრაქტიკული შენობა გადასწვა.



ტიტუსის თაღი რომში.

ვესპასიანუსის სიკვდილს შემდეგ იუდეელებთან ომის საწყასოვრად აგებული.

დომიციანუსი, ტიტუსის მემკვიდრე, ცულ განწყობი-
ლებაში იყო სენატთან. ამიტომ მას არისტოკრატია დიდ წი-
ნააღმდეგობას უწევდა, და იგიც მასთან ბრძოლაში არაერთარ
ზომას არ ერიდებოდა: დიდებულების შეურაცხყოფის კანონი
ხელახლა ამოქმედდა და მრავალი რომაელი იმსხვერპლა. მის
შინაურ პოლიტიკაში აღსანიშნავია მზრუნველობა სასა-
მართლოს გაუმჯობესებისა და მეცნიერებისა და ხელოვნების
შესახებ. მან ბრძანება გასცა, ხელახლა გადაეწერათ ალექსან-
დრიის ბიბლიოთეკაში დაცული ხელთნაწერები, რომელნიც
რომის გადაწვის დროს დაიღუპნენ. მის დროს რომში განსაკუთ-
რებით გაცხოველდა სალიტერატურო და სამუსიკო შეჯიბ-
რება.

საგარეო პოლიტიკაში დომიციანუსს, თუ მხედველობაში
არ მივიღებთ ბრიტანიის დაპყრობას, რომელიც მისმა სარდალმა
აგრიკოლამ დაამთავრა, ბედი არ სწყალობდა: მას უნაყოფო
ომები ჰქონდა, ერთის მხრივ, გერმანელებთან და, მეორეს მხრივ,
დაკიელებთან, რომელნიც მდ. დუნაის გადმოსცილდნ და
რომაელთა პროვინციაში (მეზიაში) დასახლდნ. ამის მიუხე-
დავად მან მაინც „გერმანიკუსის“ და „დაკუსის“ სახელწოდე-
ბა მიიღო. დომიციანუსი შეთქმულების მსხვერპლი შეიქმნა,
და გამარჯვებულმა სენატმა იმპერატორად თავისი კანდიდატი,
ნერვა გამოაცხადა. |

ა ნ ტ ო ნ ი ნ უ ს ე ბ ი.

ნერვა, როგორც სენატის კანდიდატი, მთელი თავისი
შმართველობის დროს (96-98) სენატის ხელმძღვანელობას
ემორჩილებოდა; მაგრამ რადგანაც იმ დროინდელ რომში ჯა-
რის სურვილების წინააღმდეგ სახელმწიფოს მართვა შეუძლე-
ბელი იყო, ნერვამ სარდალი ველპიუს ტრაიანუსი იშვილა,
რომელიც ნერვას სიკვდილის შემდეგ საიმპერატორო ტახტზე
ავიდა.

ტრაიანუსი (98-117) შთამომავლობით ისპანელი პრო-


ვინციელი იყო და, როდესაც ნერვა გარდაიცვალა, რენის ლეგიონების სარდლად ირიცხებოდა. ეს პირველი შემთხვევა იყო, რომ რომის იმპერატორად პროვინციელი იქმნა არჩეული, მაგრამ რომს არ წაუგია: იგი არა მარტო პირველხარისხიანი მხედართ-მთავარი იყო, არამედ შესანიშნავი ადმინისტრატორი და მოუდგომელი მოსამართლევ აღმოჩნდა. მისი სახით რომს ხელახლა დიდი იმპერატორი მოველინა.

ტრაიანუსის მთელი გულისყური წვრილ მესაკუთრეთა და ღარიბ-ღატაკთა კეთილდღეობის შექმნისკენ იყო მიმართული. წვრილ მესაკუთრეებს იგი სახელმწიფო სესხს აძლევდა, ხოლო ამ სესხის პროცენტებს ისევ ღარიბების საკეთილდღეოდ ხმარობდა: მსესხებლებს პროცენტები თემისათვის უნდა ეძლიათ, რომელსაც ამ ფულით ღარიბ-ღატაკთა ბავშვების მოვლა და პატრონობა ევალებოდათ.

ტრაიანუსი ყოველ ღონეს ხმარობდა, რათა რომში მიუდგომელი სამართალი დაემკვიდრებია: „უკეთესია ასი დამნაშავე სასჯელს გადაურჩეს, ვიდრე ერთი უდანაშაულო დაისაჯოს-“ო, ამბობდა იმპერატორი და სასამართლოს საქმეებს ამ სიტყვების-და-მიხედვით აწარმოებდა.

საგარეო პოლიტიკაში ტრაიანუსის მოღვაწეობა კიდევ უფრო ბრწყინვალედ მიმდინარეობდა. ტრანსილვანია და რუმინიაც მაშინ თრაკიის მკვიდრთა მონათესავე ხალხს, დაკიელებს ეკავათ, რომელნიც უკანასკნელ ხანებში რომაელთა დუნაის საზღვრებს მოსვენებას არ აძლევდნენ. საჭირო იყო ამ საშიში მტრის ალაგმვა. მაგრამ ამისთვის თვითონ დაკიელების მიწა-წყალში შექრა იყო აუცილებელი. ტრაიანუსმა ორჯერ გაილაშქრა მათ წინააღმდეგ, გადალახა დუნაი და მთელი დაკია დაიმორჩილა; სტრატეგიულად მნიშვნელოვან ადგილებში რომაელი ახალშენები მოაწყო, გზები გაიყვანა და აქაური მადნეულობის დამუშავება დაიწყო. ყველა ამ ღონისძიებათა გამო რომის კულტურამ აქ იმდენად ფართოდ და ღრმად გაიღვა ფესვები, რომ ამ ქვეყნის დღევანდელი მკვიდრნი, რუმინელები თავისი ენითა და სახელწოდებითაც რომის ძლიერი გავლენის ცოცხალ მოწმედ უნდა ჩაითვალოს. ეს მოხდა 105 წელს. ამავე წელს იმპერატორმა აღმოსავლეთითაც ახალი პროვინცია, არაბეთი შემოიერთა.

მეორე დიდი ომი ტრაიანუსს აღმოსავლეთის უძლავერეს მტერთან, პართებთან ჰქონდა, რომელთაც მაშინ სომხეთი ეჭირათ. ტრაიანუსმა არა მარტო სომხეთის დაბრუნება დაი-სახა მიზნად, არამედ პართების ძლიერების სრული დამხობაც. ომი დიდის წარმატებით მიმდინარეობდა: სულ მოკლე ხნის განმავლობაში რომის ჯარმა სპარსეთის ყურეს მიაღწია. იმ-პერატორი ამ ომის დროს გარდაიცვალა.



ტრაიანუსის კოლონა (დღევანდელ სახით)

ტრაიანუსის მოღვაწეობის ერთ-ერთ მხარეს მისი რომის ჯამშვენეირებისთვის და სასარგებლო შენობათა აგებისათვის



ზრუნვა შეადგენდა. რომის უმშვენიერესი უბანი (კაპიტოლიუმსა და კვირინალს შუა) სწორედ მის დროს აივსო ხუროთმოძღვრების წარმატატი ძეგლებით, რომელთა შორისაც ერთმა, ე. წ. ტრაიანუსის სვეტმა ჩვენამდისაც მოაღწია. ტრაიანუსმა ეს სვეტი დაკიის დაპყრობის სახსოვრად ააგო; იგი თეთრი მარმარილოსაგან არის ნაკვეთი და სიმაღლით 12 საეწენამდეა. მისი ბარელიეფები, რომელნიც დაკიელთა ომების სცენებს შეიცავენ, ამ ხალხის სამხედრო ყოფა-ცხოვრების შესასწავლად ძვირფას მასალას შეადგენენ.

ჰადრიანუსი, შთამომავლობით ისპანელი იყო. უშვილო ტრაიანუსმა იგი თავის მემკვიდრედ აირჩია. ჰადრიანუსი ნიჭიერი ადმინისტრატორი აღმოჩნდა და მთელი თავისი მოღვაწეობა იმპერიაში მშვიდობიანობის დამკვიდრებასა და განათლების გავრცელების საქმეს მოანდომა. თვითონ ჰადრიანუსი ძლიერ განათლებული კაცი იყო და დიდი ცოდნის ინტერესები ჰქონდა. მისი მიზნების განსახორციელებლად წესიერებისა და მშვიდობიანობის დამყარება იყო აუცილებელი. ამიტომ მან ტრაიანუსის მიერ დაპყრობილ ადგილებზე, გარდა არაბეთისა, ყველაზე უარი განაცხადა, რათა ამ სახით შემცირებული იმპერიის საზღვრები უკეთ გაემაგრებია. მას საჭიროდ აღარ მიაჩნდა ისედაც უზარმაზარი სახელმწიფოს საზღვრების გაფართოება და მშვიდობიანობის დასამყარებლად აუცილებლად სთვლიდა, იმპერიის საზღვრები ისე გაემაგრებია, რომ რომისთვის ომის გამოცხადება ვერც ერთ მეზობელს ვერ გაებედა. ამ მიზნით მან თითქმის ყველა საზღვარზე მიუვალა სიმაგრეები ააგო. განსაკუთრებით აღსანიშნავია ე. წ. „ჰადრიანუსის სანგარი“, რომელიც ბრიტანიაში დაბანაკებულმა სამმა ლეგიონმა ასი ვერსის მანძილზე ააგო: იგი უზარმაზარ კედელს წარმოადგენდა, რომელსაც 300 კოშკი ჰქონდა, წინ ფართო და მაღალი თხრილი (სიღრმით ოთხსა და სიგანით ხუთ საეწენზე მეტი) იყო გაყვანილი, და უკან ჩვიდმეტე გამაგრებული ბანაკი მოწყობილი, რომელნიც მშვენიერის სამხედრო გზებით იყვნენ ერთი მეორესთან შეერთებულნი. ასე-




თივე სანგრები ააგებინა ჰადრიანუსმა მდ. რეინზე და ღუნაიზზე.

თავისი ცოდნის წყურვილის დასაკმაყოფილებლად და ამ სიმაგრეების აგების თვალყურის სადევნელად ჰადრიანუსი რომის იმპერიის ყველა კუთხეში მოგზაურობდა. თვისი 21 წლიანი მეფობის დროს 14 წელი მან ასეთ მოგზაურობას მოანდომა. სადაც-კი მივიდოდა ეს საკვირველი იმპერატორი, თავის კვალს ყველგან სტოვებდა, რადგანაც თან მრავალი ხუროთმოძღვარი და ხელოსანი მუშები ჰყავდა, რომელნიც ყველგან სხვადასხვაგვარ შენობებს აგებდნენ: ჭალაიაში, გერმანიაში, ბრიტანიაში, აფრიკაში, ისპანიაში, მცირე აზიაში, საბერძნეთში, სირიასა და მესოპოტამიაში, ყველგან შეხვედრებით ჰადრიანუსის ძეგლთა ნანგრევებს.

რასაკვირველია, ამ მხრივ არც თვითონ რომი შეადგენდა გამონაკლისს: ჰადრიანუსის აქაურ შენობათა შორის განსაკუთრებით საყურადღებოა უზარმაზარი მავზოლეუმი, რომელიც დღეს სიმაგრედ არის გადაკეთებული. თუ რაიმე საყურადღებო ძეგლს შეხვდებოდა თავის მოგზაურობის დროს, ჰადრიანუსი ყველა მათს პირს ამზადებინებდა და ყველაფერს ამას თავის ახლად აგებულ ვრცელ სასახლეში ინახავდა.

ამ იმპერატორის შინაური პოლიტიკა ყველაფერში კაცთ-მოყვარეობის დაღს ატარებდა: მან საგრძობად გააუმჯობესა მონებისა და დედაკაცის უფლებრივი მდგომარეობა და აღკრძალა ადამიანის მსხვერპლად შეწირვის ჩვეულება ყველგან, სადაც იგი ჯერ კიდევ არ იყო მოსპობილი.

იმპერატორის კანცელარია, როგორც ვიცით, სასახლეში იყო მოთავსებული და იქ ლიბერტინები მსახურობდნენ. ჰადრიანუსმა იგი სახელმწიფო დაწესებულებად გახადა და მოხელეებად ლიბერტინების მაგივრად მხედრები დანიშნა. შეიცვალა „იმპერატორის საბჭოს“ შემადგენლობაც: ცნობილს სამართლის მკოდნეთ და სენატორებს იქ მაღალი თანამდებობანი მიეცათ. ამას გარდა 131 წელს ჰადრიანუსმა რომის კანონების პირველი კოდიფიკაცია გამოაქვეყნა.



საქართველოს სამსახური

ამ კაცთმოყვარე იმპერატორს სიმკაცრეც ეხერხებოდა, როდესაც ეს საჭიროდ მიაჩნდა. როდესაც იერუსალიმში, სამხედრო ახალშენის მოწყობის გამო, რომის წინააღმდეგ მთელი იუდეა აჯანყდა, ჰადრიანუსმა იქ ლეგიონები გაგზავნა და სამი წლის განწირული ბრძოლის შემდეგ ისეთი საშინელი შურისძიებით გაანადგურა ეს ქვეყანა, რომ ის მცირე ნაწილი ებრაელებისა, რომელიც სიკვდილს ან მონობას გადაურჩა, საბოლოოდ აქეთ-იქით მიმოიფანტა (135 წ. ქრ. შემდეგ).

ანტონინუს პიუს და მარკუს ავრელიუსი. ჰადრიანუსის შემდეგ იმპერატორად, თანახმად ჰადრიანუსის სურვილისა, ავრელიუსი ანუ ანტონინუს პიუსი შეიქმნა. მისი 23 წლის იმპერატორობის განმავლობაში იმპერიის მშვიდობიანობა თითქმის არას დროს არ დარღვეულა. იგი მუდამ კარგს განწყობილებაში იყო სენატთან და თავისი კაცთმოყვარეობით ყველგან სახელი გაითქვა.

მისი სიკვდილის შემდეგ იმპერატორობა მისმა სიძემ და ნაშვილევმა, მარკუს ავრელიუს ფილოსოფოსმა მიიღო, რომელიც თავის ფილოსოფიურ ნაწერებში სტოიციზმის მოძღვრებას აღიარებდა. მას ორი მოავარი დევიზი ჰქონდა: ერთი იყო უარყოფა ყოველგვარი სიამოვნებისა, გარდა იმ სიამოვნებისა რომელსაც ადამიანს მოვალეობის სინდისიერი შესრულება ანიავებს, ხოლო მეორე—სრული მშვიდობიანობის დაცვა იყო. მაგრამ მარკუს ავრელიუსის ცხოვრება ისე მოეწყო, რომ მან ამ დევიზების საწინააღმდეგო მიმართულება მიიღო: მარკუს ავრელიუსს თანამმართველად ლუციუს ავრელიუს ვერიუს ჰყავდა აყვანილი, რომელიც უსაზღვრო სიამოვნებას ეძლეოდა, მართავდა ქეიფს და დიდ ფულს ხარჯავდა. მეორეს მხრივ, მიუხედავად იმპერატორის მშვიდობიანობის დამყარების სურვილისა, სწორედ მისი იმპერატორობის დროს რომს მრავალი ომის წარმოება მოუხდა. ისპანიაში, გალიასა და ბრიტანიაში აჯანყება დაიწყო. აღმოსავლეთით-კი პართების მეფე ხელახლა ამოძრავდა, მან დაამარცხა რომაელების ლეგიონები და მცირე აზიას დაუწყო მუქარა. მარკუს ავრელიუსი იძულებული შეიქმნა, მის წინააღმდეგ ჯარები გაეგზავნა, და მცირე ხნის გან-



მავლობაში იგი სასტიკად დაამარცხა: სომხეთი ისევ დაუბრუნდა.

იმპერატორს უკვე მშვიდობიანობის დამყარების იმედი გაეღვიძა, რომ უეცრად რომის საზღვრებს გერმანელი ტომები (კვადები და მარკომანები) დაესხნენ. იმპერატორი მათ წი-



მარკუს ავრელიუსს და მარკომანების შეღვის შეწყალება.

ნააღმდეგ თვითონ გაემგზავრა. მაგრამ ომის დასრულებას ვერ მოესწრო, რადგანაც ვინდობონაში (ვენაში) ავად გახდა და გარდაიცვალა.

კომოდუსმა, მარკუს აერელიუსის შვილმა, მამის სიკვდილის შემდეგ რომში კვლავ ნერონის ბატონობის დროის უსაშინელები მდგომარეობა განაახლა. 12 წლის განმავლობაში მთელი სახელმწიფო იტანჯებოდა ამ თვითნება დესპოტის ბატონობის ქვეშ. ბოლოს, როგორც იქნა, შეთქმულების წყალობით იგი თავიდან მოიცილეს.



ჯარის ბატონობისა და ანარქიის ხანა (192-384).

მესამე საუკუნის განმავლობაში რომში საშინელი არე-
დარევა დაიწყო. არ იყო ძალა, რომელსაც წესიერი სახელმწი-
ფო ცხოვრების ხელმძღვანელობა შესძლებოდა. პრეტორიანთა
გვარდია წინედაც გრძნობდა თავის ძალას, მაგრამ მაშინ მისი
თვითნებობა იმპერატორის არჩევით ისაზღვრებოდა, რომელ-
საც შემდეგში საერთოდ თვითონაც ემორჩილებოდა. კომო-
დუსის შემდეგ-კი იმპერატორის თანამდებობა გვარდიელებმა
ვაჭრობის საგნად გახადეს: ვინც მეტს მისცემდა, იმპერატო-
რადაც მას აცხადებდნენ. ამ უწყესობის ფერხულში პროვინ-
ციის ლეგიონებიც ჩაებნენ. მათაც თავის კანდიდატები ჰყავდათ
საიმპერატორო ტახტზე, და ამგვარად თითქმის მთელი საუკუნის
განმავლობაში რომის საიმპერატორო ტახტზე ასვლა მხოლოდ
ფულით, ძალიმომრეობითა და სისხლის ღვრით შეიქმნა შესა-
ძლებელი. მთელს სახელმწიფოში აღვირახსნილი ჯარისკაცები
დანაწარმდებდნენ და ყველგან ბატონად გრძნობდნენ თავს.
თორმეტი წლის განმავლობაში ოცდაცხრა იმპერატორი თუ
იმპერატორის შვილი იქმნა მოკლული.

ასეთ პირობებში იმპერიის ძლიერება, რა თქმა უნდა,
აღარავის აღარ აშინებდა, და რომის პროვინციები მტრების
სათარეშო ასპარეზად გარდაიქცენ. განსაკუთრებით ხშირი
შეიქმნა რეინისა და ლუნაის მხრით გერმანელი ტომების თავ-
დასხმა და ნაწარდი; იგინი ისე შორს შემოიჭრენ სახელმწიფოს
საზღვრებში, რომ თვით იტალიასაც-კი ემუქრებოდნენ. აღმო-
სავლეთში პართების სახელმწიფო სასანიანთა სამეფო გვარის
ხელში გადავიდა და იქ ძლიერი ახალი სპარსეთის მონარქია
დაარსდა, რომელმაც რომაელებს აღმოსავლეთი პროვინციები
ჩამოართვა, მაგ., სირია. თვით პროვინციებში რომის პატივის-
ცემა და შიში აღარავს ჰქონდა (სრული მოქალაქობრივი
უფლებები პროვინციელებმა 211 წელს მოიპოვეს, თანახმად
იმპერატორის კარაკალას ედიქტისა); თითოეული მათგანი
თავის იმპერატორს ნიშნავდა და სრული განცალკევებისაკენ

მისწრაფოდა. ყველაფრიდან ნათლად ჩანდა, რომ რომი თავისი არსებობის უკანასკნელ წუთებს უახლოვდებოდა; მაგრამ 284 წელს რომის იმპერატორობა დიოკლეტიანეს ხელში გადავიდა, რომელმაც სახელმწიფოში ძირითადი რეფორმები შემოიღო და რომის არსებობა კიდევ რამდენიმე საუკუნით უზრუნველპყო.



სენტ. სვეერუსის ტრიუმფალური თაღი რომში.



ლიოკლექტიანე (285—305) და ტეტარქია. ლიოკლექტიანე უბრალო შთამომავლობის იყო და იმპერატორის ტახტს მხოლოდ თავისი მოწინააღმდეგეების დამარცხების შემდეგ მიაღწია. მთელი თავისი იმპერატორობის დროს მან საოცარი ნიჭი და გამჭრიახობა გამოიჩინა და ნათლად შეიგნო ის მთავარი მიზნები, რომელთა განხორციელებაც იმ დროინდელი რომის არსებობისა და განმტკიცებისათვის იყო საჭირო. რომს საზღვრების გაფართოება აღარ ესაჭიროებოდა; აუცილებელი იყო არსებული საზღვრების უზრუნველყოფა, ჯარში ჩამოკვეითებული დისციპლინის აღდგენა, ანარქიის მოსპობა, ძლიერი მთავრობის შექმნა და ეკონომიური და ფინანსიური გაჭირვების მოსპობა. თავისი მართველობა ახალმა იმპერატორმა წესიერების აღსადგენად ენერგიული მოღვაწეობით დაიწყო. იგი ნათლად ხედავდა, რომ რომი ორის ძირითადად განსხვავებული ნაწილისაგან შედგებოდა: ერთი იყო დასავლეთი, სადაც რომაული კულტურული გავლენა სქარბობდა, და მეორე — აღმოსავლეთი, რომელიც უფრო ბერძნულის, ელინისტური კულტურის გავლენის ქვეშ იმყოფებოდა.

ამ ორი ნაწილის წესიერი მართვა-გამგეობისთვის განსხვავებული ზომების მიღება იყო საჭირო, და ლიოკლექტიანემ 286 წელს ამხანაგად და თანამართველად თავისი მეგობარი, მაქსიმიანუსი დანიშნა, რომელსაც მალე ავგუსტუსის სახელწოდება უბოძა და დასავლეთის პროვინციებში წესიერების აღდგენა დაავალა; თვითონ ლიოკლექტიანე-კი აღმოსავლეთს წავიდა და თავის თავზე იქაური საქმეების ხელმძღვანელობა მიიღო. ამგვარად რომში ორი იმპერატორი გაჩნდა, რომელნიც სახელმწიფოს განსხვავებულ ნაწილებს განაგებდენ.

ამის მიუხედავად მათ შორის სრული ერთსულოვნობა იყო დამყარებული, და მაქსიმიანუსს ერთხელაც არ უცდია, ლიოკლექტიანეს გადადგომოდა და თავისი დამოუკიდებელი პო-



დიოკლეტიანე.

ლიტიკა ეწარმოებია. არსებითად აღმოსავლეთშიც და დასავლეთშიც დიოკლეტიანეს პოლიტიკა ბატონობდა. აღმოსავლეთის საქმეები მალე მოწესრიგდა: დიოკლეტიანე, რომელიც ნიკომედიაში ცხოვრობდა, როგორც ისეთ პუნქტში, საიდანაც არა მარტო აღმოსავლეთის, არამედ დასავლეთის ამბების ყურისგდებაც შეიძლებოდა, პირველად სპარსელების წინააღმდეგ ამოქმედდა; სპარსელები იძულებულნი შეიქმნენ, ეფფრატის აქეთ მდებარე ადგილები დაეცალათ და თავის საზღვრებს დაბრუნებოდნენ; სომხეთი კვლავ რომაელების მფარველობაში გადმოვიდა და სპარსელების წინააღმდეგ მიმართულ რომაულ ავიანოსტად გარდაიქცა. წესიერება სირიაშიც აღდგენილ იქმნა. დასავლეთით მაქსიმიანუსი (მისი რეზიდენცია ტრირი იყო) გერმანელი ტომების წინააღმდეგ იბრძოდა. თვით გერმანელთა შინაური ომების გამო მაქსიმიანუსის მო-

ღვაწობა დიდის წარმატებით დაგვირგვინდა. აღსანიშნავია ოლონდ, რომ ავგუსტუსის წინააღმდეგ ფლოტის უფროსი, კარასიუს აჯანყდა და ბრიტანიაში გამაგრდა. მან თავი დამოუკიდებელ მმართველად გამოაცხადა და მართლაც მთელი შვიდი წლის განმავლობაში ბრიტანიას დამოუკიდებლად განაგებდა.

რათა იმპერატორობის მემკვიდრეობის საკითხში წესრიგი შეეტანა, დიოკლეტიანემ გადასწყვიტა, თითოეულს იმპერატორს თითო თანაშემწე დანიშნოდა, რომელსაც იმპერატორის გადადგომის ან გარდაცვალების შემდეგ მისი ადგილი უნდა დაეკავებია; თვით იმპერატორს-კი განსაზღვრული ხნის მართველობის შემდეგ იმპერატორობაზე უარი უნდა განეცხადებია და თავისი ადგილი თანაშემწისათვის დაეთმო. ამ მიზნით დიოკლეტიანემ 293 წელს თავის თანაშემწედ **გალერიუსი** დანიშნა, ხოლო მაქსიმიანუსის თანაშემწედ **კონსტანციუს ქლორუსი** იქმნა გამოცხადებული. მოხდა ხელახალი დანაწილება იმპერიისა, რომლის მიხედვითაც დიოკლეტიანეს აზიის პროვინციები, ეგვიპტე და თრაკია შეჩვდა, გალერიუსს—დანარჩენი ნაწილი ბალკანეთისა და ღუნაის პროვინციები; მაქსიმიანეს იტალია, ისპანია და აფრიკა გადაეცა, ხოლო მის თანაშემწეს, კონსტანციუსს—გალიის პროვინციები. დიოკლეტიანეს და მაქსიმიანეს ორივეს ავგუსტუსი ეწოდებოდათ, ხოლო მათ თანაშემწეებს—**კეისრები**. პროვინციების ასეთი დანაწილება სრულიად არ ნიშნავდა თვით სახელმწიფოს განაწილებასაც; პირიქით, სახელმწიფოს მთლიანობა სავსებით დაცული იყო: კეისრები ავგუსტუსებს ემორჩილებოდნენ და მათ მიერ განსაზღვრული უფლებებით იყვნენ აღჭურვილნი, ხოლო თვით ავგუსტუსებს შორის დიოკლეტინეს, როგორც უფროსს, გადაწყვეტი მნიშვნელობა და გავლენა ჰქონდა.

გარდა აღნიშნული რეფორმისა დიოკლეტიანემ სრული წესიერების აღსადგენად და ძლიერი მთავრობის შესადგენად სახელმწიფოს მართვა-გამგეობის საქმეში სხვა ძირითადი ცვლილებებიც შეიტანა: ავგუსტუსიდან დაწყებული, სახელმწიფოს სათავეში იმპერატორს გარდა სენატიც იდგა, ასე რომ რომში

ერთგვარი დიარქიული წესი იყო შემოღებული. მაგრამ თვით სენატის შემადგენლობის შეცვლასთან ერთად ამ დაწესებულების მნიშვნელობაც მკირდებოდა, ასე რომ ბოლოს და ბოლოს იმპერატორები მას არავითარ ანგარიშს აღარ უწევდნენ, ხოლო თვით სენატს არავითარი ძალა არ ჰქონდა, თავისი უფლებები დაეცვა. ლიოკლეტიანემ ოფიციალურად დააკანონა ის, რაც თავის თავად უკვე მომხდარი ფაქტი იყო: მან სენატს სახელმწიფო ძალაუფლება სრულიად ჩამოართვა და იგი მხოლოდ სახელმწიფო სათათბიროდ გარდააქცია. მთელი სახელმწიფოს უაღრესუფლებიანობა ეხლა იმპერატორის ხელში იყო, და კანონის ძალით, არც ერთი დაწესებულება არ არსებობდა, რომელიც მასთან ერთად სახელმწიფოს უმაღლეს ძალაუფლებას იზიარებდა. ამგვარად, რომის აბსოლუტურ მონარქიად გარდაქმნის პროცესი ლიოკლეტიანეს დროს დასრულდა.

მთელი სახელმწიფო თორმეტს ცალკე ადმინისტრაციულ ერთეულად ე. წ. დიეცესებად იქმნა გაყოფილი. თითოეულ დიეცესში რამდენიმე პროვინცია გაერთიანდა. ამისგან იტალიამ და კერძოდ რომმა თავისი ძველი უპირატესი მდგომარეობა დაჰკარგა და სახელმწიფოს ერთ-ერთს ჩვეულებრივ ერთეულად გარდაიქცა; ამ გარემოებამ თავისი გამოხატულობა იმაშიც ჰპოვა, რომ იტალია, რომელიც წინა დროის გადასახადებისაგან განთავისუფლებული იყო, ეხლა ასეთ გადასახადებს სხვებთან ერთად იხდიდა. რომი სატახტო ქალაქად აღარ ითვლებოდა. მისი ადგილი აღმოსავლეთში ნიკომედიამ და დასავლეთში მილანმა დაიკავა. ამიტომ რომისა და მისი განაპირა უბნების წარმომადგენლად ეხლა ე. წ. ქალაქის პრეფექტი შეიქმნა.

ლიოკლეტიანეს ერთ-ერთ უმნიშვნელოვანეს საქმეს სამხედრო და სამოქალაქო მართველობათა განაწილება შეადგენდა. სამხედრო საქმეებისათვის ცალკე პირები იყვნენ დანიშნულნი: ე. წ. duces, ხოლო სამოქალაქო საქმეებს ე. წ. პრეტორიის პრეფექტები და მათი ვიკარიუსები (დიეცესების მართველები)

განაგებდენ. პრეტორიის პრეფექტი სამოქალაქო, საფინანსო და სასამართლო მართვაგამგეობას ხელმძღვანელობდა და უმაღლეს სახელმწიფო მოხელედ ითვლებოდა. ამით მოსდევდა მთელი იერარქია მოხელეებისა, რომელთაც საგანგებო ტიტულები და სახელწოდება ჰქონდათ. ამგვარად, ლიოკლეტიანეს დროს ის ბიუროკრატიული წრე შეიქმნა, რომელიც სახელმწიფოს მართვაგამგეობას ცენტრალისტურ ელფერს აძლევდა.

სამხედრო რეფორმებიც აუცილებელი იყო. ლიოკლეტიანემ ჯარის რიცხვი საგრძნობლად გააფართოვა, მისი ორგანიზაცია ახალ საფუძველზე დაამყარა და შემადგენლობა შესცვალა. მაგრამ ჯარისთვის დიდი ფული იყო საჭირო, ხოლო სახელმწიფოს ფინანსიური მდგომარეობა ძლიერ შერყეული იყო. ლიოკლეტიანემ სახელმწიფოს ყველა ნაწილს ერთგვარი გადასახადი დააკისრა. უპირატესობა ამ მხრივ არცერთ ნაწილს არ ჰქონდა. პირდაპირ გადასახადს საადგილმამულო გადასახადი, უადგილმამულოთათვის სულზე გადასახადი და პატენტის გადასახადი შეადგენდა, ხოლო არაპირდაპირ გადასახადს—სხვადასხვა გვარი ბაეი. მთელი გადასახადი თითოეულს ქალაქზე ან თემზე იყო გაწერილი, და მისი მოკრება და გადახდა თემისა და ქალაქის თვითმართველობის წევრთ ჰქონდათ დაკისრებული. თუ თანხა სრულად ვერ შეიკრიბებოდა, თვითმართველობის წევრნი მოვალენი იყვნენ, პასუხი თავისი ქონებით ეგოთ. ეს იყო მიზეზი, რომ ამ თვითმართველობას ყველა გაუბოძდა. ამგვარ ფინანსიურ სისტემას შედეგად ერთი ფრიად მნიშვნელოვანი გარემოება მოჰყვა: რაკი მთელი ერთეული ერთად იხდიდა გადასახადს, ამიტომ რომში მოქალაქე ერთს განსაზღვრულ ადგილს მიეჯაჭვა და მას გადასახლების თავისუფლება წაერთვა. ეს განსაკუთრებით სოფელს ეხებოდა, სადაც გადმოსახლებულმა გერმანელებმა მცირე მეურნეობა მოაწყვეს და რომის გლეხობა ხელახლა გააცოცხლეს; ხოლო ეს ახალი გლეხობა, თუმცა პირადად თავისუფალი იყო, მაგრამ სხვის მიწაზე მუშაობდა, და რადგანაც გადასახადს იხდიდა, მემამულე მას ნებას არ აძლევდა, მისი ადგილიდან სხვა-

გან გადასახლებულიყო, ვინაიდან მაშინ გადასახადის დანაკლისი თვითონ უნდა შეეწოს. ასე გაჩნდა ე. წ. კოლონატი, რომელიც საშუალო საუკუნეების ხანაში ყომაზად გარდაიქცა. ასეთივე უძრავი ხასიათი მიეცა სახელოსნო ამქრებსაც.

305 წელს დიოკლეტიანემ და მაქსიმიანუსმა თავის ძალაუფლებაზე უარი განაცხადეს და ავგუსტუსებად მათი თანაშემწენი შეიქმნენ; ამათ თავის მხრივ ახალი კეისრები დანიშნეს. მაგრამ კოსტანციუს ქლორუსის შვილმა კოსტანტინემ თავისი მამის სიკვდილის შემდეგ, როგორც მისმა ბუნებრივმა მემკვიდრემ, იმპერატორობა მოისურვა. დიოკლეტიანეს მემკვიდრეობის წესის მიხედვით კი საიმპერატორო ტახტი კეისარს ეკუთვნოდა. აუცილებელი შეიქმნა ბრძოლა, რომელსაც საბოლოოდ უნდა გადაეწყვიტა საკითხი, რომელს მემკვიდრეობით წესს უნდა დარჩენოდა რომში გამარჯვება, ბუნებრივს, რომელსაც კონსტანტინე ეყრდნობოდა, თუ არაბუნებრივს, რომელიც დიოკლეტიანემ შემოიღო. ბრძოლა კოსტანტინეს გამარჯვებით დასრულდა; მაგრამ იგი იძულებული შეიქმნა, ჯერ ხნობით იმპერიის დასავლეთი ნაწილით დაკმაყოფილებულიყო, ხოლო აღმოსავლეთი ნაწილი მეორე იმპერატორისათვის, ლიციინიუსისათვის დაეთმო. ათი წლის განმავლობაში რომს ორი პატრონი ჰყავდა; მაგრამ კოსტანტინეს არ შეეძლო, ასეთ მდგომარეობას საბოლოოდ შერიგებოდა. 323 წელს იმპერატორობა შორის გადამწყვეტი ბრძოლა მოხდა, და სახელმწიფოს ერთადერთ ბატონპატრონად კოსტანტინე შეიქმნა.

კოსტანტინე დიდი (306—337). თავის შინაურ პოლიტიკაში ახალი იმპერატორი დიოკლეტიანეს გზას გაჰყვა და მისი პრინციპები განავითარა.

1 პრეფექტურების რიცხვი, რომელიც დიოკლეტიანეს დროს ორით განისაზღვრებოდა, მან ოთხამდის აიყვანა, და ამგვარად კიდევ უფრო განამტკიცა ის კავშირი, რომელიც პრეფექტურის სახით იმპერატორსა და აურაცხელ მოხელეობას შორის არსებობდა.

2. ბიუროკრატიულმა სისტემამ და სასახლის

ცერემონიალმა, რომელსაც საფუძველი დიოკლეთიანემ ჩაუყარა, კოსტანტინეს დროს თავისი დასრულებული სახე მიიღეს (ცნობილი ბიძანტიური სისტემა).

3. გვარდია კოსტანტინემ სრულიად მოსპო, ხოლო ჯარის ხშირი აჯანყების შესაძლებლობის აღსაკვეთად ლეგიონერები საზღვრებს მოაცილა და ქალაქებში დააბინა; საზღვრებზე მხოლოდ მცირე ნაწილი დარჩა ჯარისა, რომელსაც აქ მიწები დაურიგდა და მათი დაცვა დაევალა. რომაელების ჯარი შემადგენლობის მხრივაც შეიცვალა: კოსტანტინეს დროს რომაელებს იშვიათად შეხედებოდათ სამხედრო სამსახურში, და ჯარის მთავარ ნაწილს ბარბაროსები შეადგენდნენ. რომში ეხლა სამხედრო სამსახურმა პირველობა სამოქალაქოს დაუთმო.

4. რომის ორს განსხვავებულ ნაწილად გაყოფვა პირველად დიოკლეთიანეს დროს იქმნა ოფიციალურად ცნობილი. კოსტანტინემ ამ მხრივ კიდევ ერთი ნაბიჯი გადადგა წინ: სატახტო ქალაქი რომიდან აღმოსავლეთს იქმნა გადატანილი: ბერძნების ახალშენი, ბიძანტიონი, რომელიც ბოსფორზე იყო გაშენებული და რომელსაც აზიასა და ევროპას შუა ცენტრალური ალაგი ეკავა, 331 წელს კოსტანტინეპოლის სახელით სატახტო ქალაქად გამოცხადდა. აქ მეორე სენატი იქმნა დაარსებული, მრავალი საუცხოვო შენობა აიგო და პოლიტიკური და კულტურული ცხოვრება გაჩაღდა. კოსტანტინე ამ შემთხვევაში უმთავრესად ორი მოსახრებით ხელმძღვანელობდა: პოლიტიკურით და სამხედრო მოსახრებით: პოლიტიკურად რომი რესპუბლიკანურ ტრადიციებთან იყო დაკავშირებული, და აბსოლუტური მონარქისათვის ასეთი ტრადიციები არასოდეს არ ყოფილა სასიამოვნო. ამას გარდა, რომის სიშორე იმპერიის საზღვრებიდან, განსაკუთრებით აღმოსავლეთის საზღვრებიდან, სადაც ისეთი საშინელი მტერი მოქმედობდა, როგორც ბართები და გუთები (გერმან. ტომი) იყვნენ, სამხედრო მოსახრებით ახალი ცენტრის შექმნას მოითხოვდა.

323 წლიდან იმპერიის საზღვრებზე საერთოდ მშვიდობიანობა მეფობდა. ხშირი იყო ოღონდ გერმანელ ტომებთან

შეტაკება. კოსტანტინე ამ ტომების მიმართ საგანგებო პოლიტიკის აწარმოებდა: ერთის მხრივ, საცხოვრებლად იმპერიის მიწაწყლის ნაწილებს უთმობდა, რათა იგინი რომის კულტურის ზიგავლენით გაერომაელებია, ხოლო მეორეს მხრივ, სამსახურში იღებდა: ხშირი იყო შემთხვევა, რომ ესეი სამხედრო თანამდებობანი გერმანელების ხელში იყუბე. მაგრამ ასეთმა პოლიტიკამ საბედისწერო ნაყოფი გამოადო: მის მაგივრად, რომ გერმანელები გარომაელებულიყენენ, პირიქით, რომის მიწაწყალი, ერთის მხრივ, და რომის ჯარი, მეორეს მხრივ, გერმანელებით აივსო და ასე თანდათანობით რომის მიწაწყალიცა და სამხედრო ძალაც გერმანელების ტერიტორიადა და ჯარად გადაიქცენ. ეს-კი არსებითად რომის მოსპობას და მის აღგილზე გერმანელი ტომების სახელმწიფოს აღმოცენებას ჰნიშნავდა.

კოსტანტინე დიდის მოღვაწეობაში განსაკუთრებით დიდი მნიშვნელობა იმ გარემოებას აქვს, რომ მან ქრისტიანთა დევნა მოსპო და ქრისტეს სარწმუნოება უფლებრივად წარმართულს გაუთანასწორა.

ქრისტიანობის გავრცელება რომის იმპერიაში. ქრისტეს სარწმუნოებამ რომის მმართველ წრეებში იმთავითვე დიდი წინააღმდეგობა გამოიწვია. მაშინ როდესაც რომში სარწმუნოება და სახელმწიფო ისე მჭიდროდ იყვნენ გადახლართულნი, რომ იმპერატორის გაღმერთება, განსაკუთრებით მის სიკვდილის შემდეგ, ჩვეულებრივ მოვლენად ითვლებოდა, ქრისტეს სარწმუნოება ამ ორ ცნებას ერთმანეთში არ ურევდა: „კვისარსა კვისრისა და ღვთისა ღმერთს“-ო, ამბობდა სახარება, და ამით ქრისტიანებსა და იმპერატორებს შორის გარდუვალი უფსკრული ითხრებოდა. ამას გარდა, მთელი მოქლერება ქრისტიანობისა ძირიანად ეწინააღმდეგებოდა წარმართობას, რომელზეც აგებული იყო რომის სახელმწიფოს ძლიერება. ამასთანავე ქრისტეს სარწმუნოება ღარიბ-ღატაკთა და მონათა შორის ჰპოულობდა მიმდევრებს, და ამით საზოგადოების გაბატონებულ ჯგუფებში ზიზლსა და მტრობას

იწვევდა. აღსანიშნავია აგრედვე, რომ პირველ ხანებში რომის მმართველ წრეებს ძალიან ბნელი წარმოდგენა ჰქონდა ქრისტიანობის მოძღვრებაზე და ამის გამო ქრისტიანთა შესახებ სრულიად შეუსაბამო ხმებს ავრცელებდნენ.

ქრისტიანების პირველი ღვეწა ნერონის დროს, რომელიც იგი საშინელი სისასტიკით განაგრძობდა. დიოკლეთიანეს, როგორც აბსოლუტიზმის დამაარსებელს და რომის ძველი ღიძების აღმადგენელს, არ შეეძლო ქრისტიანთა სარწმუნოების გავრცელებისათვის გულგრილად ვცქირა; ამიტომ მან სცადა, ამ სარწმუნოების გავრცელება სისასტიკით დახმარებით მაინც შეეჩერებია. მაგრამ ყველა ამის მიუხედავად ქრისტიანობა მაინც ვრცელდებოდა: არა მარტო უბრალო ხალხში პოპულარობდა იგი მიმდევრებს, არამედ საზოგადოების უმაღლეს წრეებშიც შეიქრა და აქ მრავალი მომხრე მოიპოვა. თვით დიოკლეთიანეს კეისარი, კოსტანციუს ქლორუსი უგულოდ ეკიდებოდა იმპერატორის ედიქტს ქრისტიანთა შევიწროების შესახებ. მისი მეუღლე, ელენე მზურვალე ქრისტიანი იყო, ხოლო მისი შვილი, კოსტანტინე იმთავითვე ქრისტიანების მოსარჩლედ გამოვიდა. იგი ნათლად ხედავდა, თუ რა ძლიერ ფესვებს იკიდებდა ხალხში ახალი სარწმუნოება; ხედავდა იმასაც, თუ რა დიდი გავლენა ჰქონდა უბრალო მოწმუნებზე სამღვდლოებას, და ამიტომ მან გადასწყვიტა, თავისი ბატონობის და სახელმწიფოს მოლიანობის საფუძვლად ქრისტიანი სამღვდლოების გავლენა და ქრისტეს სარწმუნოების მიმდევრების პატივისცემა გამოეყენებია. კოსტანტინემ ჯერ კიდევ 213 წელს გამოსცა ცნობილი ედიქტი მილანში, რომლის ძალითაც რომში სრული სინდისის თავისუფლება შემოიღო: „სრულ თავისუფლებას ეანიჭებთ ქრისტიანებს და ყველას, რა სარწმუნოებაც სურთ, ის იწამონ“-ო, იყო ნათქვამი ედიქტში. ამგვარად, ქრისტიანთა ღვეწის ხანა დასრულდა და ახალი, თავისუფალი ხანა დაიწყო. 321 წელს კვირა ღვთის უქმობის კანონი გამოიცა, და ამგვარად ქრისტიანობამ სახელმწიფოში უპი-

რატესი მდგომარეობა მოიპოვა. თვითონ კოსტანტინე ჯერ კიდევ არ მონათლულა: წარმართულ ტაძრებთან ერთად იგი ქრისტიანთათვისაც აგებდა სამლოცველოებსა და ტაძრებს, და ამ უკანასკნელთ იმავე უფლებებს ანიჭებდა, როგორც წარმართთა ტაძრები სარგებლობდნენ: თავშესაფარის უფლება და შეფუვალობა (იმუნიტეტი ე. ი. გადასახადთაგან განთავისუფლება) ქრისტიანების ტაძრებსაც მიეცათ.

რა იყო მიზეზი ქრისტიანობის ასეთი გამარჯვებისა?

1. რომის საზოგადოებაში, როგორც ვიცით, შრომის უნარი სრულიად დაიკარგა. მუდმივი მცონარეობა და უსაქმურობა განცხრომისა და სიამოვნების ძიებას მოითხოვდა, და რომაელებიც არაფერს არ ზოგავდნენ ამ სიამოვნების მოსაპოვებლად: მათი გასართობები და აღვირახსნილი გარყენილება საარაკო იყო. მაგრამ ასეთი ცხოვრება მათ ხანგრძლივად ვერ დააკმაყოფილებდა. მართლაც, რომში ამქვეყნიური ცხოვრების უკმაყოფილება თანდათან იზრდებოდა, და სასოწარკვეთილი რომელი ახალი ცხოვრების ძიებას იწყებდა. ასეთს ახალს სწორედ ქრისტეს სარწმუნოება იძლეოდა, რომელიც საამქვეყნო ცხოვრებას ზურგს უბრუნებდა და ადამიანს საიქიო მარადიული ცხოვრებისაკენ მიუთითებდა.

2. გარდა ამისა, ქრისტონიაბა ღარიბ-ღატაკთა სარწმუნოება იყო ე. ი. სარწმუნოება საზოგადოების დიდი უმრავლესობისა, რომელსაც საქაო ცხოვრების პირობები არაფერს საიმედოს არ უქადიდნენ; ამ ხალხს ნუგეშისა და იმედის სიტყვები პირველად ქრისტეს მოძღვრებაში მოესმა.

3. აღსანიშნავია ისიც, რომ ქრისტეს სარწმუნოებას არსებითად მსოფლიო ხასიათი ჰქონდა. თუ წინედ არსებული რელიგიები ადგილობრივ საზღვრებს ვერ სცილდებოდნენ, ქრისტემ თავის მოწაფეებს ახალი მოძღვრების მთელი დედამიწის ზურგზე გავრცელება დაავალა. რომის პოლიტიკური მდგომარეობა ქრისტიანობის მსოფლიო სარწმუნოებად გახდომას ძლიერ უწყობდა ხელს, ვინაიდან რომის საზღვრებში თითქმის

მთელი იმდროინდელი მსოფლიო იყო გაერთიანებული და რომში ქრისტიანობის სახელმწიფო რელიგიად გამოცხადება მის მთელი იმპერიის სარწმუნოებად აღიარებას ნიშნავდა.

4. რომის კანონმდებლობაში, რომელიც საერთოდ ქრისტიანთა წინააღმდეგ იბრძოდა, იყო ისეთი მხარეც, რომელიც შეძლებას აძლევდა ქრისტიანებს, სასტიკი დევნის მიუხედავად, თავისი მოღვაწეობა მაინც გაედლიერებიათ. რომში, როგორც უკვე ვთქვით, რესპუბლიკის უკანასკნელი ხანიდან დაწყებული, სხვა და სხვა წრეები და ორგანიზაციები ჩაისახნენ. იმპერატორებმა (მაგ. ავგუსტუსმა) ასეთი ორგანიზაციების მოწყობა აღკრძალეს, მაგრამ ეს აღკრძალვა სრულიად არ ეხებოდა ისეთს ურთიერთ-დამხმარე საზოგადოებებს, როგორიც იყვნენ მაგალითად ეხლანდელი სამარხი კასების მსგავსი საზოგადოებები. რა თქმა უნდა, ასეთი ორგანიზაციის წევრთა უდიდესი უმრავლესობა ლარობ-ლატაკთავან, უბრალო მუშათავან, ლიბერტინებისა და მონებისაგან შესდგებოდა. ქრისტეს მოძღვრება-კი სწორედ ასეთი ხალხის წრეში იკიდებდა ფეხს, და მალე ეს ორგანიზაციები ქრისტიანობის გავრცელების ბუდედ გარდაიქცნენ. მათმა სისაფლაოებმა, ე. წ. კატაკომბებმა (აკლდამებმა), როგორც ცნობილია, პირველი საუკუნეების ქრისტიანთა ცხოვრებაში საკმაოდ დიდი როლი შეასრულეს.

კონსტანტინეს მემკვიდრენი. კონსტანტინე დიდი რომის იმპერიას თავის პირად საკუთრებად სთვლიდა და თავისი სიკვდილის წინ იგი თავის შვილებსა და დისწულებს შორის გაჰყო. იმპერიისათვის ეს, რასაკვირველია, დიდი უბედურება იყო: კონსტანტინემ ამით საკუთარი ხელით გაუთხარა საფლავი იმ დიდ საქმეს, რომელსაც მთელი თავისი ძალები შეაღია; ძლივსძლივობით გაერთიანებული და დამშვიდებული იმპერია კვლავ დანაწილდა და ხელახლა ანარქიის სარბიელად გარდაიქცა. არ გასულა დიდი ხანი, რომ მემკვიდრეებს შორის უთანხმოებამ იჩინა თავი, და მალე სამოქალაქო ომებიც-კი დაიწყო. ეს შინაური განხეთქილება, რა თქმა უნდა, იმპერიის



კ ა ტ ა ნ ტ ი ნ ე ს მ ე მ კ ვ ი დ რ ე ნ ი (რომაელ ემპერატორის სასაფლაო მ საუკ.)

მტრებისათვის ძლიერ ხელსაყრელი აღმოჩნდა: აღმოსავლეთით ხელახლა და დიდის წარმატებით სპარსელები ამოძრავდნენ, დასავლეთით—კი გერმანელი ტომების თარეშს წინ ველარაფერი ელობებოდა: ერთ-ერთი გერმანელი ტომი, გუთები თვით იმპერიის საზღვრებშიც—კი იყვნენ დასახლებულნი. ამ ხნის განმავლობაში იმპერიის სრულ დაცემამდე რომში სულ მხოლოდ ორი მნიშვნელოვანი იმპერატორი მოღვაწეობდა. პირველი იყო იულიანუსი და მეორე—თეოდოსიუსი.

იულიანუს აპოსტატა (355—361). კოსტანტინეს მემკვიდრეთა საშინაო ომების დროს კოსტანტინეს ძმისწული, ექვსი წლის იულიანუსი სრულიად შემთხვევით გადაურჩა სიკვდილს. ოც წლამდე იგი საშინელ პირობებში ცხოვრობდა: იქვიანი იმპერატორი, რომელიც ქრისტეს სარწმუნოებას აღიარებდა, სდევნიდა მას და სტანჯავდა. იულიანუსს უკვე იმ ხანებში ჩაესახა უნდობლობა ქრისტიანობისადმი. ხალო როდესაც ოცი წლის შეიქმნა და ძველის, კლასიკური მწერლობისა და ფილოსოფიის შესწავლას დაეწაფა, მასში საბოლოოდ მომწიფდა აზრი, თითქოს ძველი წარმართობა ქრისტიანობაზე გაცილებით მაღლა იდგა. იგი დარწმუნებული იყო, რომ თუ წარმართობას მისთვის უცხო ელემენტებს ჩამოაშორებდნენ, თუ სამღვდლოება თავის ბიწიერ ცხოვრებას თავს დაანებებდა და სახელმწიფოც მას დახმარებასა და მფარველობას გაუწევდა, ძველი წარმართობა კვლავ ფეხზე დადგებოდა და ქრისტეს სჯულს სძლედა. ეს რწმენა იულიანუსმა შემდეგში, როდესაც იგი გაშეფდა, თავისი პოლიტიკის საფუძვლად გამოიყენა.

სანამ იმპერატორად ვახდებოდა, იულიანუსი გალიაში კეისრად იქმნა დანიშნული. აქ საშინელი არეულობა წარმოებდა, და გერმანელი ტომები რეინის აქეთ უშიშრად დათარეშობდნენ. გამოუცდელმა იულიანუსმა, რომელსაც მანამდე ეროსოფიისა და რელიგიის მეტი არაფერი აინტერესებდა, ერთაბაშად ძლიერი ნებისყოფა და პირველხარისხოვანი სარდლის ნიჭი გამოიჩინა და მკირე ხნის განმავლობაში გალია საფსებით დააწყნარა. შურით აღესილმა იმპერატორმა მას თავის ჯართან ერთად აღმოსავლეთში წასვლა უბრძანა, სადაც სპარსელების დაწყნარება იყო საჭირო, მაგრამ ჯარმა იგი იმპერატორად გამოაცხადი, და იულიანუსიც სისხლას დაუღვრელად კოსტანტინეპოლში შევიდა.

მთელი თავისი ძალა ახალმა იმპერატორმა წარმართობის

აღდგენას შესწირა: ოფიციალურ კულტად აღმოსავლეთის ღმერთის, მიტრას კულტი გამოაცხადა, ტაძრები გააღვირნა და სხვერპლის შეწირვა განაახლებია. ქრისტიანების წინააღმდეგ საერთოდ მკაცრი ზომების მიღება მას საჭიროდ არ მიანდა: იგი დარწმუნებული იყო, რომ წარმართობის ცხადი უარს ტყესობა თავისთავად მოსობდა ქრისტეს მოძღვრებას გაკლენას. მაგრამ იგი ცდებოდა: ქრისტეს სარწმუნოება მუდროსაც სწრაფი ნაბიჯით ვრცელდებოდა. ქრისტიანებმა მკაცრითი სარწმუნოებრივი პოლიტიკისათვის აპოსტატა უწოდდნენ.

საგარეო საქმეთა შორის უპირველესი მნიშვნელობა სპარსელების დაწყნარების საკითხს ჰქონდა. იულიანუსმა პირადად გაილაშქრა მათ წინააღმდეგ, სძლია მათ რამდენიჯერმე, მაგრამ ერთ-ერთი ბრძოლის დროს თავითონ იქმნა დაჭრილი, და 363 წ. მეფე-ფილოსოფოსი გარდაიცვალა.

თეოდოსიუს დიდი. იულიანუსს მემკვიდრედ არავინ დაუტოვებია. ამიტომ 363 წლიდან იმპერიაში ხელახლა არეულობა დაიწყო. გარეშე მტრები განსაკუთრებული ძალით მოაწვევენ საზღვრებს და რომის იმპერიას მოსვენებას არ აძლევდნენ. თვით იმპერიას ხელახლა ორი იმპერატორი გაუჩნდა: ერთი აღმოსავლეთს განაგებდა და მეორე—დასავლეთს.

აღსანიშნავია, რომ 375 წელს, ჰუნების შემოსევის გამო, იმპერიას აღმოსავლეთით გერმანელი ტომი, ვესტგუთები მოაწვევენ, რომელნიც მანამდე დაკიაში ბინადრობდნენ. მაშინდელი აღმოსავლეთის იმპერატორი (ვალენი) იძულებული შეიქმნა, ამ ხალხისათვის საცხოვრებელ ადგილად თრაკია დაეთმო. მაგრამ ვესტგუთები მალე აჯანყდნენ და 378 წელს ადრიანე-პოლთან იმპერატორის ჯარი დაამარცხეს, ხოლო თვით იმპერატორი მოჰკლეს. ამის შემდეგ აღმოსავლეთის იმპერატორად ბრიტანიის ომებში სახელგანთქმული ისპანელი, თეოდოსიუსი იქმნა დანიშნული, რომელმაც ვესტგუთები დააწყნარა, შემდეგ დასავლეთის იმპერატორი ტახტიდან ჩამოაგდო და ამგვარად რომის იმპერია ხელახლა გააერთიანა.

მაგრამ იმპერია არსებითად ორს ნაწილად იყო გაყოფილი, რომელთაც საერთო ერთმანეთს შორის საოთლიც არაფერი ჰქონდათ: დასავლეთი როგორც კულტურულად, ისე ეკონომიურადაც განსხვავდებოდა, აღმოსავლეთისაგან, და ეს განსხვავება ისე შორს მიდიოდა, რომ მათ სარწმუნოების მხრივაც უთანხმოება ჰქონდათ: დასავლეთში არიელო-


ბა იყო გავრცელებული, ხოლო აღმოსავლეთში მართლმადიდებლობა. ასეთ პირობებში რომის იმპერიის მთლიანობის დაცვა შეუძლებელი იყო, და როდესაც თეოდოსიუსი გარდაიცვალა, ეს მთლიანობაც საბოლოოდ დაირღვა.

თეოდოსიუსმა თავისი სახელმწიფო ორს თავის შვილს დაუტოვა: არკადიუსს — აღმოსავლეთი ტერიტორიის — დასავლეთით. თეოდოსიუსს, რა თქმა უნდა, სახელმწიფოს დანაწილება არ ჰქონდა აზრად: მან მხოლოდ ძველი წესი განაახლა, რომელიც პირველად დიოკლეტიანემ შემოიღო; ორივე იმპერატორს სახელმწიფო თანხმობით უნდა ემართათ და მისი მთლიანობა დაცვით. მაგრამ ფაქტიურად, როგორც ვიცით, იმპერია უკვე ორს დამოუკიდებელ ნაწილად იყო გაყოფილი, და მისი პოლიტიკური მთლიანობის დაცვა რომელსამე ძლიერ პიროვნებას თუ შეეძლო და ისიც დროებით. მეხუთე საუკუნეში-კი ასეთი ძლიერი პიროვნება რომის საიმპერატორო ტახტს არც ერთხელ არ ჰყოლია. ეს იყო მიზეზი, რომ თეოდოსიუსის შემდეგ აღმოსავლეთი და დასავლეთი ნაწილი იმპერიისა პოლიტიკურად აღარ შეერთებულან. ამიტომ, შეიძლება ითქვას, რომ რომის იმპერიის ორს პოლიტიკურად დამოუკიდებელ სახელმწიფოდ გაყოფვა თეოდოსიუსის გარდაცვალების წელს (395) მოხდა.

ხალხთა გადასახლების შედეგები, რომელიც აღმოსავლეთში დაიწყო, განსაკუთრებით დასავლეთის იმპერიამ იგრძინო. აქაური მიწაწყალი, აქაური ჯარი, აქაური მოხელეობა თათქმის სავსებით თანდათანობით გერმანელი ბარბაროსების ხელში გადავიდა, თუმცა სახელმწიფო მაინც რომაულად ითვლებოდა და იმპერატორები რომის იმპერატორებად იწოდებოდნენ. არსებითად კი სახელმწიფოს ერთადერთს მნიშვნელოვან ძალას ბარბაროსები შეადგენდნენ, და, მაშასადამე, რომის სახელწოდების მეტი პლარაფერი იყო ღარჩენილი. ასეთი შეუფერებელი მდგომარეობა დიდხანს ვერ გაგრძელდებოდა და, როდესაც 476 წელს რომის იმპერატორი, რომულუს ავგუსტულუსი გერმანელი ტომის, გერულუმის მეთაურმა, ოდოაკრმა ტახტიდან ჩამოაგდო, მაშინ საბოლოო ოფიციალური გამოხატულება მიეცა მას, რაც ფაქტიურად უკვე დიდი ხანი მომხდარი იყო. ამერიიდან დასავლეთი რომის იმპერია აღარ არსებობდა.

უმაჯრის კოჩეხურულ შეცდომათა ბასწორება

(ეს შეცდომები წიგნის კითხვის დაწყებამდე უნდა შესწორდეს)



გვ.	ხტრიქ.	დაბეჭდილია:	უნდა იყოს:
15	10	რომელთანაც	რომლებთანაც
34	1	პორსენმა	პორსენამ
34	5	რომელიმე მათგანი სის- რულეში ვერ მოიყვანოს	ერთ-ერთი მაინც სის- რულეში ვერ მოიყვანოს
34	29	ბანაკი და ჯარი	ბანაკი, და ჯარი
36	63	უდრო	უფრო
36	21	პოს	პაღუსის
36	29	კაპიტოლიმ	კაპიტოლიუმმა
37	23	auffragio	suffragio
40	19	ჭერაკლებთან	ჭერაკლებთან
41	30	მაგრამ ათი წლის შემ- დეგ	მაგრამ არ გასულა ათი- წელი, რომ
42	1	უკანასკნელის	უკანასკნელს
44	6	თობაში და,	თობაში, რაც
44	16	კულტურულ	კულტურულ
45	21	კურიატკომიციებში	კურიატკომიციებში
45	28	კურიატკომიციები	კურიატკომიციები
46	12	კამიციების	კომიციების
47	3	რიატკომიციებში	რიატკომიციებში
48	21	მოვალეობა	დავალეობა
51	3	მაგისტრატა	მაგისტრატთა
52	21	მომ	მო-
53	22	პლებს	პლებსს
56	1	pullicus	publicus
58	17	(264—21)	(264—41)
64	7	ამავე დროს	ამასთანავე
65	6	წელს კალსულების	წლის კონსულების,
66	25	მისთვის ზავი	ზავი
70	9	პრეტენტებს	პრეტედენტებს
73	24	ისე მოხდა	ასე მოხდა
73	29	შემთხვეა	შემთხვე-
73	30	პარტიი	პარტია
75	9	gublicus	publicus
78	2	გრაჯი	გრაჯი
81	13	მიწათმფლობელთა	მიწათმფლობელთა
82	2	ყოფილიყო განაწი- ლებული	ყოფილიყვნენ განაწი- ლებულნი
82	11	წოდების მხრივ	წოდების მხრივაც
82	30	გებმა	გებმა
83	1	რომის მოქალაქეთათ- ვის	რომის სხვა მოქალა- ქეთათვის



83	26	მთელი თავისი ხასიათი	თავის ხასიათი
89	29	ომის, წარმოება	ომის წარმოება
90	14	(აკვასექტასთან)	(აკვასექტასთან)
92	9	მიტრადატ	მიტრადატ
95	3-4-5	არაჩვეულებრივი ვაე- კაცობა და კეკეა მას დიდ მომავალს უქა- დიდა. მაგრამ	ეს სრულიად ამოიშა- ლოს
96	3	ერთი-ერთი	ერთ-ერთი
97	5	იყენენ	იყენენ
98	18	გარების მოყვარების მსხვერპლად	გარების სხვერპლად
99	8	მეორე ალბანიის	მეორე, ალბანიის
102	10	პომპეიუსს	პომპეიუსს
103	5	პომპეიუსი	პომპეიუსი
103	21	პომპეიუსმა	პომპეიუსმა
106	1	დრიუდები	დრიუდები
106	2	მთელი გალიის	ივინი მთელი გალიი
106	3	დრიუდები საერთო	საერთო
109	3	პტოლომეოსის	პტოლომეოსის
111	17	ე. წ. ანონა	ე. წ. ანონა
112	15	ადიდებდენ	ადიდებდენ
112	29	დამატკიცებულ	დამამტკიცებულ
133	8	მოგზაურობას, და	მოგზაურობასა და
135	1	არავითარი	არავითარი
135	9	ყოველს კანონსა	ყოველს სხვა კანონსა
135	32	ისტორი მცირე	მცირე
138	25	სეიანუსს,	სეიანუსი
139	11	ფრეფექტი	პრეფექტი
139	27	გერმანულ	გერმანულ
144	5	მოაწყო	მოეწყო



ს ა რ ჩ ე ვ ი:



წინასიტყვაობა	1	გრაკები	77
I. ძველი იტალია, მისი მოხაზ- ღეობა და სარწმუნოება	6	უკიდურესი დემოკრ. პარტია	80
II. შეფუების ხანა	13	მოკავშირეთა ომი	83
რომის დაარსება	14	ობტიმატები, სულა	84
რომულუსის მართვა-გამგეო- ბა	14	ცინა, მარიუსი	85
ნუმა პომპილიუსი	16	სულას დიკტატურა	86
სერვიუს ტულუსი	17	საგარეო ომები	88
ტარქვინიუს ამაყი	18	ომები დასავლეთით	88
უძველესი რომის წესწყობილე. ბა	18	კიმბრები და ტევტონები	89
III. რომი რესპუბლიკა	22	ალმოსავლეთის ომები	91
სახელმწ. წესწყობილება	22	პირველი ტრიუმვირატის ხანა	94
წოდებათა ურთიერთ შორის დამოკიდებულება	24	პომპიუსი	94
პლებების უფლებათა გაფარ- თობა	26	კატლინას შეთქმულება	101
დეცემვირატი	28	კეისრის მოღვაწეობა	102
საგარეო პოლიტიკა	31	მეორე ტრიუმვირატის ხანა	116
ა. თავდაცვითი ომების ხანა	42	ოკტავიანი	11
ბ. შეტევითი ომების ხანა, იტა- ლიის გაერთიანება	35	მეორე ტრიუმვირატი	11
იტალიის მართვაგამგეობის მო- წესრიგება	42	ოკტავიანის გაბატონება	118
იტალიის გაერთიან. შედეგები	43	VI. იმპერატორების ხანა	
დემოკ. წესწყობილება რომში	45	A. რომის იმპერია 285 წ. ქ.შ.	120
ა. კომიციები	45	ოკტავიუსი	120
ბ. მაგისტრატურა	48	რომის საზოგად. ღ. ზნეჩვ.	126
გ. სენატი	50	ხელოვნება, ლიტერატურა, ფილოსოფია	131
დ. სასამართლო	52	ტიბერიუსი	137
ე. სამხედრო ორგანიზაცია	53	კალიგულა, კლავდიუსი, ნე- რონი	140
IV მსოფლიო ბატონობის მოპოე- ბა	56	ფლავიუსები	144
კართაგენი	56	ლევინონთა ბატონობა	144
პუნიური ომები	58	ვესპასიანუსი	144
მაკედონია და საბერძნეთი	67	ტიტუსი	145
V. რევოლუციის ხანა	70	დომიციანუსი	147
შინაგანი ცხოვრების პირობა- თა შეცვლა მსოფლიო ბა- ტონ. გამო	70	ანტონინუსები	147
		ნერვა	147
		ტრაიანუსი	147
		ჰადრიანუსი	150
		ანტ. პიუს და მარკუს ავრე- ლიუს	153
		კომოდუს	155
		ჯარის ბატონობა და ანარქია	156
		B. აბსოლუტიზმი და ქრისტ.	158
		დიოკლეტიანე და ტეტარქია	158

კონსტანტინე დიდი	165	თეოდოსიუს დიდი	171
ქრისტიანობის ვაერცელება და		კორექტურულ შეცდომათა გახ-	
მისი მიზეზები	165	წორება	173
კონსტანტინეს მემკვიდრენი	168	ხარჩევი	175
ილიანუს აპოსტატა	170		



83

0103/1



ფანკი 220 856.